



der meiste theil der welt ist in der christenheit
getheilt. die welt ist in drey theile getheilt
in asien in europa in africa. in asien
sind die christen in drey theile getheilt
in die griechen in die armenier in die
indier. in europa sind die christen in
drey theile getheilt in die römischen
in die griechen in die protestanten. in
africa sind die christen in drey theile
getheilt in die armenier in die griechen
in die protestanten. die welt ist in
drey theile getheilt in die christenheit
in die jüden in die heiden. die christenheit
ist in drey theile getheilt in die griechen
in die armenier in die protestanten. die
jüden sind in drey theile getheilt in die
pharisäer in die sadduceer in die essener.
die heiden sind in drey theile getheilt
in die griechen in die römischen in die
indier. die griechen sind in drey theile
getheilt in die griechen in die armenier
in die protestanten. die römischen sind
in drey theile getheilt in die römischen
in die griechen in die protestanten. die
indier sind in drey theile getheilt in die
indier in die griechen in die protestanten.

die welt ist in drey theile getheilt
in die christenheit in die jüden in die
heiden. die christenheit ist in drey
theile getheilt in die griechen in die
armenier in die protestanten. die jüden
sind in drey theile getheilt in die
pharisäer in die sadduceer in die essener.
die heiden sind in drey theile getheilt
in die griechen in die römischen in die
indier. die griechen sind in drey theile
getheilt in die griechen in die armenier
in die protestanten. die römischen sind
in drey theile getheilt in die römischen
in die griechen in die protestanten. die
indier sind in drey theile getheilt in die
indier in die griechen in die protestanten.

Druck in der K. Hof- und Landes-
Druckerei in Wien. D. 1791. 1. 1.
Jahrgang. 1. 1. 1.

Es Hochberümptesten Ge-
schicht schreybers Justini / war
hassige Hystorien / die er auß Trogo Pompeio gezogē / vñ
inn Vierzig vier Bücher außgeteylt / darinn er von vil Kū-
nigreychen der welt / wie die auff vnnd abgang genomen /
beschryben. Die Hieronymus Boner der zeyt Schultheys
zü Colmar / auß dem Latein inn diß volgend Teütsch vertolmetscht hat /
welche nit allein zū lesen lustig / sonder einem yeden menschen
zü wysen nützlich vñ not ist.

NINVS.

ALEXANDER. M.



Mit Keyserlicher Mayestat Gnad vnd privilegio. Gedruckt zū Augspurg durch Heynrich Steyner
M. D. XXXI.



Fr Carl der Fünfft von Gottes genaden
Römischer Keyser zu allenzeyten

merer des Keychs ic. in Germanien zu Hispanien /
bayder Syccilien zu Hierusalem / zu Hungern / Dal-
matien / Croatien ic. König / Erzherzog zu Ofter-
reych / Herzog zu Burgund ic. Graue zu Habsburg /
Flandern vnd Tyrol ic. Bekennen öffentlich mit dis-
sem Brieff / vñ thün kund aller mánigklich / Nach dem

vnser vnd des Keychs lieber getrewer Hieronymus Boner Schultheys zu
Colmar den beflissnen zum lesen / vñ also gemeinem nutz zu gút / den achtbarn
vnd künstlichen Hystoriographum oder geschicht schreyber / als nemlich Ju-
stinum auß dem latein / in die Hoch teütschsprach transferiert / vnd nu im wil-
len hatt / das selbig Búch in den Druck pringen / vñnd öffentlich auß gehen zu
lassen / Vñ aber besorgt das sollich Búch / so das im Druck außgeet / durch an-
der Trucken als bald nachgedruckt werde / dardurch dann der erst Trucken
dem er das beuolhen / derhalben seyner gehalten mühe vnd kosten / inn nach-
theyl kommen würd / vnd vns darauff demütigklich angerúffen / vnd gebet-
ten / das wir im inn sollichem mit gnediger fürsehung zu erscheinen geruchten
Das wir demnach angesehen / sollich demütig vnd pillich bitt / vnd darumb
dem obgenanten Boner dis vnser Privilegium gegeben vñnd verlyhen / wye
wir dann solliches hiemit von Römischer Keyserlichen macht inn krafft dits
brieffs gegeben vñnd verlyhen / Also das solliches obgenants Búch durch ge-
nanten Boner verteütscht / in Sechs Jaren den nechsten nach dem dye vom
Truck (den er verordnen wirt) außgeen / nyemants nachdrucken / oder auch
also nachgedruckt zu saylem kauff tragen noch verkauffen soll / Vñnd gepiet-
ten darauff allen Truckern vñnd Búchfürern von Römischer Keyserlichen
macht / bey Zehen Marck lötzigs Golds (halb in vnser Keyserliche Camer /
vñnd den andern halben theyl dem obgenanten Boner vnabschleglich zu be-
zalen) hyemit ernstlich / vñnd wóllen / das jr den obgenanten Hystoriogra-
phum (nach dem er durch verordnung gemelts Boners inn den Truck ver-
ordent / vnd außgehen wirt) inn obbestympter zeytt der Sechs Jaren / nicht
nachdrucken / oder also nachgedruckt sayl haben / noch verkauffen / in gar kein
weg / als lieb euch allen vñnd yedem sey obgemelte peen / auch darzu verlye-
rung obgedachter nachgetruckten Búcher / dye bertürter Boner / wo er die fin-
det / zu seinen handen pringen vñnd annemen mag / zuuer meyden / Das may-
nen wir ernstlich mit vñkundt dits brieffs mit vnserem Keyserlichen anhan-
genden Innsigel besygelt. Geben inn vñnser vñnd des Heyligen Keychs
Statt Augspurg / Am Sißenden tage des Monats Septembris / Nach
Christi vnser erslösers gepurt Tausent Fünffhundert vnd im Dreyßigsten /
Vnser Keyserthumbs im Zehenden / vñnd vnserer Reich im Fünffzehen-
den Jaren / Vnderscriben Carolus / Albertus Cardinalis Mog. ic. Arche-
cancellarius sz. Admandatum Cesaree et Catholice Maiestatis proprium
Alexander Schweys sz. Disen innhalt sampt allem meinem gewalt vñnd
freyheit hab ich obgemelter Hieronymus Boner ic. dem Heynrichen Stey-

ij ner / Burger

ner Burger / vnnnd Bächtrucker zu Augspurg / sich des an meiner statt zu ge-
brauchen / vbergeben / alles inn vnd mit krafft diser schrifft / die ich im zu zeug-
nus mit meinem Pütſchet beſyglet geben hab / zu Augspurg in der Stat den
xx. tag Octobris / Anno .xc. im Dreyſſigſten.



Dem Allerdurchleuchtigſtē / Groſ-
mächtigſten / vnd vnüberwüntlíchſten Fürſten vnd Herrn /
Herrn Carln dem Fünfftē erwelten vñ gekrönten Röm-
ſchen Keyſer / In Germanien zu Hispanien / beyder Sicilia-
en / Hieruſalem / Hungern / Dalmatien / Croatien ꝛc. Kün-
ig / Erzherzog zu Öſterreich / Herzog zu Burgundi / Graue zu Habſpurg /
Flandern vnd Tyrol ꝛc. vnſerm aller Gnedigſten Herrn / dern vnmaßigen
Mayeſtat erpeut ich Hieronymus Boner / diſer zeit Schultheys Ewr Key.
May. vnd des heyligen Keychſtatt Colmar meyn ſchuldigſt vnnnd aller vn-
derthänigſt dienſt. Aller gnedigſter Keyſer / nach dem vnd den jungen in den
füßdritten der eltern / vorab inn gütē herprachten ſyten vñ löblichen gewon-
heiten nach zu volgen / wolgezympt / auch miltiglich zu zelaſſen / vnnnd dann
vñz her was von Hystoriſcher Beſchreibung außgangen / gewonlich / vnd mit
vpillich den öbriſten heuptern vnd regierenden Fürſten zu ſonderm lob vñ
vererung / zugeſchriben vnd auffgeopffert werden / vmb willen auch / das der
ſchreyßer fleiß vnd arbeit von den hinderſichigen zungen der vppigen men-
ſchen (die dan / als Plinius ſagt / gleich wie der ſchlangen zungen ſtechen vnd
legen) vnbeleydiget bleib / vnd in anſehung der theürſten Fürſten namen / de-
nen ſollichs zu geſtelt / deſter glaubwürdiger geacht werden. Dieweil dan
die namhafft Hystoriuſt Justin durch mich auß dem latein inn das teutſch ver-
tolmetſcht worden / vnd der bemelt Justinus inn diſer Hystori / die er in vier-
zig vnnnd vier bücher außgeteilt / Vorab inn dem leſten büch die hochberühm-
tēſten Hyspanier land / vñ Künigreich vber all andere preyſet vnd lobet / vnd
dan E. Kay. May. dern aller einiger Künig vñ herꝛ iſt / ſo hab ich von meiner
erkantē ſchuldigſt pflicht / vñ aller pillichkeit wege diſe geteütſchte Hystori key-
nem andern gewiſt zu zeſchreibē / noch damit vndertheniglichſt zu vereeren /
dan allein E. Kay. May. groſmechtigſte miltigkeit / dern zu einem glückbe-
ſtändigen einzug / in dz heylig reich Teütſcher Nation / Als dern erbschafft / ich
die hiemit in aller vnderthenigſter demüt auffopffere / vñ vereere / die der all-
mechtig ewig vnnnd güttig Gott fürter (wie biſher wunderbarlichen beſche-
henn) geruch dermaſſen zu leyten vnd ſchirren / damit E. Kay. May. vorab
Gott zu gefallen / den gehorſamen vnderthanen zu nutz / ſchutz / vnd wolſart /
Dargegen den feynden vnnnd wyderwertigen zu ſhrem nachteyl vnnnd ſcha-
den inn langwiriger geſundtheyt / ſtätē ſyg vnnnd Tryumph / ſo Chriſtlich /
väterlich /

väterlich/vnd dapffer regiern/das die nach disem das ewig reich erlangen
mögen. Hieranff aller Christlichster Keyser/aller Gnedigster Herr/einzige
vnd wunnnsame hoffnung vnd züflucht aller gehorsamen vnderthanen/ So
wölle E. Kay. May. auß milter angeborner Keyserlichen gnad vnd tugent
gnedigklichst geruchen/dis mein aller vnderthenigste/gehorsamste (wiewol
aller kleinste) vererung/mit gnedigster styren inn gnaden anzunemen/vnd
inngedenck zusein. Datum Augspurg den letstenn tag Septembris des
Herbstmonats/Anno 1c. 1530.

Erwer. Key. May.

Vnderthänigster

Der statt Colmar Schultheys
Hieronymus Boner.

Register vber das Buch Justini/welchs

getheylt ist in Vierzig vnd vier Bücher/vnd die sum
der Hystorien eins yeglichen büchs nach
zal der bleter bald zu synden.

Das Erst Buch

Von dem künig Nyno / wye 8 zum
ersten sein künigreich geweyttert / vñ
welliche er zum fordersten vberzogen
hat. Am Erste blat

Das II büch

Von den Scythiern / Egyptiern vñ
Amazonern / vnd auch wie sy der künig
Darius vberzogen vnd sich flüch
tig wider dauon gemacht hat. vj

Von denen von Athen vñ ien theu
ren ritterliche gethaten / was sy auch
von ien Tyrannen leyden müsten /
auch von iem vsprung vnd herkom
men ix

Wie der künig Xerxes auß Persi
en vmb des grossen schadens willen /
den die von Athen seinem vatter auß
dem feld Marathō bewysen / in Grie
chen gezogen vnd vberwundē ist xi

Das III Büch

Wie der künig Xerxes vmbpracht
vnd von seinem sun Artaxerxes gero
chen worden ist. xv

Von den Lacedemonern / vnd wie
sy wider die Messenier vñ die von
Athen gestritten haben xvi

Das IIII Büch

Von der Inseln Sicilien / vnd der
ren gelegenheit / auch wie die von A
then so vnglücklich darinn gestritten
haben xix

Das V Büch

Wie sich die von Athen ier feinde
langzeit ritterlich erwert / vñ mit
stātem sig abgenossen haben xxi

Das VI Büch

Wie die von Athen widerumb für
sten worden seind vber das Griech
en lande xxv

Das VII Büch

Von dem lande vñnd künigreich
Macedonien / Vnd wie sich der künig
Philip des grossen Alexanders vat
ter gehalten xxix

Das VIII Büch

Wie die Griechischen stett vñnder
einander gestrytten vñnd verderbet
seindt / darauff sye der künig Philip
gang vberwunden hat xxxi

Das IX Büch

Wie der künig Philip Bysang be
legert / die Scythier bestrytten / auch
die von Athen vberwunden / vñ wye
er sein end genommen hat xxxiiij

Das X Büch

Von dem Persier künig Artaxer
xes / vnd seinen kinden / auch wer der
künig Darius gewesen ist / wider den
der groß Alexander gestritten xxxv

Das XI Büch

Von den Mannlichen thaten des
grossen Alexanders xxxviij

Wie der groß Alexander sich wy
der die Persier gerüst / vñnd zūnor vil
seiner freunden vmbpracht / auch wie
er den künig Darius vberwunnden
hat xxxix

Das XII Büch

Was in abwesen des grossen Ale
xanders sich in dem Griechen lande /
auch in Italien vnd gegen den Scy
thiern begeben / Vnd wie der künig
Alexander sein besten freund hynder
dem wein vmbpracht xliij

Das XIII Büch

Was sich nach des grossen Alexan
ders tod begab / vñder seynen fürsten
vñ nachkommenden xlix

Das xliij

Register

Das XIII. Buch

Wie der Fürst Lumenes vñ Antigono dem Fürsten vmbpracht/ vñnd auch wie die Königin Olympias getödtet wurde

Das XV. Buch

Von den Königen Ptolemeo inn Egypten Antigono vñnd Seleuco/ Auch Lysimacho vñnd Cassandro

Das XVI. Buch

Wie die todtschleger des grossen Alexanders vmbpracht wurde/ auch von der statt Heraclea

Das XVII. Buch

Von dem König Pyrro vñnd seinem künigreich/ auch wie er den von Tarent wider die Römer zu hilff kame

Das XVIII. Buch

Wie die Römer von dem König Pyrro vberwunden/ vñ wie er darnach in Sicilien zoch

Von der statt Carthago/ wann vñ von wem die gebawen ist

Das XIX. Buch

Was darn von Carthago haupt/ leüt in Sicilien gehandelt

Das XX. Buch

Von dem König Dionysio in Sicilien vñnd Pythagoza

Das XXI. Buch

Von dem jungen künig Dionysio inn Sicilien vñnd seiner Tyranny/ darumb er vertriben/ vñnd zu einem schülmayster ward

Das XXII. Buch

Von dem künig Agathocles in Sicilien/ was glücks vñnd vnfalls er erlitten hat

Das XXIII. Buch

Von dem tod des künigs Agathoclis/ Auch wie es dem künig Pyrro ergienge/ Auch von dem künig Syeron

Das XXIII. Buch

Von dem künig Ptolemeo Cerauno wie er sein Schwester name/ Auch von den Welschen/ die den tempel zu Delphos berauben wolten

Das XXV. Buch

Von dem tod Pyrri/ vñnd seinem Kitterlichen lob

Das XXVI. Buch

Von dem künig Antigono vñnd seinem sun Demetrio

Das XXVII. Buch

Von Antiocho Hierar vñnd seinem bräder Seleuco den künigen in Syrien

Das XXVIII. Buch

Von den Etoliern/ vñnd dem künig Antigono in Macedonien

Das XXIX. Buch

Von künig Philips in Macedonien/ wie der wider die Römer sich rüst dem Hannibal beystand zu thun

Das XXX. Buch

Von dem letzten künig Philips inn Macedonien/ wie der von den Römern vberwunden ward

Das XXXI. Buch

Von der flucht Hannibals/ auch wie der künig Antiochus vberwunden wurde von den Römern

Das XXXII. Buch

Von dem wie die Etolier vberwunden vñ Hannibal vmbpracht ist

Das XXXIII. Buch

Wie der Macedonisch künig Perseus von den Römern vberwunden

Das XXXIII. Buch

Wie die Achayer von den Römern vberwunden/ auch von den künigen Antiocho/ Demetrio vñ Prusia

Das XXXV. Buch

Von dem künig Demetrio inn Syrien/ vñnd wie er vertribe ward

Register

Das XXXVI. Buch
Von Tryfo Antiocho vnd dem künig
Lumene im Asien/vnd wie M.
Crassus erschlagen ward/Auch wie
Attalus der künig sein mätter vnd ge
mahel tödten ließ. xcviij

Das XXXVII. Buch
Vß dem künig Mithridate in Pon
to/auch von seiner gepurt vnd regie
rung/auch wie er sein gemahel die kün
igin/mit gyfft (die sy im bereit het)
ymbpringen ließ. xcix

Das XXXVIII. Buch
Von dem künig Mithridate/auch
den künigen Antiocho vnnnd Deme
trio. ci

Das XXXIX. Buch

Von den künigen im Syrien/vnd
irer regierung. cvj

Das XL. Buch
Wie sich das Künigreich Syrien
geendet hat. cvij

Das XLI. Buch
Von den Parthiern vnd irem vrs
prung. cix

Das XLII. Buch
Von der Parthier regierung/auch
dem künigreich Armenien. cxij

Das XLIII. Buch
Von der stat Rom vnd Massilien
auch wer die gebawen/vnd irem
vrsprung. cxij

Das XLIII. Buch
Von dem land Hispanien/vnd sey
ner gelegenheit/vnd künigen. cxv

Ende des Registers.

Von dem König Nino / wie der zum ersten
seyn Königreich geweyttert / vnd welliche er zum
vordersten vberzogen hat.



Wanfang der völker vnd Natio-

nen / ist dye regierung vnnnd herschung bey den Königen ge-
standen / Welliche dann zu der hohen oberkeit diser maiestet
nit durch den vbermüt des gemeynen volcks / sonder durch
die scheynliche mässigkeit / vnder den erbern vnd frommen her-
fürgezogen seindt. Das gemeyn volck was nach der zeyt / mit keinen gesätzen
noch ordnungen gebunden / An statt des gesages het man den freyen willen
der König vnd Fürsten. Sy waren auch mer geneigt die ort vnd anstöß irer
Königreich zu beschyrmten / dan die selbigen zu weytteren / die Königreich wur-
den yedes in seinem vatterland geendet. Vnd hat also zum aller ersten der
König Nynus in Assyrien / die gewonheit der eltern vnd vordern völker / mit
einer newen begyrd zu herschen verwandelt / Nemlich zu vorderst seyne nech-
sten nachpauern mit krieg angegriffen / vnd also die länd vnnnd völker dye noch
vnerfahren waren / widerstand zethun / vnz in Lybien bezwungen. Dye el-
testen künig bey den zeytten seind gewesen / mit namen Verores der Egyptier
vnnnd Tanais der Scythier künig / da der ein vnz in Pontum / vnd der ander
vnz in Egypten aufzugen / Sy fürten aber ir krieg nit wider die nechst geleg-
nen völker / sonder in fern länden / Auch suchten sy nit in selbs die herschung
sonder irer völkern vnd vnderthanen / vaterlands / rüm vn eer / Sy lieffen
sich des sigs gnügen / vn stelten sonderlich nit nach der herschung.

A künig

Ninus in Assyrien

Im jar von
der welt an
3184

Verores in Egypten
Tanaïs in Scythien

Das Erst Buch

König Nynus in Assyrien bestetigt vnd befestiget die großmechtigkeit seyner
 gesuchten herschung/mit vil lande/Wan als er mit vberwyndung der nechst
 gelegnen landen/ye lenger yhe mechtiger vnd stercker worden/Ist er darnach
 für vnd für weytter an die nechsten lande gewachsen/Also das ye der nechst
 erlangt si/ge/instrument vnnnd werckzeug was/der nachuolgenden vber
 wyndung/der gestalt hat er alle völker in Orient vnder seine gewalt pracht.
 Den letzten krieg führt er wider der Bactrianer künig Zoroastes geneiet/der
 dann (als man sagt) zum ersten die schwarz kunst erfunden/defgleichen dye
 anfang der welt/vnd des hymels lauff mit allem fleiß durchspähet hatt/nach
 dem er disen yetzgenanten künig Zoroastes vberwunden vnd erschlagen/hat
 er nit lang darnach gelebt/vnnnd hynder im verlassen seynen sun Nynum/der
 noch ein kind gewesen/Darzu desselbigen mäter die künigin Semiramis die
 gethorst nu nicht wol irem jungen sun das künigreich zu regieren vbergeben/
 noch dasselbig durch sich selbs offenbarlich verwalten/die weyl so vil Natio
 nen vnd völker gar kaum einem mann mit gedult gehorsam/sonder noch vil
 mynder einem weyßbild vnderthänig sein würden/Darumb erzeygt sy sich
 für iren sun Nynū/Vnd den selbigen iren sun die frau sein/wan sy waren beyd
 fast einer gleychmässigen gestalt vnd größe/darzu einer gleichen sprach vnnnd
 stym/auch eines gleychförmigen angesichts.Darumb bedeckt sy iren leyb mit
 langen kleydern/vnd das haupt mit dicken hauben/vnd auff das man nit ge
 decht/das sy mit der newen kleydung etwas verdecken wolt/Da gabe sy dis
 Mandat/das man die gemain Burgerschafft in gleiche kleydung bringen solt
 Darumb so hat das Assyrier volck alles de geprauch diser kleydung angenom
 men/Der gestalt hat die künigin Semiramis im ersten anfang irer regierug
 disen betrug erzeigt/das man sy für den sun gehalten/vnnnd hat sye demnach
 groß that vnnnd sachen volbracht. Vnd als sy nu vermeint/das sy mit yhren
 großmächtigen geschichten / allen has vberkommen vnd vberwunden/Da
 hat sy sich erst bekant/wer sy gewesen/vnd für wen sy sich aufgeben vnnnd er
 zeygt hett/das so dann ir künigklich wyrtde nit entzogen/sonder vil mer lob
 vnd verwundern pracht/Das ein frau mit so vil Ritterlichen tugenden/nit
 allein die frauen/sonder auch die mann vbertroffen. Es hatt auch dyse
 frau vnd künigin/die statt Babylonia gepawen/dye mit eyner mauren von
 gebachnen steinen vmbgeben/mit sand vñ bech vermischet/das dan an dem sel
 ben end wachset. Sunst hat sy auch gar vil mer löblicher sachen volbracht/
 dann sy liesse sich nit genügen/des mechtigen künigreichs/das so der Künig
 Nynus verlassen/sonder hat sy darzu auch Ethiopiam das Noien land/ir
 künigreich zu gezogen. Sy hat auch das Indier land mit heerskrafft vber
 zogen/darinn doch sunst nyemants anders mer dergestalt kommen ist/dann
 sy vnd Alexander der groß. Zu lest aber/als sy vnzünftig lieb an iren leib
 lichen sun begert/hat sy der selbig darumb getödet. Als sy yetzund nach dem
 künig Nyno dis künigreich. elij. jar besessen.Der jünger Künig Nynus ir sun
 ließ sich genügen des künigreichs/das im vater vnd mäter bekommen/def
 halben er dann der kriegshandel abständ.Vnd gleich als sein manlicher stand
 vnd wesen mit der mäter verwechslet/also ist er auch selten von den mannen
 gesehen worden/sonder vnder der schare der weyßer vnnnd Frauentzüniers
 veraltet/

Zoroastes

Nynus der Änd.

Semiramis

Babylonia gepawt

Nynus fuder Nynus

veraltet / in dem in auch sein nachkommend künig nachgevolget / vñ ein gleich leben geführt / haben allzeit durch ire diener vnd boten antwort geben / den she nen so vor inen zů handeln gehebr. Die Assyrier die demnach Syrier genant die habē diß künigreich besessen auff tausent dreyhundert jar. Vnd disen künigen hat zů letst regiert der künig Sardanapalus / der doch minnder nutz was dann ein weib. Als diß jetz gemelten Künigs hofmeister mit namen Arbaces der auch ein Lantuoht vber das Medier land / vñ begirig gewesen ist dē Künig seinen herren doch zum wenigsten ein mal zů sehen / das vorhin nie keinem gegünt / vnd in auch kaum zůgelassen ward / da fand er den künig sitzen mitten vnder einem hauffen hütischer vnd vppiger frawen / in einem weibischē kleide / vnd het ein guncflen / daran er seyden vnd purper span / Also das er mit 8 weiche des leibs / vnd hütischen gesichts vnd geberden / all andre weiber vber traff. Er teilt die guncflen vnd spindlen vnder den frawen vnd junckfrawē auß. So bald der vorgenant Lantuoht diß gesehen / hat er ein grossen verdruß daruon empfangen / das einem so weibischen man / so vil Ritterlicher vñ thäre männer solten vnderthänig sein / Vnd das einem seyden spynner die jenen solten gehorsam sein / die dan die Ritterliche gewer vnd woffen trügenn / Daruß gieng er wider hinauß zů seinen gesellen / vñ sagt inen was schand vñ laster er gesehen / Hat auch darbey geredt / das er dem keins wegs gehorsam sein mocht / der lieber ein weib wolt sein / dan ain man / Also schwüre sy wider den künig zůsamen vnd gryffen in gleich darauff mit krieg an / Da nu diß der künig inen ward / schickt er sich / doch nit als ein man / sein reich zů beschirmen / sonder auß forcht des tods / wie 8 weiber art ist / sücht er zum ersten weg / wie er sich verpergen mocht / Doch so zoher er mit iren etlich on all ordnung auß zů veld zestreiten / darin er vberwunden worden / vñnd also fluchtig hinder sich inn sein palast vnd Küniglichen hoff entwychen / darin macht er ein grosses feur / vnd verprant sich vnd all sein reichthum. Diß was allein das manlichst stuck / das er begieng. Gleich darauff ward der vorgenant Lantuoht Arbaces zů künig erwelt / der hat das Künigreich von den Assyriern auff die Medier verwendet. Nach dem selben ist diß Medier Künigreich nach vil künige die inn der ordnung einander nach regierten / vñz auff den künig Aftyages er wachsen. Diser künig sach inn einem traum / wie auß der scham seiner einigen tochter / ein reßstock gewachsen / vnd were alles Atyer land vñ desselben pampfen vnd schossen vberdeckt / darüber fragt er die warsager / die gaben in zů antwort / das sein dochter einen sun geberen / des großmechtigkeit dan mit diesem traum bedeutet / vnd er dadurch vom Künigreich verstoffen wurde. Diser antwort erschrack der künig Aftyages gar vbel / Darum gab er sein dochter keinem Edlen Fürsten in Medien / vñb willen dz sich sein künfftiger dochter sun / weder des vaters macht noch des mütterliche adels vberheben mocht sonder sücht in ein dochterman vñ ein vnachtparn volck zür selbē zeit / Nämlich in Persier land / mit namē Cambyfes / der von mitelmessigē Adel vnd ge schlecht geporn / dē gab er sein dochter zů einē gmahel / doch so hat er damit die sorg diß traums nit gāz außgeschlagē / sonß sein dochter so bald die schwäger ward / zů in berüfft / vñ des willē dz jr gepurt in seinem angesicht möcht vñb biacht werdē. Als bald diß kindlin geporn / ward sollchs des künigs Hoffmey

Assyrier
Syrier

Sardanapalus

Arbaces

Arbaces hat das künig
reich von Assyriern an die Medier
verwendet.
Im jar der
welt. 4380
Von wem
sich dz Med Aftyages
der künig
reich anges
fängen / vñ
bey welcher
künig sich
das geendet
hat auch vñ
der wunder
barn gepur
te / Cyri des
ersten persi
er künigs.

Cambyfes

Das Erst Buch

Harpagus

ster Harpago vberantwort vnd beuolhen vnzepingen/dyeweil er am basste
 wist von alle sachen des künigs. Er forcht jm aber dieweil der künig keine sun
 het/wo er diß kind vnzepingen/vñ der künig sterbē/so wurd dz künigreich an
 sein tochter fallen/vñ er als dan vmb ertödrung willē ires suns straff leidē müs
 set. Wan dieweil sy sich an frem vater nit rechen/so möcht sy die rach vñ straf
 auf ihe/als dē diener dises mords verwenden/Deshalb gab er diß new gepo
 ren kindlin des künigs meyger vñ hirtē/dz in ein wildnus zūtragen vñ ligen
 zūlassen. Nu het eben der zeit des hirtē weib von vngeschicht ein jungen sun
 geborn/wie sy nu von frem man dem hirtē allen handel verstanden/hat sy in
 mit fleiß expettē iro dasselbig kind zū zeigen. Ihe zū letst ward der hirt berett/
 dz er wider nach des künigs tochter kind in dē wald gieng/da fand er bey dem
 kindlin ein hündin ligē/die gab dem kindlin ihe dūtē zū saugen/vñ beschirmē
 auch dasselbig vor den wilden thieren vñ vöglen. Dye weil er sach dz der hünd
 dē kind die gütē beweiset/hat in solchs auch zū erpermbd bewegt/Deshalb
 dz kindlin gnomen vñ heimgetragē/In dem volgt jm der hünd mit fleiß nach
 vñ so bald die hirtin das kind in ir hend empfangen/hat dz von stund an mit
 ier begert zū scherzen/vñ ist an jm so ein süßes vñ annütigs lachen ersehē/dz
 die frau den hirtē weiter gepetten/ir leiblichs kinde für dises in den walde
 zūtragen/vñ sterben zū lassen/auch iro zūgestatten/ir glück vñ hoffnung mit
 dem frembden so schönen kindlin zūuersuchen. Dermaß verwandelt sich der
 jungen kindlin glück/das des künigs tochter sun/an statt des hirtē kind auff
 gezogen/vñ das an seiner statt in wald getragen ward. Des yetz gemeltē hyr
 ten frau ward demnach Sparcon genant/darumb das die Persier dē hünd
 also neient. Demnach als diß kind vñ den hirtē gewont/ist es Cyrus gnant
 vñ ist bald darnach vñ dē jungen seins gleichē knaben/nach kindlicher art/vñ
 in scherz weis/zū einē künig erwelet worden/in dem er also auf freyem müt
 willen/die vngehorsamen mit rütten schlagē hieß. Das aber von der geschlag
 nen kinder vātern dem künig Astyages zū klag kame/die eyn grossen verdruß
 darab heten/dz ihe als edle kinder/von des hirtē vñ knechts kind/dermaß sol
 ten geschmecht vñ mißhandelt werden. Darauß der künig den knabē Cyrum
 beschickt/vnd als er ihe der sachen befragt/hat er on empferbung seines ange
 sichts/gesagt/Herz künig/Ich hab nichts anders gehandelt/dan wie einē kün
 ig in dem sal zūthünd zū steet vñ gepürt. Ab diser dapfferkeit des jungen kna
 ben/hat sich der künig verwundert/vñ damit an sein traum gedacht. Deshal
 ben als sich gestalt vñ angficht des knabens/auch die zeit seiner gepurt vñ ver
 schafften todes/ desgleich des hirtē bekantnus zūsamē gestimpt/Hat erst
 der künig recht erkant/dz diser knab seiner tochter sun gewesen/Vñ dieweil er
 nu vermeint/dz sein traum damit vollēdet/so doch der jung knab vñ dē kindē
 zū einē künig erwelt wer/da ließ er sein zornig gemüt gegen jm ersitzen/Doch
 wolt er sich des an seinē Hoffmeister rechē/vmb dz er seinē gepot nit nachkom
 men woz/dē selbē ertödtet er seinē sun/vñ gab dē seinē vater zū essen. Der selbig
 Hoffmeister Harpagus/thet jm aber der zeit nit gleich/als ob er darin ein ver
 druß trüg/sonder vertruickt/ob er sunst vrsach fynden möcht/sich zū rechen
 Als nu der vorgenant Cyrus in mitler zeit erwachsen/Vñ der gemelt Harpa
 gus/des grimen mords seins suns ingedencē wordē/ist durch in dē yetz genant
 ten/

*Sparcon
 hirt
 Cyrus*

ten Cyro zugeschribē/ Wie er/ vñ auß w3 vsachē er vō seynē Anherin dē künig
 Astyages in Persien verschickt/ wie im auch vō selbē gepotē/ inē in seiner kindt
 heit zū tödre/ Vñ er aber durch in bey lebē blißē/ darüb d künig vber in erzürnt
 vñ er dadurch vñ sein eynigē sun kōmen sey/ deshalb vermant er in ein hōr in
 Persien zū versamlē/ vñ tüglich weg für sich zūnemē/ das er d3 künigreich bez
 kōmen/ in dem mocht er im die Medier auch wol bewegē/ auff sein partthey zū
 fallē. Dieweil er im aber sein zūschreibē nit offenbarlich zūschickē mocht/ dan d
 künig alle weg/ strassen vñ paß versehen/ Do hat er einen fryschen hasen ent
 weidet/ seine brieff darin beschlossen/ vñ den hasen einem seiner trewestē die
 ner geben/ vñ beuolhen/ den selbigen obgenanten Cyro inn Persien zū prin
 gen/ Er gab auch dem selbigen knecht etlich garn vñ neg/ auff das vnder der
 gestalt des weidmans vñ sagers/ der betrug verdeckt bleiben möchte. Nach
 dem nu Cyrus dise brieff gelesen/ hat er auch eben in der selbigen nacht in ein
 traum sondern trost vñ ermanung empfangen/ das er im wie geschribē/ also
 nachkōmen/ Doch solt er in disen sachen zū einem helffer vñ gesellen erwelen
 wellicher in des künfftigen tags zum ersten Begegnet. Also begegnet in einer
 Sybaris genant/ der des künigs diener vñ in seiner gefencknus gelegen ge
 wesen/ disen fragt Cyrus von was Nation vñ lands er were. So bald er ver
 nam das er inn Persien geporen/ da macht er in ledig/ vñ kam mit im für die
 hauptstatt inn Persiē/ Persopolis genant/ Daselbs berüfft er die burger zūsa
 men/ vñ besalch nen mit ärtē vñ reüthawen einen wald an der strassen ge
 legen abzūhawen/ vñ auß zereüten. Als sy das mit fleiß volprachten/ da lüd
 er sy des nachgeenden tags alle zū gast/ vñ gab inen ein gütten imbs vñnd
 mal/ darnach als er sach/ das sy vnder dem essen frölicher vñ gütter ding wa
 rē/ Da fragt er sy/ ob sy lieber den vergangnē tag mit d arbeit/ oder disen tag
 mit der wirtschafft am liebsten erwelen wolten. Da schryen sy all gemeinlich
 sy erwelten den gegenwertigē tag. Darauf sprach der vorigenant Cyrus/ Dē
 gestrigē arbeitssamē tag/ dem sind jr all gleich/ mit ewerm leben vñ wesen/ so
 lang jr den Mediern dienen vñ vnderthenig sind/ Dieweil jr mir nu in dem
 heutigen tag mit wirtschafft nachgefolgt habt/ so volget mir weiter/ ich wil
 euch all zū herren machen. So bald er sy gütwillig funde/ hat er von stüd an
 die Medier mit krieg angriffen. In dem hat der obgenāt künig Astyages wes
 nig bedacht/ was mords er an des vorignantē seins Hoffmeisters Harpagus
 sun vorzeytē begangen/ Vñ hat dē selbigē vnbesinter ding/ die obrist haupt
 mäschaft beuolhen/ der hat nu dasselbig hōr dē gedachten Cyro zūgeführt/ vñ
 also mit seinē abfallen die grymigkeit des künigs gerochē. Da diß der künig As
 tyages erfarn/ hat er allenthalben her hilff berüfft/ vñ mit einē hōre in Per
 sien gezogen/ Vñ nach dē er des streyts begirig w3/ da stellet er etlich der seinen
 mit iren gewerē hinder sein hōr/ das sy die fluchtigē wider inn den streit trey
 ben soltē/ gegē den feindē zū handeln/ ließ seinē hōr dabey sagē/ wo sy nit vber
 wynden/ wurden sy zū ruck nit mind sorg wartē sein/ dan vō dē feindē/ darumb
 soltē sy mit einē durchpruch vberwinden. Damit hat er den seinen ein heffrig
 begird eingestossen zūstreitē. In dē nu der Persier hōr spitz an fieng zū weichē/
 da lieffen inē jr mäter vñ weiber ent gegē vñ vermantē sy wider in dē streit zū
 kēren/ da diß an inē nit versangē/ habē sy jr kleider vornē auffgehept/ ire scham
 2 ij entdeckt

Sibaris

Persopolis haupt
 stat in persien

Cyros wader
 die Medier
 vñ Astyages

Harpagus

der persier hōr
 spitz an fieng

Das Erst Buch

endeckt vñ gesprochē/ jr verzagte erlosen man/wolten jr nit gern enweern mü-
 tern vñ weibern dareyn fliehen. Mit disen schmach vñ schandworten wurde
 sy bewegt/widerūß zū streitte/vñ griffen die sach so grünnlich an/dz sy die in
 die flucht schlügen/vō denen sy kurz danor in die flucht pracht warē/vñ ward
 also d̄ künig Astyages lebendig gefangen/den beraubt der künig Cyrus allein
 des künigreichs/vñ erzeigt sich gegē jm mer ein kunds kind/dan̄ eyn vberwyn-
 ß sein/vñ gab jm dz groß volck in Hircania zū regieren. Wan̄ der künig Astya-
 ges wolt selbs nit mer in dz Medier land/damit hat d̄ Medier reich ein end ge-
 nommen/vñ nit lenger dan̄ vierdthalb hundert jar geweret. Im anfang dis
 Persier künigreichs/hat d̄ künig Cyrus den vorgenanten Sybarē/den Persi-
 ern zū einē Lantuoht gesetzt/vñ jm darzū sein leyblich Schwester zū eym weyß
 gebē/die mechtigen stett aber/die vormals den Mediern tribut vñ zins geben
 haben sich in diser ānderung auch dem gwalt des künigs Cyri entzogen/vñ
 seind vō jm abgfallen/dz dan̄ jm ein vrsach was souil krieg zū rben vñ zūfūre.
 Als nu die Persier der meren theil stett wider bezwungen/vñ die Babylonier
 auch vberzogen/da habē die selbigen vō dem mechtigen vñ reichē künig Croe-
 sus auß Lydien beystand vñ hilff erlangt. Da nu d̄ selbige mit sampt den Ba-
 byloniern vberwunden/ist er flüchtig wiß hinder sich in sein land gezogen. So
 bald aber der Persier künig Cyrus seine sachen zū Babylonia verordnet/hat
 er den krieg in dz künigreich Lydien verwendet/daselbs des künigs Croesus
 heer/dz noch erschrocken wz/von der vorgenden vberwyndig her/on sonder
 arbeit vñ schaden vberwundē/vñ den künig selbs gefangen. So fast aber dy-
 ser krieg mit minderm schaden vollendet/souil mer ist im syg destmylter gehā-
 delt worden. Wan̄ dem künig Croesus ward nit allein sein lebē/vñ etwas vō
 seinen erblanden/sonder auch darzū die stett Berse zū besizen zūgelassen. Vñ
 wiewol er nit ein küniglichen stand gehalten/so hat er doch ein solch wesen ge-
 hept/dz nit vil minder gewest ist. Dise miltigkeit wz dem vberwynder/vñ ū-
 berwundenen gar nach gleich nüglich/wann als dye Griechen vernamen/
 wie man den künig Croesum mit heers krafft vberzogen/da haben sy ein sol-
 lich liebe zū jm gehept/dz sy alle in grosser rüstung waren/jm hilffe zū bewey-
 sen/gleich als ob sy der krieg gemeinlich belāgt. Darūb het d̄ künig Cyrus ein
 schweren krieg gegen jnen fūren müssen/wo er nit so miltigklich gegē jm gehan-
 delt het. In mitler zeit/vñ als d̄ künig Cyrus mit and̄n kriegs hendlē beladē
 gewesen/ist dz künigreich Lydien wiß vō jm abgefallē. Da er nu solchs zū an-
 dern mal vberwunden/hat er jnen all jr gewer/harnisch vñ pferd genommen/
 vñ hieß sy geprauchen wirtschafft/gaucklerey/vñ dergleichē. Der gftalt hat dz
 syñreich volck(dz vorzeiten mechtig wz/darzū geschickter ritterlicher hande)
 mit weibischē mūtwillē/sein alte tugēt verlorn. Vor dē künig Croeso sind vil
 künig in Lydien gwesen/die durch mancherley zūfelle namhaft warē. So ist
 doch jrer keiner dem künig Candaules seines vñfals halb zū vergleichen/ge-
 west. Wan̄ als d̄ sein gmahel die künigin/vō jr grossen schōne wegen vberaus
 lieb gehebt/hat er allenthaltē von jr schōne geredt/Er liesse sich nit gnūgē/dz
 er seinē lust mit schweigens cōsciētz het geniessen mūgē/sond̄ macht offenbar
 dz sich zimp̄t zūuerhālē/als ob dz schweigē d̄ schōn ein schadē precht/Je zū lest
 vmbwillē dz er sein red vñ wort befestet. Da zeiget er sy Gyges seinē gesellen
 also plos nackent. Dadurch hat er seinē freünd/nach d̄ frawē eyn glust/darzū
 zū

Aiso. 4640.
 Vō anfang
 des Persier
 künigreichs
 vñd wie Cy-
 rus der erst
 künig darin
 regiert hat.

Croesus künig
 in Lydien

Von Lydien

Candaules
 künig in Lydien

zu einem eeprecher/ im selbs zu einē feind/ auch damit gemacht/ dz im die frau
 feind ward/ als ob er sy/ mit dē zeigen einē andn geben het. Wan vnläng dar-
 nach ist Candaules tod geschlagē/ vñ die künigin dem todschleger zu lon wor-
 den ic. Nach dē aber d künig Cyrus alles Asiē vñ Orient in sein gwalt pracht/
 hat er auch die Scythier mit einē heer vberzogē. Zu derselbigen zeit herrte die
 Scythier ein künigin die hieß mit namen Tomyris/ die doch auß zukunfft der
 feind kein weiblich forcht empfieng/ dan̄n wiewol sy den feindē her mügen we-
 ren in jr land zukommen/ da gestattet sy inē mit gütte willen vber dz wasser A-
 raris zu ziehen/ vñ vertrawt/ dz sy glücklicher daheim in jrē reich streiten mö-
 cht/ auch damit/ vñ in disem wasser den feindē jr flucht werē. Der gestalt ist d
 künig Cyrus vber dis wasser in dz land kommen/ vñ darin vñzogen/ vñ hat da
 ein läger vñ wagenburg geschlagen. Gleich am andn tage darnach verlief
 er die wagenburg/ als ob dz auß forcht geschehe/ vñ lief allenthals vil weins
 im läger bleibē/ mit andn dingē/ die man essen mocht. Da dis d künigin verkün-
 det ward/ schickt sy jren juncē sun mit dē dritteil des heers/ den selben Persiern
 nach zu eilē. Als d zu der Persier läger kommen/ vñ d kriegs hendel noch nit gāz
 erfarn gewesen ist/ da gedacht er wenig/ dz er zu streit außgesant/ sond zu ey-
 ner wirtschafft geladen wer. Deshalb belād er sich mit wein/ des er nit gewo-
 net/ vñ wurden also die selben Scythier mer mit d trückēheit / dan̄n mit dem
 streit vberwundē. Wan so bald d künig Cyrus des sinen ward/ da vberfiele er
 sy im läger/ vñ erschlug sy alle gar/ mit sampt d künigin sun. Da nu also die kün-
 nigin dz dritteil jrs heers/ darzu jren sun (dz ir am beschwerlichstē w) verlorn
 hat sy dē schmerzē vñ beraubūg jrs suns nit mit weinen beklagt/ sond vnder
 standē sich des mit dē schwert zerechen. Deshalb hat sy die feinde die sich dis
 sigs großlich vberhübē/ mit einē gleichē betrug hindgāgē/ sich auß empfang-
 nem schadē fast forchtsam erzeigt/ vñ den feindē so lāg entwychen/ vñz sy dyē
 in ein enge/ vñ jren vorteil pracht/ vñ versürt/ daselbs hat sy in dē gepyrge yre
 haltē versteckt/ vñ am selbē end zweymal hundert tausent Persier/ sampt im
 künig Cyro erschlagē. In dē sig begab sich auch dis namhaft stuck/ dz vñ disem
 heer/ nit einer vberblib/ d des potschafft heim pracht het. Die künigin gepott
 dē erschlagnen künig Cyro sein haupt abzuschlagen/ vñ (dz in einen sack mit
 menschen plüt gefüllet) stossen solt/ mit disen schmach wortten / die sye seiner
 grünnigkeit nachredt/ sagende/ Jezund settige dich mit dem plüt/ nach dē dich
 so vbel gedürst hat. Diser künig Cyrus hat regiert xxx. jar. vñ ist nit alleyn
 im anfang seins reichs sonder auch für vñnd für vñz an das end wunderpar-
 lich vñnd namhaft gewesen. Disem hat im reich nachgevolget sein sunē
 Cambyfes genant/ der seinem väterlichen reich auch Egypten lande zu zoge/
 Er was aber den Egyptiern feind/ von wegen jrer abgötterey/ dern sy so vil
 feltig anhiengen/ Also das er dem gott Apis vñnd andern jren abgöttern/ jre
 tempel zerstören ließe. Er schicket auch sonderlich eyn heer auß/ den aller schd-
 nesten Tempel des Ammonis zu zerstören. Dasselbige heere verdarbe aber
 gānz vom vngewytter/ vñnd versyelen yhm sande. Demnach sach er
 inn eynem traume / wye seyn brüder Mergides genant/ regieren/ vñnd das
 künigreich besyzen solt/ da von warde er erschreckt/ das er nach der vol-
 prachten zerstörung der tempeln/ an seinem aygnen brüder ein mörder ward/
 A iij Wann

Cyrus und Tomyris

Von der
 künigin Ta-
 myris.
 Wie die den
 persier kün-
 nig Cyrum
 mit zwey
 hundert tau-
 sent Persier
 erschlagen/
 vñnd in seinē
 plüt getren-
 det hat/ vñ
 wie Camby-
 fes sein sunē
 so tyrānisch
 regiert/ des-
 halb ein bö-
 ses ende ge-
 nommen hat.

Ammonis

Cyrus erschlagen

Cambyfes an-
 dem künig dāhlich

Ammonis

Ammonis

Das Erst buch

Wann es möcht gar kaum sein/das der seins brüders schonen solt/der mit verachtung der geystlichkeit/sich auch wider die götter sagte. Zu disem so grimmen werck/erwelet er seiner freünd einen/mit namen Comarim/dazwischen hat er mit aufzugkreim schwerdt/mit ein grossen müßwillen/im selbs sein eygen hüßft dermaß verwundet/das er des gestorben. Vnnd ist damit eyntweyers des beuolhenen mords halb/oder von seiner schendung wegen des geistlichen stands gestrafft worden. Als seyner weysen einer/die man Magin ent des innen/ward der brüder Cambyfis/mit namen Mergides/Dennach vñ im das Königreich erblich zůständ/vmbracht/vñ desselbigen brüder / Oropastes genant zů einem König gesetzt wordenn/der dann dem vorgenanten Mergides/von angesicht auch aller anderen form vñ gestalt so ganz gleych was/das niemants kein betrug noch falsch darunder spüren mocht. Dise sach blib auch darumb souil heimlicher/das dye Persier König von irer Meiestat wegen selten gesehen werden. Darumb zů erlangung des gemainen volcks gunst/ließen dise falschen König dreü jarlang all menigklich frey sitzen/on all zins vñnd beschwerdt/das man auch in der zeit aller reys ledig sein solt/auff das sy diß Königreich das sy mit betrug vberkommen mit fürgenomener myltigkeit beuestigen möchten. Dise handlung ist zum ersten einem edlen landt herren inn Persien/Othanes genant argwenig worden/der auch sunst ein fast weiser vñd fürsichtiger mann gewesen/der lief durch heimlich Botten an seyn tochter werben/die vñder den Königlichen frawen eine gewesen/im zů sagē ob der regierende König ein sun des Königs Cyri were oder nit. Die empot im zů/das sy das nit wissen/auch von keiner anderen frawen erfahren mocht/dieweil jr yegliche in ein sonder gemach verschlossen were/darüber beualhe jr der vorgenant jr vater weytter/sy solt im in dem schlaff zů oren greiffen/dann der König Cambyfes het im beyd oren abschneyden lassen. Da er nun durch anzeig der tochter befand/das der König kein oren gehebt/hatt er das von stund an den öbristen Persier Landtherren zů wissen than/vñnd sich mit gelübden zamen verpunden/disen falschen König vmbrbringen. Von dysen zamen schwerung vñd püntnus haben allein sibben Persier herren gewist/dye auch von stund an/damit der anschlag nit geöfnet/mit verporgnē geweren in den künigliche palast giengē/daselbs die sich wydersagte vmbracht/damit zů disen brüdern kommen/denen auch in iren nöthen kein manheit mangelt. Wan sy haben mit gezugkten schwertē zwen von den sibben vmbracht/doch wurden sy von den andern vmgeben/denen einen hatt der Landherr Gobryas zů ryng vmbsfangen/darumb als seine gesellen still ständen/vñd sorgten das sy als bald ine als den erlosen König vmbprechten/wann der handel begabe sich an einem duncklen ort/sagt er/Recklich dran/jr dößfet mein nit verschonen/ob jr vns schon beid durchstechet/Jedoch so trüg sich das glücke dermaß zů/das dem landtherren nichts geschach/vñd der falsch künig nit wenigens vñbracht ward. Mit vñpringung diser gebrüder/haben vorgemelt landsherren groß loß vñ preis erlangt/das sy damit der Persier reich wider erledigt/vñd dieweil iren souil waren/das sy sich der öberkeit nit wol vereinen mochte/dan sy waren an adlicher gepurt vñ tugenden einander so gleich/das dz volck nit wol wist dē einen für die andern zů erwelen. Sy aber selbs fundē weg/darinn sy sich

Oropastes

Othanes

Gobrias

Justin.

sy sich der wal vereinten/Nämlich das sy auff ein gesetzten tag vnd stund frö
 mit iren pferden auff dem platz vor dem Königlichem hoff hielten/vnd wel
 lichts pferd dan zum ersten zu auffgang der sonen nach seiner art wyßen oder
 schreyen/das des selbigen herr/König sein wurde. Wan die Persier haltē die
 son für iren got/dem auch die pferd in sonds zügebrauch sind. Vnd den selbē/so
 wie obstat/zusamen geschworn/was ein thürer jüngling/mit namen Darius
 des Lantherin Hitaspes sun/als der ein sānen nach dē Königreich gehebt/vñ
 sein Marstaller das erfarn/hat er gesprochen/Herr ist die sach daran gelegen
 so sol vns nichts manglen/darum nam diser Marstaller/ am abent des gesetz
 ten tags ein stütroß/vnd für die selbig stüt auff angezeigte platz/daselbs lief
 er seins herren roß mit der stäten springen/vñ het güt hoffnung/das auß des
 hengsts volbrachtē lust/künfftigs geschehē wurd/wie sich dan begab. Wan
 als sy am nachgonden tag alle zu angezeigter stunden dahin kamē/vñ dz pferd
 des vorgemelten herrn Darius/den selben platz erkant/hat dz nach seiner gir
 lichen art/nach der stäten gewinelt vñ geschreyen/vñ mit dem geschrey anzeige
 geben/wer künig sein solt. Darauff hielten sich nu die andern so mässig vñ ge
 horfam/das sy von stund an von iren rosen-sprungen/vñ den vorgeantē Da
 rium für iren künig begrüßten. Also hat auch das gemein volck der Fürsten vñ
 Lantherin meinung gewolgt/vñ in zu einem künig gesetzt. Der gestalt ist der
 Persier Königreich/dz mit obgemelter syben so edlen Lantherin züwegē bra
 cht/vñ mit grosser sorg erlāgt/in so einē kurzen augēblick/auf einen allein ver
 wendet worden. Es ist gar noch vngleublich/das sy so miltlich gehädelt/die
 weil sy in erlangung des künigreichs vñ den obgemelten zweie brüdern auch zu
 sterbē nit abgschlagē/Sy habē aber bedacht/dz diser künig Darius auch vber
 die schöne vñ geradigkeit seins leybs/auch vñ wegē der syß vñ freuntschafft
 damit er vorgehenden künigen verwant/dis Königreich zu besitzē würdig gwe
 sen sey/Deshalb vñ damit er im selbs dz reich bestendig machē möcht/da ver
 mähelt er im selbs mit einē künigliche heyrat/die tochter des obgenantē küni
 ges Cyrus/auf dz es ein anzeig het/das dz reich nit einem frembden/sond wi
 derumb dē rechten erbē vñ stamē des künigs Cyrus gegeben were. Als nu in
 verlauffung der zeit die Assyrier wider abfielē/vñ die statt Babylonia einna
 men/auch der künig Darius in eroberung der stat in zweifel gestandē/ist einer
 vnder den syben Persier Lantherin/die anfangs zusamen geschworn gehebt
 mit namen Zopyrus zügefarn/vñ ließe sich freyes willens/an allem seynem
 leib hefftig verwunden/darzu sein naß leßzen vñ oren abschneyden vñ ver
 legē/vñ in diser gestalt erzeigt er sich dē künig Dario vnuersehenlich/ Der sich
 desselben größlich entsetzt/vñ fragt wer im sollichs zügefugt/vñ warum das
 Beschehē were/Darauff er dē künig heimlich bericht/mit wñ fürsatz er solchs
 gethā/damit habē sy sich beid entschlossen/wes sy sich künfftigs haltē soltē. Ge
 leich darnach/thet er sich in gestalt eins flüchtigē vñ abtrünnigens vñ dē künig
 Dario/zü den vñ Babylonia/daselbs zaygt er vor aller menigklich sein zerwū
 deten vñ mißhandelten leibe/vñ dabey in grosser klag an/die groß Tyraney vñ
 geymigkeit des Persier künigs/von dem er inn eroberung des selben König
 reichs/nit durch götlich anzüg/noch erwelug der gemein/oder manlichē getha
 ten/sonder durch schreyung seyns pferds fürkommen vñ vberwunden were/

V. Betrachtung eines
 künigs/ vñ der
 pferde pferdi

Wie der künig
 Darius Darius
 der erst des künigs
 namens zu
 persier künig
 reich künig
 durch gesch
 rey seins
 pferds/auß
 ch wie er re
 giert vñ die
 statt Babylonia wider
 erobert.

Zopyrus

Darumb

Das Ander Buch Justini.

Darumb solten sy beydes Persier Königs freunde ein warnung vnd Beyspil
nehmen/Wes sy (als feynde) sich zu dem selben versehen solten. Ermanet sy
auch damit/das sy iren starcken statmauren nit mer vertragen solten/dann
iren ritterlichen weren vnd wasen/im zuvertragen/den gemeynen krieg wi-
der den Persier König zufüren. Dyeweil nu der Adel vnd stand diß landts
herren den Babylonern hyeuor wol bekandt/was inn yhnen keyn zwey-
fel/vorab da sy dye freyschen wunden vnnnd zeychen der schmälichen
mißhandlung sahen/da erwelten sy yhn zu eynem ober-
sten feldt hauptman/darauff er mit wenig volckes/
das er zu im nam/zu mermaln der Persier heer
gröflich schedigt. Dyeweil sich die selbi-
gen mit willen in die flucht gaben/
Ihe zu lest (als man im allen
gewalt vbergeben vnd
zugestellt) hat er sol-
liches dem Kö-
nig Dario
zu wissen
than
vnd dadurch die Stat wider inn sey-
nen gewalt bracht / Dennocht
hatt der König Darius
die Scythier mit krie-
ge angriffen/dan
in dem nachvol-
genden buch
gesaget
wirt.

Von den

Von den Scythiern Egyptiern vnd Amazonern vnd auch wie sy der künig Darius vberzogen vnd sich flüchtig wider danon gemacht hat.



In anzaig vnd meldung der geschichten so von de Scythiern volpracht/dieweil die gnüg trefflich vnd großmechtig gewesen sindt/ gepürt sich wol/das man den anfang vom rechten vrsprung herneme/Wann ic anfang sind mit minder durchleüchtig vñ herlich gewesen/dann nachuolgends ic erlangt herschafft/gewalt/vnd Regierung/sint auch nit allein mit meñlichem stamē/ sonder auch vnder weiblichem geschlecht/sinn irer Regierung mechtig worden/Wan gleich wie sy der Parthier vnd Bactrianer Künigreich gestiftt/also haben auch ire weiber der Amazoner Künigreich gepflanzt vnd ausspricht/vnnd das mit einer sollichenn gestalt/das ganz ein zweyfel dran ist/wo man der männer vnnd weiber gethaten (die sy so Rytterlich begangen haben) betrachten vnnd erwegenn will / Ob das männlich oder weiblich geschlecht Rytterlicher gehandelt habe.

Der

Das Ander Buch

Der Scythier volck ist allweg für das elstist geschezt worden/wiewol zwoyschen den Scythiern vnd Egyptiern/von wegen irer Elte/lang zeit in misserstand gewesen/in dem die Egyptier dis regiment vnd meynung für gewendet. Das inn anfang der welt / diu weil andre land von grosser hitze der Sonnen verprent/vnd aufgedorret/ Desgleichen die andern Land von vil vnd grosser kelte zu vast feucht worden/Also das sy nit tüglich gewesen sind/das leut darinn aufwachsen/sonder auch die frembden vnd zukommenden/sich darinn nit haben enthalten mögen/sy bettenn dan zuuor irem leib wider die hitz vñ grüne kelte deckung vnd schirm befunden / oder der selben gegent vñ gelegenheit scherpfte vnd mangel mit anderer erzney vnd geschicklichkeit gemilteret/So were doch das Egypten/für sich selbs /alzeit so ein milt vñ wol temperiert land gewesen/das weder die kelte des winters/noch hitz der sonnen vnd Sommers/die selbigē landleut beschwert het/Darzu so eins frucht baren bodens vnd ertrichs/das in der vichzucht/desgleichen in der welt nit funden werden mocht/Darumb müst man von rechts wegen achten/das die menschen an dem end/zum ersten geporn/da die dan am geringsten zu ernern weren. Dargegen aber die Scythier nit vermeint haben/das man den temperierten vñnd senssten lufft vnd himel/zü bewerung des alters fürwenden möcht. Wan so bald die natur die zunemend hitz vnd kelte den landen aufgeteilt/hatt sy darmit auch die menschen vnd thier dermaß erschaffen/das sy yeden ends der glegenheit vnd landsart wol erleiden/Aber der beüm vnd fruchte halben/wer auch jedem land sein art zugeordnet/Vñ so vil mer die Scythier einen scherpfen rauhern himel vñ lufft heten dan die Egyptier/so vyl mer weren sy von leib vnd vernunft deßer hertzer vnd krefftiger. Weytter so die welt/die jezund zerteilt vnd gesündert/etwa eins gewesen / vnd dann mit vberfließung der wassern/die ansecklich das ertrich im gewalt gehalten/Oder aber das feure/darauf die welt gemacht/alle ding begriffen vnd besessen / so mögen doch die Scythier von diser beider stuck vnd ursach wegen / die eltern geachtet werden. Wan wo das feur alle ding zum ersten vmbgebe vnd man dasselb erleichen mögen/hat man des ends wonungen vnd platz befunden/Ja gewislich an keinem andern end ehe dan gegen mitternacht werg vnd der wintherhalben zu/das dan vom feur abgescheiden was/dermassen das sollich noch allermeist mit der kelte vmbgeben vnd vberzogen ist / Dargegen aber das Egyptisch vnd all Orientisch land/gantz langsam temperiert werden/wan dasselbig ist auch noch zueit der hitz der Sonnen vnderworfen Wo dan vorzeiten alle Land mit wasser vndergangen / so sind doch in versalung vnd minderung der wasser/je die aller höchsten Land/zum ersten erselbē vnd trucken worden/vnd in den nydern landen dis wasser gar langsam steen bliben/Vnd so vyl ee ein jedes land der wasser halb drucken wordenn/ist das selbige deßer mer tüglich gewesen / all leblich thyer zu gepern vñ zu erhalte o der zu weren. So were auch gewislich war/das der Scythier lannd höher dan alle land vnd erdtrich/vnd das alle wasser in dem grossen mos Meotida wüchsen/dadannen in das Pontisch vñ Egyptisch mör flussen. Dargegen aber das Egyptisch land/das mit grossem fleis vnd ernst desselbigē künigs vñ völder/vñnd wider so mächtige wasser/mit so grossem werben/ vorpüheln/vnd

*Hier zu sehn fall
den vill wasser
und nemt kein
quand in das mos
meotida als*

*Tamam der ob so huter nicht oben soll man vñnd sein
in Tamam künig auf soll wasser nicht so huter nicht sein*

vnd geschrotten gräben versorgt vñ fürsehen. Also was die vorpew vñ wer-
ben abgewendet/haben die gräben wider an sich gehalten/Jedoch möcht mā
mit keinem saw darin wonen/wa das wasser der Vyl nit were/ des halbenn
auch darin kein menschlich alter spüren möcht/dieweil anzaigt bühel vnd bol
werck der künig/auch des Vyls verflössung ganz ein new erschüttet erdrich
erzaigt. Dermaß haben die Scythier die Egyptier mit irer meinung vber-
wunden/darumb sy allzeit für die elstisten geacht vnd gehalten worden. Das
Scythier land das sich gegen Oient streckt/das wirt zu einer seitten mit de
Pontischen mör beschlossen/zür andern seitten mit den Xypheischen gepyrgen
Zurück hat es Asiam/vnd das wasser Phasi gnant/ist auch ganz weit in der
länge vnd preite/die menschen haben kein vndercheid darin vndereinander/
wan sy bawen kein velder/haben auch kein stett noch heuser oder sonderliche
syß/Sonder neren sich allzeit des richs/vnnd waiden das an allen orten für
vnd für/In dem füren sy ir weib vñ kinder auff wägen mit inen/die decken sy
zu/regen vnd winterzeit mit leder/vnd heüten/das habenn sy für ire heuser.
Das gericht vñ recht dises volcks wirt nach dem verstand/vnd nit nach keine
gesatz geübt. Sy halten vnder inen diebstal für dz größt laster/dieweil sy on
heuser vnbeschlossen wonen/vnd nichts haben/dann rich/Was möcht dann
bey in frey sein wo sich zimpt züstelt/Alles golds vnd silbers achte sy nichts
das doch all andre menschen begern/Sy essen vnd geleben der milch vnd ho-
nigs/Sy wissen weder von wollē noch ander der gleichen kleydung zusagen
wiewol sy on vnderlaß mit frost vnd kelte bekümmert sind. Sy geprauchē sich
der wilde thier heuten vnd pelzen/damit sie sich kleiden. Dieweil sy die ding
haben sy auch von rechts wegen die gewonheit/das sy nichts fremds begern
Dan die begird der reichthumb ist an den enden/da man die inn übung vnd ge-
prauch hat/Got wölt das all andern menschen ein sollich mässigkeit hielten/
an abbruch der frembden ding/so wurd fürwar die ganz welt/nit so mit sch-
weren kriegē on vnderlaß bekümmert/auch der menschen nit so vil mit dem
schwert vmbbracht/die doch wol sunst natürlichs tods sterben möge. Auch ist
dis wol für ein wunder zu achten/das die Scythier vonn angeporner natur
vnd art haben sollen/das die Griechen mit langwiriger lere vnnd gesatz der
weisen kömmerlich erlangen mögen/das sy in lerung güter kunst vnd siten /mit
den vnstlichen vngelernten leuten vberwunden werden. So vil mer fürtrifft
vnder den Scythiern die vnerfarung der laster/so vil dann vnder den Grie-
chen das wissen der tugent fürtreffen mag. Dife Scythier haben zum driten
mal vber Asiam geherschet/vnd sind doch sy von einer frembden herrschafft/
aintweder vnangefochten oder zum wenigsten vnbezwingen bliben. Sy ha-
ben den obgemelten Persier künig Dariū mit eyner schentlichen flucht auß ire
land verjagt/Vnd den künig Cyrum mit allem seyner hōr erschlagen /dar-
zu auch dem grossen Alexander ein mechtigen hauptman mit namē Cepyro/
nam auch mit allem hōre vmbbracht. Vñ den Römischen waffen haben sy wol
gehört sagen/aber die nit erfarn/Gleich demnach hand sy der Parthier vnnd
Bactrianer Künigreich gestiftet. Sy sind leut von arbeit vñ in kreygs hānd
len vast hart vnd rauch/von leib sind sy vnmeßiger krāfft vnd stercke/sy sam-
len nichts das sy sorgen zu verlieren/Sy begern in irem vberwunden nichts

B

anders

¶ hat sich nicht
erfüllt

¶ alle vnderen

Von den
Scythiern.

Dise Xypheischen
man nicht sagen

Himmelstempel
all vñ an das

¶ das land
will/dann man

und die menschen
und die menschen

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

das ist das land
das ist das land

Das Ander Buch

Wer dye
Scythier zu
ersten mit
Krieg angri-
ffen habe

Sathur Assur
bezeugen

plinas
scelopitus

Der Amazonen
anweisung

anders/dann preys vnd rhüm. Der König inn Egypten Verores genant/
hat zum ersten die Scythier mit krieg angriffen/doch hat er vorhin sein pots-
schafft zu ihnen geschickt/mit anzeig/das sy seinen gesagten gehorsamen solten.
Die Scythier waren aber hienor von iren nachpauern ynnen worden/ wye
sy vorgemelter König vberziehen/darumb gaben sy seyner potschafft ein sol-
lich antwort. Wir verwundern vns/das der Herr so eins mechtigen lands
vnd volcks/im so thölich krieg zuführen fürnympt/wider so ein arms volcke/
als wir seind/Er solt mer daheim betracht vnd gesorgt haben/das die streyt
vnnnd kriege vngewis/des sigs kein belonung/dargegen aber gewislich vnnnd
offenbar schäden zu warten seyen. Deshalb würden die Scythier seyner zu
kunfft in irem land nit erwarten/die weyl sy an dem feind so vil mer zu gewin-
nen/heten sy auch das mannlich gemüt/im entgegen zu ziehen/haben sich des
auch nit gesaumpt. So bald aber der Egyptier König iren so schnellen gegen-
zuge erfahren/hatt er sich mit allem seinem heere/mit verlassunge alles streyt-
zugs in grosser forcht wider hinder sich heim gefügt/Vnnnd wurden die Scy-
thier von den Mösern auffenthalten/das sy nit in Egypten kamen. Darüb
wendten sy sich dadannen vnd bezwungen Asier lande/das machten sy ihnen
zinsbar/vnd sagten ihnen wenig tributs auff zugeben/mer zu ein tittel vnnnd
anzeig des sigs/dann zu einer belonung der vberwindung/vnd waren in den
sachen fünffzehen jar aussen/In dem wurden sy von iren weibern erfordert/
die sagten/Wo sy nit heim ziehen/wolten sy vndersteen von den nechstgeleg-
nen mannen kinder zu bekommen/dann sy mochten nit leiden/das ir Scythier
volck der weiber halb abgeen solt. Also ist ihnen das ganz Asier lande Tau-
sent vnnnd fünffhundert jar zinsbar gewesen/vnz zu den zeitten des Königs
Nyni in Assyrien. Inn mitler zeit seind bey den vorgenanten Scythiern ge-
wesen zwen jüngling von Königlichem stamien geporn/mit namen Plynos
vnd Scolopythus/die wurden auß züthun vn̄ züsamen schwerung der lands
herren/auß dem land vertriben/mit denen zoch eyn grosse summa des jungen
volcks auß dem land. Dye liessen sich nider an dem mör gestatten in Capa-
dotia bey dem wasser Thermodoonta genant/daselbs namē sye ein Thermis
vnd der Cyrrer landtschafft/an dem ende haben sy etwo vil jar gewonet/dye
nechst gelegnen land zu vberfallen vnnnd zu berauben/so lang vnz das sy mit
vereinparung der landtleütten hindergangen/vnnnd all erschlagen wurden.
Derselbigen weiber/da sy sahen sich verlassen vnd irer mannen beraubt sein/
da namen sy die gewer vnd waffen zu handen/vnd beschirmiten irgegne vnd
landtschafft gar kecklich/sy wolten auch von der nachpauerschafft kein andere
mann nemen/vnd sagten/das mer ein dienstbarkeit dann ein vermählung
sein/das doch in aller welt ein sunder fürnemen vn̄ prauch was/damit haben
sy den gemainen nutz on die mann erhalten vnd gemert/vnd mit verachtung
der mañ beschyrmten sy sich selbs.Vnd damit die andern frawen/so ire mañ
noch lebend hetten/nicht minder dan̄ ir gleichen geachtet wurden/Da erschlü-
gen sy ire mann selbs. Demnach verderbten sy ire nachpauern zu einer rach-
irer erschlagnen menner. Vnd als sy ihnen dermaß mit dem schwert fryder-
stritten/haben sy vonn den nechsten nachpauern mañ gesucht/damit sy nicht
gar absturben/Wann sye dann knaben geboren/haben sye die getödtet/vnd
die

die megtlin auffgezogen/nach jr gewonheit vnderwisen/nit zu müßig geen
oder spynnen/sonder zu ritterlicher wer/vnd pferden gewānet/vorab mit dē
weidwerck. Sy haben inen auch die recht prust geprand/dz sy jr armproß vn̄
bogen deßbaß prauchen möchten/Daher sind sy Amazonas genant worden.
Sy habent zwo Künigin gehept/mit namen Marthesia vnd Lampedo/die
jr heer in zwen spitzen ordneten/vnder den die ein aufwendig krieg fürte/vn̄ die
andre das land beschirmt. Vnd damit sy sich jrs glücklichen stands nit verge
bens berümpfen/dagaben sy für/sy weren von dem streytparn got Mars ge
porn. Als sy nu den merern teil in Europa bezwungen/haben sy auch etlich
stett inn Asien erobert/Vnd darinn gebawen die statt Ephesis/vnd andre
stett mer/auch ein teil jrs heers an den enden gelassen/vnd das vbrig mit ey
nē reichen mächtigē raub hinder sich heim geschickt. Die aber in den eroberten
vnd gewonnenen landen zu einer hüt verlassen/die sint mit irer künigin Mar
thesia von zusamen lauffung der landeleuten erschlagen/vnd hat Orithya jr
tochter in der regierūg jr nachgefolgt. Wellich dan on all ander streitlich ster
cke vnd dapfferkeit/auch jr junckfrawschafft vnd keuscheit behalten. Es hat
auch jro vnd den Amazonern diß lob nach genolgt/Das dem starcken Hercu
les vnder andern seinen zwölff auffgeladnen kämpffen vnd streyten/auch ein
gepunden ward (als ob das zu thun vnmüglich were) dz er dem künig zu Ny
cena Euristeus genant/der Amazoner künigin gewer vnd waffen vberkom
men solt. Darumb ist der vorgenant Hercules mit einem newen vnd langen
schiff dahin gefaren/vnd hat zu in genommen die jüngling vn̄ sün der Grie
chen Fürsten vnd herzen/mit denen hat er die Amazoner vnuersehelich vber
fallen/Der zeit haben von den vier schwestern die zwo der Amazoner Künig
reich regiert/mit namen Antiope vnd Orithya/vnder wellichē Orithya auß
serthalb lands krieg fürte. Darumb als Hercules an der Amazoner land anfür
da was ein grosse schar weiber bey 8 Künigin Antiope/die sich alle keins feins
des versahen/desthalb begegneten sy inn kleiner anzal mit gwerter hand den
feinden/die wurden erschlagen vnd vil gefangen. Vnder denen sieng Hercu
les zwo schwestern der vorgenanten Künigin Antiope/mit namen Menalip
pen/vnd Theseus sein gesel/die ander Hypolitem/die im der selbig vngelohet
behielt/vnd nam die zu einer gemaheln/vnd gepat bey jro Hypolitem. Nach
dem sig hat Hercules die vorgenant Menalippe jrer Schwester der Künigin
zu lösen geben/vmb jr harnisch vnd gewer/Der gestalt hat er sollichs erobert
vnd ist damit zu seinem Künigkert. So bald aber die Künigin Orithya er
faren/das man jr schwestern mit krieg angriffen/vnnd das der empfürer der
einen Schwester/der Athenienfer herr gewesen/ist sy mit ermanung der freen/
den nechsten wider die von Athen gezogen/sich an inen zu rechen/vnnd sagt
das es vmb sunst were/das sy die gegne des Pontischen meers vnd Asiam be
zwungen heten/wo sy von den Griechen nit allein mit krieg/sonder auch mit
raub müsten leiden sich zuschedigenn. Darneben hat sy auch von Sigillo der
Scythier künig beystand vnd hilff begert vnd gesagt/wie sy auch vō gepurt
Scythierin weren/vnd wie inen ire männer erschlagen/darumb sy von ge
trungener not wegen sich betten selbs beschirmen müssen/damit der Scythi
er weiber nit geachtet würden verlessiger gewesen seyn/dan jr gepurt erz

Der Amazo
ner vrsprung
Marthesia
Lampedo

Ephesis die
star ist bau
wen in jar
der welt.
4153.
Orithia

Hercules ge
schichten ey
ne wider die
Amazoner.

Antiope

Theseus

Menalippen
Hypolitem
Theseus ge
wan Hypo
litem die kün
igin 3965.

Sigillo künig
Scythian

Justini. IX Von denen von Athen vnnnd iren theuren

Kitterlichen gethaten/was sy auch von iren Tyrannen
leyden müßten/auch von irem vrsprung
vnd herkommen.



Dieweil man yetzund von dem Athenienser krieg
sagen solle/wellicher krieg dan nit allein vber alle hoffnung zu vol-
füren/sonder auch vber allen glauben geübtē kriegs zugerüstet/dan
bern von Athen thaten vnd gschichten sind vil grösser vnd mannlicher gewe-
sen/dan sy inen selbs fürgefast oder vertraut hetten/ Darumb gezimpt sich
nit vbel von irem vrsprung vnd herkommen mit kurzen worten doch etwas zu
sagen/Wan sy sind nit wie andie völker von stinckendē oder vnachtparn an-
fängen/zū so grossem stand vnd wesen komen/Vnd nemlich so frewen sy sich
nit wenig/das sy iren vrsprung inn irem eignen land gehept/dan die statt A-
then/ist ansecklich/nit von frembder noch versamleten völker auffgangen
sonder sy sind an dem selbigen ort geporn/da sy wonend/vnd da sy iren sitz ge-
hebt des ends/haben sy auch iren vrsprung vñ herkommen genomen/Sy seind
die ersten/die da gelert haben/mit wollen zu wircken/öl vnd wein zu bawen
auch haben sy den leutten die nichts anders dan eichlen gessen/bericht geben/
wie sy die velder umbären vñ frucht säen sollen. Item die büchstaben/kunst
vnd wolreden/auch das burgerlich wesen/Auch all ordnung zucht vnnnd lere
flüssset auß der statt Athen. Vor den zeitten Deucalionis ist Cecrops jr Kün-
ig gewesen/danon sagē die alten fabeln vñ gedicht/das er ein zwifach antlig
B ij gehept/

Annot
3643
Cecrops.

Das Ander Buch

Wie bey dē
 altē die Er-
 erdacht.
 Cranaus
 Athis.
 Amphioni-
 des.
 Deucalion.
 3675
 Erichonius
 Erythronius
 Agamemnon
 Medea
 Theseus
 Demophoon
 4110
 Codrus
 Solon
 Salamin
 mst
 gehept/vnd das auß der ursach/das er zum ersten verordnet/das man ein mā
 vnd weib zusamen vermählen solt/vnd hat im inn der regierung nachgeuol-
 get Cranaus/desselbigen dochter/Athis genant/hat dem land vnd statt den
 namen nach irem namen auffgesetzt. Nach dem selbigen regieret Amphioni-
 des/der zum ersten die Stat vbergab der göttin Nimerue/gab ir auch dē na-
 men Athenas. Bey desselbigen zeitten ist der merer theil des Griechen lands
 von wasser ertruncken/die dem vberpiben/sind auff die hohen berg gewichē
 dadannen sind sy mit slōgen inn Tessalien gefaren/zū dem künig Deucalion/
 auß der ursach sagt man/das die menschen von im wider aufkommen seyen.
 Dermaß ist der Athener Künigreich von einzum andern vnz auff den Kū-
 nig Erichonius gewachsen. Vnder desselbigen regierung hatt einer mit na-
 men Erythronius bey der gegendt Kleusina genant/erfaren/wie man die
 frucht säen vnd auffspringen solt/Darumb man im zū ernen die nächtlīchē fest
 vnd gotsdienst auffsetzt. Es hat auch Theseus vater mit namē Aegeus dern
 von Athen Künigreich besessen/von dem sich Medea hat scheiden müßenn/
 von wegen das Theseus ir stieffsun erwachsen/vnd zoch sy mit Medo irem
 sun/den sy bey vorgebantem Aegeo geporn het/inn die insel Colchos. Nach
 disem Aegeo hat sein sun Theseus/darnach desselbigen sun Demophoon re-
 giert/diser kam mit andren Griechen für Troia. Zwischen obgedachten Athe-
 niensern vnd den Dorensern schwebt vil altes has vnd neyds/das begerten
 die Dorensen zū rechen/Fragten inn den templen radt/wie der krieg ein auf-
 gang nemen solt/Da ward inē geweissagt/das sy obligen/wo sy nur dern rō
 Athen Künig verschonen wurden/vnd den selbigen nit vmprechtē. Da man
 nu zū der feltchlacht kam/da geboten sy iren kriegsleuten/dz sy vor allē dinge
 dern von Athen Königs verschonen solten/Der zeit was Codrus der Athes-
 ner künig. Da der solcher weissagung vnd der feindmeinung innen ward/da
 thet er sein küniglich kleider ab vnd legt schlecht kleider an/streift ein kappē
 an hals/darmit gieng er inn der feind läger vnd hör/daselbs verwunt er der
 Ritter einen/von dem er dan vnwissender ding todgeschlagē ward. Da aber
 die Dorensen erfarn/das sy den künig vñbracht/habē sy wider heim fert vn-
 gestriten. Der gestalt sind die Athener von lieb vnd tugent wegē irs künigs/
 der sich für das vatterland willig inn tod begeben des kriegs entladen. Nach
 disem Codrus hat kein künig mer zū Athen regiert/vñ dz vñ erlicher gedecht
 nus willen seins namens/vnd ist also fürther der gemein nutz alle jar mit der
 meisterschafft regiert worden/Doch hat die stat der zeit noch kein statuten
 noch gesetz gehept/dan sy hielten den freyen willen der Künig für ire gesetze.
 Deshalben ward Solon cyn fürtrefflich weiß vnd gerecht man erwelet/dz
 er inen als einer neuen stat gesetz machen solt/Der hielt sich nu inn dem zwī-
 schen dem radt vnd gemeinen volck/ganz mittelmässig/dan wo er eim teil zū
 vil gewillfort/hett er dem andern verdruf gemacht/Also das er von beiden
 teilen gleichen danck erlangt/Vñ hat vnder andern vil löblicher stucken/auch
 dise that volbracht. Als die von Athen vnd die Megarensen vñ die insel Sa-
 lami gestriten/vnd beider sitz grossen schaden genomen/also das man nach
 grossem empfangnen verlust/bey verlierung des haupt verbotē/das niemāt
 kein

kein gesatz machen/darinn man verpunden sein solt/die gemelt insel zu erobern
 Deshalb was er ängstig in der sacht/ Vñ auff das er mit seinem schweygen de
 gemeinen nutz kein schaden præcht/ Oder so er das sagt/das er dadurch etwz
 beschwerlichst leiden müß/Darumb nam er sich einer thörichten vnbesynnen
 weiß an/dadurch er solches mit allein radten/sonnder auch thun dorfft/kame
 also auff den platz in einem vngeschickten kleid/ In dem nu das gemeine volck
 zülieff/damit er dan den fürgefasten ratschlag desßas verbergen möcht/da
 fieng er an der gemeind mit vngewonlichen sprüchen/zü radten/das zethünd
 das verpotē were/Damit fasset er in aller gemüt der massen/das sy vō stünd
 an ein mers machen/wider die Megarenser züstreiten/vñnd das nach vber
 windung der feind die insel Salamis dern von Athen sein solt. Dazwischen
 waren die Megarenser auch ingedenck des zugefügten kriegs von den Athe
 nienfern vñd schampten sich/das sy jr rüstung vergebens gehabt haben soltē/
 Deshalb vnderstündē sy den von Athen jr weiber/die bey nacht in dem tem
 pel Eleusine der görtin säst hielten zü vberfallen vñd hinweg zefüren/füren
 also inn jren schiffen darnon. Da aber der von Athen hauptman mit namenn
 Pisistratus sollichen anschlag erfarn/hat er etwa vil jüngling inn verborzne
 haltten versteckt/vñd dabey den frawen beuolhen/jr gewonlich fest vñd ge
 sang zü volfüren/auch inn zükunfft der feind/als ob sy nichts von jnen wistē.
 Vñd hat er die Megarenser/so bald sy auß jren schiffen kamenn vñnuersehen
 lich vberfallen/vñd sy alle gar erschlagen/Vñ gleich darauff die selbigen schif
 besetzt/auch weiber zü jnen genomēn/inn gestalt als ob es die eroberten vñd
 geraupen frawen weren/vñd also gegen der statt Megaram zügefarn. Als
 nu die selbigen die form jrer schiffe vñnd den angeschlagenen raub der weyber
 inn vñd auff den schiffen sahen vñd erkanten/da lieffen sy jnen entgegen vñz
 an das mör/die hat nu der hauptman Pisistratus auch erschlagen/der meren
 teil/vñd fällt nit weit er hett die statt auch eingenomēn/der gestalt haben die
 Megarenser mit jrem eignen betrug/jren feinden sollichen sig erworben. Dy
 ser jezgenanter Pisistratus hat mit listen vñd betrug dern vonn Athen herr
 schafft an sich gezogen/als ob er im selbsts/vñd nit dem vatterland disen sig er
 langt/vñd hat sich selbsts in seiner behausung vbel gewundet vñd mis handelt
 vñd ist also mit verwuntem leib auff den platz komēn/daselbs der gemeind
 seine wunden anzeigt/vñ sich ab dem Magistrat beklagt/von den gabe er für
 im sollichs widerfaren sein/klagt das mit weinenden augen/damit beweget
 er das volck/das sy im glaubten/Wañ er sagt/das er von liebe vñ gunst we
 gen gemeinen volcks/von der meister schafft vñnd radt gehasset wurd/dar
 durch erlangt er im etlich reifigen zü seins leibs hüttern/mit hilff der selbigenn
 zoch er alle herschung vñd gwalt an sich/die besaß er mit seiner Tyrannischen
 regierung auff xxxij jar lanng/Vñd nach seinem tod seiner sün einer mit na
 men Diocles/der dan von einem jüngling dem er sein Schwester als ein juncck
 fraw mit gewalt geschendet/erstochen worden/Darumb ist sein anderer brü
 der mitt namen Hippias an statt des vatters inn die herschung komēn/der
 hatt den todtschläger seines Brüders sahen vñnd vbel peinigenn lassenn /

Pisistratus

Pisistratus

Diocles

Hippias

B iij So lang

Das Ander Buch

So lang vnz er all ander sächer vnd schuldige an seines brüder tods angeb /
 der zeyget nu alle dye an / die dem vorgemelten Tyrannen Syppias mit freünd
 schafft vnnnd sunst gesypt vnnnd verwant waren. Als nu die selbigen alle ge
 tödtet wurden / vnnnd der gedacht Tyrann Syppias den thäter weytter fra
 get / Ob er keinen mer wist der an seins brüders tod mit radt oder that schuld
 gehebt / hat er im geantwort / Es ist niemants mer verhandē / den ich begeren
 möcht zū sterben / dan allein dich als den Tyrannen selbs. Mit dysen Worten
 zeigt er an / das er die Jungkfrawschaft seiner Schwester mit angebungē
 des Tyrannen freündtschafft / wolgerochen / vnnnd hatt also mit
 seiner mannhait dye ganz gemain burgerschafft vermant /
 die vorig jr freyheit zū erlangen / Darumb ward der
 selbig Tyrann Syppias in das ellend verjagt /
 der kam in Persien vnnnd erpott sich dem
 König Dario obgenant ein künde
 schaffter zū sein / wider die vō
 Athen sein eigē vater land
 Die weil sich der König
 Darius ebē der zeyt
 on das rüstet wi
 der dye vonn
 Athen zū
 ziehen.

Wye der



Wie der Künig Xerxes aus Persien vmb

des grossen schadens willen / den die von Athen seinem vatter
auff dem feld Marathon bewysen / in Griechen ge-
zogen vnd vberwunden ist.



Deshalben vnd als die von Athen horten / das der
künig Darius daher zoch / da suchte sy die Lacedemoner / die der zeit
noch ir freund waren / vmb hilff vnd Beistand an / da sich aber die sel-
ben zu lang saumpten / da musterten sy der iren zehen tausent / vnd tausent vñ
Platea der statt die inen zu hilff kamen / mit den zugen sy auff dem feld Mara-
thon / wider sechsmaln hunder tausent Persier / in dem was Milciades ir al-
ter hauptman / darzu einn versäcker / das man der Lacedemonier hilffe nit er-
warteten / sonder die feinnd ritteilich angreifen solt / wann er hett ein solliche
zünersicht

Milciades.

Das Ander Buch

zůnerst/ das er sein sach mer auff die eyl/ dann auff künfftig hilff sant/ Dar
 709. rumb haben sy in anlauffnung der seynden ein grosse freydigkeit vñnd man-
 lics gemüt erzeigt/ Vñnd als nemlich vñngewerlich tausent schryt zwyschen den
 bayden heeren gewesen/ Ist nit wenigens dis so klein heere mit dyslem stren-
 gen anlauff in die seynde gefallen/ ehe dann sy einich abschuessen auff sy gethan/
 vñnd haben auch irer theuren mannhait/ ein gleichmessigen aufgang vñnd ende
 erfunden. Sy haben mit so mannlichem gemüt vñnd kresften gestrytten/
 das man sy für Ritterlich leut vñnd it gegen parthey für ein heerd vichs sche-
 zen müssen. Daher wurden dye Persier vberwunden/ vñnd fluchen den nech-
 sten iren schiffen zů/ dern sy vil ertrenckt/ vñnd vil gefangen/ vñnd haben sich in
 diser feldschlacht alle gar vñnd ein yeder in sonders für sich selbs/ so Ritterlich
 vñnd mannlich gehalten/ das man kaum wyssen/ wellicher den höchsten preys
 vñnd danck erlangt habe. Doch so hat sich destheuren Ritterlichen jūng-
 lings Themistocles mannhait vor allen andern erschnen/ vñnd was schon ye-
 zund noch also jung/ ein gruntlich anzeig inn sñnen/ seiner künfftigen theuren
 vñnd mannlichen hauptmanschaft. Die Hystorien schreiber preisen auch vber
 auß die mannhait Cinegeri des Ritterlichen mans von Athen/ Nemlich als
 der selbig nach dem feldstreyt inn der flucht zů den schiffen vñnzalbare seynde
 erschlagen/ hat er ein volls wolgeladens schiff mit seiner rechten hand ergrif-
 fen/ vñnd das nit von statt lassen wöllen/ vñnz im die hand am schiff abgehaw-
 en/ darauff ward dasselb schiff mit seiner lincken hand ergriffen/ Da im nudie
 selbig auch abgeschlagen/ ist er mitt den zenen daran gefallen/ vñnd hat dz auff
 gehalten/ So grosse manheit ist inn im gesteckt/ das er mit souil todtschlegen
 nit müd worden/ mit verliering baiden hend nit vberwunden/ sonder ist also
 gestumelt/ gleich einem wilden thyere/ mit seinen zenen in die seynde gefallen.
 Die Persier habē in diser feldschlacht zweymaln hundert tausent man verlo-
 ren/ on die schiff so gewonnen wurden. In dem streyt kam auch vñmb der Athe-
 nienser herr vñnd Tyrann Hyppias/ der auch disen kriege bewegt vñnd gefürt/
 hat damit eben sein rechten lon empfangen/ das er wider sein aygen vatter-
 land kriegt. Dazwischen vñnd als sich der König Darius in Persien wide-
 rumb rüstet zum krieg wider die von Athen/ da ist er inn der selbigen rüstung
 gestorben/ vñnd verließ vil sūn/ die im als in künigklichem stand/ vñnd auch dar-
 vor geporn waren/ Vñnder denen vermeint Archemenes/ als der eltest/ das er
 von rechtswegen/ seiner alten gepurt nahe/ das Künigreich besitzen solt/ dye
 weil im das von rechts vñnd der Persier auch aller völder gemeinen gewon-
 heit vñnd ordnungē nahe vñnd der natur mit seiner Elteren gepurt zůgeben
 were. Dargegen aber sein Stieffbrüder Xerxes fürwendet/ das man nicht
 von ordnungē der gepurt/ sonder vñnd deren Adellichen standt wegen reden
 müst/ Dann wiewol Archemenes des Königs Darius Eltester sūn/ so wer
 er doch geborn in der zeit/ da er noch kein künig gewesen. Er Xerxes aber wer
 in seins vatters künigklichen stand der erstgeborne sūn/ deshalb so möcht der
 vorgeandt seyn Stieffbrüder/ so vor yhm doch außerthalb Künigklichem
 stande vñnd wesen geporen/ nichts weytters vorderen/ dann was der Künig
 Darius vor empfangung des Künigreichs/ für herschaft vñnd güter besessen.
 Dargegen

Themisto-
 cles.

Dargegen were er der erst/der von im als einem künig geporn/zū dem möchte man auch wol sagen/das sein brüder Achemenes nit allein des vaters sonder auch mütter halb von keynem küniglichen geschlecht geporn/Xerxes aber were von seiner mütter als von einer gepornen künigin geporn/vñ het auch seynen vatter in keinem andern dann küniglichen stand gesehen. Zū dem so were auch der künig Cyrus sein mütterlicher anherz/der dises so mächtig Persier reich/nit allein im als seiner dochter sun erblich verlassen/sonder dz selbs auff gericht vnd dahin pracht hett. Deshalb vnd ob gleich wol jr gemeiner vater sy beid inn gleichem stand geachtet/so möchte er doch mit seinem mütterlichen vnd anhern als küniglichen stammen wol fürwegen. Sollicher jr streit ist mit einhelligem vnd wilkürlichem gemüt auff den fürsten Ataphern/jrenn vettern vnd vatters brüder/als einen heimischen richter zum ausspruch gesetzt/Der nach verhö: beider teilen/den obgemelten Xerxem zū künig erkliert/Doch so was diser streit so brüderlich/das sich der vberwynder des nit vberhüb/darzu der vberwundne des kein sondern verdruß empfieng/Also das da zwischen je einer dem andern seine gaben zuschickt/vnnd in mittler zeit frölich gastung vnd wirtschafft miteinander hieltē. Auch ist diser ausspruch on einichen zusatz noch vnwillen geschehen/vnd das so vil mässiger/das die brüder mit freyem willē vil mechtiger land vndereinander teilten/woye man dan ye gund ein klein ertheil on zancē vñ hader vnder einander teiln möchte. Darum so hat der jetzgenant künig Xerxes den krieg den sein vater künig Darius wider die Griechen fürgenomē/vnderstanden zū volstrecken/vnd sich nemlich fünff jarlang darzu gerüstet. So bald aber Demaratus der Lacedemoner vertribne künig/der sich damaln an des künig Xerxes hoffhielt/vnnd doch seinem vaterland gunst trüg/solichs erfahren/hat er die Lacedemoner gewarnt auff dise weis:/Er schrib alle sache auff hülz in tässlin/vnd vberstriche das mit wachs/das man die geschriff mit sehen noch einichen betrug spürn möchte. Dis gab er einem vertrauten diener/vnd befalch im/das dem Magistrat zū Sparta zū antworten. Als nu dise tässelin an bescheydē end vberantwort worden/sind sy lang inn zweifel gestanden/was dise vngeschribne tässlin bedeuten mögen/dieweil sy kein geschriff darinn sahen/vnd doch wol gedachten/das man inen sollichs nit vmb sunst zugeschickt/darumb scherzten sye die sache so vil grösser/so vil mer die verborzner was. Wie sy nu darob inn zweyfel stunden/befand die Schwester des künigs Leonides/der damaln zū Sparta regiert/des schreibers meinung vnd fürnemen/damit ward dz wachs abgeschaben vnd die warnung befunden/Vnd hat schon der künig Xerxes der zeit sibē maln hundert tausent kriegsleut gemustert auff seinem reich/darzu dreyhundert tausent von außlender hilff/darumb man nit vnvillich gesagt das sein höre grosse wasser außgetruncken/vnd in allem Griechen land kaum platz gnüg gehept habe. Man sagt auch das er tausent maltausent schiff gehept/das auch disem so grossen höre nichts anders gemä: let hab/dan ein rechter hauptman/wan so man den künig ansehen wil so müß man mer die reicheit tumb dan den herren lobenn/dern er so vil gehebt/das die zū vil vberflüssig gewesen/wiewol die grossen wasser von seinem höre druckenn gelegt sinnd/

Der

Xerxes hore

Das Ander Buch

Der künig aber ist alzeit der letst im streit/vnd der erst in der flucht gesehenn worden. In den nöten ist er verzagt/vnd im fryden hochmütig gewest/wan ehe dann er den streit versücht/hat er so groß vertrauen in sich selbs gesetzt/als ob er ein herr were der natur/dz er grosse berg schleiffen vnd eben machen. Er ließ etliche möz mit prucken vberziehen/vñ sunst ein möz mit grossen weyten gräbē in das ander richtē vñ telben. Doch ist sein abscheid vnd flucht auß Griechen/nit minder schantlich gewest/dann vorhin sein zukunfft erschrocklich gewesen. Wann als der Spartaner Künig Leonides/mit viertausennt Griechē die clausen vnd enge zū Termopylaseingenommen vnd verhütet/hat der Künig Xerxes das klein volckle verachtet/vñ den seinen beuolhen/wider die zū streiten/die inen jr freund auf dem feld Marathon erschlagen/Vñ als die Persier sich an den Griechen begerten zū rechen/da warn sy die ersten die erschlagen wurde. Da nu demnach mit gangzen scharn an die Griechen gsetzt ward der Persier noch vil mer dann vor erschlagen/des ends ist drey tag lāg mit grossem verdruß vnd schaden der Persier gestritten wordenn. Je zū letst ward dem Künig Leonides angezeigt/dz die feind auff zwenzig tausent starck die höhe der berg ob inen eingenommen/darauff hat er die Griechen so bey im warn ermant/das sy abziehen vnd sich zū besserem fromen des vatterlāds bewarn solten/Er aber wolt recht mit seinen burgern von Sparta deren auff drey hundert warn/an dem end verharin/dann im wer mer an seinem vaterland gelegen/dann an seinem eignen leib vnd leben/die vbrigen solten sich zū beschirmung des Griechenlands auff dis mals in ire gewarsame thūn/Nach diser red zugen die Griechen all ab/vnz an die Lacedimoner/die bliß bey ihrem künig/Wann als man in angang des kriegs in dem tempel zū Delphos rats gefragt/hat man zū antwort empfangen/das eintweders der Spartaner Künig/oder die statt/sterben vñnd verderben müsten/Darumb hat der

47211 Künig Leonides zū den seinen gesagt/vnd sy vermanet das sy willig waren bey im zūsterbē/ Deshalb nam er dise clausen ein zū verhüten/auf das er aintweders mit wenig volcks inn dem sig ein grossen rūm vnd preis erlangen/od mit minderm schaden des gemeinen nutz erschlagen wurd./Ermant also nach abscheid der andern Griechen die von Sparta noch mer/sy solten nit erwarten/das sy von den feinden vmbgeben wurdenn/darumb so bald mans thūn mocht von finstere wegen der nacht/hilff vnd vrsach zūsuchen/vñnd also vnverzagts müts mit gūten streitarten die feind vngewarnter sach vberfallen müß/dan sy mochten an keinem end eerlicher vñnd Ritterlicher sterben/dann mitten in der feind leger. Dis was auch denē leichtlich zū raten/die er vorhyn beredt hat williglich zūsterben. Namen deshalb mit allem grynen jr gewer zūhandē/vñ vielen in sechs hundert man in der feind hörleger/darinen fünf maln hundert tausent man waren/vnd richten sich den nechsten dem Künig/Fliehen zelt zū/darein fielen sy/auff das sy mit dem künig selbs stryten/oder in seinem zelt deffer einen erlicher tod nemen möchten/dauon ist im gangzen hōre ein grosse auffrur worden/Aber die Griechen nach dem sy den künig in seinem zelt nit funden/haben sy gleich als die vberwynder im gangzen lāger vnigeschweiff/vñnd alles das inen begegnet/ist zū hauff geschlagen vnderwürgt/Nemlich hand sy sich also gehalten als leut die wol gewist/das sy gestritten

stritten haben/nit zu erlangung des sygs/sonder zu eyner rache syhs sterbens.
Diser streyt hat sich in angang der nacht angefangen/vnd ein güt theil in den
tag hinein verlengt. Jezü lest seind die Griechen mit vberwundē/aber mit
irem vberwynden/so müd worden/das sy vnder den grossen erschlagne hauf
fen der feinden vmpbracht seind. Als nu in dem der künig Xerxes zwō wunde
empfangen/hat er ime fürgesetzt/nit mer zu land/sonder auff dem meere den
streyt zūuersuchen. Da aber der Athenienser obüster hauptman mit namē

Wie der kō
nig Xerxes
sich zum
schiffsstreit
wider dye
Griechē ge
rüster vñnd
dasselbs aus
ch nit gelyt
hat.

Themistocles/wargenommen/das die Ionischen Griechen/derhalb der Per
sier künig disen krieg fürgenommen/mit einem sondern schiff heer/bemelten kün
ig hilff vñnd beystand bewysen/da gedacht er im nach/wye er sy wider auff
der Griechen seyt bringen möcht. Die weil er aber selbs mit inē sprach zehaltē
nit stat gehebt/hat er verschafft sein meynung in stein vñnd felsen mit Grie
chischen büchstaben zu harven/an den enden/da er sy vermeint zu zülenden.
Dises ynnhalts/O jr Ionischen Griechen was vnſinnigkeit hat euch bestan
den? was schandlichen sachen vnderstond jr zethun? das jr gedencet die zu
kriegen/die euch vorzeiten geporn vnd erzogen/auch erst kurzlich an ewern
feinden gerochen? Haben wir ewer stett vñnd land darumb erbawen vñnd auf
pracht/das jr vns dargegen vertilcken vñnd zerstören solten? Ist es nit genüg
das wir zum ersten bey Künig Darius zeitten/vñnd yezund euch bey dem kün
ig Xerxes als abgefallne nit verlassen? Darumb sollet jr euch billich zu vns
haltē/Oder wo jr das nit sicherlich gethun/so mügt jr doch wol in dem streit
vnser deſter mer schönen/ewere rüder langsam geprauchē/od auff dem streit
weichen. Nu hatt auch der künig Xerxes vorangryff des schyffstreys/auff

woher der künig

vier tausent gerüster mann gen Delphos geschicket/den tempel zu berauben/
gleich als ob er disen krieg nit allein wider dye Griechen/sonder auch mit den
vntödtlichen götten fürte. Dise wurden all gar von vngewytter vñnd ronder
plix vmpbracht/auff das er verstände/souil mer der götter zoren fürtreffen/dz
souil mynder die menschlich krafft wider sy fechten möcht. Demnach hat er
die stett Thespia/Platea/vñnd Athen/dye aller menschen halben verlassen
vñnd leer ständen/anzünden vñnd verpfehen lassen. Vñnd dyeweiler er sich an den
menschen nit rechen möcht/da hat er das mit dem prandt vber dye gepew vñ
heüſer gerichtet. Wann die von Athen haben nach dem syghafften streyt/
auff dem feld Marathon(in dem sy dann den Persiern des sygs oblagen.)
Von dem vorgeanten irem hauptman Themistocles/dyse warnüg empfan
gen/Nemlich das der syg auff dem feld Marathon erlangt/nit ein vollendüg
des kriegs/sonder ein vrsach vñnd anreygung wer/noch gar vil eynes grössern
kriegs. Deshalb lieſſen sy mit seinē radt zweyhundert schiff machen. Darüb
als sy in zukunfft des Persier künigs Xerxes in dem tempel zu Delphos radts
gefragt/Haben sy die antwort empfangen/das sy jr leyb vñnd güt mit hülzñē
maurn beschyrmien solten/In dem der vorgeant Themistocles vberschlüg/
das dise weyſſagung/die schiff beschyrmung bedeütten/darüb besser wer/die
statt zūuerlassen/vñnd sich nach götlicher anzeig auff die schyff zūuertröſten.
Disen radtschlag haben die von Athen gelobt/vñnd dem genolgt/Deshalben
jr weib/kind/vñnd was inen am liebsten gewesen/in die verporgnen Inseln
geschickt/Vñnd die statt Athen leer stehen lassen/sich darauff wol gerüstet vñ

Das Ander Buch

gewerter hand/in die schyff versüget. In dem stuck haben die andern stet den
 von Athen auch nachgefolget. Deshalben vnd als yetzund aller irer bunde-
 gnossen schiff zusamen kamen/vnd zu einem schiff streyt gerüfft/seind die en-
 ge des meers von inen eingenommen vngeuerlich vmb dye Insel Salamis ge-
 nant/auff das sy von der grossen menge der feind schiff nit vmbgeben würdē
 In den dingen entstünd ein zwytracht vnder den hauptleuten der Griechisch
 en steten/das iren etlich vnderständen abzeweychen/vnd heim zu kern. Des-
 halb stünd der hauptman Themistocles in sorgē/wo seyn pundtgnossen von
 im abwichen/so wurd damit sein macht gemindert. Darumb schickt er seiner
 heimlichen diener einen zu dem Persier künig Xerxes / vnd lief im sagen /wie
 die macht des ganzen Gryechen lands an dem ende beyeinander versamlet/
 vnd mit ringer arbeit zu vberwynden were/Dann wo sich der stet hauptleüt
 von einander trennen vnd heimzügen/ so wurde im gar groß mühe /arbeyt
 vnd kosten darauff geen/ehe dann er ein yede statt in sonders bezwingen mö-
 cht. Mit disem list pracht er den künig dahin/das er ein heerzeichen gab zu
 streitten. Also haben die Griechen in zukunfft der feinde/mit zusamen gesetz-
 ten krefftē/den streyt angriffen. Dazwischen hat der Persier künig als ein zu
 seher des streyts/mit etlichen schiffen noch am land gehalten. Aber Artھے-
 sia die künigin zu Halicarnas/die dem künig Xerxes etlich schiff zu hilff prachte
 hat vnder der Persier fürsten zum fordersten am aller ritterlichsten gestrit-
 ten/Also das man in dem mann ein weyblich forcht /vnnnd in dem weibsbild
 ein durstige mannhait gespürt vnd ersehen. Vnd als der streyt im sorglichstē
 gewesen ist / da haben sich die Ionischen Griechen nach der beger des haupt-
 mans Themistocles sytlich angefangen auß dem streyt zu weichen. Diser ab-
 ziehen/hat den vbrigen ir hertz vnnnd gemüt so ganz zerprochen / also das sye
 sich nach der flucht vmbgesehen/ Des habē die Griechen gar eben wargenō-
 men/mit ernst angehalten/sy hinder sich getriben vberwundē / vnd in die flucht
 geschlagen. In diser angst seind vil Persier schiff ertrēckt / vnd vil gefan-
 gen/doch hat der merer teil schiff des Persier künigs grymē vñ zorn geforcht
 nit minder dan die feind/darumb sind sy abgewichen vnd den nechsten heym
 gefaren. Die weil nu der künig Xerxes nach disem empfangnen schaden vast
 erschrocken/vnnnd wof er sich halten solt/vnbericht gewesen/ Ist sein oberster
 hauptman/der fürst Mardonius zu im komen/vñ im geraden heim in Per-
 sien zu ziehen/damit das geschrey dis vnglücklichen streyts nit etwas auffrüt
 erwegt/Vnd verstrich er die sach/wie dann der hauptleüt syt ist/dermassen
 das er sich frey erpot/ Der Künig solte im außser allem heer Dreü hūdert tau-
 sent außserlesner kriegsleüt geben / damit wolt er ihm mit großem lobe/das
 ganz Griechen land vnderthānig machenn. Wo es dann anders/dann seyn
 anschlag / geen/so wurde er doch on des Künigs spott vnnnd nachteil den sein
 den weichen mügen. Da diser radt dem Künig gefallen/hatt er vorgedach-
 tem fürsten vnd hauptman Mardonio das begert heer vberantwort / vnd
 sich vndernommen das vberig heer in Persien zufüren. So bald aber dye
 Griechen des Künigs flucht vermerckt / haben sy sich entschlossen/die vorge-
 machten prucken zu zerreyssen/die dann der künig als ein zwinger des meers/
 in seinem aufzuge bey der statt Abydon het machen lassen / ime dye heymfart
 damit

damit zu weren/vnd das sy in mit allem seinem hör erschlagen möchten/oder
 in zum wenigsten dermaß zu engstigen/das er an sy frid begeren müß. Der
 von Athen hauptman aber Themistocles sorgt/wod der feind so vil im land
 versperrt/so wurden sy auß der verzweifflung zu der manheit getrungen/vñ
 den weg der inen versperrt were/mit dem schwert eröffnen/vnd sagt dz noch
 feind gnüg im Griechenland blißen weren/die selbigzale wer nit not mit ver
 sperrung der abweichenden zu meren. Da er aber mit seinem ratschlag die an
 dern mit vber reden mocht/hat er vorgedachten seinen vertrautē diener aber
 mal zu dem König Xerxes geschickt/vñnd in der Griechen anschlag eröffnen
 lassen/im dabey geradten/das er sich eilends mit der flucht dauon machē solt
 Vñ diser botschafft ist der künig erst noch mer erschreckt /Darumb beualh er
 seinem landsfürsten das vbrig hör heim zuführen/Vñ er nam wenig seins hoff
 gefinds zu im/mit denen eilet er der stat Abydon zu. Wie er er aber sah/dz die
 pruck von vngewitter der winterzeit gerissen gewesen/ist er inn einen visch/
 er nachen gefessen/vnd in grossen sorgen vñ ängsten wiß vber mör heimwertz
 gefarn. Dis was wol selzam vnd würdig zesehen/vnd von wegen der wan
 delparteit des menschlichen vnfalls wol zu verwundern/das man den sah so
 inn einem kleinen schifflin verporigen ligend/dem doch kurz darnor das ganz
 weit mör kaum preit gnüg was /vnd daselbs manglen müß allē dienst seiner
 knechten/wellichs höre doch von wegen seiner größe vnd menge/dem ertrich
 ein vberlast gewesen. Es ist auch dem füs volck/das er wie vorstat dē Lant
 fürsten heimzuführen beuolhen/auff dem haimzug vil vnfalls zūgestandē/mit
 frem täglichen kumier vnd arbeit (Wañ die erschrocknen vnd forchtsamē leut
 mochten an keinem end rñw haben) dan sy haben grossen hunger leiden müß
 sen. Vnd als sy den etwa vil tag geliten/haben sy darauf ein pestilenz vñ ster
 bend im höre vberkommen. Vnd was so ein ellend ding vñ sy/das alle strassen
 vnd weg mit todten kōpeln zerstrewt warn/Dadurch so wurden die vōgel
 vnd wilden thier bewegt/das sy yr speiß zūsuchen dem hör nachzugen. Da
 zwischen hat der Persier fürst vñnd hauptman Mardonius den berg Olin
 thum inn Griechen mit streit erobert vnd eingenommen/vñ vermeint dadurch
 die von Athen zu bewegen/des Königs freunttschafft zu begern. Deshalb sa
 get er inen zu jr stat in des künigs kostē widerüb zu bawen/vñ vil stercker vñ
 besser zu machen/dan sy vor je gewesen. Nach dem er aber wol vermerckt/das
 sy jr freyheit vmb kein gelt verkaufften /da verprant er wider was er vor ge
 pawen/vnd hat also sein hör in Boetiam geführt/dahin volgt im der Griechē
 höre sitlich nach/dern warn hundert tausent auferlesner kriegsleut/Daselbs
 hat man die recht felttschlacht gethan. Vñnd ist des Persier künigs vnfall auch
 seinē hauptmā begegnet /Wañ des ends ward der fürst Mardonio vberwun
 den/vnd macht sich mit iren wenigen flüchtig darvon/als ob er auß einē schif
 Bruch entgangen. Damit ward sein hörläger erobert/der voll Königtlicher
 reichthumb stacke. Daher haben die Griechen zum erstē/als sy das vnder sich
 teilten/angefangen der reichthum begirig zu werden/vnd eben auf den selben
 tag/als man an dem end mit dem hauptman Mardonio gestritten/vñnd sein
 hör erschlagen. Da haben die andren Griechen zu schiff inn Asien vnderhalb
 dem gepyrg Nycale genant/auch wider der Persier flüchtig schiffhör gestritz

Von dem
 Persier für
 sten vñnd
 hauptman
 Mardonio
 wie sich
 der nachder
 flucht des
 künigs Xer
 xes im Grie
 chen land
 gehalten.

Das Ander Buch

Die zeitung so
für vns so
erschaffen

ten. Vnd wie sy vor dem angriff gegen einander hielten/da kam eyn geschrey
in beid schiffhör/wie die Griechen auff dem land gesigt vnd das heer Mar-
do ni gar erschlagen hetten/so schnell was dise sache/das der streit inn Griechen
der in der Boetier landtschafft gegē abent geschehen/ist vmb mittag zeitt des
nachgondentags/durch so weyt meer vnd ferre des landes/in so kurzem au-
genblicklichen stunden/vnz in Asien kundt gethan worden. Nach vollender
tem krieg/hat man gehandelt von belonung der stett/inn dem ist der von A-
then preis vnd ritterlich manheit zum höchsten erhebt vnd gelobt/vnd vn-
der den hauptleütten/ist der vorgeant Themistocles mit eyhelliger stymie
aller stett/zū einem fürsten vnd durchleuchtigen mann erklärt/damit hat er
das lob seins vaterlands noch mer gehauffet. Darumb als die von Athen
mit belonung des kriegs mit eer vnd güt belonet wurden /da vnderstünden
sy die statt Athen von newem auff wider zū bawen. In dem sy aber die statt
mauren/gar vil weytter gemacht/dann vorhin. Da hatt dis die Lacedemo-
ner nit wenig verdrossen/vnd in ein argwon pracht. Sy haben auch nit vn-
billich bedacht/die weil den von Athen die verprennung irer statt so zū gros-
sem glück vñ reichthum erschossen/so were ihnen wol zū gedencken/was ine eyn
wol erpawte statt erst zū fürstand bringen möcht. Darumb schickten sy yhe
botschafft dahin/die sy warntē/ das sy den feyn den kein stat noch auffenthal-
tung bawen solten/das ihnen dann zū künfftigem krieg dienen möcht. Als
aber der vorgeant Themistocles vermerckt/das die Lacedemoner der künf-
tigen noch vngewarenen statt heffig sein/da gedacht er darunder syttlich zū
handlen/darumb gab er der Lacedemoner botschafft die antwort. Sy wol-
ten von diser sache wegen ir eigne botschafft gen Sparta verordnen/iren rath
darunder zū suchen. In dem er nider Spartaner boten dermaß abgefertigt
hat er die von Athen mit höchstem ernst ermant/das werck an der statt baw
fleisslich zū fördern. Demnach vñ zū verruckter zeit hat er sich selbs gen Spar-
ta gefügt/vnnd sich vnderwegen etwo einer krankheit angenommen / etwo
sich beklagt des verzugs seiner gesellen. Ondern gegenwertigkeit er nit wol
macht hett sein geschafft anzupringen. Der gestalt verzog er die sache yhe von
eym tag zum andern/so lang vnz das dazwischen der baw volnpracht/vnnd
ir statt bewart werden möcht. In den dingen ward den von Sparta empot-
ten/wie dern von Athen baw schon vollendt / darumb sy solliches zū erfahren
abermaln ir botschafft dargesandt. Da haben sy die selbigen botten durch dz
heymlich zūschreibenn/das ihnen vorgeanter Themistocles gethan / gefan-
gen/vnnd auffgehalten zū einem gegenn pfandt/das man nichts arges mit
Themistocles fürneme. Darauff tratt herfür ein gemain versammlung der La-
cedemoner/vnd gab in züuersteen/das die statt Athen/auff den tag zum bestē
versehen vnd bewart. Also das sy nit allein ein krieg sonder auch ein belege-
rung in ir statt on allen schaden erleiden möchten. Ob sy aber darumb gegen
im etwas vngütliches fürnemen/so wurden ir botschafften / so vñ der vsach
willen zū Athen auffgehalten/auch leyden müssen. Zū dem hatt er ihnen vñ
bel zū geredt/das sy yhren gewalt vnd macht nit mit offenbarer manneyt/
sonnder mit schwachung ihrer gesellen vnnd freund vnderstündenn zū su-
chenn/ Ist also vonn ihnen abgescheidenn/vnnd von den burgern zū Athen
mit

mit großem Triumph vnnnd freudenn empfangenn. Nach disenn dingen habenn die Lacedemoner vnnnd andre Griechenn/auff das sye sich mit müßig gehen nicht verlügen/ an den Persiern von wegen zugefügten krieges rechen wöllen/ damit jr land vberzogen vnd verhergt. Ober dis gemein Griechisch höre sagten sy zu einē hauptman/jren künig Pausaniam/der dan vnder diser hauptmanschaft/nach dem ganzen Griechischen reich stalt. Von diser verrä terey wegē/ward jm die tochter des künigs Xerxes vermähelt. Er gab auch dem Persier künig alle gefangnen ledig wider aufhin/das er deßer mer gütß bey jm haben möcht. Auch schreib er dem künig Xerxes/das er alle die Boten/ so er jm in Persien zuschickt/ertödtē lassen solt/auff das jr anschleg destmin der offenbar wurden. Diser practick vnd finantz ist gewar wordē der haupt man zu Athen/der jm dan zu einem mithauptman zugeben was / darumb er sich jm widersagt/vnd die sache an tag bracht. Darauf der künig Pausanias vnlang darnach verklagt vnd verurteilt ward. Da nider künig Xerxes ver merckt/das jr anschlag vnd verräterey offenbar worden. Da ist er widerum mit einem hör inn Griechen gezogen. Im selbigen krieg sagte die Griechen zu ein obrusten hauptman Cymonem den sun des obgenantten Milciades von Athen/der dan vnder seiner hauptmanschaft die ritterlich veldschlacht auff dem veld Marathon sichhastigklich gethon. Dises jertzgenantē jüngling Cymons zukünfftige großmechtigkeit vnd tugent/habē auch sein milte werck hienor anzeigt/Wan als sein vater vñ verschuld sachen inn gefencknus gelegen/vnd darin ge storben ist/hat er sich an statt seins vaters in gefenck nus legen/vnd sein vatter zur erden erlich bestat ten lassen. Es hat sy auch jr vertrauen in di sen hauptman nit betrogen. Wan er in allē ritterlichen vñ kriegshendle nit minder gewesen/dan sein vatter selbs/vñ hat dē vorgeantten künig Xerxes mit einē velt vñ schiffstreit auf dē lād vñ wasser vberwun dē vñ bezwungen/ dz er mit großē schreckē wiß in Persien geflohē ist.

Das Drit büch Justini.
Wie der Künig Xerxes vmbbracht/vnd
von seynem sun Artaxerxes gerochen worden ist.




In der zeyt ist der künig Xerxes alle
menschen ein grawsam forcht vnd schrecken gewesen. So bald
er aber in Griechen so vnglücklich gehandelt/da hat in auch sein
eygen landtuolet verachtet. Wan als sein Hoffmeister mit na-
men Artabanus des Königs maiestat/yhe lenger ye mer abzh-
nemen gesehen/hat er im selbs ein visach vnd hoffnung genomen/das künig-
reich an sich züpringen/darauff gieng er mit syben seynen starcken sünē in des
Königs palast (der im auch allzeit als einem verwanten freünd vnuer-sperrt
was)vnd pracht den Künig vmb/auch desselbigen sünē/die sich im widersez-
ten/die lief er sunst heymlich hinrichten/vñ entsagt sich des jüngsten sun Ar-
taxerxes ganz nichts von seiner jugent wegen/ Dem selbigen gabe er zü ver-
steen/wie der Künig Xerxes von seinem eignen sun/Darius genant/sein yetz
genanten Artaxerxes brüder vmbpracht were/vmb willen das er an statt des
vatters

Artabanus

vaters zu künigreich kommen möcht. Mit den worten bewegt er de vorgenan-
ten Artaxerxem/das er an seinẽ eignen vñ vnschuldigen brüder zu eynem todt-
schleger ward/vnd mit disem mord/seins vatters mord rach. Wann als man
in des vorgenanten Darius hauß kam/vnd er also schlaffen befunden/ ward
er erschlagen/als ob er sich eines falschen schlaffs angenommen hette. Dem
nach als der vorgedacht Artabanus sach/das nit mer dan einer noch von des
Künigs Xerxes sünen vorhanden gewesen/ist er doch noch in sorgen gestan-
den/das auch andre Fürsten (wie er) nach dem Künigreich stellen möchten.
Deshalb erwelet er ihme der fürnemsten Fürsten einen zu einem gesellen mit
namen den Fürsten Baccabasum. Der selbig ließ sich aber seins gegenwertis *Baccabasis*
gen glücks vñnd stands gnügen/darumb pracht er dem jüngling Artaxerxes
die sach an. Nemlich wie der künig sein vater vñspracht/auch wie seyn brüder
Darius mit falsch auff getrochnem laster/vnschuldig sterben müssen/Vñnd
wie nu zu lest/auch im nach dem leben gestellt würde. Da diß der vorgenant
Artaxerxes gehört/hat er sich allermerst entsetzt/vonn vile wegen der sünen
Artabani. Darumb ließ er aufrüffen/das alle sein vñdthanen auff den mor-
nigen tag mit irem harnisch vnd gewer zu samen kämen/vñnd ire wer beset-
zen lassen solten. Als nu vnder andern/auch der gedacht Artabanus gewap-
net vñnd den jungen Künig gestanden ist/da thet er dergleichen vnd ertenet
sich/als ob im sein panzer zu kurz were. Darumb sagt er zu vorgemeltem Ar-
tabano/das er sein panzer mit im tauschen solt. So bald sich der selbig aufge-
zogen/vnd emplöft/hat der jung Künig sein schwert durch im gestochen/vnd
damit gepotten/alle seine süne zu fahen. Der gestalt hat sich der löblich jüng-
ling an seins vaters vnd brüders tode gerochen/vnd sein selbs angst entladet.
Die weil sich dise ding inn Persien verlossen/dazwyschen ist das ganz Grie-
chen land in zwü partheyen gesunderet. Nemlich ein theil den Lacedemonern
vnd das ander den von Athen angehangen/vnd seindt von den außlendigen
in heymische krieg vnd aufftrüren kommen. Auff ein theyl haben dye Lacede-
moner gemeinlich all Griechisch stett auff ir seytt pracht. Am andern haben
sich die von Athen verlassen auff ir alt herkommen/ir löblich vnd Ritter-
lich gethaten/vñnd auff yhr eygen macht. Der gestalt seyndt
zwü dye edelsten Nationen inn Griechen/die dann von den
hochweysen mennern/Solon vnd Lycurgo/ir ge-
satz empfangen/vnd gar nach gleich gehalten
von neyde vñnd haf wegen/der eeren
vñnd preys/gegen eynander in
hefftige krieg entzündet
worden.

Das dritt Buch
Von den Lacedemonern/ vnd wie sy
 wider die Messenier vnd die von Athen gestritten haben.



Lycurgus

Carilaus

Lycurgus

Nemlich als der vorgenant Lycurgus seinem brüder Polybite der Lacedemoner künig/in der regierung nachgefolget/vnd die herschung wol bey im selbs behalten/hat er doch seines brüders sun mit namen Carilaus (der erst nach seins brüders tod an die welt geporn ward) als der zů seinē maiparn jarn kam mit allē trewen zů handē gestelt/vñ damit aller mengklich zůnersteen gebē/das bey den fromen/die mylte gerechtikeit vñ brüdsliche liebe gar vil höher geschetzt wurde/dañ alle reichthum. In mitler zeit/als seins brüder sun zů regierē zů jung gewesen/ist vnder seiner regierung den von Sparta jr stat vñ landtrecht durch in gesetzt. In dern erfindung ist er nit löblicher gewesen/dañ mit vortragung seiner gütē exempeln/wan er hat gegen niemandt kein gesatz gemacht/dz er nit danor durch sich selbs zum ersten volstreckt vñ erfüllet. Er bestetriget dye vñdthanen in grosser gehorsamē Fürstē vñ oberkeyt/vñ mit dē auch die Fürsten vñ hauptleüt in rechter regierung gegē den vnderthanē/Die kindikeyt vñ zymlich haushaltig/hat er mengklich geradtē/vñ sagt/das solche ersparung in kriegs leuffen zů grossen verstaß raicht/Er besalch alle die ding zů kauffen nit vmb

nit vmb gelt/sonder mit gleicher war zů verstechen/vnd zů vertauschen. Den
 geprauch des gold vnd sylbers hat er (als ein anreizung aller laster) verpo-
 ren. Die oberkeit vnd regierung gemeines nutz/hat er inn ein ordnüg gesetzet
 Nemlich das die künig allein inn außlendigen kriegen / vnd die meisterschafft
 im rechtsprechen/daheim inn radt vnd gericht ein jährlichen stand vnd gwalt
 vnd jährlich new regiment / darzů der gemein radt inn handthabung der stat
 vnd Landrecht fleissigs auffsehen / vnd dan das gemein volck den radt vnd
 meisterschafft/auch die zunfftmeister zů kiesen macht haben solt. Die Lant-
 schafft hat er vnder menigklich gleich getheilt/das sich mit merung der güter
 keiner vber den andern vberhüb. Er hieß sy alle öffentlich wirtschafft vñ ga-
 stung halten/auff das niemants sein reichthumb verpärge/Den jüinglinge ließ
 er nit mer zů/dan im jar ein kleid vnuerändert zůtragen/vñd niemans noch
 iren keinen Bas bekleidet sein/dan den andern/Auch mit essen vnd trincken kei-
 nen köstlicher sein/dan den andern/damit man nit darauff in ein vnkeusch vñ
 mätwilliges leben käme. Die knaben/so noch nit gar erwachsen/sint auff das
 land vnd veld verordnet/ir ersten jar vnd jugent inn arbeit vnd nit in volue-
 sten zů verschlyessen zůgewonen/denen ließ er kein Beth vnderlegen / darauff
 zůschlafen/vnd ir leben on all gemüß aufhalten vnd speisen. Auch gestatet er
 inen nit/ee inn die statt zůkömnen/sy weren dan zůvor inn ein manlich alter vñ
 stercke erwachsen. Er sagt das man den juncckfrawen kein morgengab noch
 eesteur geben/item das man die gemähel nit von geltswegen nemen/dan die
 man mochten ir weiber Bas im zaum halten/so sy inē kein güt zůprächte/Die
 größte eere solt man nit den reichē/sond den altē anthūn/darin ist auf erdtrich
 kein land darin man dē altē mer zucht vñ ere beweiset/dan in disem land. Dye-
 weil inen nu dise gesatz im anfang etwas rauch vnd vnangenenem waren/dar-
 gab er für/das der got Apollo inn dem tempel zů Delphos geboten het / inen
 dise gsatz zů geben/damit er den verdruß dern zů gewonen/mit dem geistliche
 ansehen zwingen möcht. Vnd vmb willen das er darnach sein gesatz in ewig-
 keit bestetigen möcht/hat er sy mit eidsplichten darzů verstrickt vnd verpū-
 den/für sich vnd ir nachkömend zů Begeben/von disen seinen gesatzenn nichts
 zů ändern/so lang vñz er wider heim käme/dan er lies sy im synn in den tem-
 pel gen Delphos zůsaren/vnd zů erkunden/ob er etwas mer darzů oder von
 thūn solt. Er für aber inn die insel Cretam/darin plib er vñtz in sein end / vñ
 vermant sy sein gebein/so bald er sturß/in dz mōr zů versenckē/damit sollichs
 nit in Lacedemonien käm/vñ sy dadurch irer pflicht ledig wurden. Mit disen
 siten hat die stat Sparta in kurtzen zeiten/so größlich zůgenomien/das sy den
 Messeniern vmb gwaltigung willen irer juncckfrawen/die zů irer tempel wei-
 hung kämē/offenbarlich krieg zůgefügt/vnd sich mit eidsplichtē verpunden
 nit ee heim zůkömnen/sy hetē dan die Messenier gar vberwunden. So vil hiel-
 ten sy von ir eignen manheit/oder von irem glück. Dis ist die erst vrsach ge-
 wesen der zertrennung des Griechen lands/vñ ein anfang des ingweidischē
 kriegs/Wann als sy wyder all ir zůuersicht/yhn belegerung der statt zehenn
 jarlang auffgehaltenn/sint sy von ihren weibern haym eruordert / darumb sy
 sorgte das sy in verharrung dis kriegs mer schaden/dan nutz empfahē müßte
 Dan wo

Das dritt Buch

Dann wo die frawen nit gepern vnd kinder machten/mochten sy in die harre
 kein burger noch kriegsleutt haben/darzu wurd iren im krieg auch ir minder/
 Deshalben eruelten sy schöne freche jüngling/von den kriegsleutten/die sich
 mit inen nit verpunden hetē/so lang/wie sy / außzebleibē/die schickten sy heim
 zu iren weybern/vnd erlaubten inen/nach allem irem willen zu handeln. Der
 meinten auch/das sy dest ehe schwanger wurden/wo ir yede in sonders etwo
 manchen man versücht. Von disen jünglingen seind die geporn/die demnabe
 von schanden wegen der müttern/Partheny genant worden. Als nu dye sel-
 bigen Partheny vnz auff xxx. jar alt worden/vnd von mangel yrer vätter
 in armüt gewesen seind/ Da haben sy inen zu eynem hauptman erwelet /mit
 namen Phalantum den sun Araci/der auch ein vsacher gewesen ist/das dye
 von Sparta vorgemelt jüngling sy zu gepern/zū iren müttern geschickt/ Des
 halben haben sy vngesegnet irer müttern/die inen mit irer vneelichen gepurt/
 dise schand zūgelegt/sampt irem Hauptman/andre landtschafft vnd sytze
 sücht. In dem sy nu etwo weyt hin vnd her gefaren/seind sy zu lestt in Italie
 komen / daselbs haben sy der Tarentiner schloß erobert/darauf dye Burger
 in der stat vertriben/vñ sy die selbig besessen. Aber nach vil jarn ist ir haupt
 man Palanthus/in ein auflauff vertriben/der kam gen Brundisium/dahin
 sich vormaln die vertribnen Tarentiner nydergelassen/der hat inen besolhen
 wann er gestürb/so soltenn sy die äsch von seinem gebein nemen/vnd heimlich
 in der statt Tarent daraffter seen/dadurch wurden sy ir alt vaterland wider
 erobern/wie im in dem tempel zu Delphos geweissagt were. Die glaubtē nu
 wol/das er inen sollichs anzeigt/zū einer rach derñ/die ine vertriben gehebt.
 Die weissagung hat aber ein ander bedeüttung gehebt/Nemlich das die sey-
 nen/die stat Tarent in ewigkeit besizen/vnd dauon nit vertriben wurden.
 Der gestalt ist den Partheniern mit dem dienst irer feinden/ir besitzung in
 ewigkeit bestettigt worden. Umb diser güttheyt willen/haben sye vorgedach-
 ten Palanthum gleich einem Got vereeret. Dazwyschen vnd als die Lacede-
 monier ir feind die Messenier mit gewalt nit vberwynden mügen/haben sye
 inen mit listen angesiget. Als sy nu lxxx. jarlang mit harter dienstparckeyt/
 vnd der mer theil in gefencknis vil erlitten / haben sy nach langer gedult der
 pein/den krieg wider angefangen/darin die Lacedemonier einhelligklich den
 krieg angenommen. Die weil sy nu mer wider ir abgfallen vnderthanen strei-
 ten solten/als ir gemüt an ein end die beschwerd/am andern ort die vnpillig-
 keit gereizt. Haben doch die Lacedemoner zu Delphos radts gefragt/wie sy
 die sach angreifen oder volführen solten. Denen ward die antwort/das sy vñ
 den Atheniensen ein hauptman begern soltē. In dem aber die von Athen dz
 erfahren / haben sy inen zu einem gespött ein hinckendenn Poeten geben/Tyr-
 theus genant/der sampt inen in dreyen feldstreitten in dye flucht geschlagen/
 dadurch er die von Sparta in solchen zweyffel pracht/das sy zu ersetzung irs
 heers ire knecht frey vñ zūliessen/der erschlagenen burger wytwen zūnemen/
 auff das sy nit allein die zal der burger/sonder auch iren stand ersetzten. Der
 Lacedemoner künig aber/damit sy nit wider das glück zū streben/ irem reich
 ein grossen schaden zūfügten / habenn sy yhnen fürgenommen/das heere wi-
 der heym zū führen. Dis hatt der vorgemelt Poet Tyrtheus wydersprochen/
 damit

partheny

phalantus

tyrtheus

damit sein Poetisch gedicht vñ reunen/vor dem gangen hör ofenbart/darein
 er gesetzt hatt/die anruffung der mannheit/verachtung der schäden/vnd die
 gütten rädrt des kriegs. Damit hat er den kriegseulenten ein sollichen prunß
 vnd begird zū streitten eingestossen/das sy gar kein sorg auff jr sterben setzten
 sonder begerten sich allein nach jm sterben/wie sich gepürt vergrabē zū wer
 den. Darumb jm ein jeder inn seinen schilt den er trüg/seins namens vñ stam
 mens anzeig gab/Also ob sy gleich wol all erschlagen/vnd künfftigs auff der
 walstat befunden/wurden sy vnder andern erschlagenen deßer ee bekāt/wer
 sy weren/vnd damit der begrebnus beuolhen. In dem nu die künig sahen/dz
 jr hör dermaß erhitigt vnd gesterckt waren/liessen sy das den feinden ansagē
 das doch den Messeniern kein schreckē/sonder noch mer manheit pracht/Da
 rumb sint sy mit so grossem ernst zusamen geloffen/dz dauor kaum so hartlich
 je gestritten/doch ist zū letst der sig auff der Lacedemoner seite gestanden. Nach
 verlauffung der zeit/hat sy den dritten krieg mit den Messeniern geführt/dar
 zū sy mit andern iren gesellē auch die von Athen vmb hilff angesücht/In dem
 sy aber inen nit zum basten vertrawt/haben sy die wider heim geschickt/vnd
 dem schein/als ob sy sunst volcks gnüg heten. Dis hat die vonn Athen grōß
 lich verdrossen/vnd haben darauff alles gelt/so das ganz Griechen lannd zū
 dem Persier krieg zusamen gelegt/auf der inseln Delon hinweg genommen/vñ
 gen Athen geführt/damit dasselbig den Lacedemonern/so die von jr freundt
 schafft wider abfielen/nit zū einem raub verlassen wurde. Doch so haben die
 Lacedemoner gegen denen von Athen on das nit rüwig sein mögen. Vñ wie
 wol sy mit den Messeniern gnüg zūschaffen gehept/haben sy nit wenigens dz
 ganz Peloponneser lant vber die von Athen empört vnd verherzt/sy mit ein
 hör zū vberziehen. Der zeit haben die von Athen ein kleine macht dabeim ge
 hept/wān sy heten ein mechtig schiff hör in Egypten geschickt/darum sy dan
 inn ein schiffstreit leichtlich vberwunden worden. In verlauffung aber der
 zeit/als jr kriegs hör auß Egypten wider heim kame/jr schiff macht gemeret/
 auch mit kriegseulenten ersetzt vnd gesterckt/ist der angefangne krieg ernwert
 vnd die Lacedemoner jez mit den Messeniern schon verricht worden/sind sy
 den andern Peloponnesern wider die von Athen auch zū gezogen/vñnd haben
 lang zeit mit wandelparem glück widereinander gestritē/doch sint sy zūletst
 mit gleichem glück vnd sig abgescheidē. Darauff sint die Lacedemoner wide
 rumb an die Messenier gewachsen/vñ habē nit destminder mit denen vñ The
 ba ein verstand vnd pact gemacht/das inen als Voetlern jr gewalt vnd herz
 schafft/die sy im Persier krieg verloren hetten/wider zūgestellt werden müß/
 wo sye icht wiß die von Athen kriegten wolten/damit die vñ Athen mitt ganz
 rüwig bliben. So grosser haf vñ zorn stack in den vñ Sparta/dz sy/wiewol
 sy mit zweien krieggen beladen waren/auch den dritten auffnamen/allein das
 sy iren feinden/auch feind vber den halß richen möchten. Deshalben so habē
 die von Athē wiß disen vnfal zwē namhafft hauptmā gesetzt/Mit namē Peri
 cles cyn vast theurē man/vñ Sophocles dē Tragedie schreiber/die mit zwey
 en sonderparen hören/der Spartaner lantschafft beraupen/vnd sunst vil
 stett in Achaia in der von Athen gewalt prachtē. Dadurch entsarzten sich die
 vorgenantē Spartaner/oder Lacedemoner so gar/das sy xxx. jarlang mit dē
 von Athen

Ano 4729

Ano 4754.

Das Drit buch

Vñ Athē fridē machte. Ir seintschaft vñ haß mocht aber nit so lāg rüwig stan
 sonder mit vbergebung der götter vñnd menschen / vberzugen sy der Athener
 land / vñd beraupen das / ehe dann vols xv. jar verschynen / vñd damit sy nit
 geacht worden / mer den raub / dann den streyt begert haben / da vorderten sy
 die von Athen zū einer feldschlacht. Sye haben aber auß radt ihres haupt-
 mans Periclis / den schaden vñd verdruf dis raubs auff ein ort gesetzt / das zū
 Bas gelegner zeit zū rächen. Wan sy meinten nit von nōtten noch nutz seyn / zū
 streyten / die weil sy sich sonst wol on irn schaden an irn seinden rechnen möch-
 ten. Demnahe vñd zū verlauffner zeit / haben sy sich zū schiff gesetzt / vñnd
 die Lacedemoner vnuersehenlich vberfallen / vñd ir gang land so schedlich be-
 raubt / das sy gar vil mer heimprachten / dan sy vormaln verloren hetten / das
 in vergleichung des raubs die rach vil grösser gewesen ist / dann gelytner scha-
 den. Diser zuge pracht dem hauptman Pericles gros rüm vñd eer. Doch hat
 er im vil ein grösser lob erlangt / in dem er sein herschafft vñnd güter auff dem
 land dem gemainen nutz vbergab / Wann die seind schonen seiner güter auff
 dem land / das sy die nit raubten noch pranten / vñb willen / das sy vermeyntē
 Eintweders im damit neyd vñd haß auffzütuchen / oder aber die schand / das
 man ine für ein verrätter halten solt. Dis alles hat er wol vorhin bedacht zū
 geschehen / darumb er sollich der gemainen Burger schafft anzeigt / vñd dem
 gemainen nutz alles das er auff dem land hebet frey vbergeben. Also erlan-
 get er des ends grossen rüm / vñd er / da man im allermest vnderstünd schand
 vñnd schaden zū zūfügen. Nach dem vber ein kleine zeit haben sy eyn schyff
 streyt miteinander gethan / In dem seind die Lacedemoner vberwunden / vñ
 in die flucht geschlagen / Doch habē sy damit nit abgestanden / sonder erst auff
 dem land vñd wasser einander an leib vñd güt geschedigt. Ihe zū lest hat sye
 der schaden dermaß geschmyrt / das sy fünffzig Jarlang mit den von Athen
 fryden machten / den sy doch nit lenger dann sechs jar hielten. Vñ nemlich
 den friden / den sy vnder irem eygnen tittel vñd namen gemacht /
 den haben sy vnder der person irer Punds verwanthē
 wider gesprochen / als ob sy damit minder me-
 neydig sein solten / dann so sy allein für sich
 selbs mit offnem krieg wider sy han-
 delten. Nach dysen dingen ist der
 krieg in Sicilien verändert /
 Le dan ich aber danon sa-
 ge / will ich zū forderst
 von gelegenheit des
 lands Siciliē
 anzeyge
 thun

Das vierdt

Das vierdt Buch Justini. XIX
 Von der Inseln Sicilien/vnd dern ge-
 genheit/auch wie die von Athen so vnglücklich darin
 gestritten haben.



An sagt das Sicilien vor zeiten /dem Italier
 land mit engen thälē vnd schlüten angehangen/sey aber mit
 der vngestüme des möres/das mit grossen last der wälle/dā
 hin getriben/abgesundert vnd danon gescheiden wordē / vñ
 ist das ertrich des ends düñ vnnd durchgengig / das sollichs
 mit vil durchgeholchten adern vnd hülīnen vnderzogen/das
 der wind allenthalb darein kōmē mag Auch hat dise gegne ein sonder art/dz
 feür zūbewegen vnd zū enthalten/wā inwendig hat es schwebel vñ bech.
 Dis ist die vsach das an vil orten on vnderlas/etwo flāmen vñ etwa dāmpf
 vnd rauch auffgand. Daher hat der berg Ethna so lang zeit geprant / Nem-
 lich wo der wind durch die hōle scherpfen getriben/hat er dadurch auch sand
 auffgeworffen. Das aller nächst vorgepyrge/so in Sicilien gen Italien vber
 gelegen/ist Regium genant/auf der vsach/das die scharpfen vnd gāben ge-
 pirg dermaß genant werden. Es ist auch nit selzam zū hören/das die alten
 fablen/so vil selzamer wunder von disem land sagen/dieweil sich doch so vyl
 wunderparlicher ding an dem end erzeigen. Nemlich zum ersten/das an keinē
 andern ort das mōr so vngestüm ist/ nit allein mit einem emsigen /sonder auch
 mit einem ernstlichen grausamen grimmen vnd wütten/Also das sollichs nit
 allein den landtleuten grausam/sonder auch denen erschrocklich ist/die vonn
 weitis vnd verre sehen/wie die wällen mit grosser vngestüme wider einan-
 der schlagen/gleich als ob einer den andern jagt/der sich gegen im empört vnd
 auffwirfft

Regium

Das Vierdt Buch

Von dem berg
Ethna

Scylla
Caribdis

Tynacria
Syracusa
Cyclopes
Aeolus
Anaxilaus

auffwürfft/den er darnach vndertruckt/vnd begibt sich/damit so cyn graw-
sams prachlen vnnnd sausen. Dargegen in dem vnderfinckenden zweybel/
so ein groß seuffzen vnd zyrblen. Zu dem konnen auch die nechst gelegnen ort
des vorgedachten bergs Ethna/die allzeit prennen/auch die Eolischen In-
seln/die scheynen als ob die von den wassern angezündt weren. Dis feur
möcht auch in so einem kleinen bezirck dermaß vnd so lang nit gewert haben/
wo das nit mit der feuchtigkeit auffenthalten vnd genert wurde. Daher ha-
ben auch die fabeln von Scylla vnd Charibdis gesagt/daher wirt das pellen
vnd schreyen gehört/vnd wirt deshalb geglaubt das angezeygt möwunder
ein sollich form vnd gestalt haben. Nemlich so dye fürschißenden sehen / we-
sieh die großen wällen vnd zweybel des meers/in die tieffe vnderfenccken/so er
schrecken sy darab/vnd glauben nit anders/dann das die wasser vnnnd meer-
wunder pellend also/das doch dis einsauffende meer/der gestalt in dye tieffe
verschluckt/zusamen zwingt vnd volpringt. Dis ist auch nit die minst vrsach/
das der obgemelt berg Ethna stettigs gesehen wirt zu prennen/wann dis zu-
samen lauffung vnd zweybel der wasser/zeucht vnd schlückt den wynd mit im
hinunder/in die tieff/vnd behelt den so lang darunder/vnz der in die klumpf-
sen vnd hole löcher des erdrichs dringt/vnd also die feurende materi anzün-
det. Jezund ist die höhe Italien vnd Sicilien/desgleichen die höhe vnd ver-
gleichung der vorgepyrg/wie das zu disen zeitten den anschawenden ein ver-
wundern pringt/also hat es vorzeiten eingrewel vnd schrecken pracht. Wan
sy bedacht nit anders dann wie die selbigen engen gepyrg/zusamen ruckten/
vnd demnach wider von einander ruckten / darumb von notwegen die schif-
dazwyschen gefangen vnd ertrenckt wurden. Dis ist auch nicht vmb lusts
oder wunders willen von den alten inn die fabel gedicht/gesetzt worden/son-
der von forcht vnd schrecken wegen der fürsarenden. Wann dysse gegne hat
ein sollich art vnnnd gestalt/so man die gelegenheit von ferrem anschawen / so
sicht das nit anders/dan wie ein schos des meers/od ein arm darvon/der sich
in die gepyrg hinein zeucht/vnd kein durchfart hette/Vnd ye neher man dar-
zu kompt/ye mer erscheint/als ob das gepyrg wider von einander wyche/ dz
vorhin bey einander gewesen. Item Sicilien ist zum ersten Tynacria ge-
nant gewesen/demnach Sicania. Vnd anfangs haben die Cyclopes darinn ge-
wonet. Nach dern vertreibung/hat der König Aeolus darinn regieret. Nach
dem selbigen hat ein yede statt iren sondern herrn gehabt/vnnnd ist ein frucht-
par erdrich. Vnder vorgemelten herren / hatt Anaxilaus mit seyner gerech-
tigkeit/aller andern herte vnd grymigkeit vbertroffen/dem auch seyn gütigs
vnnnd mässigs leben nit vbel erschossen/Wann als er in seinem absterben noch
junge sün verlassen / vn die selbigen Micyto seinem aller getrewesten diener
auff zu ziehen vertrawet/hat er bey seinen vnderthanen so grosse gunst vnnnd
lieb gehebt/das sy lieber ires Königs knecht vnnnderthenig sein /dann das sye
sein jungs kind verlassen wolten/Also das die obersten der statt ires stands vn
adels vergessen/vnd dem knecht gehorsamkeit bewysen. Es haben auch dye
von Carthago dis Königreich Sicilien angefochten/vnd lang zeit mit wan-
delbarem glück widder dye Tyrannen darinn gestrytten. Ihe zu lest als sye
iren hauptman Hamilcar mit sampt dem heere verlorenn/haben sy ire fürter
müssig

müßig gangt. In mitler zeit/vñ als in der stat Rhegin in Sicilië ein aufflauf entstanden/vnd die statt inn zwey partheyen gesunder ist/da habenn die alte kriegsleut/die von der einen parthey zu einem beystand erfordert worden/ das wider teil auß der statt vertriben/vnd demnach die andern/die sy berüßte gehept/allegar zu todt geschlagen/vnd darauff die stat mit sampt der erschlagen frawen vnd döchtern besessen. In dem stuck begiengen sy so ein grimmigen mord/das keinem Tyrannen zu vergleichen ist/Also das den burgern vñ Rhegin vil nutzlicher gewesen/das sy vberwunden weren/dan das sy also gesigete dan sy herrten kaum mer leiden/dan den vberwinndern dienen / Oder aber mit verliering irs vatterlands/ sich inn das ellend begeben müssen/vnd hetten nit also in iren eignen heusern sterben/vñnd iren grimmigen mörden/ir güt/weib vnd kind zu einem raub vñ belonung der lästerlichen that / verlassen dörfen. Nu aber als die Catanenser von den Syracusanern vberzogen worden sint die vñ Athen durch sy vmb hilff angesucht/wan sy dörfen ir selbs macht nit so vil vertragen/darumb dan die von Athen auß begird ir herschaft zu weytern/dieweyl sy vorhin inn Griechen vnd Asien so vil land vnd leut vñ inen gehept/vnd noch mer begerte zu erobern/oder auß forcht/dieweil sy vernamen/wie die von Siracus newlich vil schiff gemacht/das sy nit damit den Lacedemonern zu hilff kämen/Darumb haben sy iren hauptman Lamponium mit einem schiff hö: inn Sicilien geschickt/vnder der gestalt/als ob sy den Cathanern hilff bewysen/doch wolten sy irem anschlag nach / vil lieber vber ganz Sicilien die herschung erlangt haben. Vnd dieweil inen die ersten anfang inn vberwindung der feind glücklich ergiengen/da schickten sy noch ein größers vnd sterckers schiff hö: dahin/mit den hauptleuten Lacheteo vñnd Chariade/ In dem habē sich aber die Cathaner dē von Athen macht selbs entfessen/auch sint sy des kriegs vnd kostens müd worden/darumb sy mitt dē von Siracus ein fryden machten / vnd der Athener hilff abscheiden ließen. Nach verlauffung der zeit/ als die von Siracus den auffgerichtē fryden nit gehalten/haben die Cataner die von Athen wider vmb hilff angesucht/Dye selbig botschaft thet böß kleider an/sy ließen ir har vnd bart nit scheren/ vnd stalten sich ganz erpermlich inn irer werbung/also das sy auch weintē/damit bewegten sy das gemein volck zu Athen/das sy die hauptleut verdamprenn/die hienor inen zūgeschickt hilff/wider hinweg gefürt hetten / vnd sagten zu hauptleuten mit namen Niceam/Alcibyadē vñ Lamachum/Sy zugen auch mit einer sollichen macht wider inn Sicilien/also das sy auch denen ein schrecken prachten/denen sy zu hilff kämen/Aber vnlanng darnach als der vorge-melt Alcibyades vmb verschuld sachē wider heim für gericht gefordert ward durch die andern zwey hauptman zwey glücklich velt Schlachten volpracht/da rauff sy auch gleich die feind belegerten/zū lant vnd wasser/das sy nit auß der statt komē mochten/Des erschrecken die von Siracus gar vbel/Darumb sy die Lacedemoner vmb hilff anrufften/die schickten inē Gilippum/doch allein als ob alle hilff an im stünd. Da der sunen ward/wie der krieg vnd all sachenn ständen/da versamlet er ein hö: zum teil auß Griechen vnd zum teil auß Sicilien/nam damit ein täglichs läger ein/Vnd wiewol man in in zweyen feld Schlachten auch vberwunden/hat er doch im driten streit den hauptman La-

Das Vierdt Buch

machum erschlagen/vnnd desselben heer in die flucht pracht/dadurch die von Syracus der belegerung entlad. Inn dem sich aber die von Athen zum schiff streit gerüstet/da hat er auch noch ein schiff heer geworben/vnd haben die vō Athen an statt des erschlagenen hauptmans zu hauptleütten gesetzt Eurymedonta vnd Demosthenem/die selbigen mit mer volcks den andern in Sicilien zu hilff geschickt. Es haben auch die stert des Peloponnefer lands auf einhellichem radt/den von Syracus grosse hilff zu geschickt. Es haben aber die stert des Peloponnefer land sollichs than gleich als ob der krieg ausser dem Griech enland in Sicilien verändert were/darumb baider seyt mit allen krefftten gestryten/vnd doch so seind die Athenienser vberwunden/also das sy iren feldleger auch verloren sampt allem gemainen vnd sunderlichen güt vnd gelt/Vber sollichs vnnd das sye auch mit einem feldstreyt vberwunden würden/da sieng der vorgeant hauptman Demosthenes an zu ratten/das man sich auf Sicilien heimfügen solt/die weil jr sachen noch nit gar am schwächsten wern Wann in bedacht nit güt sein/das man in einem vnglückhafftē krieg zu lang verharret/dann sunst so müßt man dabeyn noch vil schwerer vnd schedlicher krieg leiden müssen/zū der selbigen nordurfft solt man das vbrige volcke verwaren vnd behalten. Dargegen aber der obgenant hauptman Nicias entweders von scham wegen der vbelgehandelten sache/oder auf etwas forcht/oder das solches sunst sein solt/der wolt ye nit abziehen/sonder bleiben. Darumb rüsten sy sich wider zu einem schiff streit/vnd wurden von dem grossen vnfal des vergangnen vnfelligen streits erst wider zum streit erforderet/darinn sy doch von der hauptleütten vnerfarung/die sich zu anzeige der forcht in der enge des meers begerten zu beschirmen/von den Syracusaner vberwunden worden. Der hauptman Eurymedon ist am fordersten spiz/als er ritterlich vnd mannlich gestritten/erschlagen/vnd seind xxx. schiff darüber er zergiert verprannt/zū dem wurden auch die andern beyden hauptleut vberwunden/die das heer am land lieffen aufsteen/vnnd vermeinten vber land ein sicherer flucht zu haben/die verliessen hundert vñ xxx. schiff/die der Syracusaner hauptman Gylippus zu handten nam/vnd eylet er den flüchtigen nach/die er zum theil erschlagen/vñ die vbrigen gefangen

So dann der hauptman Demosthenes
als der sein heer verloren/hat er im
selbs den tod angethan/sich des
spöts vnd gefencknis damit zu
ledigen/ Desgleichē hat der
ander hauptman Nicias
nit thun wollen/sonder
da er seins lebens verschont/hat er dē vn
falß seinen auch
mit seyner gefencknis gemeret.

Das Fünfft Buch Justini. XXI
Wie sich die von Athen irer feynd
langzeit ritterlich erwert/vnd mit statem sig abge
nommen haben.



Nach dem die von Athen den krieg
inn Sicilien drey jarlang vil mer begirlicher/dan glücklich er
geführt/haben sy auch dazwischen den vrsacher desselben krie
ges/nemlich den hauptman Alcibiadem/inn seinem abwe
sen verdacht/als ob der etwas hälings das die heimlich opf
fer der göttin Ceres berürt/auspracht vnd eröffnet het. Darum als er heim
erfordert/sich (wie obster) zu verantworten/vnd er sich velleicht schuldig ge
wist/oder in sollich sunst verdrossen/hat er sich freys willens inn das ellend
begeben/kam also inn die stat Elidem. Als er daselbs innen ward/das er nit
allein vernurteilt/sonder in auch aller zügung der priester verpotten were/da
wich er hinweg/vnd kam zu den Lacedemonern/daselbs bewegt er inen Kün
ig/dieweil die von Athen inn Sicilien so grossen schaden genommen heten/dz
er sy erst recht mit krieg angreifen solt. Als der self künig disem radt gefolgt/
hat er damit alles Griechen land bewegt zu zeziehē/vñ die von Athē / als ein
gemeinē brand aufzuleschen/vñ zu verdylcken. Also heffig waren die von A
then gegen aller menigklich worden/von wegen irer vnersettigenn begird zu
herrschen. Auch so hat der Persier künig der annder des namens bedacht / wie
sein vater vnd anher diser stat Athen so vngünstig gewesen/darum er durch
den fürsten Tysaphern/seinen landtuogt inn Lydien/sich mit den von Spar
ta vereint/darinn er inen allen kosten des kriegs/den zu volführen versprache/
Dis was der tittel vñ angeig sich mit dē Griechē zu vereinparn / Doch stünd
der Persier sorg nit wenigens/wo die von Athen vberwunden/so wurden sy

Alcibiades Vnglück

Das Funfft Buch

mit den Lacedemonern streiten müssen. Wer wolt sich aber des verwunden/das deren von Athen/so grosse macht vnnnd reychtumb verderbt/vnnnd zu nicht pracht were / dieweyl doch zu zerstörung einer einigen statt/alle stert des gangen Orients zugezogen / Doch sind die von Athen auch nit gfarlessig befunden/nach on plütuer gießung ihrer feind bestrytten/sonder ist von ihnen als steeten vberwyndern/on vnderlaß gesigt/so lang vng das sye vom wandelbaren glücke vnnnd vnfall/mit der harre mehr verschlyssen/dann mit gewalt vberwunden worden. Inn dem angang des kriegs/seind all ire gesellen von ihnen abgewychen/wie dann gewonlich geschicht/wo sich das glücke hinwendet/dahin naiget sich auch der menschen gunst. Es hat auch der vorgenant Alcibiades disen krieg der wyder seyn eygen vatterland beweget/nit als ein eynig mann/sonder als ein theurer hauptman/mit seynen Ritterlichen anschlegen größlich gefördert. Wann er nam fünff schiff/damit für er inn Asien/darinn bewegt er alle stett die denen von Athen zinspar waren/das sy von ihnen wider absyelen/so vil vermocht seyn nam vnnnd erkandtnus bey den steten/Sy wysten wol das er zu Athen vast namhaft gewesen/so sahen sy wol/das er bey den frembden nicht mynder geachtet/wer also den von Athen entzogen vnnnd den Lacedemonern zu einem hauptman gegeben/darüb die mit ym ir verloren herschafft wydder bekamen. Doch so hat dem selben Alcibiades sein theure manheit/bey den Lacedemonern mer haß dan gunst pracht. Vnnnd nemlich als ire obersten yhne vnderstünden zutöden/diaweyl yhnen mit seynem rüm yhr lob gemindert wurd/vnnnd sy sollich beymlisch zuthünd vnderstanden/da hat des Lacedemoner Königs (Agis genant) gemahel die Königin/ine des gewarnt/dann sy hat ym auch vorhin iren leybe in liebe gegünnet zu geprauchē / Darum thet er sich flüchtig hinweg zu dem obgenanten Tysaphern dem Landtuogt in Lydien. Dem er auch on verzuge zu erwerben seyn gnad vnd gunst/mit grosser geschicklichkeit anzeigt vnnnd eröffnet / wie er sich in gegenwertigen leuffen halten solt. Wann Alcibiades was der zeit inn plüendem alter einer schönen geraden form vñ gestalt/darzu auch vnder denen von Athen/in der kunst des wolredens vast fürnem. Doch so was er vil geschickter freündtschafft zu machen/dann zu behalten / Wan dye laster seiner sytten/lagen verporren vnder der gestalt seyner wolredenden kunst. Vnd nemlich/so gab er dem vorgnanten Fürsten Tysaphern disen rat/das er der Lacedemoner schyff heer inn namen des Königs/nit so reychliche sold geben/sonder die Ionischen in disem fall berüffen/vñ inen fürhalte solt / die weil vnnnd sy hievor von gemeiner freyheit wegen denen von Athen tribut vnd zins geben/vnd man von iren wegen den krieg fürgenommen hett/das indem sy auch nit still sygen solten. Auch so wer nit güt/das er den Lacedemonern zünil beholffen/vnd daneben eingedenck sein solt/das er damit ein frembden vnd nit sein eygenn syge fürderet/sonder den kriege so sytlich führen solt/damit der von armut wegen nit vnderlassen/dann all dyeweil die Griechen miteinander stryten/wurde die Persier künig/herren des kriegs oß frydes sein/vñ die künig mit der Persier waffen nit bezwingē/wurd er doch durch ir selbs krieg vñ streiten vberwyndē müge / Vñ so bald diser krieg ein end het/so wurde er von den vberwyndern gewislich eins kriegs warten sein müssen.

Deshalben

Belüch

Agis

Cooll wden man
ginst

Alcibiades Rat
dem Tysaphern

Dem zott prou
die Tysaphern
nach

Deshalben solt er sich die Griechen selbst mit heimischen kriegem/dermaß be-
 trencken lassen/vnd er alzeit dem schwachern teil zu hilff kommen/Das wer ge-
 wis/das die von Sparta nach diesem sig nit rüwrig bleiben möchten/dieweyl
 sy sich offentlich berümpften schirmer sein der Griechen freiheit. Dise red gefiel
 dem fürsten Tysaphern vast wol/drumb hat er inen die prophant vnd liffe-
 rung gar langsam zugschickt/auch ließ er inen das küniglich schiffhör nit gar zu
 kommen/das inē dadurch der sig destminder volgt/oder sy auch nit ganz vom
 krieg stünden. Dise gütlichkeit bewis Alcibiades seinen mitburgern von Athen
 Der selbigen botschafft kamen zu im/den sagt er zu des Persier künigs freunt
 schafft vnd huld zu erwerben/wo nur der Magistrat des gemeinenn nuzs zu
 Athen vom gemeinen volck/auff den radt verwendet wird. Inn dem hofft
 er das er mit versünung der statt/einhelliglich zu einem obristen hauptman
 erwelet/Oder so deshalb misheill zwischen inen entstont/das er zum wenig-
 sten von ein teil/wider das ander vmb beystand angesücht wurde. In dem
 aber die von Athen von gegenwertigen kriegs wegen/inn grossen sorgen ge-
 standen/sint sy begyriger gewesen nach gemeinē nuz/dann nach den höhern
 eren zu trachten/deshalben ist durch bewilligung der gemeind/dem radt die
 meisterschafft zu gestelt. Nach dem sy aber nach angeborener art/zū vil stren-
 ge vber das gemein volck regiert/vnd im iren jeder inn sonders ein Tyranni-
 sche herschung zu gezogen /da hat das kriegshör/den vertribnenn Alcibiades
 dem berüfft/der auch von stund an ein hauptman vber alles schiffhör gesetzt
 ward/Darauff er inen gleich zu empoten/das er mit einem hör zu inen kom-
 men/vnd von den vierhundert radtschern iren gewalt einemen/wo sy im
 doch den selbst nit geben wolten. Von diser botschafft sint die obristen der stat
 erschrocken/darumb vnderständen sy den Lacedemonern die statt zu vberge-
 ben. Da sy aber solliches nit zu wegen bringen mochten/habenn sy sich all dar-
 von gemacht. Darumb als Alcibiades die statt ansecklich von dem inwen-
 digen vnfal erlöset/hat er von stund an mit höchstem fleis das schiffhör ge-
 mustert/vnd ist damit wider die Lacedemoner außgezogen/inn dem der sel-
 ben hauptleut mit namen Zestronydarus vnd Pharnabazus/mitt iren schiff-
 en auch gerüstet /sein erwartet vnd gestritten/Doch haben die von Athen ge-
 sigt. Inn diesem streit ist der merer teil der feinden/vnd garnach alle haupt-
 leut erschlagen/vnd achtzig schiff gefangen worden. Nach verlauffung etlich-
 er tagen/als die Lacedemoner den krieg vom mör auff das landt verändert/
 vnd ein velttschlacht gethan/haben sy die von Athen abermaln vberwunden
 vnd dermaß getrunken/das sy begerten Friden zu machen. Dieweil inen aber
 kein fryd geben/ist es dern schuld gewesen/die des kriegs gewinn heten. Da-
 zwischen ist der Syracusaner hilff vnnnd beystand wider heim erfordert/
 wann die von Carthago hetten sy mit einem heere vberzogen. Da nu die
 Lacedemoner diser hilffe beraubt warenn / stünden sye des krieges ab.
 Auff solliches hatt der vorgenannt Alcibiades der Hauptman / mitt sey-
 nem sighafften schiffhör alles Asien durch schwayffet / an vyl orte darinn
 gestritten vnnnd allenthalben gesigt/damit auch die stett so abgefallen wa-
 ren/wyderumb erobert/vber die auch etlich darzu gewonnen vnnnd erobert/

D iij

Dadurch

Alcibiades Com-
mandant

Wie denn
von Athen
hauptman
Alcibiades
des
grossen sig
vnd rüm/a-
ber zu leyst
ein böß end
erlangt.

Das Funfft Buch

Alcibiades
glück und
Helden

Dadurch denen von Athen jr altes lob des schyffstreys ernwert / vnd den rüm des feldstreys auch erworben / vnnnd darauff sich widder gen Athen gesüßt / da jne dann die gemeind mit grossen freuden empfieng. In allen dysen streyten vnnnd schlachten haben die vonn Athen jren seynden zwey hundert schiff / darzü ein mechtig güt vnd raub abgewonnen / darumb dann all meniglich auß der stat Athen / disem heer entgegen lieffe / in grossen verwunderen vnnnd freuden aller kriegsleuten / Doch haben sy sich allermerst verwunderet ab dem hauptman Alcibyades / auff den warē aller menschen augen gericht / vnd sach in meniglich auß grosser Begyrd mit offnem mund an / All jr red was von jm allein / Sy schaweten jne mit anders an / dann als ob er jhnen von hymel herab zü hilff kōmen / vnnnd der syg allein an jm gelegen were / den rümptē sy all von jrs vatterlands wegen. Sy hetē auch nit mynder eyn verwundern in dem / das er als ein vertrybner burger / wider sy gehandelt / des sy jhn selbs entschuldigt / als ob er das von wegen jm zü gefügter schmach züthünd gnüg vrsachen gehebt. Sy bekanten frey / das in jm eynzigen man / alleyn gestanden were / so ein mechtig herrschafft züuerlieren vnd wider zü gewynnen / dann man het es erfahren / auff wölliche seyte er kōmen / auff dern wer der sig gestanden / gleich als ob sich auch das ganz glück mit jm wendet / Darumb haben sy jm groß eere anthan / nit allein menschliche eere / sonder auch nach götlicher art Sy wistens selbs nit auß zürechnen / ob sy in erlicher empfangen / oder schantlicher vnd vnbillicher vertriben. Sy haben jm der götter bildnus mit freuden entgegen getragen / die er doch vnlang darvor all menschlich hilff aberkanten haben sy yetz Begert / ob sy in möchten vnz in den himel hinauff erheben / Sy ersetzten vnd widerkerten jm die schmach mit grossen lob vnd rüm / seyn schaden vnd verlust mit gaben / vnd sein scheltung mit beet vnd flehung. Sy sagten / das sy dem schaden in Sicilien nit durch in empfangen / sonder gegen wertigen syg von jm erlangt / Sy hetē nichts durch in verloren / sonder vil gewonnen Sy gedachten nit der Syracusaner / sonder allein an die gewonnen Ionische vnd Hellespontische land. Der gestalt hat Alcibyades von seinē mit burgern weder in der straff / noch in der vereerung das mittel / sonder in beyden fällen das höchst erfahren. Als sich dise ding verlossen / haben die Lacedemoner Lysandrum zü einem hauptman vber das schyff heer verordnet / darzü hatt auch der Persier König Darius an statt des Fürsten Tysaphernus / seinen selbs brüder Cyrum zü einem herren vber die Lydier vnd Ionischen gesetzt. Der dann den Lacedemonern auff ein newes mit seiner hilff vnnnd beystand ein hoffnung gemacht wider nach jrem vorigen glück zü handeln / vnnnd wider auffzū richten / In dem sy sich mit grosser macht gesterckt / das sy dē vor genanten hauptman Alcibyadem / der mit hundert schiffen in Asien für / vnd die wolbefreydeten land die sich des wenig versahen / beraubet / vñ seine kriegsleüt on all forcht nach der peütt auflauffen lassen / den vberfielen sy mit vnuersehener zükunfft / vnder schlügen der selbigen souil / das die von Athen andern mer schaden genommen / dann sy vorhin den andern zügefügt haben. Vñ ward darauff bey denen von Athen ein solichs verzweiffen / das sy von stund an den hauptman Alcibyadem absetzten / vnnnd ein theuren mann Canon genant /

Ysander die
Lacedemoner
zupf

Alcibiades ab
setzen
Canon an
seinem

nant/an sein statt welten/dann sy glaubten nit/vom vnfal vberwunden sein
sonder von betrug vnd schalckheit des hauptmans/zü disem schaden pracht
weren/der villeicht von im bewisner schmach noch ein grössern verdruß/dan
von der nachgenden eer wolgefallens empfangen gehept/Vnd er het in ver-
gangnem streit allein darumb gesigt/das er damit den feinden zü versteen geb
was hauptmans sy vbergeben vnd verachtet heten/vnd wie er inen deshalb
den sig destlieber gestatter. Wan sein hochsinnige weisheit/auch begird zü dē
lastern/vnd sein vnkeusch leben/das er fñrt/gab inen nit wenig rsach im sol-
lichs zü vertrauwen. Darumb entsagt er sich allemeyst der gemein auffrñr
vnd thet sich selbs in das eilend. Nach dem aber d vorgeant hauptman Co-
non an Alcibyades stat zü hauptman gesetzt/ist er ingedenck worden/was er
für ein hauptman vor im gehept/vnd verordnet das schiffhör mitt höchstem
fleis zü/doch so möcht er die schiff nit nach notturfst mit kriegsleuten besetzen
dieweil die aller besten auff der bent inn Asien(wie obstat)erschlagen/vnnd
nam an also jung vn alt/vnz er die zal erfüllet/ Die jungen mochten aber im
streit nit harren/sonder wurden all erschlagen vnd gefangen. Vnd ward den
von Athen ein sollicher schaden damit zugefügt/das man ver meint ihr herze
schafft were damit nit allein geendet/sonder ganz verdilget worden. Wann
mit disem streit/wurden sy dahin getrungen/das sy den außlendigen jr burg
recht gaben. Item darzū die knecht frey ließen/vnd allē verdampfen burgern
verzigen. Mit versamlung diser leut/haben sy sich kaum selbs beschirmē mö-
gen/die doch vorhin herren warn gar nach vber alles Griechen land. Jedoch
sagten sy inen für/das glück noch ein mal auff dem mör zü versuchen. So mā-
lich waren sy in item gemüth/wiewol sy vnlang daruor garnach verzweifel-
ten/das sy doch noch auff den sig hofften. Doch so hetten sy der kriegsleut
vnd ritter keinen mer/so dern von Athen namen beschirmen/nach kein soliche
macht/damit sy gewont waren zü vberwinden. Auch waren sy nit der weys-
heit noch erfahrung/das sy wisten wie sy das hör bey einander behalten solten
Darumb sint sy auch alle aintweders erschlagē oder gefangen worden. Wie
wol nu der hauptman Conon inn dem streit nicht erschlagen/ dann er ist mit
acht schiffen daruon/vnnd zum König inn Cypren komen. Der Lacedemo-
ner hauptman Euagoras genandt/der hatt sich diser glücklichen handlung
gröflich vberhaben/vnnd den vberwundnen Atheniensen zü einer sonderm
schmach vnd schand alle ererbte vnd gefangne schiff mit aller pent vnnd zierd
zü einem Tryumph gen Sparta geschickt/ Auch deren vonn Athen zinsbare
stet/die vnz der zeit erlichen glauben an inen gehalten/habenn sich an in erge-
ben müssen/vnd verlief er denen von Athen nit mer dan jr einige statt allein/
on all aufwendig zugehörd vnd hilff. Danu diser grosser vnfal gen Athen
verkündet vnnd sy des innen worden/sindt sy auß allen heusern ganz forcht-
sam inn aller stat hin vnd her gelauffen/In dem je einer den andern auß schre-
cken fragt/wer doch ein so schwere botschaft inn die stat prächet. Vñ nemlich
so hatt wedder die jungen yhr thorheit noch kindtheit/ noch die altenn yhr
schwacheytt/ noch auch die frawenn die plödigkeytt yhres geschlechtes/
nit inn

Euagoras der
Landesfürst

der Athenen
b. Genueris

Das Funfft Buch

mit inn den heiffen gang behalten mügen/dermaß hatt die angst des vnfalls/
jung vnnd alt durchdrungen/Demnach kamen sy auff dem marckt zusamen/
dajelbs haben sy auff eyn news die gang nacht den gemeinen vnfall beklaget.
Etlich beweynten ire brüder kind/vnd väter/die andern ir freünd/etlich dye
freund/die inen lieber waren dann vater vnd mütter/vnd haben also dye ge-
main mit iren sondern klagen vermischet. Sy bekanten/wie sy nu mer/sampt
irem vatterland zerstört/vnd das der lebenden vnfall vnd trübsal vil grösser
vnd schwerlicher wer/dann der vnsbrachten vnd erschlaggen/Wann iezund
wer nichts anders verhanden/dann belägerung der statt/darzu 8 hunger vñ
vnerleydlich vbermüt der feynd/damit gedachten sy an zerstörung der statt/
wie man dye verprennen/sy gefangen nemen/vnnd inn ellend dienstparckeyt
dringen wurde/vnnd das die vorige zerstörung gar vil glücklicher gewesen/
dann dise sein möcht/Der zeit weren ir kind/vater mütter/vnd freünde/ noch
frisch/gesund/vnnd bey leben blieben/vnnd alleyn yhr heüser verprant wor-
den/Vu yezo heten sy kein schiff mer darein sye fliehen möchten/wie vormals
beschehen/darzu auch kein heer mer/das sy mit irer theuren hand vnnd man-
heit beschyrmten/das man demnach aber/wie vor ein vil schönere statt bawen
möcht. Inn dem sy dermassen yhr verschetzte statt vnd sich selbsts beweynt/
haben sy die feynd gleich darauff beläget vnd aufgehungeret/wann sy wy-
sten wol das inen nicht vil frucht vberbliben/darzu das inen keine mehr zu zu-
kommen were.Damit seyndt die vonn Athen dahin getrungen/das sye nach
grossen hunger/vnd sterbend fryden begert. Ob man inen aber den geben
solt oder nicht/des haben inen die Spartaner vnnd yre gesellen ein langen be-
dacht genommen/dann es waren yhren vil der maynung/das man die statt
Athen vnnd aller Athener namen ganz verprenne vnd vertylgten solt/Das
doch dye Spartaner nicht thün/vnnd woldten vonn den zweyen augen inn
Griechen/nit das ein aug gar aufstechen/Darumb so sagten sy yhnen weyt-
ter fryden zu/wo sy nur die mauren gegen Pyreum wertz verprechen vnd ab-
thün. Auch ynen die vbrigen schiff in iren gewalt stellen/vnnd iren gemeynen
nuz von xxx. mannen regieren lassen wolten. Mit dem geding ward dye
statt den Lacedemonern vbergebe/die sy irem Hauptman Lysandro befolhe
inn ein gut regiment vnd ordnung zu pringen. Dis ist ganz ein namhafft jar
gewesen/darumb das die statt Athen in dem jar gewonnen ward/darzu der
künig Darius inn Persien gestorben/vnd Dionysius der Tyrann inn Sicili-
en vertriben ist. Wie nu der statt Athen stand vnd wesen(wie ob stet) verän-
dert wordenn/ist damit der burger stand ganz verkeret/nemlich so wurde xxx
regenten vber den gemeinē nuz gesetzt/die wurde vñ stund an Tyrannen. Sy
namen gleich im anfang dreytausent söldner an/wiewol doch sunst kaum so
vil burger inn allen schlachten vberbliben/waren doch nit gnügig daran/ als
ob sy die stat damit nit wol in zaum halten möchten/namen erst nochmer dar-
zu an von den vberwindern/nemlich sybenhundert kriegsleut. Gleich darauf
haben sy angefangen die burger zu tödten/In dem dan der obgenant Alciby-
ades der erst gewesen/damit er nit noch ein mal(wie vor vnnder dem schein
der freyheit) das regiment an sich zuge. Wan als die vorgenanten Tyrannen
ersüren/

Athen das Jar
demnach erob-

Anno. 4798

erführen/das er zu dem König Artaxerxes fliehenn wolt inn Persien/der mit
 dem zünamen Mnemon genant was/da haben sy in eilends iren etlich nach
 geschickt/die in tödten solten. Da sy sollichs nit wol offentlich thun mochten/^{2110 4800}
 haben sy in inn seinem gemach darin er entschlaffen/verprant. Als nu obge^{Alabrad 4 100}
 melt Tyrannen der forcht dises erlösers der burger von abkornen sint. Da ha
 ben sy erst mit fernerlicher beraubung vnd todterschlegen die vbrigen burger in
 der stat gar erschöpfft/Vñ als sy wol merckte das irn gesellen einē dise ir Ty
 rannische handlung nit wol gefallen/da haben sy den selbigen zu einem schre
 cken der andern aller auch erschlagen. Deshalbenn geschach ein grosse flucht
 der burger auß der stat/darvon gar nach alle stett inn Griechen der selbigen
 etlich vberkamen/vnd auß erberimbd auffnamen. Diweil sy sunst aller hilffe
 beraupt waren/wann die Lacedemoner hatten allenthalb verpotten/dz man
 sy an keinem end noch stat auffnehmen solt/darumb fügten sy sich zu letz in die
 zwofstet gen Argos vnd gen Theba/^{Argos}
 Der enden funden sy nit allem ein sichere^{Thebe}
 enthaltung/sonder vberkamen auch ein hoffnung das vatterland daher wy
 der zu erlangen. Vñnder sezegemelten vertribnen burgern was einer mit na
 men Trasibulus ein theurer ritterlicher man/darzu vñ gutem Adel/der sagt^{Trasibulus}
 das man von wegen des vatterlands vnd gemeinen nutz/auch mit schade vñ
 dersteen müß etwas fürzenemē/hieng deshalb die vertribnen burger an sich
 vnd nam in dern von Athen Landtschafft das starck schloß Philon ein. Es
 hetten auch etlich stett sonder mitleyden vnd erberimbd mit inen/vñ nemlich
 Niemas der Thebaner hertzog/als inen der selb nit offensar hilff beweisen
 kont/da thet er sollichs heimlich in seinem sondern kosten. Desgleichenn thet
 auch Lysias d Syracusaner Oator vñ oberer/der damals auch vertribē ge
 wesen/der kam inen inn seinem eignen kosten mit fünffhundert wolgerüster
 kriegsleut zu hilff/die er gemeinem vatterland aller künsten zu hilffe sendet.
 Vnd begab sich ein grüner streit/dan als man auf einer seite mit höchstem fleiß
 für das vatterland/vnd auff der andern parth für ein frembd herrschafft et
 was verlessiger gestritten/Hat man die Tyrannen vberwunden/die sich flüch
 tig inn die stat machten/die sy doch selbs mit iren eignen waffen vnd todtschlä
 gen beraubt vnd geschwecht hetten. Vnd als sy deshalb all Athenienser ver
 dacht/inen misgünstig zusein/haben sy denen allen auß der statt gepoten/vñ
 sich zwischen den zerstörten mawrn zu halten/vnd beschirmte sy sich mit fremb
 den besoldeten kriegsleuten. Demnach vnderstündē sy den vögnantē haupt
 man Trasibulum auff ir parthey zu pringen/sagten in zu/inen an das regis
 ment zu nemen. Da sy aber das an in nit erlangen mochten/haben sy die La
 cedemoner vmb hilff angesücht. Als inen die zukommen/ist abermals wider
 die vertribnen burger gestritten/Indem selbigen streit sint erschlagen. Criti
 as vnd Hippolochus die zwen aller grüniestenn Tyrannen/damit die andern
 auch vberwunden. Vñ als sy der merenteil Athenienser waren. Da hat sy d
 vögnant Thrasibulus mit heller stimme angeschreyen/warumb sy in als vber^{Aufe mich an}
 winder flühen/dem sy pillicher beystand thun solten/als einem der inen allen^{ein Genuß}
 Begerdt freid vnd freyheit zu erlangen/sy solten pillicher bedenckenn/das sein
 hö: mit der feind höre/sonder ir mitburger weren/Er het auch die waffen nit
 darumb

Das Funfft Buch

479

darumb zůhanden genomen/das er die vberwundnen berauben/sonder inen wider zůhanden stelln wolt/das inen vorhin benommen. Er sagt sich auch nit wider ein gemeine burger schafft/ sonder allein wider ire Tyrannen/demnach ermant er sy irer sypschafft vnd freunt schafft / auch zů gedencken/das sy in so vil mancherlay kriegsnöten vnd ängsten als getreue helden vnd mitritter beyeinander gestanden/darumb solten sy sich vber die vertribnen mitburger erbarmen/vnd dieweil sy vnz her den Tyrannen so gehorsamlich gedient hetten/solten sy den vertribnen iren mittburgern ir vatterland wider eingeben/vnd sy mit sampt den selbigen/ir alte freyheit wider annemen. Mit diser rede hat er sy dermaß bewegt/das sy wider inn die statt zugen gen Athen/vnd ire xxx Tyrannen vertriben gen Eleusinam / An der selbigen statt sagten sy zehen man/die den gemeinen nuz regieren solten/Die sich doch auch an vergangne that wenig gestossen/vnd regierten auch mit einem grünen gemüt. Dis alles hat man den Lacedemonern zů wissen gethan/wie sich die von Athen zů ein krieg rüstend/darumb schickten sy iren künig Pausanias dahin die sache abzustellen/ Der hat sich aber vber die vertribnen burger erbarmet/Deshalb gab er den selbigen die stat ein/vnd beualch den vorgemelten zehen Tyrannen/zů den andern vertribnen Tyrannen zů ziehen. Als nu der statt dadurch wider freiden ward/da vermeinten die vorgedachte Tyrannen/das in einsetzung der burger sy verlagt vnd vertriben sein müßten/also mit der burger freyheit ynn dienstparkeit leben. Darumb als sy die stat wider mit krieg angefochten vnd darunder an ein gespräch erfordert/sind sy all erschlagen/vnd die vbrige burger die inen anhiengen wider in die statt auffgenommen. Damit ist die stat die vorhin inn vil partheye zerteilt gewesen/wider zůsamen inn einen stand vnd corpus pracht/vnd das sy hinach desto zů freyden vnd in burgerlicher einigkeit bleiben mochten so haben sy sich alle mit gelüpten vnd eiden verpunden/aller vergangner ireung vnd gezencf zů vngütem inn ewigkeit nit mer zů gedencken noch zů eferen. Vnd disen dingen haben die Corinthier vnd Thebaner ire Legaten vnd Botschafften zů den Lacedemonern geschickt/vnd ire gepürenden antheil der eroberten peit in dem Athener krieg an sy geforderet das inen doch abgeschlagen. Darumb wiewol nit mit einem offenbarn krieg wider die Lacedemoner gehandelt/Ist doch darauff ein sollicher verdruß empfangen/das man wol mercken mocht/das ein krieg darhinder steckt. Vngerlich zů disen zeytten ist der künig Darius in Persien gestorben/Vnd verließ zwen künig vnd sün mit namen Artaxerxem vnd Cyrum/vnder denen sagt er den yetzenanten Artaxerxem zů einem künig/vnnd gab dem vorgenanten Cyro die stett vnd land ein/darüber er in hienor zů einem Herrn geordnet hat. Des doch der genant Cyrus an der ordnung vnnd Testament seins herren vatters verdrüßig vnnd vngnügig gewesen / Darumb rüstet er sich in geheim wider seinen brüder zů kriegem. Als aber der selbige sollichts erfaren/hat er in freuntlich berüfft/vnd in von eeren wegen mit guldinen keten gefangen/damit hett er in auch ertödtet vnd vmbbringen lassen/wa in in seine gemeine mäter nit dafür gepetten. Da nu der yetzenant Cyrus von seinem brüder ledig worden/ist er nit mer wie vor heimlich sonder offentlichen wider seynen brüder inn rüstung gestanden / Vñ als er allenthalb hilff gesücht/haben die Lacede

die Lacedemoner Betrachtet/wieder jenzgenant Cyrus inn den Athenienser
Krieg/inen so stätlich hilff bewisen/darumb haben sy dergleichen than als ob
sy nit wistend/wider wen er sy prauchen wolt/Vnd erkantenn damit/das sy
im hilff zü schicken wolten/wahin er sy bedörfft. In dem süchten sy bey vorge
nantem Cyro gnad zü erlangen/vñ auch bey seinem brüder Artaxerx/wo die
sach mißgieng entschuldigung zü befynnden/voizab dieweil sy nichts offenbar
lichs wider den selbigen zü handeln erkant noch außgesprochen hetten. Als a
ber vorgemelt künig vnd brüder zü dem feldstreit komen/vnd von vngenerd
einander begegneten/Da ward Artaxerxes zum ersten vō seinem brüder Cy
rus verwundet/dem er doch entrañt/darauff vmbgabē des künigs leibswat
ter den künig Cyrum/dermaß das er von inen erschlagen ward. In der gestalt
vberwand der künig Artaxerx das hör seins brüders/vñ erlangt dadurch
allen sein raub vñ pent. In disem streit hat der künig Cyrus auß Grie
chenzehetausent ritterlicher kriegsleut/die im zü hilff zügeschickt
waren/die auch inn dem horen vnd flügel darinn sy ständen
schon vberwunden vnd gesigt/vnd habē doch nach dem
tod Cyri von so einem mechtigen hör nitt vberwun
den/noch sunst mit betrug hindergangen oder ge
fangen werden möge/Sint deshalß durch
so vil vngezempt vñ Barbarische nation
vnd völder frey heimzogen/das sy
sich selbs so einen verren weg
vñ heim zü hauß mit
eigner werlichen
hand beschir
met ha
ben.

Das Sechst

Æ



Das Sechst büch Justini.

Wie die von Athen wyderumb Fürsten
worden seynd vber das Griechen land.



Emer die Lacedemoner vonn land
vnd leütten bekömen/haben sy nach gewonheit vnerzettlichs
menschlichs gemüts/nach mer begert zu erobern/vnd sich nit
gnügen lassen/das sy mit der Athenienser reichthum/ir macht
so großlich gesterckt/sonder haben angefangen/auch nach de
ganzen Asier reych zu trachtē/Wiewol dasselb der meren teil vnder der Per
sier König gewalt vnd herrschafft gewesen. Darumb erweleten sy zu einem
hauptman Hercylides. Da aber d selbig sach/dz er wider zwen die aller me
chtigsten Landtuogt des Königs Artaxerxis (nemlichen die Fürsten Artas
bazum vnd Tysaphern) streiten müste/dieweil ir yeder in sonders vil lands
vnd leüt vnder seinem gewalt gehabt/hat er im fürgesetzt dern einen nemlich
den fürsten Tysaphern zu freünd zu halten/dieweil der ein theurer erfarnier
fürst/darzu mit den ritterlichen kriegsleüten des Königs Cyri versehen was.
Zu dem kam er in ein freündlich gesprech/vnd vereinten sich nichts widerein
ander zuthun. Diser vereinigung hat sich der ander landtuogt Pharnabasus
gegen dem König beklagt / wie der vorgenant landtuogt Tysaphern die La
cedemoner mit güttem willen het in Asien ziehē lassen/die er doch wol het mü
gen abtreiben/vñ hülff inen darzu in des Königs kosten/vñ vereint sich mit inē
als ob das dem Persier reich kein schade precht. Dabey stünd es nit wol noch
eerlich/das man die feinde mit gelt abkauffen / sondern solt die mit gewerter
hand

hand abtreiben/ vnd auß dem land schlagen. Als er nu mit diser red den künig wider den Lantvogt Tysaphern zu zorn bewegt/hat er im darneben auch geradten/den theuren ritterliche man auß Griechen mit namen Conon /so weylant dern von Athen hauptman gewesen/vber die schiff zu einem hauptman zu erwelen/der sich dann nach verliering seins vatterlands Athen/vnz auff disen tag in dem künigreich Cypren enthalten. Dann wie die von Athen vñ jr herschafft vnd macht künien/so weren sy doch noch des schiff geprauchts innübung/so möcht man auch auff ertrich kein theurern hauptman finden/dann eben disen Conon. Auff sollichs gaß der künig dem vorgeanten Pharnabazsus fünfthundert zentner silbers mit dem beuelch das er den vorgeantē Conon vber der Persier schiffhör zu eine mōbristen hauptman machen solt. Als die Lacedemoner diß erfarn/haben sy durch jr Botschafft an den künig in Egypten gesücht/das er inen seinen hauptman Hercymon genant/in ein schiff streit zu hilff schicken solt. Der schickt inen mit dem begerten hauptman hundert Gaieen/vnd sechshundert malt her frucht/Auch haben sy sunst von den vbrigen iren gesellen ein mechtig hilff vnd beystand erworben. Aber disem so grossen hör/vnd wider so ein theuren hauptman geprach mit mer/dañ ein gütter erfarnier hauptman. Darumb als der Lacedemoner heiffer in künig Agisilaum zu einem hauptman begert/haben die Lacedemoner von der weiffagung wegen die inen zu Delphos worden/etwa lang ein entsizenn daran gehet/in zu einem hauptman zū machen/dieweil die weiffagung anzaigt/das jr reich ein end nemen/wann jr künig hincken wurd/dann diser jr künig was lam an ein fuß. Doch entschlossen sy sich zu lest/es wer besser dz d künig huncck dan jr gemein künigreich. Nach dem sy nu also den selbigen iren künig Agisilaum mit einem mechtigen hör in Asiam geschickt haben/so mag ich wol sagen das man sunst gar kaum so zwen gleichmessige fürsten vnd hauptleut het finden mögen/als die zwen/wañ sy warn einander gar nahe gleich am alter/des gleichen an manheit vñ weisheit/auch an volprachten in ritterliche geschichten vnd sachen. Dieweil nu das glück vnd natur inen beiden gar bey alle ding so gleichlich mitgeteilt / also hat es sy auch beid behütet/das keiner von dem andern vberwundē worden. Sy namē beid ein trefliche rüstung für/zum kriegge/darzu haben sy zu beiden seitten grosse namhaffte sachen volpracht. Es hat aber der theur hauptman Conon vnder seinen kriegsleutē ein auffrär leyden müssen/die dan des Persier künigs Lantvogt dauor zu mermaln vmb ire sold betrogen/darumb haben sy iren sold so vil defter drunglicher erfodert/dieweil sy vnder einem so theuren fürsten vnd hauptman lagen/vnd in so ernstlichen kriegsorgen stunden. Wie nu der vorgedacht jr obrister hauptman Conon vil vñ manigualtig den Persier künig vñ bezalung des solds mit geschritten vnd briesen angesücht/vnd doch nichts versangen/hat er sich doch zu lest selbsts personlich an des künigs hoff versüzt/Jedoch ward in nit zu gelassen /für dē künig zu tretē / dieweil er als ein Griech/dē künig nach gwōheit d Persier/nit anpetē wolt/darum hädelt er mit dienern vñ botē mit in/vñ beklagt sich dz des aller mechtigste vñ reichsten künigs d Persier so ernstlich obligende kriegshandel vñ sache/vō māgel des gelts wege müste ersizē/Dañ wiewol er ein hör het/dz sich d feind hōre wol an macht vergleiche/so wurd doch er auß

Wō dem loß
des haupt
mans Co
non.

Das Sechst Buch

mangel des gelts vberwunden/darauf folget das der künig/an dem end am
 krencksten vnd schwachsten befunden/darñ er doch am aller mechtigsten vnd
 stercksten were/darumb begert er im die besoldung vnd kosten des kriegs zū
 geben/Dañ so er solchs yemants andere zū fordern beuelhen/wurd im villei-
 cht solchs zū vngnaden vnd schaden dienen. Gleich darauff vmb sein ansuch/
 ward im reichlich zalung vnd vollkomener sold zūgestelt/damit er sich eylend
 widerumb zum heer versüget/sein kriegs leüt bezalt/vnd hat auch on verzuge
 die sachen dermaß angriffen/das er vil ritterlicher vnd glückhafter sige er-
 langt. Nemlich so verplündert vñ beraubt er den feindē ire land/vñ ersturmt
 ire stett/verheret vñ verwüstet inen alle ding/gleich als ein vngestüm weter
 Dadurch wurden die Lacedemoner dermaß erschreckt/das sy in irn grossen
 radt erkanten./ das man iren künig Agesilaum/zū hilff vnd schirm irs vater-
 lands/widerumb aussen Asien heim beruffen/vñ erfodern solt. Dazwyschē
 aber/vñ als der künig Agesilaus mit seinem heer in Asien gefaren/ist der obge-
 nant Lysander durch ine gesetzt/das er daheim sorg haben/vñ dz land beschir-
 men solt./ Der hat mit allem ernst ein mechtig schiff heer versamlet/damit das
 glück vñ streit zūersuchen. In dem hat aber der vorgemelt hauptman Co-
 non/die weil er an dem ort zum erstē mit den feinden treffen solt/seyn heer mit
 höchstem fleiß vorordnet. Es habē auch nit allein die hauptleüt/sonder auch
 die ritter vñ kriegsleüt zū beide seittē allen ernst fürkert. Wāñ der vorgenant
 hauptman Conon hat mit allein vō der Persier/sonder auch der Athenienser
 wegen/als seins vaterlands/allen fleiß angewendet/Nemlich allermerst dar-
 umb/als hievor it herschaft vñ gewalt vnder seyner hauptmanschaft eyn
 end genomen/hat er deßer mer begert solchs vnder seinem name auch wyder
 zū bekommen./ Vñ dz er mit seinem sig/auch sein vaterland wiß erlangē möcht/
 das er vorhın verloren gehebt/hat vermeint das würd im souil deßer löblich
 er sein / dieweil er das mit frembder macht vñ kosten zūwegen prächet./ Da-
 durch so möcht in disem streit der Persier künig des schadens allein/sein vater-
 land den lon des sigs/auch er als ein hauptman zū allen beiden teilen/mer lob
 preis/eer vnd danck erlangen/dañ sein vorgehende hauptleüt ye erworben het-
 ten./ Dañ die selbigen hetten mit vberwyndung der Persier ir vaterland be-
 schyrmt/so möcht er in seinem sig vnder der Persier namen sein zerstört vater-
 land wider aufrichtē. Der vorgenant Lysander ist auch sunst vber dz er dem
 Künig Agesilao verwant gewesen für sich selbs der eeren vnd rüms begyrig
 gewest/darumb legt er auch allen fleiß daran/das im sein lob von seynen vo-
 rigen begangnē Ritterlichen thaten nit wider verduncklet./ Noch der Lacede-
 moner Künigreich/das so lang jar bestanden/vnd mit so vil streits vñ plüts
 vergiessen erobert were/nit in eym augenplick verloren wurde. Dergleychen
 synn vnd sorg haben auch all andre haupt vñ kriegsleüt gehebt/dz sy dye sorg
 vñ angst allermerst drüget/nit allein / dz sy die erstyrnten reichthūb verluren/
 dañ dz die von Athen solchs erst wiß bekommen solten. Jedoch souil hefftiger d
 streit gewesen/souil deßer grösser vñ loblicher ist auch d sig vñ preis des haupt-
 mas Conons gewest. Vñ als die Lacedemoner vberwūden vñ flüchtig wordē
 seind den von Athen zūsetz vnd it vorige wurde vnd stand wider geben/dar-
 zū vil

zu vil stett wider vnder iren gewalt pracht. Dis ist denen von Athen iren vor-
rigen stand vnd macht wider zu bekommen/dagegen den Lacedemonern iren
gewalt zu verliern/ein anfang gewesen/dan sy wurden verachtet vnd geba-
set/als ob sy mit der herschung auch ir manheit verloren hetten. Darumb vn-
zum ersten haben die von Theba denen von Athen beystand gethan/vnd die
Lacedemoner mit einem hör vberzogen. Die selbige statt Theba was bey di-
ser zeit durch weisheit vnd manheit ires theuren vnd ritterlichen fürsten E-
paminunde inn so grossen auffgang komen/das sy dadurch ein hoffnung er-
langten/das ganz Griechen land vnder iren gewalt zu bringen. Die thete ein
veldschlacht mit den Lacedemonern/in dern sy eben das glück funde/das sy
kurtz daruor gegen dem obgenanten hauptman Conon auch gehept heten im
schiffstreit. In diser veldschlacht ist der hauptmā Lysander/vnder des haupt-
manschaft vorhin die statt Athen gewonnen worden/erschlagen/Vnd Pau-
sanias der ander hauptman/vmb das er in verräterig verdacht/vertribenn/
vnd in das ellend verjagt worden. Als die Thebaner disen sig erlangt/haben
sy sich mit dem sighafften hōre für ir hauptstatt Sparta gelegert/die sy ver-
meinten leichtlich zu gewinnen/dieweil sy von iren gesellen verlassen weren.
Dis sorgten die Lacedemoner selbs/darumb schickten sy wie obstat nach irem
kūig Agesilao/auf Asien heim zu komen(der auch inn Asien vil namhafter
sachen aufgericht) sy vnd ir vatterland zu beschirmen. Wan als inen d haupt-
man Lysander erschlagen worden/ist sunst keiner mer vorhanden gewest/in
den sy ir vertrauwen setzen möchten. Dieweil inen aber der kūig mit seinem
hör zu lang aufbleiben wolt/da versamleten sy abermaln ein hör/mit dem zu
gen sy ire feinden entgegen/Aber sy als die vberwundnen möchten gegen den
sighafften weder mūt noch manheit gnüg haben/Deshalb sy im erste angrif-
in die flucht geschlagen wurden. In dem sy aber schon jezund in der flucht vn-
zum teil erschlagen waren/da came ir kūig Agesilaus daher/vnnd sieng erst
den streit auff ein news wider an. Inn dem er mit seinen manlichen kriegsleu-
ten obgelegen/doch ist er hart wund worden. So bald die von Athen dis er-
faren/haben sy gesorgt/das sy von den vberwyndern widerumb zur dienst-
barkeit getrungen werden möchten/deshalb versamleten sy von stund an ein
hör/vnd schickten das den Boetiern oder Thebanern zu hilf/dem gaben sy zu
einem hauptman den theuren ritterlichen jūngling Xphicratem/der nitt mer
dan xx jar alt/aber sunst einer grossen vernunft/Dan er was vber sein alter
so einer theuren manheit vnd wunderbarliche durstigkeit/das die vō Athen
in so langen zeiten/vnd in so vil streiten/in keinen hauptman nie (vorab in sol-
licher jugent) so vil hoffnung als inn disen gesetzt/so gewislich anzeigung/wa-
ren inn im/seiner künfftigen hauptmanschaft/dapfferkeit/in dem dann auch
nicht allayn dye kunst der Hauptmanschaft/sonder auch dye kunst der zierli-
che redung gewesen. Inn dem aber der theur fürst vnd hauptman Conon er-
faren/das der Lacedemoner kūig Agesilaus auf Asien wider heim komen/
ist er im nachgeeilet/vnd hat der Lacedemoner landtschaft gar verhergt/vn-
beraubt. Der gestalt seind die von Sparta allenthalb mit krieg angefochten
vnd vmbgeben/das sy sich mit grosser forcht eingeschlossen/vnd gar nach an
inen selbs verzweyfelt haben. Nach dem aber der vorgeant hauptman Co-

Das Sechst Buch

4309.

non jr Landtschafft gang geraupt vnnnd geplyndert/hat er sich mit aller peüt
 gen Athen gefügt/ da selbs ist er von seinen burgern mit grossen freuden em-
 pfangen/Doch hat er mer vnlust gehept vom zerstörten vaterland/das inen
 von den Lacedemonern geschehen/dann das er solliches von inen wider mit
 dem streit erobert. Darumb hat er alles das die Lacedemoner verpriennet
 gehebt/mit irem eignen raub vnd peüt/auch mit der Persier heer/widerumb
 auffrichten lassen. Dis ist auch in sonders dern von Athen angeporen glücke
 vnd sal gewesen/das sy zum ersten von den Persiern verpriant/vnd mit irem
 raub vnd peüt wider auffgebawen/vnnnd demnach von den Lacedemonern
 verfürzt/vnd abermaln mit irem güt vnnnd peüt/die man an inen gewonnen/
 widerumb auffgericht. Vnd haben diser zeit die zu freünd vnnnd beyhelfern
 gehebt / die vor zeitten ire feind warē. Vñ die zur selbigen zeit ire beste freünd
 gewesen/seind yetz jr schedlichste feind worden. Wye sich dis ding nach men-
 schlicher art dermaß verlauffen/Hat der Persier künig Artaxerxes ein treff-
 liche botschafft in Griechen geschickt/vnnnd aller menigklich darinn gepietten
 lassen/gegen vnd mit einander in fryd vnd einigkeit zuleben. Wer das vber-
 treten/wurd in für ein feind haben müssen/Damit hat er allen steten in Grie-
 chen jr freyheit mit aller andern zugehörd/zugestellt. Doch hat er das nicht
 darumb than/das er dem Griechen land vnd allen Griechen/irs grossen neid
 vnnnd haß halben / den sy gegen einander trügen/zü fryden damit verhelffen/
 oder die versünen/sonder wolt/das im sein heer mit in Griechen auffgehalten
 wurd/das er in willen gehebt/widder Egypten land zü brauchen. Darumb
 das sy den Lacedemonern wider seine Landt nögt hilff bewysen vnnnd zü ge-
 schickt hetten. Die weil aber die Griechen mit souil kriegs ondas müd wor-
 den/seindt sye dester williger gewesen dem also zü geleben. Dis was eyn
 namhafft jar nicht alleyn darumb / das dis Griechen lande befrydet/Son-
 der auch darumb / das Rom vonn den Galliern gewonnen warde. Dem-
 nach begab sich / als dye Lacedemoner / der Achadier abwesenn aufgespä-
 her / haben sy den selbigen ein starck schloß eingenommen / vnnnd das mit den
 iren besetzt. Darumb sich die selbigen mit denen von Theba vereint/vnnnd
 mit der selben hilff jr Schloß vnnnd was sy verloren gehebt / mit heers krafft
 wider erforderet. Inn dem selbigen streyt ist Archidamus der Lacedemo-
 ner hauptman hartt wund worden. Inn dem er sach/das die seynen fast er-
 schlagen wurden/vnnnd yetz schon gang vberwunden waren / da lies er durch
 eyn feldwayßel der erschlaggen todte cörpel begeren. Dis ist bey den Griech
 en eyn sonder zeychen/das sy sich erkennen vberwunden sein. An dyser erkant-
 nus haben sich die Thebaner gnügen/vnd der vberigen schonen lassen. Aber
 nach kurzuertruckter zeit/vnd kein theil das ander schädiget/gleich als ob sye
 in versprochenem fryden stünden. Auch die Lacedemoner widder andre yhr
 nachpaurn kriege gefüret / haben die Thebaner ein hoffnung genommen/das
 sy durch iren theuren Hauptman Epaminundam/der Spartaner stat erobe-
 ren möchten/Darüb sind sy in angeender nacht/stiltschweigend in Lacedemo-
 nien kommen/doch habenn sye dye nit on wer befunden. Wan so bald dye al-
 ten man vñ andie vnstreitpar jungen knabē/der feind ankunfft gewar wurde
 da dratten sy inen in d. r enge/vnder den stattporten entgegen/vnnnd waren
 iren nit

ten mit mer dan hundert schwacher alter man/die sagte sich wider funffzehen
 tausent/wolgerüster kriegsleut/in ein gegenwere. In dem sterckt sy auch dz
 gegenwertig anschawen ires vaterlands/ir gmut vnd manheit/dan da sy sich
 bedachten/wo sy ständen/vnd für wen sy streiten solten/da sagten sy in ent-
 lich für/aintweders die feind des ends auffzûhalten/oder darumb zû sterben
 Der gestalt haben sren so wenig alter man/den engen platz vnd porten dē fein-
 den ritterlich vorgehalten/denen doch vnlang darvor die ganz manlich jugēt
 in manheit nit vergleichen mögen. In diser notwer kamen den feinden zwen
 hauptman vmb. Dazwischen kam den alten mannen trostlich botschafft zû/
 Nemlich wie ir künig Agesilaus mit seinem hör schon daher zûg/Darumb so
 wichen die Thebaner ab/auch ward der streit nit lang verzogen/vnd namen
 die jungen von den alten ein beyspil vnd manheit/das sy sich nit mer enthalte
 sonder von stund an streiten wolten. Wiewol nu der sig auff dem von The-
 ba seit gestanden/vnd ir hauptman Epaminunda nit allein das hör regiert/
 sond auch darzû als ein theurer held/ritterlich gestritten/hat er ein tōrluch wū-
 de empfangen. Da diß die seinen inen worden/sint sy darvon erschrocken/dar-
 gegen aber die Lacedemoner erfrewt/doch mit etwas greüwel/deshaib lies-
 sen sy beider seit vom streit. In kurtzē tagē darnach/ist der vorgemelt ir haupt-
 man der wunden gestorben/vnd sampt im all ir stercke vnd macht ires gemey-
 nen nutz verfallen. Wan zû gleicher weis/wie man mit dem ersten schutz ein
 ordnung zertrent/vnd dem vbrigen gewer wege macht zû schedigen/allso ist
 auch mit abwendung dises strals vnnd spieß des fürsten der Thebaner/die
 macht ires gemeinen nutz auch geschwecht worden/das sy nit anders achtten/
 dan das sy all mit im vmbkommen weren. Vor disem fürsten vnd hauptman
 haben sy nie kein namhafften streit volpracht/Auch seind sy demnach mit kei-
 ner mannlichen that/sonder mit irem grossen vnfall vnnd schaden namhafft
 worden/Also das es kuntlich was/das der preiß vnd rām des vatterlands/
 mit im geboirn/vnd wider abgestorben ist/Doch hat man ein zweifel in im/ob
 er ein besserer ritter/dan ein hauptman gewesen sey/dann er hatt nit im selbs
 sonder der herschafft vnderstanden dem vatterland vnd gemeinen nutz zûze-
 ziehen. Des golds vnd gelts hat er so wenig geachtet/das er nit so vil verließ
 das man in zur erden bestatten mocht. Er ist auch des rāms nit begiriger ge-
 wesen dann des gelts/Wan wiewol er all herschafft vñ eere verscherzt/hatt
 man in nit wenigens darzû gezogen/sein regiment/Magistrat vnd eren stans-
 des/hat er dermassen volpracht vnd versehen/das er den selbigen stendē mer
 zierd dan im die selbigen nutz geben haben. Vnd er lag doch alzeit in den bü-
 chern zû lesen/vnd in der ler vnd kunst der Philosophē vnnd weisheit/das
 man billich ein verwundern daran haben/woher doch einem sollichen man/
 8 in der schul vñ weisheit auferzogē/die ersarūg so grosser theurē ritterschafft
 bekönnen möcht. Disem seinē lebē hat sich auch sein sterbē vergleicht/Wan als
 er halb tod in dz lāger pracht/vñ im sein red wißkame/da fragt er allein die
 vñsteender/ob im in seinē fall sein schilt nit vō dē feindē abgewonen/vñ sy im
 antworten/dz sein schilt vnuerloren vnd verhande were/So bald man im dē
 pracht/vnd er den ersehen/hat er in als ein mitgesellen aller seyner arbeit vñ
 Ritterschafft/zû im gefasset vnnd gekusset/Darauff weiter gefragt/ob dye

Epaminunda

Das Sybend büch Justini.

von Athen
gedruckt

von Theba gesigt/als er das auch verstanden/hat er gesprochē/Jetz steet die
sach recht/vnd gleich damit als zu danck dem vatterland sein geist auffgeben.
Mit dis Hauptmans sterben hat sich auch dern von Athen manheit gemins
dert. Wan als sy den verloren/dem sy nach zuuolgen gewonnt/haben sy sich
in ein verlessigs vppigs leben ergeben/vnnd sich nit wie vor alten zeitten zum
schiff heer/sonder zu feyrtagen/zum pomp vnd safnacht spülen gerüst/ir ge
maine zins vnd gefell zu verschwenden/Vn kamen mit den Poetischen ges
dichten in das spylhaus/also das sy mer wirtschafft vnd praß sahen vnd
gebrauchten/vnd lobten die Keymentichter vnd schwerer mer dan
die kriegs hauptleüt. Zu disen zeytten warde aller statt gefäll
steuer vnd zoll/darauf dan hienvor die kriegsleüt besoldet/
vnder die Burger aufgeteilt. Auf disen dingen be
gab sich/das auf der verlessigkeit vnd müßig ligē
der Griechē/der Macedoner nam (der vor
hin vnachtpar vnnd dunckel gewesen)
herfür kam/Vnd ir König Philip
der dreü jar inn gyselweyß zu
Theba gelegē/vd obgemelte
im hauptman aller Tits
terlichen zucht vnd wy
sen/dermaß dz durch
den dem Macedoi
schē künigreych/
alles Griechē
vñ Asier lād
zu dienē be
zwun
gen
ist

Macedonia

Das Sibend



Das Sibent büch Justini. XXIX
 Von dem land vnd Kunigreich Macedo-
 nien/ Vnd wie sich der König Phiup des grossen
 Alexanders vatter gehalten.



Macedonia ist vorhin Emathia gnât
 gewesen/ von des künigs Emathionis namen here/ der zum
 ersten inn diser art regiert/ vnd gleich wie er ein klein land be-
 sessen/ also hat er auch ein klein herschung geführt/ die leut da-
 rinn waren Pelasger/ vnd das land Boetia genant. Aber dē
 nach ist durch der künig vnd irer vnderthanen mannhait/ se
 mit vberwindung der nechste nationen/ diß künigreich vnz an die eüßern ort
 in Orient erstreckt worden. Man sagt auch das in Peonia das jezund ein teil
 in Macedonia ist/ regiert haben sol Telegonus der vatter Astriopei/ der ihm
 Troianer krieg vast namhafft was. Auff d andern seiten in Europa hat Eu-
 ropus regiert/ Auch so ist Carano geweissagt worden/ das er mit einer gros-
 sen meng Griechē / in Macedoniē wonung süchē solt. Als diser in Emathiam
 kam zū d stat Etyssa/ vñ die stat burger vō grosser regē wegē/ vñ dickē neblen
 seiner zükunfft mit inē wurde/ da folgt er einer herd geissen nach/ die den regen
 zur stat zū fluchen/ damit kam er in die stat vñ gewan. In dem fiel im zū die ge-
 dedchnus seiner weissagung/ darinn im beuolhen ward/ das er durch anleitüß
 der geissen sein reich süchen solt. Darüb sagt er im für/ sein reich vñ hauptstat
 an dē end zū haben / Vñ hielt auch dz fürter in vbung/ wohin er ihē sein hör ge-
 fūrt/ hat er alweg etlich geissen voranhin geordnet zügeen/ darunn er auch dēß
 zūgededchnis/ die stat Edissa/ dē nach Egeam genât/ vñ die leut in d gegne E-
 geades/ Darnach hat er die Macedonischē vertribē/ vñ also dē sünstē teil des
 Macedonier

Das Sibent Buch

4465. Macedonier lands ingehalten/Demnach all andre künig vnd herren darin
 vertriben/vnd an statt iren aller allein regiert/Vnd ist der erst gewesen/der
 all völder in der gegne zusamē in ein gleich wesen zoch/zū ein corpus pracht
 das alles Macedonia genant/in dem das künigreich zūgenommen/hat er daz
 4513. deßbaß bestertigt. Nach im hat regiert der künig Perdicas/vnnd ein grossen
 namen erlangt/in seinem leben vnd absterben/wann als er fast alt gewesen/
 vnd dem tod nahet/da sagtt er seinem sun Argeo das er inen in eyner anzeyg-
 ten gegne begraben/Vnd so man aller anderer seiner nachkomende. Künig ge-
 4553. bein dahin bestatten/wurd diß Künigreich so lang wern/Deshalb so meynt
 man das sich sollichß bey dem grossen Alexander geendet/dieweyl er die statt
 der Küniglichen begrebtus verwandelt hab. Diser Künig Argeus hat
 mit grosser gunst seiner vnderthanen vnd fast miltigklich vnd messig regiert/
 Der verlief nach seinem tod seinen sun Künig Philipp den ersten/des namēs
 der nach im ganz ein jungen sun verlief mit namen Eüropus geheissen. Die
 weil aber die Macedoner on vnderlas mit den Tratiern vnnd auch den Illy-
 riern stettigs krieg vnd streit gehebt/haben sy mit teglicher erfahrung vnnd v-
 bung grosse manheit vberkommen/das sy auch mit dem namen irer Ritter-
 schafft ire nachpaurn in forcht hielten. Aber die Illyrier haben die iugent vor-
 gemelten irs künigs verachtet/vnd die Macedoner mit heers krafft vberzo-
 gen. In dem sy in die flucht geschlagen/seind sy zū radt worden/iren jungen kün-
 nig in der wiegen zū dem feldstreit zupringen/vnd stelten den in dem wieglen
 für ir ordnung / fiengen darauff den streyt manlicher wider an/gleych als ob
 sy vorhin daruñ vberwundē werē/dz sy irn künig mit seinē angepornen glück
 nit bey inen gehebt/ Oder seind aber nachmaln darumb sighafft worden/das
 sy durch solchen glauben ein mannlicher gemüt fasten zū überwinden. Zū dem
 erparnt sy auch das jung kind / wo sy solchs auß einem künig zū eynē gefang-
 nen machten/so sy yhe vberwunden wurden. Darüb haben sy den streyt der
 maß angriffen/das sy die Illyrier in die flucht geschlagē/vñ damit zū versteen
 geben/ das inen in der vorigē schlacht kein manheit/sonder allein ir künig ge-
 mangelt het. Disem künig hat nachgefolgt in der regierung d künig Amyntas
 der dan vō angepomer manheit auch vō grosser durstigkeit vñ weisheit wege
 Alexanders seins suns fast namhaft gewesen. Wan d yetzgenant Alexander
 hett so ein ritterliche theure art an im/dz er in dem Olympische Thurnier vñ
 kampff manigfaltigē sig erlāgt. Als nu Darius d erst Persier künig des namēs
 mit einer schantliche flucht/dē Scythiern entruñen ist/damit er dan nit allē-
 halbē sich vnritterlich erzeigt/da schickt er sein hauptmā Megabyzū mit einē
 teil seins heers in Tratiē/vñ befalh im dasselbig land vñ alle künigreich darüb
 gelegē/einzünemē. Der vermeint nu nit d eerē werdt zū sein/sich selbs mit dem
 heer in Macedoniē zūfügē/damit er dan des Künigs Befelh deß ee volhtreckē
 möcht/da schickt er sein botschaft zū vorgemeltē künig Amyntas/vñ fordt gy-
 sel vñ bürgen an im/auff dz er zū fridē in seinē reich bliß. Die selbigē Gotterur-
 den nu gar wol vñ eerlich empfangē/mit grosser gastung. In dē sy nu also wol
 getrückē/habē sy dē künig gebettē/dieweil er inē so ein güt mal gebe vñ frölich
 gemacht het/dz er inē auch sein frawē zimier mitteilt/dz wolten sy für ein gros-
 se eer haben. Da nu die schönē frawē auch kamē/vñ aber vō dē Persiern zūvil
 vnzüchtlich angegriffen seind/auf dz bat d jung künig dē altē künig sein vater
 dieweil

dieweil er von alter plöb vñ schwach/were in güt/das er auf der wirtschafft
an sein rüw gieng/so wolt er der gest aufwarten. In dem der vater hinweg
kam / do berüfft der sun die frawen wider auß dem sal/von den tischen auff-
zestän/vnd sagt zū den Persiern/sy müßten noch schöner zierd vnd kleider an-
thün/das sy deßter mer lust zū inen hetten/Damit legt er schöne junnge Edel
leut in frawen kleider an/vnd befalch inen/das sy der Persier mütwillen mit
dem gewer/das sy verporzen vnder den kleidern trügen straffen/vnnd sy all
erstechen solten. Wie nu vorgedacht Persier alle gar erstochen vnd vñbracht
vnd der vorgedacht hauptman Megabizus nit wyß wohin sy komen weren
dieweil sy nit wider kamen/Da schickt er ein Persier landsherin mit ein teyl
seins höres inn Macedonien/als in ein vnachtpar land/dann in verdroß sich
selbs vnd das gang hör dahin zū bemühen. Der jetzgenat Bubares ward des
künigs Amyntas dochter so hold/das er den krieg zū ruck stalt/vnnd mit fro
ein heyrat macht. Nach dem abscheid desselbigen landsherin Bubares außser
Macedonien/starb der künig Amyntas/vnd volgt im in der regierung nach
der künig Alexander/sein sun/Dem dan sein schwager der vögenat herr Bu
bares / nit allein bey des künigs Darius zeiten friden schüß/sonder verfürtere
in auch bey dem künig Xerxes/das im der selb als er in Griechen zoch/ alle lād
schanckt/die zwischen den bergen Olympus vnd Hemus genant lagenn. Er
hat aber darzū sein Künigreich nit minder mit eigner manheit vñ durstigkeit
dan mit der Persier gaben geweiteret/Demnach ist das Macedonische reich/
nach der ordnung auff den künig Amyntam komen/der ein sun was Menelaß
des vögenanten Alexanders brüder/diser was auch ein vast weiser vnd rit-
terlicher man/der groß weysheit het zū regieren/der vbertam von seinem ge
mahel Eurydice genant/drey sün/mit namen Alexander/Perdicas/vñ Phi
lip geneñet/vnder wellichen der letst mit namen Philippus des grossen Alex
anders vatter gewesen/vnd darzū ein dochter mit namen Eurionem/so dan
auß andern seinem gemahel gepar er Archilaum Archideum vnd Menelaß
Wie er nu mit dē Illyriern vñ Olinthiern den völkern also genant/trefliche
krieg gefüert/hat in sein eigen gmahel die künigin Eurydices vnderstandē vñ
zeprungen/die dē mord mit irem eignen dochterman fürgenommen/densy selbs
zū irem epruch bewegt/vñ mispraucht het/dē künig vñzeprungen/dz er da
mit sye vnd das gang künigreich eigentlich habē solt. Das wer nu dermaß an
dē fromen künig begangen/wo nit sein tochter/die härerey vnd das fürgefaß
mord/irem vater dē künig anzeigt het/Dadurch ist er disem betrug vnd mord
entgangen vñ in gutem alter natürlichs tods gestorbē/vñ hat das künigreich
seinem Eltsen sun Alexander eingeben/der inn anfang seiner regierung den
krieg gegen denen in Illyrien mit gelt abkauft/vnd inen vorgemelten seinē sū
gern brüder Philippen zū einem bürgen vnd gysell der bezalung vbergebē. In
mitler zeit hat er durch disen seinen brüder Philip als ein bürge/auch die The
baner zū freund gehalten/das dann dem jetzigen Philippen ein grosse steur
vnnd versach gab seiner künfftigen weysheit vnnd manheit/derenn er sich
künfftiger zeit gepraucht / Wann daselbs hatt er drey jar lang als ein gy
sell vnd bürge des freydens bleiben müssen in diser stat/vnd vorab in dem hauß
wesen ires obgemelten herin Epamynunde / der ein liebhaber aller weisheyt
darzū

Das Sibent Buch

darzû der aller erfarnesten hauptleütten einer gewesen/ bey dem hatt er seyn
 junge tag verschlossen. Vnlang darnach ist sein brüder Alexander damaln künig
 in Macedonien mit betrug seiner mütter Euridices vñspracht worden/
 dern doch der kinder vater/ als er sy darvor in gleichem laster/ nemlich am ees
 bruch ergriffen/ vmb der kind willen verschont/ vñ nit getödt hat. Demnach
 ist sein ander brüder Perdica auch der gestalt vñspracht. Dis ist fürwar eyn
 groß mord an iren eignen kinden gewesen/ das sy von irer grössen vnkeüschheit
 wegen/ darumb das jr die sun iren mütwillen nicht gestatten wolten dermaß
 sterben müßten. Doch was das mord Perdice etwas erpermlichers/ die weyl
 auch ine sein so junger sun des tods bey der mütter nit erpetten mocht. Des
 halb hatt sich der vorgeant Philip/ etwo lang für keinen Künig/ sonder als
 ein mundtruogt vnd pfleger seines brüders kind erzeigt. Da im aber vil schwe
 rer krieg zû stünden/ vñnd man des jungen kinds mannlich alter nit erwarten
 mocht/ hat man in von gemeinen Künigreichs nutz vnd frommens wegen dar
 zû getrungen/ die regierung des Künigreichs/ als ein künig auf sich zûnehmen.
 So bald er das angenommen/ hat menigklich ein groesse zûuersicht vnd hoff
 nung inn in gesetzt/ von seins hohen verstands wege/ das inen sonder anzeyg
 gab/ das eyn theurer namhaffter Künig vnd herz auß im werden solt/ vñnd
 sonderlich von der alten Macedoner weissagung wegen/ die dann anzeigten/
 Wo des Königs Amyntas sun einer regieren/ so wurd der Macedoner städ
 in hohem wesen besteen mügen. Der vrsach hatt der Königin vnmenschlich
 mord der vnderthanen gemüt auff disen lebenden gerichtet. Nach dem vñnd
 aber ine in anfang seiner regierung/ das morde seiner brüder (die doch on all
 schuld vñspracht wurden) auch zum theil die menige seiner feinde/ darzû das
 man seinem leben nach stalt/ vñnd er arm vñnd vnuermöglich was/ dye weil
 das künigreich mit so stetten kriegten abkommen/ als einen noch jungen vner
 farnen kriegsman allenthals vmbgeben/ vnd geengstigt/ vnd gang vil krie
 ges von vil Nationen/ die sich wider in zûsamen verpunden/ leiden müß/ Als
 ob sich die entschlossen heten/ die Macedoner gang zûuertilcken/ die auch gar
 nach auff ein zeit an yn sagten. Dieweil er aber inen allen mit gleich starck sein
 mocht/ da vnderstünd er sich mit iren etlichen zûuertragen/ als er auch thett/
 Mit ein tail vereint er sich/ die andn kauft er mit gelt ab/ vñ nam die schwe
 chsten feind für hand/ die er vberwand/ mit dem selben syg sterckt er die man
 heit seiner kriegsleüt/ vñnd auch sich selbs/ das er destminder von feinden ver
 acht ward. Den ersten streyt thet er mit den von Athen/ die er mit listen vnd
 versteckten halten hindergangen vnd vberwunden. Vñ wie wol er die selbi
 gen all vñpringen möcht/ hat er doch auß sorgen eins größern kriegs/ dye al
 le on entgelt nus ledig vonn in kommen lassen. Demnach hat er den krieg inn
 Illyrien gericht/ vnd daselbs der feind vil tausent erschlagen/ darzû die mä
 chtige stat Larissea gewonnen. Gleich darnach hat er Thessalien erobert/ mit
 von begird wegen des raubs/ sonder darumb das er seinem heer die Thessa
 lier raissigen/ auch zû ziehen möcht/ die dann nichts minder forchten/ dann den
 Künig/ darumb er sy vnuersehenlich vberfallen vñnd vberwunden. Hat
 auch mit den selbigen raissigen/ ein Corpus eines vnüberwyntlichen heers ge
 macht/ zûsamt seinem säpvolck. Da im nu dise sachen so glücklich ergiengen
 da nam

da nam er zu einem gemaheln des künigs Molossorum dochter mit namen
 Olimpiadem/ Darzu halff ihm der künig Aryba/ der jr schwester zu einer ge-
 maheln gehept mit namen Troades/ das im doch ein anfang was alles vnfä-
 les/ Wann als er mit seins schwagers künig Philips hilff sein eigen künig-
 reich begert zu meren vnd bessern / da hat in der selbig des selbs ent-
 setzt vnd verlagt/ also das er sein lestag lang inn ellend sein müß.
 Des ließ sich doch der vorgenant künig Philip nit gnügen/ dz
 er sein feind abgewendet/ sonder griff auch die rüwigen
 an. Vnd als er die statt Methonam beleget / hat
 im einer von der statmaur in seinem fürgang
 in sein recht aug ein pfeil geschossen/ das er
 gar drumß kam/ Von diser wunden ist
 er gegen inē nit deßhinleßiger noch
 grüner worden/ Also das er inen
 auff jr begern/ nach kurzen tã-
 gen friden gab/ in dem er nit
 allein mässig/ sonder auch
 milt gegen den vbers
 wundnē feinden
 gewesen
 ist.

3

Das Achet



Das Acht büch Justini.

Wie die Griechischen stett vnder einander
gestritten vnd verderbt seyndt / darauff sy der König Philip
gang vberwunden hat.



Nach dem aber die stett in Griechen
yede für sich selbs die oberkeyt allein begert / habenn sye die
gall gar verloren / Wann es vnderstünd ye ein Stat die ander
vber alle mas zu schedigen / darumb sye alle zu abgang kamen
vnd verderbt seind / das sy doch nye wargenommen / vnz sol
liches bejchehen vnnnd zu verhütten zu spott worden ist. Diser König Philip
in Macedonien hat von der höhe her seins lands / vnnnd seines hohen stands
wegen / aller freyheit has vnd widerwillen erzeigt / in dem das er aller Grie
chischen stett zwitracht vnd zancf gemeret vnd gefüret / vnd hat nemlich yhe
den myndern wider die starcken beystand gethan / vnd damit die vberwunde
nen / sampt den vberwyndern vnder seinen gewalt pracht. Dises vnfsals vn
schaden

schadens alles/sint die von Theba anfenger vnd vsfächer gewest/Dañ nach dem vnd sy das glück erlangten/das sy vber all andie Griechen herschten/vñ in allem Griechen die obristen/warn sy des nit gnügig/das sy die Lacedemoner vnd Phocenser mit streit vberwunden/vnd der selben ein grosse mennge erschlagen gehept/auch grossen raub vnd pent an inen gewinnen/Haben sy die erst (alls ob sy noch nichts erliten) vor einem gemeinen versamleten lantztag verklagt/vnd ganz hochmütiglich beschuldigt/Nemlich die Lacedemoner/das sy inn zeit des frydens/den von Theba ein starck schloß eingenommen So dan die Phocenser das sy das Boetier land beraupt hettenn/als ob man nach dem krieg nichts anders/dañ allein gericht vnd recht prauchen solt. Die weil nu diß recht ganz nach der vberwynder wolgefallen ausgesprochen/vñ den vberwunden ein sollich summa gelts zu wyderlegen auffgedrohen ist/da haben die Phocenser nach entziehung vnd entförung irer hab vñ güter/auch irer weib vñnd kinder/in so verzweifelten dingen/den alten iren hauptman Philomenem wider angnommen/vnd vor allen dingen/als ob sy wider got er zürnt den Tempel zu Delphos vberfallen/darinn alles gold vnd gelt geraupt vnd damit frembde kriegsleut bestelt/die von Theba mit krieg zu vberziehen Dadurch ist den Phocensern begegnet (wiewol sy all vmb beraubung willn des tempels zu sonderm vnfall kamen) das diser neid vnd has/auf die vñ Theba getrochen/als die sy darzu getrungen hetten/Darumb haben inen die vñ Athen vnd auch die Lacedemoner beystand wider die von Theba gethan. Vnd hat der vorgevant Philomenes in dem ersten angrif/die vñ Theba auß irn leger geschlagen/vnd in der nachgenden schlacht ist er inn seinem ritterlichen streiten vmbkommen zum vordersten/damit ward die beraubung des tempels gestrafft/vnd an sein statt erwelt Venomaus. Wider den selbigen haben die von Theba vnd Thesalier keinen einlendigen hauptman erwelt/dye weil sy 8 feind gewalt nit erleide mochte/sonder de obgnantē künig Philip in Macedonien angenommen/vnd sich also freywillig inn ein frembde herschafft begeben. Der hieß sein kriegsleut all lozpern krenz auffsetzen/als ob er beraubung des Tempels/vnd nit die Thebaner rechen wolte/Vnd ist dermaß (als ob in die göt geleiten) inn den streit zogen. Da diß die Phocenser gesehe/haben sy an ir mischandlung gedacht/also inn schrecken ir gewer von in geworffen/vnd seint in der flucht vil erschlagenn. Es ist auch nit wol glaublich/was rüms vnd lobs dise that bey meniglichem in bracht/das er beraubung des tempels gerochen hat/vnd das für sich selbs allein gethan/darzu in dan alle menschen beraten vnd beholffen gewesen sein solten. Da nu die von Athen von disem streit gehört/haben sy die engen klausen Termopyle eingenommen vnd besetzt/wie dann inn zukunfft der Persier auch geschach/auff das der künig Philip mit inn Griechen käme/das geschach aber weder vmb gleicher vrsach noch manheit willen/dañ in zukunfft der Persier beschirmtē sy die klausen/zü rettung vnd schirm irs vaterlands/vñ der tempel/vor beraubung der feind/Dargegen stritten sy aber jezund für offenbarn raub des tempels/vñ wider die/so die tempelrauber vnderständen zustraffen/Damit erzeugten sy sich vorsechter sein des lasters/das inen doch vbel anstund/so semant anders

Das Acht Buch

dann sy sollichs straffen solt. Sy gedachten wenig daran/das sy in iren anli-
 genden sachen zum offtern maln in disem tempel/radt vnd weissagung besun-
 den/dadurch sy in so mangem streyt gesigt / auch souil stett gepawen / darzu
 so groß her schafft auff dem meer vnd erdrich bekomen/Vnd nemlich an iren
 radt wedder gemein noch sonderlich geschafft außgericht. Dye so hoch weyse
 leut/die mit grosser kunst vnd lere begabt/auch mit so rechtmessigen gesagen/
 vnd statuten versehen gewesen/seind in disem stuck so inn groß yrrung vnn-
 schand gefallen/das sy den frembden nicht mer ire mischandlung verweyfen
 kundten. Doch so ist auch der vorgenant künig Philip nicht eins pessern glau-
 bens vnd fürnemens gegen seinen eignen freunden gewesen/Der forcht nem-
 lich/das er mit dem laster des Tempel oder kirchenraubs vberwunden. Da-
 rumb hat er die stett/darüber er kurz darvor ein hauptman gewesen/die vnd
 im geraiset/vnd im des sigs halben(so er in iren namen erlangt) lob vñ däck
 gesagt/die hat er mit seinem volck/als ein feind eingenommen vnd geplündert
 darzu all ir weyber vnd kinder verkaufft/auch der tempel mit verschonet/son-
 der gemeinlich vnd sonderlich in allen heusern/darinn er kurz darvor in groß
 fen eeren gehalten/die hat er ganz zerstört vnnnd verwüstet. Dermaß das
 man in nit mer für ein reicher des kirchenraubs achten/sonder spüren müß/dz
 er fäg vnd vrsach gesucht het/dye tempel selbs zu berauben. Da dannen ist er
 in Capadotien gefaren/als ob er an disem end gar wol gehandelt/hat damit
 am selben ort/mit gleichem betrug vnd falsch krieg geführt/die künig vber züge
 sagten fryden gefangen vnnnd ertödtet/darmit das selb ganz land inn seinem
 gewalt behalten. Vnd vmb willen das er der nachred vnnnd des haß ettlicher
 maß abkame /da schickt er sein botschaft in alle künigreich vnd namhaftig-
 sten stett/von im außzurüffen/dieweil er so ein grosse summen golds vnd gelts
 het/das er inen mercklich summa gelts vberlyffern/damit sy ir stett vnd tem-
 pel wider in gütten baw vnd wesen pringen/möchten deshalb ir botten zu im
 abfertigen/solich bawgelt von im zu empfaben. Als nu der selbigen botschaff
 ten in Macedonien kamen/seynd sye mit so mancherley lyst vnnnd geferden
 vmbgezogen/das sy zu lest stillschweigende wider heymzugen/vnnnd sich der
 vntrew des künig Philips nit wenig entsagten. Nach disen dingen hat er dye
 Olynthier angegriffen/die dann auß sonderm mitleyden vnnnd erpermdt/nach
 vmbbringung des einen seins stieffbrüders/die andren zwen auch seyn brüder
 in schirm angenommen hetten / dye dann von der stieffmütter / des künig
 Philips geporn/vñ als miterben des künigreichs von ime als miterben vñ
 zu pringen vnderstanden seind. Vmb diser vrsach willen hat er dyse alt vnnnd
 edle statt Olynthum ganz geschlaipfft vnd zerstört/hat damit seine brüder
 tödten lassen/vnd mit disem mord an sein brüdern begangen eyne grosse peitt
 darvon pracht. Gleich darnach(als ob ihm alles das züthün gezympt/das er
 im selbs fürfaßt) hat er die berg vnd geltgruben in Theßalien auch das silber
 erz vnd bergwerck in Tratien zu seinen handen genommen/vnnnd auff das er
 nichts vnderließ/das wider all recht vñ billicheit sein mocht/da ward er auch
 ein mörauber. In disen dingē begab sich vñ vngeschicht/dz in zwen gebrüder
 vñ künig in Tratien/in selbs zu ein richter irer spañ vnnnd yrrung erwelten /

Mit das

Mit das sy so vil von seiner gerechtigkeit hielten/sonder das irer jeder forcht/
 er wurd dem andern beystand thun / Vñ ist der künig Philip nach seiner listis
 gen art zu disem anspruch komen/gleich als zu einem krieg/vnd hat mit gerüs
 stem hör die brüder vngewanter sach vberfallen/vnd die selben beid irs kün
 nigreichs beraubt/nit als ein gleicher richter/sonder als ein betrogner man vñ
 rauber. Darauff habē die von Athen ir botschaft zu im geschickt/vñ fryde an
 im begert/auf dem verhör hat er auch sein botschaft gen Athē geschickt/mit dē
 articlen vnd puncten des frydens/vnd sich sollichs frydens daselbs mit bey
 der teil wolgefallen vereint. Auch seind von den andern steten auß Griechen
 Legaten zu im komen/nit von liebe wegen seins frydens/sonnder auß forcht
 des kriegs / Wan als der zorn zunam/da kamē die Thessalier zu im/mitsampt
 den Boetiern / vnd begerten in zu einem obristen hauptman wider die Pho
 censer. So kyfig warn sy vber die selben/dz sy inn vergessung irs eignen schaz
 den/mit inen begerten verderbt zu werde/Vnd wolten lieber die erfarn grim
 migkeit des künigs noch mer leiden/dan das sy irer feind schonen wolte. Dar
 gegen haben aber der Phocenser Legaten sampt der Lacedemoner vñ Athe
 ner botschaften/den künig für den krieg erpeten /vnd im den jez zum dritten
 maln mit gelt abkaufft. Auch was schentlichen ändrung mag dis sein/dz auch
 das Griechen land/sein vertrauen in ein frembden seze/der auff ir anruffen
 kriegen oder frid halten solle/Wellichs land doch vorhin an manheit vnd loß
 ein Fürstin gewesen ist alles ertreichs vmbkreiß/darzu ein vberwinderin der
 künig vnd vöcker/auch ein oberkeit vber vil stett vnd land/das also die vber
 winder des ertreichs/von irer eigen zwitracht vnd inwendigen krieg wegen
 dahin getrungen sein/das sy einem lieblosen vnd beten sollen/der vnlang dar
 vor kaum ir knecht gewesen/Vnd stünd auch so vil schantlicher/das die The
 baner vnd Lacedemoner so kurz darnor vmb den höchsten stand des Grie
 chen lands gestritten. Darumb hat der vorgeant künig Philips nit vnvillich
 vnder disen dingen die mechtigkeit diser stett betracht/vnd bedacht/welliche
 er für die ander ansehen solt/verhört also ir botschaften all inn geheim / vnd
 sagt dem einē teil zu/er wölt sy mit keinē krieg vberziehe/dem andern teyl sagt
 er zu er wolt inen zu hilff komen/vnd ir widerteil mit höres krafft vberziehen
 Doch gepot er inen bey irn eidspflichten beiderseits/dis sein antwort vñ für
 nemen niemants zu öffnen/vnd sich zu keinem krieg zu rüsten / auch des gantz
 kein sorg zu haben. Wie er sy nu dermaß mit zwifacher antwort abgeuertigt/
 hat er gleich darauff die engen kausen vñ gepirg bey Termopylas eingenom
 men. So bald dz geschach/da erkanten die Phocenser erst/das sy durch list vñ
 betrug künig Philips vberwunden weren/lieffen doch mit grossem schrecken
 zu der were. Sy hetten aber kein zeitt noch weil sich zum krieg zu rüsten/ noch
 vmb hilff zuwerbe. Auch trewt inen d künig/dz er sy gāz schleiffen vñ zerstöre
 wo sy auch nit vnuerzöglich sich ergebē wolte. Deshalb trang sy die lest not
 sich an in zu ergeben. In disem pact vnd friden hielt er inen eben den glauben
 wie er sich vorhin auch gegen inen gehalten/da er ihnen auff ir begern / sy des
 kriegs last zu erledigen zugesagt / Hat sy erschlagen vnd gefangen/vnd nit al
 lein den vätern ire kind/noch den mannen ire weiber/sonder auch die bilder

Das Acht büch Justini:

irer götter auß den tempeln beraupt vñ mit im hinweg gefürt. In dem allem haben die arbeitsamen leüt kein ander freünd gehabt/dann das der künig Philip auch sein punts verwanten/vmb die peüt vñ erlangten raube betrogen/das die andren ir feind nichts von irem güt empfangen/damit der künig wider heim gekert/vñ hat die Nationen vñ völder von einer wonunge vñnd landtschafft in die ander verwechset/vñ gleich weye herden vichs von eym end an das ander treyben vñ zwingen lassen. Also das man nach seinē mütwillen ein ort raumen/vñnd das ander ersetzen müßt/das doch erpermlich zū sehen vñ einer zerstörung gleich was/Dañ sye erschracken nit ab den feinden auch vberlieffen sy kein kriegsleüt/darzū lytten sye kein auflauffe noch beraubung leibs noch güts/sonder ein heimlichs trawren/Dann sye müsten sorgen das man inen ir vbelgehaben vñ wainen für eyn vngeschickliche reche/damit ward ir schmerz dest gröffer/Dann so vil mynder sy sich beklagen dörfen/so vil mer gieng in sollichs zū herten/da sy bedachten an die begrebnus irer fordern/iez an die heymischen götter/dann an die heiser/darinn sy geporn vñ auffgezogen waren/vñ darinn sy auch irer kinder bekommen hette/dennach an irer kinder/das sy nit lang nach diser zeit geboren weren. Darn ertlich sagt 8 künig Philip in die land vñ ort gegen seinen feynden gelegē/die andern sunst an die eussern ort seins künigreichs. Nach dem er dise ding in Macedonien der maß mißhandelt/hat er die Tartarer vñ andre anstossend völder/mit lyfē hindergangen vñ vberwunden/auch hat er seiner eignen freünd nit schonen mügen. Wann er vnderstünd auch den künig in Epyro mit namen Arybam/der doch seiner gemaheln Olimpias fast nach verwandt was/auf seinem künigreich zūuertreiben/vñ sollichs desselbigen stieff suns Alexander seiner gemaheln brüder einzugeben/der was noch fast jung/aber einer schönen forme vñ gestalt. Nach dem selbigen seinem jungen schwager schickt er/vñnd mit der anreyzung vñ zusag das er im versprach ihne zū eynem künig zūmachen/pracht er in zum schentlichen mißbrauch seiner vppigkeit. Darumb sagt er ym das künigreich auch sunst vil güts zū. Da nu der jüngling auff xx. jar alt ward/da nam der künig Philip dem vorgeanten Aryba seyn künigreich in Epyro/vñnd gabs im eyn/inn dem er doch an inen beyden schentlich vñ lasterlich handelt/nemlich dem er das reich genommen/hat er keyn glauben noch freündtschafft gehalten/vñ dem er das vbergeben/den hat er ehe zū schanden dann zū eim künig gemacht.

Das neünde

Das Meint buch Justini. XXXIII
 Wie der Künig Philip Bysantz belegert/
 die Scythier bestreiten/auch die von Athen vberwunden/
 vnd wie er sein end genömen hat.



Da aber Künig Philip ein mal inn
 Griechen kōmen/vnd mit zerstörung vnd plünderung weni-
 ger stetten/von dern reichen pent wegen gewar worden ist/
 das die stett alle gar vberaus grosse reichthum betrē/da satz
 er im für/das ganz Griechen land mit hōres kracft zū vber-
 ziehen. Zū diesem zug vermeint er im gar dienstlich vnd wol
 gelegen/die edle vnd veste statt Bysantium/die am Nōisgestatten gelegen/
 darumb das er sein volck wol zū land vnd dem mōr darein vnd aufspringen
 möcht/wo er nur die groyñen könt. Da mā im aber die portē zūgesperrt/hat er
 die belegert. Dise stat ist zū erstē gebawē wordē vō Pausania 8 Lacedemoner
 künig vñ sibē jar lāg vō im selbs besessen. Demnach wie sich 8 sig geändert/hat
 sy etwa den Lacedemonern/etwa den von Athen angehangen vnd gehuldet
 f iij Dise

Constitutio

Das neundt büch

Dise vngewisse besitzung macht das sy weytter niemants mer vnderthenig/sonder frey sein wolten. Darumb als sy der König Philip ein lange zeyt beleget/vnd an gelt mangel gehabt/hat er solches mit dem mörraub gewonnen/Wann er fieng auff dem meer hundert vnd Sibenzig schiff mit Kauffmans gütern/damit ersagt er sein presten. Das aber ein so groß heer nicht vergeblich auffgehalten/da nam er den sterckern teyl vom heer/vnd gewan sunst vil stett in dem land Chersonesus genant/vñ schickt nach seinem sun Alexander der bey xvij. jaren alt was/vñnd sein erst harnisch an than hat/vnd zoch er mit iren etlichen in Scythiam/darinn ein raub vñnd peütt zū erholen/vñnd gleich wie die Kauffleut werben/also vberkam er mit ein krieg das er den andern volführen mocht. Zū disen zeitten was in Scythia ein König mit namen Matheas genant/Da nu der von den Hystrianern mit krieg angriffen/ist der yezgenant künig Philip von jm vmb hilff angesucht/durch die Appolonienfer/darumb sagt er jm zū/das er nach jm in Scythia auch künig nach jm werden solt.Nach dem aber der Istrianer künig mit tode abgienge/auch die sorg des kriegs darmit hinweg/vnd also den Scythiern nit mer nott gewest künig Philippen vmb hilff anzsuchen/Darumb schicket der vorgeant künig Matheas die Macedoner wider heym vnd beualch ihnen irem künig Philip zū sagen/das er seiner hilff nit begert/auch niemant bevolhen het/yne zū einem erben vnd nachkommen zū ernennen/Auch dorfften die Scythier 8 Macedoner hilff nit/die weil sy mannlicher weren/auch keins andern erben/dieweil er selbs ein sun het. Als der künig Philip sollichs gehört/hatt er seyn Botschafft zū dem künig in Scythia geschickt/vñnd ihn beten lassen/ihm eyn summa gelts zū leyhen/auff das er nit getrungen wurd sein fürgenomien kriege armüt halb ersitzen zū lassen/das er auch zūthünd dester geneigter sein solt/die weil er den kriegs leütten/so er jm kurz hienor zū hilff geschickt/keynen solde noch prouandt geben het. Dargegē aber sich der selb künig Matheas entschuldigt/vnd sagt das in irem land ein gemeiner mißbrauch gewesen/dauon sy armüt litten vnd kaum ir narung hetten. Auch het er sunst nit so groß reichthum das er so eins mechtigen künigs begird ersettigē möcht/so stünd jm nit wol an wo er jm zū wenig schickt/dan die Scythier hettē vil grösser mannheit dann reichthum. Als nu der künig Philip dis für ein verachtung gehabt/hat er die belegerung gegen der statt Bysanz verlassen/vñ den Scythier krieg angenommen/Vñ damit sich die selben destminder in ein gegenwer rüsten/da schickt er sein Botschafft voran zū inen zū sagen. Die weil der künig Philips die stat Bysanz belegert/het er dem got Hercules verheissen etlich seülen auffzerichten auff dem stadtē des wassers Ister genant/deshalb begert er ein sichern zūgag die weil er doch sunst 8 Scythier freunt wer. Darüber gab 8 Scythier künig die antwort/Wo 8 künig Philip/dis sein verheissen begert zū volstrecken/so solt er jm die seüle zū schicken/so wolt er jm die nit allein auffrichtē/sonder auch schirmen/dan er kund jm nit zū lassen mit ein heer in sein land zū ziehē.Wo er aber die seüle ye wiß der Scythier willē auffrichtē/so wolt er jm die nach seine abschid/wiß zerprechē/vñ den zeng daruō zū eytel spieß vñ pfeil eyßen machen Nach diser botschafft kamē sy mit dem streit zamen/vñ wiewol die Scythier an manheit vbertroffen haben/seind sy doch mit lystē des künig Philips vberwunden/

Das wasser
Ister wurd
ober halben
dise gegne
nemlichenn
vñnden an
Sybēburge
vnd für auf
hin durch ds
Vngerland
die Tonaw
genant.

wunden/vnd irn auff xx. tausent kind vnd frawen gefangen/darzu ein grof-
 se summa richs/aber von gold vnd silber nichts befunden. Auch hat der König
 Philip auff xx. tausent edler stütpferd in Macedonien geschickt/andre pferd
 danon zuziehen. In dem er von den Scythier wider heimkert/dazug im dz
 volck Tribali genant/entgegen/vnd wolten in nit durch ir land ziehen lassen
 er teilt dann den gewonnen raub mit inen. Auf dem entstand ein zwittracht
 vñ streit/In dem ist der künig Philip an einer hüfft dermas verwundet/das
 der stich durch gieng/vñ sein pferd auch wund ward/daus es starb. Da man
 nu mit anders wist/dann das der künig auch erstochen were/da ward s raub
 verloren/vnd vil Macedoner erstochen/das inen der Scythier güt zü schadē
 dient. Da aber der künig seiner wunden genesen/ist der krieg wider die vonn
 Athen sürgenommen/Denen haben die von Theba beystand gethan/damit sy
 als die nechst gelegenen/nach vberwyndung dern von Athen noch mer gepla-
 get wurde/Darumb vereinten sich dise zwo stett züsamen/wiewol sy einan-
 der danor vil args bewysen gehept/vnd schickten ire boten inn alles Griechē
 land zü begern iren gemeinen feind helffen abzetreiben/vnnd zeigten an/das
 sich der künig Philip nit gnügen lassen/wo im der anfang glückt/vnz er das
 ganz Griechen land bezwunge/dadurch wurden etlich stett bewegt inen bey-
 stand zerhünd. Dargegen aber auch ettlich auß forcht des kriegs auff des kün-
 nigs seyt fielen. Als man nu ein velttschlacht gethan/vnd dern von Athen hör
 an der zal füttrossen/hat sy doch das Macedonisch hör als geübte kriegsleut
 vberwunden/Doch haben sy auch inn dem irer alten ritterlichen manheit nit
 vergessen/also das alle die erschlagen sint vornen zü verwundet vnnd an der
 statt dahin sy verordnet nydergelegen. Diser tag hat dem ganzen Griechen-
 land/alles lob/herschafft/vñ alte freyheit geendert. Dises sigs hat sich der kün-
 nig Philip nitt offentlich sonder nach seiner listigen art innerlich vnd heimlich
 gefrewt. Wan der künig Philip hat auff disen tag mit seingewonlich fest ge-
 halten/auch vber tisch nit gelachtet/darzu vnder dem imbs kein schimpff noch
 gauckelspyl zü/noch für in kommen lassen/auch weder krantz/kronen/noch sal-
 bung gepraucht/sonder sich seiner person halb dermas erzeigt/das man in für
 keinen vberwinder spüren möcht/Auch wolt er nit ein künig sonder allein ein
 hertzog des Griechen lands genant werden/Vnd hat sich dermas zwischenn
 seinen freunden vnd der feind trauren bewisen/das man in nit ansehen mocht/
 dz er sich des einichs wegs vberhept/noch die feind dadurch veracht het. Er
 schickt denen von Athen(von denen er doch aller merst schaden empfangen)
 all ir gefangnen frey ledig heim/vnd vergünt inen auch ir erschlagne burger
 zü begraben/vnd in irer vordern begrebnus zü bestaten. Nach dē allē schickt
 er seinen sun Alexander vnd seinen freund Antipater gen Athen/mit inē frid
 vnd einigkeit zü beschliessen. Aber von den Thebanern hat er nit allein die ge-
 fangnen/sonder auch der erschlagenen begrebnus verkauft. Die öbristen der
 statt hatt er zum theyl mitt dem schwert gericht/die andern inn das ellend
 verschickt/vnnd all ihre haß vnnd gütter zü seynenn handenn genom-
 menn. Die yhenen/so vormaln auß der statt vertryben/seind durch in
 wider eingesetzt. Vñ von den selben iren dreihundert verordnet die stat zü re-
 giern. Von den selbigē sint se die reichsten vñ mechtigsten burger verschwezt
 vnd

Das neundt Buch

vnnnd verklaget/das sy on alle schuld vorhin/auf der statt verstoffen worden/
darumb sy inen die selben begerten zu vberantworten/In dem seind doch dye
burger alle so stantthafft gewest/das sy sagten /sy weren alle gar schuldig ann
irem vertreiben. Es wer auch vber den gemainen nutz bey yn bas gestanden
der zeit/als man sy in der statt auch erkant/ Dann da man sy wider eingesetzt
het. Dis was wider ir oberkeit ein grosse mannheit vn durstigkeit/dieweyl
die vber ir leben vnd todt richten mocht/das sye ir verurteiln litten /vnnnd yr
Absolution verachtent/die sy inen geben vnnnd verzeihen mochten. Vnnnd die
weil sy das nit mit wercken rechen mochten/haben sy doch yr freyheit mit den
worten erzeugt. Nach dem vnd der Künig Philip seyn sachen inn Griechen
aufgericht vnd angestellt/hat er beuolhe aller stett bortschafften gen Corinth
zu beruffen/damit er daselbs die stend gegenwertiger leuff noch pas nach sei-
nem willen richten/vnd daselbs einer yeden statt nach yhrem verdienst frey-
heit vnd fryden geben mocht/Darumb versamlet er sy alle zusamen in ein rat
In dem haben allein die Lacedemoner des Königs gesage veracht/vnnnd nit
annemen wollen/sagten dis mer ein dienstparkeit dann eyn freyheit sein /das
nit den stett annemlich/sonder allein dem vberwynder wolgefellig sein wur-
de. Demnach lief er aller stett auff gelegt hilff beschriben/sich vor sein feinden
zu beschyrmien oder andre damit helfen zu vberziehe /dan man het kein zwey-
fel das dise kriegs rüstung vber die Persier geen solt. Diser Griechē stett hilff
vnd aufschlag thet an einer summa Zweyhundert tausent zu fuß vnd Fünffze-
hen tausent zu roß/Ober dise summa was das Macedonisch hör für sich selbs
gerüst/mit sampt der hilff von andern anstossenden landen. Darauff vnd in
angeandem gleng hat Künig Philip sein hauptleut inn Asien geschickt mit na-
men Parmenon/Amyntham vnd Attalum/ Dises schwester/hat der Künig
kurglich zu einer gemaheln genommen / vnd Olympiadem sein erst gemahel
vnd mütter des grossen Alexanders vmb argwon willen irs eeppruchs von im
gestossen. Dazwyschen vnd als die hilff auß Griechen zusamē kam / da macht
er ein grossen heytrat mit seiner tochter Cleopatra /vnd mit dem Künig Ale-
xander seinem schwager/den er vorhin zu eym Künig in Epyro gmacht. Dis
ward ein kostlich hochzeit von wegen der beyden Künig/da der ein dye tocht-
er dargab/vnnnd der ander die vermähelt. Auff diser hochzeyt waren schöne
thurnier vnd ander Kitterspil. Wie nu der Künig Philip zu disen Kitterspy-
len gieng/dye zu besehen/Nemlich zwyschen den beyden Alexandern /seynem
sun vnd tochterman/vnnnd sein leibs hütter nit zu gegen waren/Da was eyn
junger Edelman in Macedonien mit namen Pausanias gnant/des niemant
acht hat/Der stalt sich an ein ort/vnd durchstach am für geen den Künig Phi-
lip. Mit diser that verwandelt er sein freudreichen tag/in groß leid vnd traw-
ren. Diser jüngling Pausanias/hat in sein jungen tage von obgemeltem At-
talo des Königs schwager vnzymlich schmach der vnkeisch mit gewalt leyden
müssen/darzū schendet er in auch mit worten vnnnd wercken. Als er auff eyn
zeit (voller weins) den knaben misbraucher/hat er in demnach allen anderen
seinen tisch gnossen zu gleicher schand vbergebē/vn misprauchē lassen/wie eyn
offne diern/damit gegen seins gleichē/jungen/in grosse schand pracht. Dis hat
de jüngling dermaß verdrossen/dz er sich des gegē dem Künig Philips selbs be-
flagt/

flagt. Da er aber sahe dß d künig darzü lacht vñ sein spottet/vñ darzü sein sein
 de erst zu einem herzogen macht/da het er seinen zorn gegē dem künig gewen
 det/vñ die rache an in/als an ein vngerechten richter gelegt. Man glaubt auch
 wol/das die künigin Olympiades/den jüngling darauff gewisenn / auch der
 sun Alexander selbs von disem anschlag gewist hab/Dann die selbig künigin
 hatt wol als grossen verdruß haben mögen/das sy der künig Philip von im
 gestossen vnd obgenant Cleopatram zu einer gemaheln genömmen hat/als di
 ser jüngling an der schmach/die im begegnet. Des gleichen hat sein sun Alexan
 der bejorgt/das im sein stieffbrüder vñ vater im reich fürgesetzt wurde / Des
 halben er dann von dem ersten anfienge mit obgemeltem herzog Nitro als
 einem brüder seiner stieffmütter/vnd auch mit seinem vatter dem künig selbs
 zu kysen vnd vnwillig zewerden/So vil das der vatter auff ein mal mit auß
 zucktem schwert vber in auffgewünscht/vnd von sein freunden kaum erpeten
 ist/das er seinen sun künig Alexander nit erstach. Darumb eintruche er mit
 sampt seiner mäter zu seinem vetter dem künig inn Epyro/Vnd von danen
 zu der Illyrier künig / vñ hat sich kaum gegen dem vater versünen noch durch
 sein freund bereden lassen/das er auff beger des vatters wider inn Macedo
 nien kam. Auch hat Olympias die künigin den obgemelten in brüder den kün
 ig Alexander inn Epyro beredt/wider den künig Philip zu kriegen / dem er
 on zweifel nachkommen/wo im nit desselbigen dochter vermähelt wer. Auf dy
 ser versach vnd bewegung hat man wol glaubt/das mäter vnd sein vorgemel
 te jungen edelman als vñnder seiner selbs schmach vber den künig Philip ge
 reizt haben/dan die künigin hat de thater zu seiner flucht etlich pferde zeumpt
 vñnd gerüst verordnet. So bald sy aber des künigs tod vernommen/hat sy sich
 zu der bestattung genähert/vnd gleich in derselben nacht dem erhengten Pau
 sanias ein guldin kron auffgesetzt/das doch sunst niemants vnderstan dorfte
 dan sy/vorab/dieweil jr sun Alexander der groß noch in leben wz/Darzü hat
 sy nach kurzen tagen de thater erlich bestatten vnd jarzeit gestiftet. Nach de
 pracht sy zu wegen das die obgenant Cleopatra/die sy in der ee vertrungen /
 sich selbs erhencket/müß doch vorhin sehen vnd leyden/das man jr ir eigne
 dochter im geren erstach/dis sahe sy alles selbs volbringē. Auch hat sy zu letzt
 das schwert damit der künig Philip erstochen worden/dem got Apollo zu ey
 nem opffer geben lassen/vnder dem namen Nitralis/disen namen het sy in jr
 jugent gehept. Solliche schantliche sachen geschahenn alle so offenbar
 lich/das man meinet/sye sorgt/man wurd sunst nicht glauben/das sy das ge
 than het. Diser künig Philip ist xlvj jar alt worden/vnd hat xxv. jar regiert
 Sunst hat er noch vil mer sun gehept/von vil frawen/dern etlich gestorben /
 die ander sün inn streiten vñkommen sint. Diser künig Philip rüstet sich mer zu
 streiten dan zur wirtschafft/Die streit vnd sturmzug vberkam er mit grossen
 kosten / darumb was er inn seinem teglichen rauben/doch für vñnd für arm
 vnd nötig. Di. barmherzikeit vñ vntrew seint an im gleich gewest/er schamt
 sich keiner schantliche sach/allein dz er vberwund/Er kunt vast wol liebkosen
 vñ sein zorn mit gütiger red verdeckē. Auch sagt er vil zu / vñ hielt wenig/in sch
 impf vñ scherz ist er küstreich gewest/die freuntshaft hielt er nach seine nutz/
 vñ nit nach de glaubē/In seine weib kont er sich gütig erzeigē/vñ d fridsame
 zant zu

Das neundt Buch

zack zhrüste/vñ was sein gröst eigeschafft im zu beiden seytē gunst vñ willē zu
süchē. Vber das alles ist er fast wol beret gwest/also das im weder zierd noch
syn daran mangelt. Disem hat sem sun Alexander nachgefolgt/der an man-
heit vnd bösen stucken den vater vbertroffen. Sy heten auch vnder schidliche
gepreich vñnd monier zu vberwynden. Alexander der kriegt mit offenbarer
mannheit vñnd Ritterlichen krefftē/dargegen aber der vatter mit lyften.
Der vater frewet sich das er sein feind vberlistet vñnd versürt/se rewet sich
der sun/wann er sein feind in einer offnen feldschlacht vberwandt. Der vat-
ter was in rädten vnd anschlegen weyser/vnd der sun großmütiger. Der vat-
ter kundt den zoren verpergen vnd vberwynden / aber so bald der sun in zorn
emprannt/so hielt er in der rach weder verzug noch maß. Des weyns waren
sy beyd zuuñ begyrig/doch was das laster der trunckenheit in inen nit gleich.
Der vater het die gewonheit an im / das er vom wolleben vñnd wirtschafft
die feind vberfiel/vnd sy verwegenlich angriff/wie starck sy waren/ Darge-
gen aber der sun Alexander in der trunckenheit nit gegen den feinden/sonder
gegen seynen gesypten freunden wüet. Deshalben ist der König Philip
zum offtern maln von feinden vberwunden/kaum daron komē / Dargegen
der sun als ein todtschleger seiner freunden auß der wirtschafft tritt. Der sun
wolt mit den freunden nit regieren/so versach der vater seyne land mit seinen
freunde. Der vater begert sich lieb zu haben/so wolt der sun das man in fürch-
tet. Der kunst vnd geschriffte waren sy beid gleich wol gelert. Der vater
fürtrass mit gescheydigkeit/vñnd der sun mit dem glauben vñnd
standtueste. Mit der rede vñnd gesprech was der vatter am
syttlichsten/vnd der sun mit der that vnd handlung / den
vberwundnen gnad zu beweyfenn / hatt der sun ein
besser vnd eerlicher gemüt dann der vatter. Der
was kostfreyer/vñnd der sun vnkeüsch/
Mit der geschicklichkeit vñnd lyften der
vater dem Königreich sein funda-
ment gesücht vnd gemacht/
damit hat auch der sun
den preiß des gan-
zen werckes
volnstre-
cket.

Das Zehent

Das X büch Justini XXXVII
Von dem Persier König Artaxerxes vnd
 seinen kinden / Auch wer der künig Darius gewesen ist / wider
 den der groß Alexander gestriten.



Der künig Artaxerxes inn Persien
 hat von seinen vneelichen frawen hundert vnd fünffzehen /
 vnd von den eelichen gemaheln nit mer dan drey sun gehept
 mit namē / Darius Ariarates / vñ Ochus genant / Aus disen
 dreyen hat der künig bey seim leben wider der Persier gewö-
 heit den vorgeantē Darium zu einem künig gemacht (Dan
 bey inen ist der prauch / das man kein künig ordnet / der vorgeent sey dan tod)
 vnd vermeint also der alt künig / das im an der würde nichts entnommen were
 in dem er sein eignen sun ein künig sech / des er sich sonders frewt. Jedoch so fie-
 le disem künig Dario ein böser wil zu / das er seinen vater vber so grosse im be-
 wisne miltigkeit vnderstünd zu tödtē / Es wer gnüg vbel gestanden / wo er al-
 lein dis mord fürgenomien. Es ist aber so vil dester schantlicher gewesen / das
 er fünffzig seiner brüder in disem mord im zügesellet. Das was nu wol ein
 wunder / das sich ten so vil eins sollichen mords vereinsartē / sonder auch das
 verhältē / das vnder fünffzig sūnen keiner befundē ward / den doch die väter-
 lich Maiestat vnd liebe oder sein erpermlichs alter bewegt / oder von dem an-
 schlag hinderzogen het. Also schnöd ist der väterlich nam bey dē sūnen gewe-
 sen / wiewol er billich durch sy gegen sein feindē beschirmt were / auch ist die sa-
 ch dis mords schantlicher gewest / dan das mord selbs. Wan als der obgenāt
 Cyrus sein brüd wie obstat im krieg vntkam / da hat künig Artaxerxes seins
 brüders kebs weib mit namē Astasiam zu einer gemaheln genomien / Die hat
 den künig das er dem sun Dario inn der regierung abwicke. Der zum ersten
 G von liebe

Das X buch

von liebe wegen des suns solliches zusagt / das ine doch bald gerewen. Auff das er aber mit fügen abschlagen möcht / das er vnbesinnet versprochen. Da hat er sein gemahel der sonnen ergeben / zu einem priester / deshalb sye jr leben lang on man keüsch bleiben müß. Dis hat iren sun Darium dermaß beschmachtet / das er zum ersten mit worten gegen dem vater gezürnt / vnnnd gleich darnach als er sampt seinen brüdern / dem vater nach dem leben gestelt / hat er ine mit seinen gesellen ergriffen / vnd dis fürgenommen mords halben zum tode gericht. Auch seind all jr weiß vnd kind zum tod gericht / damit nit ein füstritt vberbliß der eim so schantlichen laster anhieng. Demnach hat den künig Artaxerxes dise sach so hart bekümert / das er in frantckheit fiel vnnnd starb / vnnnd was vil ein glückhafter künig dann vatter. Das reich kam an seynen sun Ochus genant / der sorgt das ein gleiche pündtnus vber in auch beschehen möcht / darumb ließ er zu forderst sein freünd vnd die öbristen am hoff vnspringen. In dem schonet er weder der gesypten freünd noch frauwe / weder jungen noch alten / das er nit vnschuldiger geacht wurd dan sein brüder an iren fürgefasten mord vnd todtschlegen. Vnnnd also demnach als ob er damit sein Künigreich geseübert het / da griff er die Armenier mit krieg an. In dem selbige krieg hat einer mit namen Codomanus / mit des ganzen heers willen mit der feind einem der ine darzü erfordert einen offnen kampff gethan / den selbigen vnspracht / vnd dadurch den Persiern den syg vnd gar nach iren verlorne preis wider erlangt. Vmb diser Ritterlichen that willen warde der selb Codomanus in Armenien zu einem Landtuogt gesetzt / Auch nach verlauffung der zeit vnd als der künig Ochus gestorben / ist er von seiner theuren manheit weg / von den Persiern zu ain künig angenommen / vnnnd gab man ihm den namen

Darius zu / vmb willen das er von des namens wegen deßter ehe angesehen. Dis ist der künig Darius der wydder Alexander den grossen lang zeit / vnnnd Ritterlich gekrieget / der yhn zu letst vberwunden / vnd hat er von sein eignen freünden sterben müßsen / damit seyn leben sampt der Persier reich geendet.

Von den Mannlichen thaten

des grossen Alexanders.



Ley

cherwey
se wie in
dem hör
des vor
genantē

könig Philips in Mace-
domie mancherley natio-
nen vnnnd völder warn/
also sint auch vilerley sin
vnd gedanckē vnder inē
gewesen. Wan̄ in etlich
die mit vnleidlichen dien-
sten vnd arbeit vberla-
dē/sind in güt hoffnung
kommen/ir alt freyheit wi-
der zū erlangen / die an-
dern so lang gereiset/ha-
ben sich gestrewt /das sy
fürter der reiß erlassenn
werden soltē/ Etlich het-
ten ein trauren vnd mit-
leiden/dz auß diser hoch-
zeit des künigs tod ent-
sprungen. Auch habē des
künigs freund selbs mit
schneller anderūg 8 ding
grosse sorg vnd schrecken
empfangē / das sy vber-
schlagen wo jero dz gāz

Afier land/darzu Europa das noch nit ganz bezwungen was / Desgleichen
die Illyrier Tratzier vnd Tartarer oder andre nationen die eins vngeichertē
glaubens vñ vntrew gewesen/alle miteinander abgefallē/wurden sy inen key-
nes wegs widerstand thun können. In disen sorgen ist inē Alexander 8 groß
gleich wie ein arznei zū hilff kommen/ Der hat in einer offnen versamlung das
volck dermaß getröstet vnd vermant/wie dann das die zeit erfordert/also dz
er den schreckenhafften damit alle forcht hinam/vñ das sy all ein güt vertrau-
wen inn in sagten. Er was der zeit xx. jar alt/vnnnd sagt inen vil gūts so māß
sigklichen zū/das man sich versach/es steck noch gar vil bessers fürnemē in im.

¶ Er ließ

Das XI Buch

Er ließ die Macedoner all frey sein/darzu aller raif ledig/Mit dysem erlægt
 er bey inen allen grosse gunst vnnnd willen/also das sy sagten/er het allein den
 menschlichen leib/vnd nit die tugent des künigs verändert. Sein erst auffris-
 chten vnd geschafft was seinen vatter erlich zu bestatten/inn dem er vor allen
 dingen/alle die an seinem tod schuld gehebt/auff vnd neben seinem grab zum
 tod richten lassen. In dem verschont er allein Alexanders seins brüders/dar-
 umb das er sine zum ersten maln als ein künig begrüßt het. Er ließ aber seinen
 stieffbrüder mütterhalb mit namen Caranum vnspringen. Inn anfang seiner
 regierung fielen vill land von im ab/die er doch all widerstillt/vnd zu gehor-
 same pracht. Auch in Orient layttet er etlich auffrären bald wider ab/sich da-
 durch erholet vnd mit stillem zug/sich in Griechen gethan/Daselbs ist er gen
 Corinth erfordert/vnd an statt seins vaters vber alles Griechen land zu ey-
 nem Herzogen angenommen. Darnach hat er den heerzug wider die Persier
 geführt/vnd den krieg so sein vater angefangen/sich vnderzogen zu vollführen.
 In diser rüstung kam im botschaft wie die von Athen/die von Theba vnnnd
 die Lacedemoner von im abgefallen/vnd den Persiern zugestanden weren/
 das auch der vsächer diß abfalls mit namen der hochgeleert Orator Demo-
 sthenes mit grossem gelt von den Persiern darzu bestellt were/der dan in ver-
 samlung der Griechen sagt/das der Macedoner künig sampt seynem volcke
 von den Tribalis erschlagen worden/vnd wer der verwundet kryegs man/
 der neben im stünd/in der selben schlacht gewest/darinn der künig vntkomen/
 der sagt auch das er die wunden bey dem künig empfangen. Mit diser red vn-
 maynung wurden gar nach alle stett in Griechen bewegt/der Macedoner zu
 setz vn landskärten zubelegern. Diser auffrühr halben hat sich der Künig Alex-
 ander/eylends gerüft/die seinen zu retten/vnd also mit einem mechtigen hör
 vnuersehentlich in Griechen kommen/vnd sy wider bezwungen/den sye nicht
 maintien zu konien/vnd kaum glaubten das sy sine mer sehen wurden/der war
 schon yezund zu frida. Vnd in dem fürzug ermant er die Thessalier aller güt-
 heyt seins vaters/darzu der verwandtschaft seiner mütterlichen freünd vnd
 fordern/das haben die Thessalier mit grossem lust gehört/darumb namen
 sy sine zu einem Herzogen an/vnd vbergaben im all zinf/zoll vnd gefell. Aber
 wie die von Athen die ersten waren die abfielen/also hat es sy auch zum ersten
 gerawen/darumb schickten sy ir Botschaft zum künig/sine vmb gnad vnd fry-
 den zu bitten. Als der künig Alexander die verhöret/hat er sy ernstlich mit wor-
 ten gestrafft/vnd inen verzeigen/sich damit gegen den von Theba gewendet/
 gegen den selbigen wolt er sich auch in gleychen gnaden funden lassen haben/
 wo sy nur ein gleichen rewen erzeigt hetten. Dye Thebaner hetten kein bytt/
 sonder waffen gegen im gepraucht/Deshalb vnd als sy überwunden/seyndt
 sy gewar worden der aller schwersten straff/gefencnis/vn dienstparkeit. Vn
 wie man im radt von zerstörung ihrer statt gehandelt/darabenn dye Pho-
 censer/Plateenser/Thepienser/vn Orchomener/als pundtgnossen des künig
 Alexanders vnd teilhaber des erlangten sygs/die zerstörung irer stetten auch
 dern von Theba grymigkeit anzeigt. Dabey auch was gunst vn freundschaft
 sy mit den Persiern geübt/nit allein yez/sonder auch vor vil Jaren/wydder
 das gemain Griechen land/darüb sy billich vō aller menigflich gehaft wurde
Dis ist

Dis ist daher wol kunt / inn dem / das sich die Griechen gegen einander verbü
den vnd geschworn haben / wo sy die Persier vberwinden wurden / so wolten
sy demnach die stat Theba auff den boden schleiffen / Vñ sy verweisen vñ zeyg
ten alle jr laster vnd misshandlung / also das sy nit allein jezund trewlos / son
der von vil jarn her meynaydig leut weren. In dem drat der gefangnen einer
herfür / mit namen Eleadas / der sagt / nach dem vnd im gegönt ward zū re
den / das die Thebaner nit von dem künig Alexander / den man doch saggt er
schlagen sein / sonder von seinen erben abgefallen weren / vnd alles das sy des
halb gehandelt / het man jnen für kein vntrew zū zūmessenn / wiewol sy doch
gnüg darumb geliten / wañ all jr jungen burger wern erschlagen / vñ niemäts
mer vorhanden / dan alte man vnd weiber / Gleich wie die selbigen von alter
schwach vnd plödd / also weren sy auch vnschuldig. Wiewol sy auch mitt gros
ser schmach / desgleichen die fräwen sollich schand genomen / das sy desgleiche
nie mer erliten haben / Auch bat er jez für kein burger / dern wenig bey lebē bli
ben / sonder für das vnschuldig land vnd stat / darinn dan nit allein theure rit
terliche männer / sonder auch götter geporn wern / Wolt also den künig mit al
ler demüt vnd sonderlich gepeten haben / ingedenck zesein / das Hercules bey
jnen geporn were / daher dan das geschlecht Lacidarum jren vrsprung / Es
het auch sein vater künig Philip / sein plüende jungen zū Theba verschlossenn /
vmb desselben willen solt er der statt schonen / so er doch auch wol sach / dz sein
fordern die götter verereten die bey jnen geporn weren. Jedoch so hat des kün
igs zoren mehr fürgewegen dann dise fürbit / Darumb ward die statt The
ba zerstört vnd geschleift / das land vnd alle gütter vnder die vberwinder ge
theilt / die gefangnen wurden verkauft / der selbigen bezalung ward mer auf
neid / dan vmb gewinns willen angelegt. Dise sach hat die von Athen gröflich
en erbarmt / also das sy den flüchtigen von Theba auch wider des künigs ge
pot auffenthalt gaben / vnd inn jr statt gelassen. Dis hat dem künig so hart
verschmacht / das er jnen sollich nahe zwifacher bit vnd botschafft kaum ver
zigen / vnd sälet wenig / er hett sy darumb mit höres krafft vberzogen vnd ge
strafft / Doch erfordert er im jr hauptleut zū zeschicken / die vrscher were /
das sy so oft von im abfielen. Vmb willen aber das die von A

then kein krieg leiden müstē / haben sy jr obersten auß

der stat in das ellend verschickt / die von

stund an zū dem künig Dario

in Persien kamen / vñ

prachten im nitt

ein klein hilf

se zū.

G ij Wie



Das XI büch Justini.
Wie der grofs Alexander sich wider die Persier gerüst / vñnd zūnor vil seiner freünd vñsbpracht / auch wie er den Künig Darium vberwunden hat.



Dann der Künig Alexander seyn
 heertzug wider die Persier gethan / hat er zūnor aller seyn
 stieffmüter verwanden / die dann sein vater künig Philips
 fast herfür gezogen (vñd in grossen gewalt gesetzt) vñsprin-
 gen / auch seiner selbs gesypren freünd mit schonen lassen / dye
 er vermaint der regierüg begyrig sein / auff das in seinem abwesen kein vrsach
 blib der auffrür. Darzū hat er auch die künig vñd herin / so im vnderworffen
 vñd eins hochtragenden gemüts gewesen seind / mit im vnder andern auß dē
 landen gefürt / vñd allein die eltesten zū beschyrmung seins reychs dahaim ge-
 lassen / gleich darauff sein hör versamlet / vñd zū schiff pracht. Vñ so bald er zū
 ersten d; Asier land ersēhē / hat in ein wunderl arliche hytz seins gemüts durch
 drungen /

drungen/also das er des ends den Götten. xij. altar auffgericht/damit alles
sein väterlich erb/vnd alles das er inn Macedonien vnd in Europa gehept/
hat er vnder seine freund geteilt/vnnd gesagt/das er sich Asier lands gnügen
lassen/also des ends sein opffer volupracht/vnd des sigs begert/so vil vñ offte
die Persier defgleichen die Griechen gesücht / das zu einer widergeltung vñ
rach/dieweil jezund gnüg lang von den Persiern geherschet /deshalb billich
were/das inen widergelt erzeigt/so ward als dann die sache etwas bas vñ sy
stan. Es hat auch das hör kein ander fürnemen noch meinung vor im gehept
dañ der künig selbs / Sy vergassen aller irer weib vñ kindern/auch der weitē
raiß/vnd gedachten allein/ander Persier golt vnd aller reichthumb in Ouent
dis vberschlägē sy alles ir gewisse peunt sein/Sy achtē d krieg geferde mit / son-
der allein des gewinns. In dem der künig an Asien gestossen/vnd von dē schif-
fen außgestanden/hat er zu forderst ein spieß inn die hend genommen/vnd den
inn das erdrich wie in ein feind gestossen/Vnd er ist inn allem küris gewap-
net mit allen freunden vom schiff auff das land gesprungen/An dem end aber
geopffert vnd gepeten/das dis ertrich in mit willen zu künig annemen wölle
Demnach hat er zu Troia bey dern Begrebnus die da erschlagen worden /ibe-
sarzeit begangen/vnd dadannen strax dem feind nachgezogen/vnd seinē hōre
gepoten/das Asier land nit zu bergen noch prennen/sonder irs eigenthumbs
verschonen/vnd die ding nit zu verwüsten/die sy besizen wurden. In seinem
hör warn xxxij tausent zu fuß/fünffschalb tausent zu roß/darzu cxxxij schiff.
Darumb ist ein zweifel dran/ob es wunderbarlicher sig/das er mit so kleinem
hör hab dōrffen die sache zu volbringen vnderstan / oder das er damit so vyl
land vnd leut bezwungen hab/dieweil er doch so zu einem trefflichen krieg nit
starcke junge angeende jüngling vnd man/sond die alten erfarnen kriegsleut
die bey seinem vatter vnd vettern gereiset/außerlesen vnd gemustert hat/die
man nit allein für ritter / sonder auch für zuchtmeister der ritterschafft halten
vnd achten mögen. Dañ es ist weder hauptman noch rotmeister vnder inen
gewesen vnder lx jarn alt. Es het der vorderteil des legers kein ander gstat
noch scheine/dañ als ob es ein besetzter rath were einer trefflichen statt/ Also
hat auch iren keiner im streit an die flucht/sonder all gedacht zu sygen/vñ sag-
ten ir hoffnung mer inn ir handtwer/dañ auff ir fuß. Dargegen aber der ob-
genant Persier künig Darius/sagt/das er nichts mit listen noch geferdē thun
sonder sich frey offenbarlich auff sein eigen macht verlassen wolt/den seinenn
müß nach seinem anschlag der sig selbs zustan/ Dañ er wolt den feindē mit we-
ren inn sein land zekommen/vnd die in dem innern teil seins reichs angreifen /
Er meint es stünd im bas an/die feind auß dem land hinweg zuschlagen/dañ
die nit darein kommen zulassen. Darumb geschach der erst angriff im weitē feld
Abdrastis genant. Inn der Persier hör waren sechs mal hundert tausent streit
par mann/die nit mynder mit den listen des künigs Alexanders/dañ mit der
manheit der Macedoner vberwunden/vnd inn die flucht pracht / Vnnd sint
der Persier vil erschlagen. Von des künigs Alexanders hör sint nit mer vmb-
kommen dañ zu fuß ir. vñ zu roß cxx. die ließ er mit grossen eren bestatten / auch
mit auffgerichten seule/sy insonders eren/zū gedechtnus ir theurē ritterschaffe
G iij Darzu

Das XI Buch

Darzu lief er all ire freünd vnd verwanten gang frey sitzen. Nach disem sig ist der meren teyl lands in Asien an künig Alexandern gefallen/Sunst hat er auch vil kriegs vnd streyt gegen künig Darius fürsten vnd Landtrögten ge-
hebt/die er mit der forcht seins namens als fast/als mit dē waffen vberwand
In dē dingē kam jm für / wie jm Alexander Lyncistatrum/ein tochterman des
fürsten Antipaters /den er in Macedonien zu eym Statthalter gesezet /nach
seinem lebē stelt. Er sorgt aber wo er den tödten/wurd dadurch in Macedo-
nien ein auffrühr entstehen/darumb lief er in gefencklich halten. Demnach ist
er der statt Gordyn zu gezogen/die da ligt zwischen dem grössern vnd mindern
Phrygier land/Die selbig statt begert er zu gewynnen/mit alleyn von wegen
der peit/sonder auch darumb/das in der selben stat in dem tempel Jupiters
das soch was/von dem wagen des künigs Gordij. Vñ werden knopff daran
auff stricket / der wurd vber alles Asier land herschen/wie man das inn alter
weyssagung befunden. Dise sache hat ein sollichen anfang vñnd gestalt / nem-
lich als der vorgeant künig Gordius/in der gegent mit eynem soch ochssen zu
acker gefaren / da ist ein grosse schar von allerley vöglen vmb in geflogen/da-
rumb gieng er in die nechst statt zu fragen die Warsager/was es bedeütet.
Daselbs begegnet ihm ein fast schöne jnnckfraw vnder der stattporten /dye
fragt er nach dem besten Warsager/der jm sollich geschicht/die er so anzeigt
Bedeütten möcht. Da die jnnckfraw sein meynung gehöret/vñ dise kunst selbs
von iren eltern gelernet/hat sy gesagt. Es bedeüt das er ein künig werde solt
vnd damit er sich des vertröstet/solt er sy zu einem gemahel haben. Dis nam
er zu danck vnd mit freüden an. Gleich nach seiner hochzeit entstünd vnder
den Phrygiern ein yrrung vnd spañ/darumb sye bey den göttern radsfragte/
wann sich ire zenck enden solten. Da ward in zu antwort/Sy müsten ein kün-
ig haben. Da sy aber nach der Person des künigs gefragt/hat man ihnen be-
solhen/den zu einem künig anzunemen/den sy in jm wider heym kömen zum
ersten fünden auff einem wagen zu dem tempel Jupiters faren. Inn dem be-
gegnet ihnen der vorgeant Gordius/den sy von stund an für yren künig grü-
ßen. Darauff er den selbigen wagen/damit er zum künigreich kam in den tem-
pel opffert. Nach jm hat sein sun der künig Myda regieret / der mit seyner su-
perstition vñ falschen geistlichkeit die Phrygier mer in gehorsamkeit hielt /dan
mit gewalt vñ dē waffen. Darüb als der künig Alexander dise stat gewöñen/
hat er sich stracks in den tempel Jupiters gefügt/vnd den vorberürtē knopff
als jm der selbig herfür pracht/vnd das end daran verporigen gewesen/ist er
zu gefaren/vnd hat den knopff mit seynem schwert zerhawen/ vñnd also an-
fang vnd end des knopffs funden. In dem kam jm botschafft/ wye der Per-
sier künig Darius mit grosser macht daher zug/Darumb als er die enge der
gepyrg scheühet /da eylet er jm so schnell entgegen zu ziehen/das er in eynem
lauff auff fünffhundert stadien weyt lieff/vnd kam also vber den berg Tau-
rum/gen Tarsis/ Daselbs kam in ein glust an/in dem lustigen wasser Cyd-
nus /das mitten durch die stat lieff/sich zu erweschen. Soch also sein künig vnd
harnisch ab/Vnd wie er voller staubs vnd schwayß hieng/also sprang er inn
dis kalt wasser/Danon wurde jm alle sein glyder vnd geäder dermaß erkäl-
tet/das er alle sein lebliche farb verlorn/darzu an seinem lebē gezweyffelt hat.

Von dem
Künig Gor-
dio in Phry-
gien/vñ des
selbigē En-
pffe den der
groß Alex-
der auffstie-
get.

Wann

Wann man kont im kein arznei/darzu auch seins schmerzens kein lyberung
synden. Vnd was vnder allen ärzten mit mer dan einer mit namen Philip-
pus/der dem künig versprach widerumb gesunt zemachen. Er was aber vor
hin durch die geschribten/so von dem fürsten Parmenion auß Cappadocien
kamen/gegen dem künig verdacht gemacht/Dan der selbig wist wenig von d
zugesallnen krankheit des künigs / Darumb schrib er im/er solt sich vor dem
arzt Philip hütten/dann der were von dem künig Dario mit grossen güt vñ
gelt bestochen. Doch so vermeint der künig Alexander sicherer zesein/sich dem
vngewisen arzt zu vertrauen/dan mit der gewissen krankheit zu verderbē
Darumb nam er das dranc vom arzt inn die ein hand/vnd bot im dargege-
den brieff zu lesen. Vnd in dem er das dranc ein nam / sach er doch stets dē ar-
zt an/ob sich der in lesung des brieffs entsetzen wolt. Da er aber kein argwe-
nig zeichen an im gesehen/hat er ein sondern trost/vnd am vierdten tag wy-
derumb gesuntheit empfangen. Auff sollichz zoch der künig Darius schon da-
her mit drey mal hundert tausent mannen zu füs/vñ hundert tausent zu ros
die stellet er inn ein ordnung zu einer velttschlacht. Vnd wiewol dise grosse ma-
chte der feind dem künig Alexander ein entsetzen vñ gewel pracht/hat er dar-
neben gedacht/was grosser sachen er mit seinem kleinen hör volpracht/vnd
wie vil nationen vnd land er mit inen bezwungen het. Darumb vnd als dye
hoffnung sein forcht vberwegen/hat er im nit gemeint nüzlich sein/wo er die
velttschlacht abschlagen/das dadurch die seinen in ein zagheit möchtē kōmen/
Deshalb thet er sich zu seinem hör/vnd sprach jeder nation inn sonderheit zu
Den Illyriern vñ Tratiern zeigt er an/wie man an den Persiern gros güt vñ
reichtumb gewonnen/den Griechen/das sy irer alten theuren ritterlichen ge-
schichten ingedenck sein/vnd sich an den Persiern rechnen solten / So dan die
Macedonier ermant er/wie sy Europam bezwungen/vnd jezund Asien vb-
erzogen/das man auch irs gleichē an manheit/in aller welt nit finden möcht.
Zu dem so wurden sy mit disem streit aller arbeit ein end/des gleichē inē seibs
ein ewigen preis vnd lob erlangen/hieß also die ordnung still halten/die feind
ansehen/vnd iren zu gewonen. Auch hat sich der künig Darius nit gesaumpt
inn verordnung seins hörs/ Er zoch selbs vmb sein hör/an stat seiner haupt-
leuten/vnd ermant ein jeglichē in sonderheit/der alten Persier preis vnd lob
zu bedencken/Vnd wie inen die götter dis reich inn ewigkeit zu besizen einge-
ben/haben also den streit darauff mit mannlichen krefften angriffen/vñ seint
die beiden künig darin verwundet worden. Auch hat der streit in ein zweifel
so lang geweret/vnz das der künig Darius zum ersten die flucht macht/dem
nach sint der Persier lxi tausent zu füs / vnd zehen tausent zu ros erschlagen/
vnd vierzig tausent gefangen. Von dē Macedonern nit mer dan cxxx. zu füs
vnd anderthalb hundert zu ros vñsprach/vnd in der Persier läger vil golds
vnd ander reichtumb befunden. Vnder den vierzig tausent gefangnē ist auch
des Künigs Darj mütter gewesen / sampt seinem gemahel/vnd Schwester
/ darzu zwo seyner tōchter. Zu denenn kame der Künig Alexander
sy zu besehen vnd zu tröstenn. Da sy aber die gewapneten leut ersahen / da
fielen sy einander vmb die hals vnd gebüben sich kläglich vbel / als ob sy je-
zund alle sterben müstenn/Darnach fielen sy dem Künig Alexander zu füs /
Vnd

Das XI Buch

Vnd baten in nit für jr selbs leben/sonder vmb den leib des künigs Darij/daz
 sy den zynflich bestatten möchten. Von diser frawen myltigkeit wegen ward
 der künig Alexander zu erpermbd bewegt/das er sagt/Erwer Künig Darius
 lebt noch/darumb seind auch ire on alle forcht des tods/Beualch dabey /das
 sy menigklich in eeren hielten/vnd solten die töchtern nit mynder hoffen/ver-
 mähelt zu werden/dann von dem künig Dario selbs. Demnach hat ersich
 größlich ab dem grossen reichthumb des künigs Darij verwundert. Dañ der
 zeit sieng er erst an grössere reichthumb vnd gastungen zu halten. Vnd darun-
 der die schöne fraw Marsinem die ein gefangne was lieb zu haben. Von der
 selbigen ward im ein sun geporn/vnnd Hercules genant. Dyeweil er im aber
 nach gedacht/wye der künig Darius noch lebt/Da beualch er seinem Fürsten
 Parmenion/das er dem Persier schiffbeer nachstellen/vnd schickt dye andern
 seine freünd auß/das sye die stett inn Asien in huldung nemen solten. Die sich
 auch alle nach diesem syg mit grossen gaben an den Künig Alexander ergeben.
 Darnach ist er in Syrien gezogen/da synd im vil Orientische künig begegnet
 mit vbergebung irer künigreich vnd kronen. Auß den selbige hat er etlich nach
 irem verdienst zu freünd angenommen/den andñ jr künigreich gar entzogē/vñ
 andie künig an jr stat gesetzt. Vnder andñ sagt er den Sydonischen zu eynem
 künig Abartomius/der vorhin sein garten vnd maten knecht gewesen/In dem
 veracht er die edlen/auff dz sy sollichs nit ee der gepurt dañ seiner milten gabe
 zu messen. Item als die Tyrier jr Legaten zu dem künig Alexander vñ im ein
 köstliche guldine kron geschickt/vñ er die gab mit grossen wolgefallen ange-
 nommen/dabey gesagt/Das er selbs zu inen komen/vñ seyn opffer bey ihnen in
 dem tempel Herculis volpungen wolt. Darüber antworten die Legaten /dz
 er solchs baß in dem eltern tempel vor der stat gelegē aufrichten möcht/in da
 mit darfür gepeten in jr stat zu komen. Diß hat inen der künig so in grossen
 zorn vernommen/das er sagt vñ schwür die stat zu zerstören/sich also den nech-
 sten sampt seinē heer dahin genähert. In dem sich aber die Tyrier auff dye vñ
 Carthago verlassen/haben sy sich in ein gegenwer gerüft/Darzu raigt sy Di-
 do mit im beyspil die Carthago gebawen/vñ den dritteil erdtrichs vnder jrē
 gewalt pracht. Darumb meynten sy/es stünd in vbel an/dz ito frawen kecker
 sein solten/in erstreitung der herschafft/dañ sy in beschirmung der freyheit.
 Darumb so haben sy jr vnstreitpar volck alles gen Carthago geschickt/vnnd
 4370. auch von den selbigen hilff begert. Sy sind aber vnlang durch verrättery vñ
 verwundē. Demnach hat der künig Alexander die Insel Rhodis vnnd auch
 Egypten land/on sonder krieg erobert. Weiter fügt er sich zum tempel Jupi-
 ters des zūname Hamonis /daselbst zufragen von dem künfftigen aufgang
 seiner sachen/vñ von dem vrsprung seiner gepurt. Wann seyn mütter hat sich
 selbs gegen dem Künig Philip bekant / das sy desselbigen ires suns Alexan-
 ders nicht von ym dem Künig/sonder von eynem grossen trachen schwanger
 worden/Darzu hatt der vorgeant Künig Philips/inn seyn letste tagē auch
 offenbarlich gesagt/dz Alexander nit sein sun wer/der vrsach vñ eebriuchshalb
 ward sy vñ im verstoffen. Deshalbē begert d künig Alexander zu wissen/wes
 sun er doch wer/damit er dañ auch sein mäter vor schanden verhüten möcht/
 Darumb

Darum schickt er etlich sein vertraute diener heimlich vor anhin/die bischoff
 vñ priester des tempels zu vnderweisen/was er im begert für ein antwort zu
 geben. Deshalb vñ so bald er inn den tempel getreten/ist er ein sun Jupiters
 vnd Hamonis genant vnd begrüßt worden. Das gesiel im nu wol/vnd hieß
 sich für das für den selbigen halten. Demnach bat er im zusagen/ob alle die an
 seins vatters todschlag schuld gehept ire straff empfangē/ Darauff gaben sy
 im die antwort/das sein vater nit möcht getödt werden/doch so wern des kün
 nigs Philipsen todschleger all gestrafft. Zum dritten begert er im des kreygs
 sigs vnd regierung vber alles ertreich zugeben/ Das sagte sy im auch zu. Sey
 nem hoffgesind vnd vnderthan sagt man/sye solten den künig Alexander als
 ein got eren. Daher ward im auch sein hochmüt gemeret/vñ vberkam ein
 vberaus hochtragents gemüt. Er verließ all güt siten vñnd tugent/die er in
 der Griechischen kunst/vñ in den Macedonischen gesagte gelernet. Da er
 dadannen abscheid gethan/hat er die statt Alexandria gebawē/die besetzt er
 mit Macedonern/vñ wolt das die ein hauptstatt sein solt vber alles Eryp
 ten land. In dem aber der künig Darius gen Babylonien flüchtig kam/Bege
 ret er an den künig Alexander im zu ginnen sein gefangne zu lösen/vñnd ver
 sprach im ein groesse summa gelt. Der künig Alexander hat aber für die gefang
 nen das gang reich haben wöllen vñ kein gelt. Vnlang darnach kamen dem
 künig Alexander ander brieff von im/darin er sich erpoten/das er im sein tocht
 ter zu einer gemaheln/vñ das halb künigreich gebe. Es wolt aber der künig A
 lexander solichs auch nit annehmen/Vñ schrib im wider/Er erput sich im zu
 geben/das vorhin sein were/ Deshalb möcht er wol als ein vnderthan zu im
 kommen/vñ den vberwinder nach seinem freyen willen mit im handeln lassen
 Da nu der künig Darius kein hoffnung mer zum friden gehebt/hat er sich wi
 derumb zu einer velttschlacht gerüst/vñ zoch also dem künig Alexander entge
 gen/mit viermal hundert tausent wolgerüstet mannen zu fuß / vñ hundert
 tausent zu ros. Vnder wege ward im angezeigt/wie sein gefangne gemahel an
 ein kindlin gestorben/vñ ir tod von dem künig Alexander beweindt/darzu
 nach küniglicher art bestattet. Das dan nit von vnordenlicher lieb/ aber von
 menschlichs mitleidens wegen bescheen/dan er were sunst nie bey ir gewesen
 wan da er sy zum ersten maln getröst/sampt seiner mütter vñ kinden zu schir
 men genommen het. Auff solichs hat sich der künig Darius erst erkant vberwū
 den sein/dieweil er von seinē feind mit so vil velttschlachten/auch mit den tugē
 den vberwundē wurde/deshalb so wer es im ein anmütige sach/wo er vnder
 ligen müß/das er von ein sollichen tugentreichē man vberwundē wurd. Da
 rum schrib er im zum dritten mal vñ sagt im lob vñ danck/ das er nit als ein
 feind wider sein verwantē gehandelt/damit erpot er sich im den größern teil
 seins reichs vñ seiner tochteren eine zu geben/Vñ für die vbrigen gefangnen
 xxx tausent centner golds. Darüber antwortt der künig Alexander/das die
 dancksagung seins feinds vergebens/wan es were nichts von im gehandelt/
 damit er den feind begert zugefallen oder das er die zweifelhaft fall des krie
 ges scheucht/dz er da mit fridē begert zu suchen / Sonder het das auß freiem
 tugentreichem gemüth gethan/wie er dan glernt het/wider der feind macht
 vñnd nit wider ir trübsal zu streiten /auch wolt er dem künig Dario sein Be
 geren

Das XI Buch

geren zu lassen/wor er ja vnder jm/vnd jm nicht gleich geacht sein wolte/
Wann als die welt nit von zweyen sonnen bescheynet werde/also mocht auch
das erdtrich nit von zweyen gleichen herren regiert werden / Deshalb solt er
sich auff disen tag eyntweders zu der ergebung /oder auff den morgigen tage
zum krieg vnd streyt rüsten/vnd sich in dem keins andern sigs vertrösten/dan
wie er vnz her befunden het. Am nachgeenden tag hat man beyd heer gegen
einander gericht/Vnd ehe dan man angriff/da kam den künig Alexander eyn
starcker schlaff an/vō grosser angst vnd sorg wegen / Vnd als niemands zum
streit mangelt/dann alleyn der künig Alexander / vnn er gar kaum von dem
fürsten Parmenion erweckt vnd befragt worden/was doch die vrsach seynes
schlaffs gewesen/dieweil es doch nit sein gewonheyt were / vorab in geschaff-
ten vil zu schlaffen/Da sagt er/wie er so von grossen ängsten erleidigt/vnd jm
der schlaff vnd traum also in seiner rüw zūgestanden/es wer sein sorg gewest
das die Persier jr heer in zwen hauffen teylten/vnd sich der streyt indye harr
verziehen wurde. Vor disem angriff hat sich ye ein heer ab dem andern ver-
wundert/Die Macedoner/das jrer seynden souil dazu schön gerade personē
vnd wol gerüst weren / Dye Persier aber entsetzten sich/das jren vil tausent/
so vō einem kleinen hauffen vberwunden. Die beyden Künig vermanten yr
heer/ Der Künig Darius sagt zu den seinen/es weren jren ye zehen an eynen/
Dargegen ermant der künig Alexander die seinen/das sy sich ab vile der feind
nach jren personen vnd newen rüstung nit entsetzen / vnd solten allein gedenc-
cken / das sy yetz zum dritten mal mit jn stritten/vnd das sye mit jr flucht/nit
mannlich worden weren/Vnd gleicherweiss als der Künig Darius den gröss-
ern hauffen/so het doch er die grösser mannheit vnd stercke/Darumb solten
sy die feind nit fürchten/darumb das jr hörspyz also von gold vnd silber glitz
daran wer mer peüt zu erholen dann schadens/der syg wurd allzeit mehr mit
eyssen vnd stabel erstritten/dann mit zierlicher kleydung. Gleych darauff ge-
schach der angriff. Inn dem die Macedoner mit einer verachtung in die feind
fielen/die sy so oft vberwunden hetē / Dargegen aber die Persier lieber ster-
ben dann vberwunden werden wolten/deshalben ward vil pläts vergossen
Da nu der Künig Darius sach die seinen zugrund geen/da begeret er auch an
dem end zūsterben. Er warde aber bezwungen von seynen freunden das er
fliehen müst/Dern etlich rieten jm die prut vber dz wasser Cydnus abzuwerf-
fen/auff das jnen die feind nit nachkommen möchten/Zū dem antwort der kün-
ig/Er wolt vmb seins lebens willen/nit souil seiner freünd in den tod vnn
gefengtnus geben/wolt jnen den weg zur flucht als wol ginnen als jm selbs.
Der Künig Alexander was an allen enden im streyt/wo es am aller herteste
stünd/vnd gaß sich für die seinen in alle not vnd geferlichkeit. In disem streyt/
hat er das gantz Asier reich gewonnen / in dem fünfften jar seins reychs/vnd
ist sein glück so groß gewesen/das niemants von jm abfiel/Vñ haben also dye
Persier das joch der dienstparkeit nach langwiriger herschung mit gedult an-
genommen. Als nu der Künig Alexander seine ritter vnd kriegsleüt begabt/
vnd jrer arbeit erquickt/hat er xxxiij. taglang peütten aufgeteilt/vnd in der
statt noch xl. centner golds gefunden. Auch hat er der Persier Hauptstatt
Persepolis genant bestrytten vnn erobert/die fast lang zeit mechtig/darzu
mit

mit dem raub von aller welt vol reichthumb gewesen. An dem end Begegneten dem künig Alexander achthundert man auß dem Griechen land/die lang zeit in Persien gefangen/darzu allenthalben an irem leib geschedigt vnd verwundet gewesen/die in gepeten/dieweil er das Griechen land von den feinden erledigt/das er auch sy an den feinden rechen wolt/die sy an ire leib so fernerlich geschendet hetten. Denen erlaubte er wider heim inn Griechen zu ziehen. Da begerten sy inen im Persier land ein gegene einzugeben/auff das sy iren freunden nit zu erbarmen vnd vnlust kämen. Dazwyschen ist der künig Darius vñ seinen eignen freunden vñbracht/das sy dem künig Alexander vermeineten/darinn dienst zu beweisen. Er ward zum ersten inn dem flecken Tanea von de seinen in guldine ketten gefangen in Parthien/Ich glaub das es also gots wil gewesen/das sich der Persier reich eben an dem ort enden solt/da es dan nach uolgend mit der herschafft verändert ward. Am nachgenden tag kam der künig Alexander auch dahin/vnd ersah das der künig Darius in der nacht in ey nem beschlossnen wagen wider hinweg gefürt/Deshalben benalch er seinem hör in nachzuolgen/vnd eilet er den fliehende mit sieben tausent pferdē nach vnd thet vnderwegen vil sorglicher scharmūgel. Je zu letste als er vil tausent schrit nachgebenget/vnd nichts von dem künig Dario erfaren/wohin er sich gerichtet/Deshalb sein pferd verschneiden lassenn/das hat seiner diener einer zum nechsten ziehen wollen/der befand den künig Darium mitt vyl wunden durchstochen vnd tötlich verwundet/doch leyt er noch schwewlichē. Da der mit dem künig redt/da sprach er/Diſ pringit mir in disen meinen nöten ein freud/das ich mit einem rede/der mich verstan kan/damit ich mein letste wort nit vergebens red/vnd sprach/er solt dem künig Alexander sage/wiewol er vil gäts von im empfangen/so müst er doch sterben/das er im des nit vergelten kont/dieweil er gegen seiner mütter vnd künden/so ein miltes küniglichs vnd nit eins feinds gemüt bewisen/Er het auch in dem ein glückseligern feind befunden/dan an seinen gesipten freunden/Vñ im als einem feind wer seiner mäter vnd kinder leben beschirmt/so were im sein leben von seinē angepornen freunden genommen/die er doch bey lebē behalten/vñ inē dz ganz künigreich eingeßen vnd geschenckt het/Darumb so wünscht er dem künig Alexander sovil glücks/wie er im dz selbs zu habē begern möcht. Er begert auch von allen götten/im das glück zu bescheynen/das er das ganz ertreich vnder seinen gewalt pringen möcht. Lief in auch bitten/in zu der erden bestatten zu lassen/seinen tod zu rechen/stünd nit allein ime/sonder auch allen künigen inn gemein zu/Dan wo sy das nit thetten/so stünd es inē schantlich an/auch were inen selbs desgleichen zu förchtē/In dem einen stuck/wurd die gerechtigkeit vnd in dem andern/ir selbs nutz vnd notturst bedacht/Des zu sicherheit beualch er dem künig Alexander an stat sein die gerechte hand zu pieten/damit stretcht er sein hand von im/vnd verschied. Da diſ dem künig Alexander für kam/vnd er selbs sach/wie der leib Darū mifhandelt gewesen/hat in sollichs dermas erbarmt/das im die augen vbergiengen/lief in küniglich bestatten/vnd sein gepein in seiner fordern künig begrebnus legen.

Das XII Buch Justini
Was inn abwesen des grossen Alexanders
 sich in dem Griechen land/auch in Italië vñ gegen den Scythiern
 Begeben/Vnd wie der König Alexander sein Besten
 freünd hinder dem weyn vñspracht.



DEr König Alexander hat auch die
 ritter/so er in dem nacheylen nach dem König Dario ver-
 loren gehebt erlich bestattet/ vnd vnder dye anderen. xv.
 tausent zentner aufgeteilt. Es seindt auch der mern theyl
 pferd von hyz vmbkommen / vñnd die vñigen auch keyn
 nung gewest. Item alles gelts das in dem streyt gewoñen/ist hundert vñ lū.
 centner gewest/vnd dem Fürsten Parmenion vberantwort. Vnder den dīn-
 gen kamen brieff auß Macedonien von dem Antipater/ ynnhaltend/den krie-
 ge wider der Spartaner König Agis genant. Des gleichen den krieg so der
 ander König Alexander im Königreich Epyro/des grossen Alexanders sch-
 wager vñnd vetter in Italien fürte / Auch den krieg den des grossen Alexan-
 ders hauptman mit namen Zopyrion wider die Scythier vñbre. Vñnd nem-
 lich als der groß Alexander in Asien zoch/empört sich gar nach alles Griechen
 land der hoffnung in seinem abwesen ire alte freyheit wider zū erlangen /vnd
 hiengen den Lacedemonern an/die allein der Königen Philips vnd Alexan-
 ders Mandaten nit angenommen/fr oberster hauptman was der vñgenant
 König Agis. Dise empörung hat der vñgenant Antipater gleich im anfang
 nidertruckt/wie wol zū bayden seyten vil vmbkommen seyndt / Dañ als der
 vñgenant König Agis wol merckt das sich dye seynen inn dye flucht richten/
 da ver-

da verließ er die raißigen/Vñ dieweil er dem grossen Alexander am glück nit gleich sein mochte/hat er sich doch Beslissen an manheit ihm zū vergleichenn/Darumb thet er den feinden so trang/das er etwa ganz hauffen in die flucht bracht/Je zū lest/wiewol er von vile der feinde vberwunden/ist er doch in allen an theurer manheit obgelegen. Aber der künig Alexander inn Epyro/der ist von denen zū Tarent inn Italien gelegen/vmb hilff angesücht worden wyder die Brutier/dahin er dan mit gutem willen gezogen/vnd ist sein meynung nit anders gewest/dan wie dem grossen Alexander seinem Schwester sun das ganz Orient zū geordnet/also were im auch das ganz Occident vnd dz land gegen nydergang der sonnen verordnet zū bestreiten/darin er dann nit mynder preiß vnd lobs inn Italia/Affrica vnd Sicilia erlangen wurd/dan sein vetter der grof Alexander inn Persien vnd Asien erstreiten mocht. Vnd gleich wie dem grossen Alexander inn dem tempel zū Delphos geweissagt/dz man im inn Macedonien nach seinem leben stellen wurd/also ward auch diesem Alexander gewar sagt/das er sich vor der stat Pandosia vnnd dem land vnd gegne Acherusius genant verhalten solt. Vnd dieweil dise stett inn dem land Epyro gelegen/sint im die shenen so dergleichen namen gehept/inn Italien gelegen/vnbekant gewest/Deshalb nam er disen heergug dest lieber an/das er destter weyter von den orten käme/da er sein leben enden solt. Darumb als er in Italien kam/fürt er sein ersten krieg in Apulien. So bald er aber erfaren/wie es ein gestalt vmb jr statt gehept/hat er mit jem künig freid vñ freunt schafft gemacht. Wan die Apulier hatten der zeit die statt Brundusiu in die von denen auß Etolia gebawen/nemlich von irem fürsten Diomedes/als 8 in den Troianer krieg zoch/Doch wurden sy von den Apuliern vertriben/vñ von den selben die statt besessen. Inn dem aber die vorgemelten Etolier rats fragten/inn den templen/wes sy sich halten solten/ward ihuen die antwort/wo sy die stat wider fordern/so wurden sy die in ewigkeit besitzen. Deshalb schickten sy ihr botschaft zū den Apuliern/vnnd vorderten ihr statt wyder/oder sy wolten die mit hörs krafft vberziehen. Da aber die Apulier erfarn was die Etolier für ein antwort gehept/da habē sy jr botschaft zū tod geschlagen/vnd in der stat begraben/damit sy in ewigkeit da bleiben möchten. Wie nu der vorgenant künig Alexander dise geschicht erfarn/hat er ein scheuhen darin gehept/vnd deshalb abgestanden die Apulier zū kriegen/vnnd sein heer wider die Brutier vnd Lucaner gefürt/vnd denen vil stett abgewunnen. Darauff mit den Metapontischen Rutenern vnd Römern fryd vnd vereyn gemacht. Da aber die Brutier vnd Lucaner/von iren nachpauern hilff vnd beystand befunden/haben sy sich dem künig hefftigklich widersetzt/vnnd den künig mit vil seins volcks erschlagen/bey der statt Pandosia vñ dem wasser Acherusius gnant. Vñ disen stettē vnd wasser hat 8 künig nichts gewist/vnz das er jezund sterben müß/vnd verstünd wol/das im sein eigen land nit als schedlich gewesen/als dise gegēt. Des künigs leib haben die Tyrier erkaufft vñ erlich begraben. Dieweil sich dise ding dermas in Italien verlossen/dazwyschen gedacht der Lantnugt des grossen Alexanders/mit namen Zopyrus 8 von dem künig am mör gelassen/wo er so müßig mitt seinem volck sitzen/vnd nit etwas aufrichten solt/das er sich selbs für tod schertz. Darumb so versam

Das XII buch

let er iren auff xxx. tausent mann/vnnd gryffe dye Scythier mit kriege an.
 Er warde aber vonn yhnen mit allem seynem volcke erschlagen / vnnd nam
 sein straff/das er dem vnschuldigen volck so verwegenlich vnderstünd schadē
 zūthun. Da man die ding in dem lande Parthien dem grossen Alexander ver
 kündet/hat er seynes vetteren König Alexanders willen drey tag lang mit al
 lem heere layd tragen. Inn dem nu alle kriegs leüt nicht anders meynten /
 dann sy wurden wyder heym ziehen / dyeweil der König Darius bestritten
 vnd tode were/dann sy glust auch ir weyb vnnd kinder zū sehenn / da berüfft
 sy der König zamen/vnnd redt also/ Sy hetten damit vnnder yhren man
 lichen streyten nichts aufgericht / wo sye dye Orientschen völder nicht v
 berzugen/Auch hett er nit nach dem leyb des künigs Darij / sonder nach sey
 nem reich gestelt/Darumb müst man nu fürter dye vberziehen/die vom reich
 abgefallen weren. Mit dyser red hat er die kriegsleüt ermant/vnnd gleych
 darauff Hircaniam vnnd die Mardes gewonnen. Inn dysen ort kame dye
 Amazoner Königin mit namen Talestris oder Minothea genandt/mit drey
 hundert tausent frawen/zum König Alexander / durch vil Nationen vnnd
 lande inn xxv. tagraisen/alleyndas sy gern eyn frucht von ym geperen wolt/
 Des sich menigklich verwunderet/von wegen yhrer seltsamen kleydung vnd
 rüstunge/dye blyb xxx. tag lang bey dem König/vnz sye empfand sich eynes kin
 des schwanger sein/dazoch sye wyder heym. Demnach hat der König Ale
 xander der Persier König zierde vnnd kleydung /auch yhr kron angenomē/
 des dye Macedoner vorhin nie an im gewonet hetten. Damit er aber nicht
 allein inn dem geneydet wurde/daließ er auch seyn freünde vnnd hoffgesinde
 der gleichen tragen. Er laß die aller schönesten auß des Persier Königs kebs
 weybern/die praucht er ein nacht vmb dye ander/inn aller wirtschafft/dye er
 köstlich hielt/vnnd gedacht wenig daran/das die reichthumb mit disen dingen
 mer verschwender dann gewonnen wurden. Darumb fiel ein grosser vnwill
 auff ihn inn allem heere/das er seynem vatter König Philip/so wenig nach
 schlug/das er sich nicht schampt seynes vatterlands sytten zūuerlassen / vnnd
 der Persier gewonheit an sich zūnemen/die er doch von sollicher gewonheyt
 wegen vberwunden het. Vmb willen aber das er nicht alleyn geacht wurde
 der Persier laster vnderworffen sein / daließ er seynen kriegsleütten zū / das
 sy die gefangnen frawen als ir ee weiber bey inen behalten/das sy sich dester
 minder heym sāneten/vnnd vnuerdrossen zū rayssen/vnd wurden also die jun
 gen kriegsleüt in abgang der eltern/im leger gepozen vnd erzogen/vnnd sonil
 manlicher/wo sy mit allein jung rayseten/sonder auch von der wiegen auf im
 leger auffwüchssen. Dise gewöheit blib auch für vn für/bey dē nachkomēdē
 des künigs Alexanders. Man hat auch den jungen kinden ihre natung ver
 sehen/vnd den erwachsenen junglingen pferd/harnisch vnd gewer zūgestelt/
 Desgleichen den vätern nach dem sye vil kind gehebt/ir besoldung gemeret/
 Vnd ob gleich wol dye vätter vmbkommen/seyndt dye kinde nicht wenigens
 mit yhrem vätterlichen sold erzogen / dye man dann mit Ritterlicher zucht
 vermög der Jaren/vnnderwysen/Sy wurden von jugent auff ynn schaden
 vnnd arbeyt dermaß erhartet/das sye eyn vnüßerwyntlichs heer gaben.
 Sye achten yr Heerlager für yhr vatterland / So theten sye keyn anderen
 streitt/

Talestris
 Amazoner
 Königin ka
 me zū Ale
 xander dem
 grossen.

freyt/dann darinne sye gesygten. Dise Jungen wurden Epigeni genennet.
 Da nu der künig die Parthier auch bezwungen/hat er inen zu einem herin vñ
 lantuoht geben/einen vast edlen herin auß Persien/ mit namē Andragoram
 von wellichem demnach die Parthier künig in versprung genommen. Dazwy
 schen hat der künig Alexander mit mit einem küniglichen gemüt/sonnder mit
 einem feindlichen has angefangen wider sein eigen volck zu wüten/vnd ver
 droß in gar vbel/das sy in mit worten ließen auffgan/das er die siten vnd ge
 wonheit seins vatters/ künig Philips/vnd auch seins vatterlandts so ganz
 verleügnert vñnd verkert/Darumb dan der Fürst Parmenion(der nach dem
 Künig für den öbusten gehalten) desgleichen sein sun Philota genant/ beyd
 verklagt vnd gerödt worden seint. Desgleichen siengen sy an im heerleger zu
 grifgrammen/das sy der vnschuldig alt fürst vñnd auch seinn sun erparnt/
 vñnd sagten/das sy sich keins pessen versehen müßten. Der vrsach halben
 sorgt der künig Alexander/das diß geschrey auch ihnn Macedonien kommen
 möcht/Vnd damit er das lob seiner Triumph vñnd sig nit mit seiner grimmen
 Tyranny verdunclet/da thet er dergleichen/als ob er etlich seyner freunde
 in Macedonien schicken/die von seinem vberwinden anzeig thun solten. Da
 mit ließ er im die ganz post aller priesen heimlich zu bringen/darauf befand
 er von jedem insonders/was in jeder von im hielt/Die ließ er inn ein radt
 zamen samlen/die etwas args von im hielten/die umbzepringen oder weyt
 in das ellend zu verschicken. Darnach hat er bezwungen die Dracas/ Euer
 gytas/Parimas/Parapammenos/Hydaspios/vñnd annndre nationen vmb
 das gepyrge Caucasos gelegen. Der zeit ward künig Darius freund einer ge
 fangen mit namen Bersus/der ihn selbs ertödtet/den hatt der künig des vor
 gemelten künig Darius brüder vberantwort/in seiner vntrew halbē zu straf
 fen/Vnd damit er im in dē land auch gedechtnus macht/ließ er die statt Ale
 xandria auff dem wasser Tanain pawen/vñnd macht inn xvij. tagen ein stat
 maur darumb/die sechstausent schrit hielt/Darein sagt er sunst dreyer stett
 burger/die auß ihren stetten inn dise statt ziehen müßten. Welliche drey stett
 der Künig Cyrus gebauwen. Bey den Bactrianern vñnd Sogdianern
 hatt er sunst noch zwölff stett gebauwen. Zu diser arbayt verordnet er al
 le/die er inn seinem heer wißt auffrührig sein. Dem nach hat er auff ein hoch
 zeytlichen tag seine freund vñnd hoffgesind zu gast gehalten/Vñnd als man
 ob tisch der ritterlichen thaten seins vatters künig Philipsen gedacht/hat er
 seiner geschichtenn vber seins vatters volprachtenn sachen/hochmütiglich
 vberhebenn wollen. Inn dem im aber darin der meren theyl seiner tysz ge
 nossen gehälet vnd liebkoset/hat sich seiner alten freund einer mit namen Cly
 tus erzeigt den Künig Philip zu versprechen vnd zu loben. Das nam der Kū
 nig Alexander so zu hohem verdruf an/das er vñnn seinem diener einem ein
 spyes erwünscht/ vnd sein angepornen freund Clytum durchstach/vnd den al
 so tod verspottet/diß sein lon sein/von seins versprechens wegen. Nach dem
 aber sein gemüt mit disem todschlag etlicher maß er settriget vnd rüwiger wor
 den/ist ihm nach verriechung des zorns/inn sein gedancē kommen/die person
 des vmbprachten/demnach die vrsach des todschlags/Da sienge ihn an die
 sach zu gerewen/das er seins vaters lob mit so grossem vnwillen gehört/vnd
 5 ij was im

Das XII Buch

was im fast leyde/das er seynen freünde ein so alten mann vnuerschuld/hyna
der dem weyn so schandtlich ermödt hett. Sieng an seyn freünde zů beweynen
demnach ine zů vmbfahen/vnnd seyn wunden zů berühren / vnd sich gegen im
seins vnrechten zů bekennen. Inn dem erwüschet er den spieß/vnd wolt den in
sich selbs auch gestochen haben/Das auch beschehen/wo sein freünd nicht dar
vor gewesen/nit wenigens blis er in dem fürsatz zů sterben/auch die nachgeen
den tage. Wann er sieng erst an zů gedenccken an sein Amme die schwester
Clytti/die ihn erzogen/vor der er sich diser that vbel beschempt/wyewol sye
nicht zů gegen was/das er fro von ir zucht wegen so ein schñöde belonung ge
ben/das er fro vmb yr gůthait willen ein todte leyche zůschicken solt/dye yhn
doch inn seyner sugent so trewlich vnnd zart erzogen vnnd beschyrmpt het.
Demnach sieng er an zů bedenccken was grossen haf vnd neyds er von seinem
heer vnd allen andern vnderthanen warten sein müß/auch was forcht seyne
freünd auß diser that empfangen möchtē/vñ wie er sein wirtschafft so schätlich
verwüßt hette/sich darinn nicht minder erschrocklich erzeiget/dann inn allem
füris vnnd streytt. Demnach gedacht er auch/wie er seyn liebsten freünd den
Fürsten Parmenion vñ sein sun Philotas/dazů Amyntas/auch sein stieffmü
ter/sein brüder. Item Attalum/Eurylochum Pausanias vnnd andre Mace
donischen Fürsten sein gesypte freünde vñbringen vnd tödten lassen/darum
wolt er inn vier tagen nichts essen vñz das in sein ganz hör batt / das er eyns
einigen mans tod nit dermas klagen/das er sy dadurch alle in leyden vnd not
kommen lassen solt/die er doch in so ferr vñ weyte land von heymet außgefűrt/
Darinn hat die fürbit Calisthenis/der sampt dem Kűnig ein mit junger ge
wesen ist/vnder seinem Zuchtmeyster Aristoteles/vnd der zeit von dem Kű
nig selbs erforderet worden/seine geschichten zů beschreiben / an dem Kűnig
fürtroffen vnnd erschossen. Darumb als sich der Kűnig seines geműts erhø
let/hat er dye völcker Chorasmos vnnd Dracas auffgenommen/Demnach
hat er haben wöllen/das man in nach gewonheit der Persier/als eyn Kűnig
auch anpeten/vnnd nicht wie vor begrüßten solt. Disem hat sich der vor
genant Calisthenes am aller meysten widdersezet/das dann yhm selbs vnd
junst vil Macedonischen Landherren ein vrsach was /tres tods. Wann sye
wurden vnder der gestalt/als ob sye dem Kűnig nach dem leben stelten / alle
zum tode gericht. Doch ist den Macedonern yhr alter geprauch/inn anspre
chung des Kűnigs blißen/mit vermeydunge des anbettens. Darauff zoch
der Kűnig Alexander in Indien/das er sein reich mit dem Oceanischen vñ
grossen meer/auch mit den eussersten orten des erdttrichs beschluß/zierdt auch
sein heer/das all yhr harnisch vnnd gewer mit golde vnnd silber beschlagen
vnnd von ihr silbern schilt wegen Argyraspidas genant ward. Vnnd da er
zů der statt Nysa kam/vnd sich die burger gegen im inn kein gegenwer sagten/
dann sy vertrosten sich auff den schirm des Gots Liber Pater genant odder
Dionysius/von dem dise statt gebawen worden/Da schonet er der Burger/
vnnd fűrt seyn heer an heiligen berg daselbs gelegen/Des gewechs von wein
reben vnnd ephew was so schön vnnd grün/als ob mans mit den henden ge
pflanzet vnnd gepawen hett. Da selbs hort man ein greűßlich wesen vnd
geschrey/

geschrey. Darnach zoch er zum gebyrg Dedalos genant/vnnd zu der künigin Cleophidis/die ward dem künig Alexander zu willen/darumb ließ er sy bey jm reich/Von jm gepat sy ein sun/der Alexander gnant/vñ darnach ein herz inn Indien ward/Vnnd man nant dise künigin die künigklich hñr. In Indien ist der künig Alexander zu einem mechtigen velsen komen/darauff vil völkter zusamen komen/vnd was Hercules mit einem grossen greusel vor zeyten dauon abgetrieben/mit einem erdbydem/das er disen velsenn nit gewan/darumb begert er die geschichten Herculis zu vbersteigen/Vnnd erobert disen velsen mit grosser arbeit/das sich alle völkter darumb gelegen an in ergaben. Vnder den künigen inn Indien was einer mit namen Porus/von leib vnnd gemüt starck vnd fraydig/der sich vorhin zur wer gerußt/Beualch den seinen wider Alexanders hör zu streiten/so wolt er ihn für sich nemenn/des sich der selb auch nit geweigert. Vnd ihm ersten angriff dem künig Porus sein roß gewunndet/das es mitt dem künig siel/da ward er gefanngen. Dis beschmacht ihn so hart/das er weder essen noch trinckenn/auch sein wundenn nit verbinden lassen wolt/Vnd wiewol yhm/der künig Alexander fryd vnnd tröstung zusagt/ist kaum an ihm erlangt/das er bey leben plib/Den sagt der künig Alexander als ein theuren man wider inn sein künigreich. An dem ende bauwet der künig Alexander auch zwö stett/vnnd nennet die eine Niceam/Die ander nach seynem pferde Bucephalen/Darnach vberwand er die hör der völkter genant Adrestas/Strathenos/Passidas vñ Gangaritas/pracht die all vnder seinen gewalt. Als er nu zu den Euphrates kam/die im mit zweyhundert tausent mannen begegneten/da bat in sein gang hör/das nit mit dem sig/sonder mit stäter arbeit außgemerglet was/mit weinenden augen/das er doch ettwa auffhören wolt zu kriegen/vnnd an den heimzug gedennen/das er ansehe/das schwach alter seiner kriegsleut die doch kaum so lang leben/vnz sy wider heim komen möchten. Einer zeigt im sein graws hat/Der and sein wundē/Der drit sein altē schwachē leib/Der viert sein abgehawen glyderstümpffe/dauon im all sein krafft vnd plät entgangen/vnnd weren sy allein vberbliben/die seynem vater vnd im gedient hetten. Darumb jr vnderthenig bitt/das er doch die leib ließ zu irer vordern begrebnus komen/Dieweil sy doch nit mit willen/sonder alters halb abston müßten. Wo er aber she seiner Ritter vnnd kriegsleut nit schonen wolt/das er doch sein selbs schonte/damit er sein glück nit mitt so stäter bürde müß machet. Von diser so pillichen bitt ward er bewegt/das er inen beualch das läger zu weytern/als ob das am end sein müß/damit er den feinden ein forchte einstyeß/vnnd den nachkommenden ein anzaig geb seins lägers. Deshalb sy dann nie kein arbeit mit größerm lust volpracht/Darauff sy dan auch jr feind geschlagen vnd wider in das alte läger kert haben. Demnach ist der künig Alexander zum wasser Acesynen kommen/vnd auff dem selbenn inn das Oceanisch möre gefarenn/Daselbs hatt er die stett mit namen Gesonas vnnd Asybos/die Hercules gebawenn gehept/ihnn sein gewalt auffgenommen. Dadannen schiffet er zu den Ambros vnd Sycambros. Dise nationen zugen im entgegen mit lxxx. tausent manen zu füß/vnd lx. tausent zu roß. Nach dē er die auch vberwundē/hat er sein sighafft hör zu jr hauptstat geführt

Das XII Buch

Die er gar nach lár on hütt fande/darumb thet er sych von der statmaur/auff die er zum ersten kam/in dye statt hinab/on bey sein einichs seiner diener. Da yhn aber dye Burger alleyn ersehen / habenn sye ihnen allenthalben her mit einem geschrey vmbgeben/ob sy doch die krieg des gangzen erdtreichs mit ym enden/vnd so vil Nationen die von im vberwunden weren/an im rechen möchten. Dargegen hat sich aber der König Alexander ritterlich gewert/vnnd also allein wider etlich tausent gestrytten. Es ist gnüg vngleublich zu sagen/das in so grosse menge der seind/mit souil geschosß vnd geschrey nicht erschrecken mochten/das er alleyn iren so vil nicht flyehen wolt / vnnd dargegen sye inn die flucht schläge. In dem er aber sach/das er von der menge vberdrungen/da thet er sich hinder ein seul vnd stock/so nahe bey der maur stünd. Dar hinder enthielt er sich so lang vonn den seynden/vnz dye seynen erfüren/das er in disen nöthen was/vnnd yhm zu hilff kamen/Dern dann etwo vil erschlagen wurden/vnz das ganz heer hinnach drang. Inn disem streyt warde der König vnder seynem düttle wund. Wye ym nu das plüt fast entgieng/vnnd er auff ein knye sanct/stryt er doch so lang/vnz er den vmprecht / der ine verwundt gehebt. Doch so ist die haylung der wunden sorglicher gestandē/dan der schaden selbs/vnnd ist zu letst nach grossen zweyffel genesen. Darauff schickt er seinen Hauptman Polyperconta mit dem heer wider gehn Babylo-
nia/Vnd nam er zu ym die aller aufferlessesten ritter/mit den selbē für er vber das Oceanisch meer/vnnd kame zu der statt des Königs Ambigeri. Als nu die Burger darinn horten/das der König Alexander mit den waffen nit zu vberwynden wer / da bestrichen sy all yr pfeyl vnd geschosse mit gyfft/damit triben sy die seynd von der statmaur/vnnd prachten yren vil vmb. Als nu Ptolemus vnder iren vilen auch tödtlich wund/vnd dem sterben nach gewesen / ist dem König Alexander ihm traum fürkomen/was krauts er zu eyner Arzney für dis gyfft prauchen solt. Wie nun dyser Ptolemus das inn eym tranck eingenommen/hat er gleich gesuntheit dauon erlangt/Desgleichen ist auch sunst der mern teyl dis heers mit sollicher arzney erneret worden. Dar auff hat der König Alexander die stat erobert/vnd sich wider auff das Oceanisch meer gesetzt/sein opffer gethan/vnd ein glücklichen heymzug begert. Vnnd kam also an den aufgang des wassers Indi/ dahin bawet er eyn statt Barcem genant zu gedechtnus seiner thaten vnd etliche altar. Den selben Indigern lief er zu einem landtuogt/seiner freünd einen. Da dannen wolt er vber land ziehen / Darumb lief er an den dürren orten vil prunnen graben / die gut süß wasser hielten/vnd kam also gen Babylonia. Daselbs haben vil vberwundne Nationē sein lanttuogt verklagt/die der König vnangesehē irer freindschaft in angesicht der selbigen botschafftē tödten liesse. Demnach hat er des Königs Darj tochter mit namen Statyram / zu einer gemaheln genomen / vnd darzu allen Landtherren auß Macedonien von den vberwundnen Nationen/yhe die edelsten junckfrawen vermähelt/vmb willen das die gemayn that des Königs mißbrauch verdeckt/Veräufft auch sein heer zu samen/vnnd sagt inē zu / alles das sy einander schuldig weren/das wolt er auß seinem eygē gut bezaln/das sy iren sold vnd peüt ganz vollkommen heim prächten. Dis ist ein grosse milrtigkeit an im gewesen/vnd von den glaubnern als geren als von den

den schuldnern angenommen/Wan die schuldhaber möchten diß sunst nit wol von den schuldnern einpracht haben. Die sunst traff sich auff xxiij zentner/die der künig bezalt. Demnach lief er die alten kriegsleut heim ziehen/vnd ersetzt das hór mit jungem kriegsvolck. Dann die alten heim gezogen/seint die jungen inn grossen vnwillen gefallen/vnd begerten auch heim zú ziehen/vnd also die jar irer raif vnd aufzugs/vnd nit allein ir alter zú rechnen/Dieweil sy miteinander geschworn vnd aufzogen/so wer wol pillich das sye auch miteinander ledig gelassen wurden. Auch kerten sy kein bet mer für/sonder redten mit freueln schmachworten/das der künig seine krieg/mit dem got Hammon seinem vatter vollenden/vnd sy heimziehen lassen solt. Dargegen aber er seine kriegsleut gestillet vnnd mit gúttén Worten vermant/das sy ihr theure manheyt vnd Rittertschaft mit mitt sollichem aufffürigen wesen verkleinern vnd verhöhen solten. Je zú letst als sein gútte wort nit helfen wolten/hat er sich selbs von seinem küniglichen stál/vnder die kriegsleut gefügt/vnd die vrsächer diser aufffür mit eigner hand angriffen/vnnd deren xiiij. gefangen/vnd zum tod pracht. So groß was ir gedult inn entsetzung des künigs / oder aber die ritterlich zucht vnd ordnung ließ im zú/das er dermas handeln möchte. Demnach hat er den rittern auß Persien inn sonders zú gesprochen/vnd sy irer trew vnd glaubens halb vast gelobt/den sy im vnd iren künigen je welten bewisen gehept/Dabey sagt er auch was gúts er ihnen erzeygt / Nemlich das er sy nit als vberwundne/sonder als mitgesellen des sigs gehalten / darumb er dann sein lands siten verlassen/vnd ir gewonheit mit kleidung vnnd andern an sich genomen/vnd mit seiner vermáhelung die vberwinder vnnd die vberwundnen vergleicht/Deshalb wolt er sein leibs hát auch ihnen den Persiern wie den Macedonern vertrauwen/vnd also gleich tausent schöner jüngling von ihnen auffgenommen/vnnd sonst auch von anderer hilff vnnder die Macedoner vermüsch/das sy größlich verschmacht / das sy die verdringen soltenn/die sy vorhin vberwunden gehept. Darumb haben sy den Künig mit weinenden augen gepeten/das er sich mit irer marter vnd peinigung fettigen/vnd sy nit also schenden wölt. Damit erlangten sy das er iren aylff tausent der eltesten heim ziehen ließ/sampt den eltesten seinen freundenn mit namenn/Polypercon/Clyton/Gorgias/Polydamas vnd Antygonas/Denen ward zúgegeben/Eraterus vnd ihm beuolhen das land Macedonien anstatt Antipaters zú regieren/vnd das er den selbigen Antipater den statthalter ihn Macedonien mitt jungen kriegsleutten/zú ersetzung seins höres / zú im schicken solt/denen die heim zugen/gab man gleichen sold/wie andern. In dem sich die ding verlieffen/da starb dem künig Alexander ein gútter freund mit namen Ephestion/der ein schöner jüngling/vnd seins dienst halben dem künig vast lieb gewesen/Ist darumb vom künig herlich bestattet/ Der ließ im ein grab machen/dz xij tausent zentner silber kost/den gebot er wie ein got zú ernen. Als der künig von den außersten enden des Oceanischen mōrs auß Babylonie zú für/da ward im angezeigt. Wie die Carthaginenser vñ andre stet inn Affrica/die Hispanier/Sicilier/Sardinier vnd Gallier/auch etlich auß Italien/seiner zúkunft durch ihr botschaften/die sy dahin geschickt hetten/
Dermas

Das XII Buch

Dermaß hat der schrecken seines namens/das ganz erdtrich durchdrungen/
das im menigklich als eynem künfftigen künig liebkosen wöllen. Darumb er
sich dann dest ehe gen Babylonien gefügt/als ob er den ganzen vñktrayß des
erdtrichs dahin versamlen wolt. Inn dem warnet in seiner warsager eyner/
das er sich vor diser statt hütten solt/dann darin müß er sterben/darumb ver
meydet er die statt/vñd zoch in die stat Byrsiam/die ihensit dem wasser Eu
phrates lag/die etwa öd stünd/Daselbs ward er von dem Philosopho Ana
racho beredt/das er nicht auff dyse warsagung halten solt/dann dye weren
falsch vñd vngewiß/Vñd ob gleich wol sein end nach dem willen gots/in der
stat wer/möcht doch kein mensch das wissen/gleich als ob man der natur vñ
wandelbare ding zümessen wolt. Der gestalt ist der Künig gen Babylonien
kommen/vñd vil tag daselbs müßig gelegen/vñnd also grosse gastung vñnd
wirtschaft gehalten/darin was er ganz frölich. Wie sy nu den tag vñ ganze
nacht/darzü für vñd für/geßen vñd getruncken/hat sy erst der Arzt Thessa
lus/8 auß Thessalien was/auff ein newes geladen/Vñ als der Künig mitten
im trincken gewesen ist/hat er ein schweren seufftzen gelassenn/als ob er mit
eym pfeyl erschossen gewesen/Darumb stünd er auff/vñd gieng auß der zechen
vñd praß/Vñd empfand so grossen schmerzen/das er eyns messers begert im
selbs zü helfen/Vñ wo man in anrürt/was er so ser/als ob man in verwun
det. Sein freünd gaben für/das sein vñmessigs essen vñd trincken eyn vsach
were seiner krankheyt. Doch was das gewyßlich vom gyfft/das doch von
der nachkommenden macht wegen/nit außspracht warde/Diser sachs was der
vorgenant Antipater eyn vsächer. Wann da der selbig bedacht das ym sein
aller liebsten kind vñnd syn vñspracht worden/darzü auch seyn tochterman
Alexander Lincestarum genant/vñd das im alle seine sachen die er inn namen
des künigs in Griechen begangen/im mer haß dann gunst pracht hetten/dar
zü das er von der künigin Olympias des künigs mäter/inn vil weg versaget
werden müß/Desgleichen entsagt er sich auch/das der Künig inn kurz ver
ruckten tagen vil Landtuögt auff verklagung der vnderthanen tödten lassen
Auf disen vsachen gedacht er/das er nit zü den kriegs hendlen außser Mace
donien zü künig berüfft wurd/sonder darumb beschickt/dz er auch etwas ley
den müß. In dem begert er den künig zü fürkommen/vñnd gab also seynem sun
Cassandro ein scharpff gyfft/Der dann mit sampt seinen andern zwayen brü
dern/mit namen Philips vñnd Jolla/gewonlich dem Künig Alexander zü
tisch dienen. Vñnd was dis gyfft so scharpff/das es weder inn eyßen/yrdin
noch hülz in geschyre hat mügen enthalten roerden/vñnd mocht in keynem
andern geschirz bleiben/dann allein in einem Kopßhüß/vñd kloen. In dem be
nalhe er seinem sun/das er niemant anders vertrauen solt/dann allein dem
vorgemelten Arzet/vñnd seynen bayden brüdern. Von dyser vsach wegenn
ward dye gastung bey disem Arzet wyder angefangen. Inn dem waren
dye vorgemelten zwen brüder mit namen Philips vñnd Jollas herren Anti
paters sune/gewonnt dem Künig/seyn trancke zü Credenzen vñnd zü piet
ten. Darumb behielten sye das gyffte ynn eynem kalten wasser/Vñnd
nach dem sye das trancke Credenzet/habenn sye das gyfft dareyn gossen.

Am vierdten tag empfand der künig wol das er sterbē müß/darumb sprach er/ Ich befind/dz meiner vördernr angepoin vnfal an mir auch erfüllt werdē den wil/dañ die in dē geschlecht Lacidatiū/weren der meren teil vor xxx. iarn gestorben. Wie nu die Ritter vnd kriegsleut auffrührig vnd vngestüm wurde das der künig mit gift solt vmpbracht werdē/da hatt sy der künig selbs gestilt vnd sich an ein hoch end inn der statt tragen lassen/damit sye in all vor seinem sterben sehen möchten/vnd bot irn jedem sein hand zū küssen. Wiewol sy all weinten/so blib doch er on alles weinen vnd traurigkeit/also das er etlich/die sich vbel gehäben/selbs tröstet. Etlichen beualch er irn eltern vil gūts zū sagen/Also ist sein gemüt im sterben wie gegen den feinden vnberwintlich gewest vnd blyben. Nach dem er das hör von im scheiden ließ/fragt er seine freū de die vmb in stunden/ob sy einen künig fünden/der im gleich sein möcht. Da sy nn all stillschwigē/da sagt er/er wißt es selbs nit/Aber das wißt er wol/vñ wolt es irn auch weiffagen. Als ob er das vor seinen augen sech/wievil plūz die Macedoner noch im krieg vergiessen müßten. Zū letst beualch er sein leyb in den tempel Samonis zū begraben. In dem aber sein freund sahen/das er ganz schwach werden wolt/da fragten sy in/wen er seinem künigreich zū einē erben hab/Darauff antwort er/Den aller würdigsten. So ein grof vñ man lichts gemüt hat er gehebt/wiewol er einen sun het Hercules genant /vnd ein Bruder Arideus geheiffen/Vber daz alles/so was sein gemahel Roxanes eins Kindlins schwanger /dern aller vergaß er/vnd nennet den würdigsten zū einē erben/Als ob es ein schand wer/das einem so theuren man nit auch ein theurer man zū nachkom werden solt/Oder das diß so mechtig reich einem anderē dañ einem so theuren man vbergeben werden solt. Mit diser red hat er all sein freund vnd öbristen beredt/vnd gleich wie mit einem hōrzeichen/zum kriege vnd vneinigkeit bewegt/das sy sich alle flissen nach dem künigreich zū stelen/vnd irn bey der Ritterschafft gunst vnd willen zūmachen. Am sechsten tag als im die rede ganz gelegen was/zoch er sein thaumen ring ab/vnd gab den demfürsten Perdica. Diß hat der freund zwitracht etlicher maß gestilt. Wañ wiewol er in nit mit Worten zū einem erben des reichs ernennet/hat er in doch nach irer achtung/ mit vbergebung des Ringes zū einem erben vñnd künig erwelet. Der künig Alexander starb als er alt was xxxij iar vñ ein monat/vnd ist ein man gewest vber menschlicher großmütigkeit. Inn der nacht als in sein mäter Olympias empfieng/ da was ir in dem schlaff nit anders/dañ wie ein mechtiger trach mit ir rāng/inn dem sy auch irs traums nit betrogen worden/wann sy trüg vnder irn herzen den/der sich mit sein geschichten vber aller menschen gethaten erhüb. Vnd wiewol sy von irem eignen geschlechte vñnd stammen der Lacider her / Desgleichen von irem vatter/ Bruder vnd allen iren vordern/das künigreich mit irem namen gezieret/hatt doch von irn sun noch vil mer namhafftikeit gehebt. In seyner gepurt habē sich etlich wunderzeichen erzaigt/zū einer bedeutung seiner großmechtigkeyt/Nemlich auff den tag als er gepoin ward/da sassen zwen adler auff dem aller obersten gypffel des hauses/die im anzeigten das er die beyden künigreich inn Asien vnd Europen vberkommen solt/Item am selbigen tag hat seyn vatter Bottschafft empfangen das die seinen an zweyen orten gesigt habē/ In einem ort wider

Das XII buch

Ort wider die Illyrier/so dann am andern end/inn dem Olympischen kampff
 auff den wägen zu streyten. Dis nam er zu einer bedeutung das sein geborn
 sun den syg vber alles erdrich haben solt. In seiner kindtheit hat er alle ler vñ
 kunst mit fleiß angenommen. Nachuolgends hat er den aller hochgeleertestē
 Aristoteles in der weyßheit/fünff jar lang zu ein zuchtmeyster gehebt/vñnd
 ist bey im fast wol gelet worden. Als er auch das Königreych angenom-
 men/hat er beuolhen/das man ihn ein König der gangen welt nen-
 nen solt. Er hat auch den seinen ein sollich gemüt vñd vertrauwē
 eingestossen / das ihren keiner in seiner gegenwertigkeit/
 also ploß einem gewapneten feynde gefocht hett/
 Darumb er dann nye kein feynd angriff/den
 er nit vberwand/kein statt belegeret er/
 die er nit erobert/vñnd vberzoch nye
 kein volck/das er nit bezwang/
 Jezū letst ist er auch vber-
 wunde/nit mit gwalt
 sonß mit betrug
 der seinen.

Was sich



Das XIII buch Justini. XLIX
 Was sich nach des grossen Alexanders
 tod begab/vnder seinen fürsten vnd
 nachkommenden.



Item König Alexander der gros

inn der plu seiner sig vnd jugent vmbbracht/ward menig-
 lich leidig/ vnd was in der ganzen stat zu Babylonia ein
 stillschweigents trauren. Es wolten auch die vberwün-
 den nationen nit glauben das er tod were/dieweil er dem
 tod so oft entgange/offtermaln als im ernstlich zu gesetzt
 werloß worden/vnd doch alzeit nit allein bey leben blißen/sonder auch bey de
 sig pliben were. In dem sy aber gewislich gehört/das er tod gewesen/da ist
 er von allen nationen nit als ein feind/aber als ein vatter beweynet vnnnd be-
 klagt worden. Item die mütter des künigs Darij/hat vnder miltigkeit we-
 gen des künigs Alexanders/seinen tod mer geklagt/dann irs eignenn suns/
 Vnd nemlich so bald sy seinen tod erfahren/hatt sy ir selbs den tod auch ange-
 than/nit das sy mer von dem feind hielt/dan irem eignen sun/Darumb aber
 das sy die miltigkeit irs suns in dem erfahren/den sy für ein feind geacht hatt.
 Dargegen aber sich die Macedoner gestrewt/das sy vermeinten sy hetten in
 nit als einen künig/sonder an im ein grüßen Tyrannen vnd feind verloren/
 Wan sy hetten ein groß entzigen ab seinen todschlegen/vnd emssigem kriegen
 In dem bedrachtet man auch/das den fürsten die künigreich vnd land/sodañ
 dem gemeinen volck des künigs verstoffen schatz vnd pent zügeteilt werden
 möcht. Ein teil hoffte die künigreich/Das ander die künigliche schätz zu em-
 pfahen/Wann in des künigs schatzkammer lag hunderttausent zentner sylbers
 J Vnd

Das XIII Buch

Vnd hat man jährlicher tribut vnnnd gefell Drey hundert tausent. Es haben auch die freünd des Königs Alexanders nit vmbsonst auff das künigreich gehofft/Wann sy waren so einer adelichen ritterlichen art vñ wesens/das man sy wol alle für künig het schezen mügen/Von gestalt vñ form waren sy schön vnd von leib gerad/eins manlichen gemüts/darzu alle einer hohen vernunft vnd weisheit. Also wer sy nit gekant/der het nit anders gemeynet/dann das auß dem ganzen erdtrich vnnnd alle welt / so geschickt meiner zusamen gelesen/Wann das land Macedonien/noch sunst kein anders hat nye so theure männer bey einander gehebt als der zeit / Die zum ersten der künig Philip/vnnnd demnach sein sun künig Alexander/mit grossem fleiß auffgezogen/das man nit anders gedenccken kundert/das sy die nit allein zum krieg/sonder auch zu nachkömenden künigen auffzulesen heten. Wen wolt das wunder nemen/das 8 vñßkreiß der erden/mit disen dienstleütten solt erobert werden/Dieweil der Macedoner heer nit allein mit sonil hauptleütten/sonder auch mit sonil künigen regiert worden/die auch einander meiner gleich gewesen/wo sy nit vnder einander gestritten. Also hat das land Macedonien für einen Alexander vil Alexander gehebt/wo sy nit mit 8 vnfal auß begird der herschüg widereinander gehebt het. Als nu wie obsteet 8 künig Alexander gestorben/ist inen solchs nit ganz ein sichere freud gewesen/sonder sy thet sich zusamē (dann die kriegsleüt forchten sich auch vndereinander) vnd wußt keiner wol wem er vertrauen solt. Es hat auch der gleich stand vnd wesen der fürsten/ihren zancck vnnnd zwoytracht gemeret. Wann es wolt iren keiner vnder dem andern sein/darüß sy dann gewapnet in dem künigliche sal zu samē kamen/gegenwertig sache zu ordnen. In dem vermainet der fürst Perdiccas/das man der künigin Roxanis gepurt erwarten/die dann yetzund der gepurt so sy vom künig Alexander empfangen/ganz nähig was. Wo sy dann ein sun geperen/wurd man den selbigen billich an statt seins vaters zu einem künig setzen. Dargegen aber eyn anderer fürst mit namen Meleager/sagt nit güt sein/die sache auß ein vngewisse gepurt zuuerziehen/vnd wer nit tüglich auß ein vngepornē künig zuwarten so man doch wol einen haben möcht der vor lengst geporen were. Wo ihnen aber ye gefallen wolt ein kind zu einem künig zu welen. So het doch der künig Alexander ein sun zu Pergamen/Hercules genant/den er bey Marsine vberkommen het. Wo sy dann lieber einen erwachsenen jüngling haben wolten so hetten sy den künig Philips sun/den brüder künig Alexanders/mit namen Arideus genant/ Der aller menigklich von sein selbs/vnd auch der bayden künigen wegen vaters vñ brüders/wol anmütig vnd gefellig seyn möcht/Zu dem so wer die künigin Roxanis auß Persien geporen/Deshalbenn zimpt sich den Macedonern nit/von den landen her künig zu erwelen/die sy bezwungen hetten/das doch der künig Alexander selbs nit thun wöllen/vnd het des in seynem ende nye gedacht. Auff solliches verwarff Ptolemeus den vorgemelten Arideum/nicht allein von wegen seyner mütterlichen gepurt / Dann er was von künig Philipsen neben weyb Larisse geporn/sonder auch von blödigkeyt wegen seins leibs/auff das nit er allain den namen eynes künigs vnnnd ein anderer das reich behielt / Vnd wer besser das man auß denen einen künig welet die an mannlichen vnd ritterlichen art irem künig am nechsten gewesen / vnd

von denen

Iustini.

L

von denen die land regiert weren auch die krieg selbs wistend zu führen. Jedoch so hat mit ir aller verwilligung/die meinung Perdice fůrtrossen/nemlich das man der künigin Roxanis gepurt erwarten/wo die ein sun gepern/so wurden pfleger vnd vōgt sein/nemlich 8 vorgeant Perdica Leonatus/ Crateron/vñ Antipater. Darauff hat man auch inē als vōgten vō stund an gehuldet. Als nu die reisigē dermaß geschworn/habē die im fůßzug ein verdruf daran empfangē/dz man sy nit auch in der sach befragt. Haben deshalb den vorgeanten Arideum des künig Alexanders brüder zu einem künig aufgerüfft/vnd haben in sein diener nach seinem vater künig Philip genant. Da die reysigen des innen worden sint/haben sy ir botschaft zu inen geschickt/mit namen die zwen fürsten Attalum vnd Meleagrum sy zu stillen vnd zu begüttigen. Dise zwen suchten aber inen selbs bey den selbigen gunst vnd willen zu machē. Deshalben vnderliessen sy iren beuelch vñnd fielen mit irer meynung dem fůßzug zu/mit dem wuchs der spann vnder inē. Wan als sy hauptleut vberkommen/haben sy den küniglichen hoff vberfallen / des willens die reysigen all zu erschlagen. Da die selben des innen worden/sint sy mit grossen schrecken auß der statt gewichen. Darvor haben sy iren leger geschlagen/vnd an gefangen den fůßzug auch zu drängen/vnd damit der obristen neyd vnd has se meer zūgenomen. Wann der vorgeant hertzog Attalus hat iren etlich angewisen den hertzogen Perdica zu tödten. Da sy in aber gewapnet funden/haben sy im nichts genahen dōrffen. Auff sollichs fügt sich der hertzog Perdicas selbs zum fůßzug vnd berüfft die an ein gesprech. In dem er sy ermant/das sy sich bas bedencken was sy thūn/vnd wider wen sy sich streussen solten. Wan sy die reysigen wern kein Persier/sonder geporne Macedoner / auch kein feind aber ire freund vnd mitpurger/darzu der mern teil ir angesipt freund/ir mit reitter vnd ir gesellen inn allen iren nöten vnd arbeit gewesen. Darumb sy iren feinden ein schönen spiegel machten/die sich des größlich frewten / das die ihenen/so sy mit gemeinen waffen vberwunden heten/einander dermaß vñ bringen/so wurden sy mit den henden gestrafft/damit sy dan die feind erschlagen hetten. Als diß der hertzog Perdica mit einer sondern angepornen art vñ zierlichen red fürgehalten/hat er den fůßzug dermaß beredt/das sy seinen rat lopten/vnd in darauff zu irem hauptman auffwurffen. Damit kam der reysig zeug mit inen in einigkeit/das sy zu beyden teilen inn den künig Arideum verwilligten. Doch ist ein teil des reichs vorbehalten/dem künfftigen sun des künigs Alexander/ob im ja einer geporen wurd. Als sy dises gehandelt/haben sy des künigs todten leib vnder inen behaltten zu einer zeugēnus diser ordnung vnd sarzung/ Vñnd ist darauff der hertzog Antipater gesetzt /das Griechen vnd Macedoner land zu regieren. Item der küniglich scharz ward dem fürsten Cratero eingegeben in zu bewaren. Item das leger vnd alles hōr ward beuolhen zu regieren/den herin Meleagro vnd Perdice. Darauff beuolch der künig Arideus den leib seins brüders inn dem Tempel Hamonis zu Begeben. Nach disen dingen hat der vorgeant her Perdica ein grossen vnwillen gehept/ab den vrsächern diser auffrůt/Darumb ließ er hinter seinem gesellen dē andn hauptmā/vñ des künigs tods willen/dz hōr mustern. Als sy nu nach seinē beuelch des nachgonden tags/in dz weit feld zamen kōmen/vnd

Aufstlayg
der lantvög
teyen vnder
den nachkö
menden des
grossen Alex
anders.

Das XIII Buch

wol gerüst gewesen/sein die aufftrügigen auß dem hauffen berüfft/vñ heims-
 lich gestrafft worden. Nach dem selben hat er vnder den fürsten vñnd herren
 die prouinzen vñd land aufgeteilt/auff das er seins gleichen macht von yhm
 verschicken/vñd er jm selbs das ganz reich allein behalten möcht. Des ersten
 ward dem vorgeanten Ptolomeo eyngewen das ganz Egypten lande/auch
 ein teil in Affrica vñd Arabien/das jm alles mit dem loß fiel. Disen Ptoleme-
 um hat der künig Alexander von ein schlechten kriegsmann/vñb seiner thei-
 ren vñd ritterlichen manheit willen/inn so hohen stande herfür pracht / dem
 ordnet man zū/ime diß land einzegeben/den landtherzen Cleomenem/der die
 statt Alexandria gebawen hat. Disem gab man zū einem nachpaurn Laome-
 don/von Mytilen/der hielt inn die landtschafft Syrien. Item der herz Phi-
 lotas vñd sein sun erlangten das land Cilicien/vñd Illyrien. Vber das grös-
 ser Medier land ward gesetzt Acropatos. In dem myñd Medier land/Al-
 ceta der brüder Perdice. Item das volck Susianorum ward dem herzn Sy-
 no eingeben. Item das grösser Phrygier land/herzen Antigono/dem sun des
 künig Philips zūgestelt. Item die land Lycia vñd Pamphilia/nam der herze
 Learchus an. Das land Caria ward dem herzen Cassander. Item das lande
 Lydia dem herren Menander. Item dem fürsten Leonatus das mynder
 Phrygier land. Item das land Thracia vñnd die gegne auff dem Pontischen
 meer/ward dem herzn Lysimacho. Item Cappadotia vñ Paphlagonia/dem
 Herzogen Lumeni eingeben. Item die obuß hauptmanschafft vber das hör-
 leger/warde Seleuco dem sun Antiochi zūgestelt. Vñnd vber des künigs
 leybskätter vñd den raysigenzeug/was hauptman Herzog Cassander der
 sun Antipaters. In den landen Bactrian vñd den eussersten Indien lief man
 die alten landtuögt bleiben. Item das volck Seres genant zwyschen den Bai-
 den wassern Sidaspes vñd Indus genant/ist dem herzen Taxilles zūgeben.
 Item zū den newen Macedonischen burgern die man inn den newgebownen
 stetten in Indien verlassen/hat man zū einem landtuögt geschickt den herzen
 Phyton ein sun Agenours. Item die Paripomeni vñd die end des bergs Can-
 casi/hat sich Ariarches zū regieren vñderzogen. Item die völder Dracas vñ
 Argeos hatt her Statanz. Desgleichen Amyntas die Bactrianer angenö-
 men. Itē Scythens die Sagilianer. Item Nicanor die Parther. Item Phi-
 lippus die Hircaner. Item Phratabarnes die Armenier. Item Neoptole-
 mus die Persier/Item Peustes die Babylonier. Item Arthous dye Pelas-
 ger/So dann Archesilaus die Mesopotamier zū regieren angenomien. Dise
 aufteylung der prouynzen vñnd landtuögteyen/ist iren yedem nach seynem
 glück begegnet/Darumb sy darinn reich vñ mechtig wordē. Wan vnlang dar-
 nach haben sy nit allein gemeint/das man ihnen die landtuögteyen eingeben/
 sonder jr yedem zū einē künigreich zūgeteilt hab/Deshalb vñ als sy auß lande
 vögten zū künigen gemacht/sein sy fast reich vñ mechtig wordē/dz sy auch itē
 nachkommenden verlassen. Diweil dise ding in Orient verlossen/sein dye
 Athenienser vñd Etolier zūgefaren/sich mit höchstem fleiß zum krieg zerüstē/
 den sye dann noch bey lebenn des künigs Alexanders anzettelt gehebt.
 Dye vrsachenn diß kriegs seyndt gewesen / das der künig Alexander / als
der wider

der wider auß Indien kam/ allen Griechischen stetten zu schreyß/ das sy all jr
verschickt vnd vertribne burger die nit zum tod verurteilt worden/wider in
ir stett auffnehmen solten. Als nu dise mandaten auff vnd in der Olimpischen
versamlung/ in gegenwertigkeit aller Griechen verkündet worden/seint da-
von groß auffruren vnd empörungen entsprungen. Wan iren vil werenn nit
von rechts noch gesatz wegen des vatterlands / sonder durch neyd vnd haf
der obristen an dem regiment vertriben worden/darumb die selbigen sorgten
wo die versagten wider einkommen / vnd das regiment besizen/wurden sy in
wydergelt beweysen. Darzu was auch sunst kuntlich das etlich stet ir alt frei
heit gern mit dem schwert wider erstritten hetten. Vnder denen allen waren
die Athener vnd Etholier die fürnemsten. In dem nu sollich dem künig Al-
lexander noch bey seinem leben fürkommen/ist seinen vnderthanen beuolhe tau-
sent langer schiff zu zerüsten/damit wolt er den kriege gegenn Occident inn
Griechen führen/vnd die von Athen ganz vertilcken. Darumb haben die von
Athen xxx. tausent man/vnd zweyhundert schiff versamlet/vnd wyder den
vorgenanten hertzog Antipater/dem das Griecheland mit dem loß zu gefal-
len/krieg geführt. In dem er sich aber des streits gescheucht/vnd sich in die stat
Heracleam gefügt/haben sy in darinn belegert. Zu der selbigenzeit hatt sich
der Athener Orator Demosthenes zu Megara enthalten(wann er was des
vaterlands vertriben) vmb deswillen das er von Harpago gelt empfangen
vnnd die stat Athen wider den Künig Alexander bewegt/ Deshalben müß
er dem zorn des künigs entweichen. Darumb als diser Demosthenes vernant
wie die von Athen iren legaten Hyperidem aufgeschickt hetten/ die Pelopo-
nenser zu irer parthey vnd freuntschafft zu bewegen / da hieng er sich dem sel-
ben an/vnd kam mit im inn die stat Syciona / auch zu den von Argos vnd
den Corinthiern / vnnd andern stetten/die bewegt er alle mit seynem wol
reden/das sye den Atheniensen zu fielen. Vmb dises diensts willen haben
ihm die vonn Athen ein eygenn schiff zu geschickt/vnnd yhn auß dem ellend
wyder heim geführt. Dazwyschen ist dern vonn Athen hauptman in seinem
verwandlen / vonn der belegerten stattmaur mit ein pfeyl geschossenn.

Dis pracht dem hertzogenn Antipater ein sollich hertz vnnd gemüt / das er
auch die stattgräben eben machenn ließ. Demnach hatt er seine boten zum
hertzogen Leonato geschickt/vnnd von yhm hilff begert/der hielt das myn-
der Phrygier land inn. Als man nu saget wie der selbig mitt einem hör da-
her züge/da ruckten yhm die vonn Athen entgegen/daselbs theten die rey-
sigen ein hefftigen streit miteinander/inn dem der vorgenant hertz Leonatus
tödtlich wunden empfieng/deren er starb. Vnd wiewol der Hertzog Antipa-
ter / sein hilff vberwunden sein / gesehen/hatt er doch an dem vmbbringen
des herrn Leonaten/sonder freud empfangen/wan damit was er eins gley-
chen fürstenn gewalts endladen / Vnnd vberkam dadurch desselben hör
vnnd landtschafft / darumb er dann dasselbig hör eylennd anname/dadurch
er den feyn den gleich starck / vnnd der belegerung entlediget ward / das er
wider in Macedonien kam. Da nu die Griechen iren feind auß dem land ver-
triben/haben sy sich auch wider heim in ir stet gefügt. Dazwischē hat der vor-
genant hertzog Perdica dem vnschuldigen künig in Cappadocia krieg zu ge-

Das XIII Buch

fügt/Vnd wiewol er sie vberwunden vnd mer schaden/dann peüt vnnnd gewyns darvon pracht/Nemlich als die Cappadotier vom streit in die statt geflohen/da seind jr weib vnd kinder von jnen selbs erschlagen/vnd sy selbs mit allem irem haufgesind vnd güt verprent worden. Auff das er aber mit disem sig jm selbs auch ein küniglichen namen bekommen möcht/da vnderstünd er jm die schwester des künigs Alexanders mit namen Cleopatram/die des andern künigs Alexanders in Epyro witwen gewesen/mit willen ihrer mäter Olympias zu vermeheln. Doch so begert er vorhin den Herzog Antipater/vnder der gestalt der freündtschafft in sein gewalt zepringen/Darumb thett er dergleichen/als ob er desselbigen tochter zu einer gemaheln begert/auff das er desser bas die jungen kriegsleut auß Macedonien von jm pringen möcht. Die weil aber der Herzog Antipater wol merckt/das er zu einer zeit an zwey en orten vmb weyher geworben/hat es ihm doch an beyden enden gefälet. Demnach hat sich ein krieg erhebt/zwischen den Herzogen Antigono vnnnd Perdica. Inn dem haben dem vorgenanten Antigono beystand gethan/dye herzogen Craterus vnd Antipater/die mit den von Athen freyden machten/vnd den herin Poliperconta vber Griechen vnd Macedonien zu einem land/herin sagten. Darauß hat der vorgenant Perdica/in veränderung der sachen/den obgedacht künig Arideum/darzu seinen des Alexanders sun/in Cappadotien die jm in sein hüt beuolhen waren/vonn des kriegs wegen rads gefragt. Den selbigen gefiel nu bas/das man den krieg in Macedonien als den brunnen vnd vrsprung/des reichs richten. Darinn die mäter des grossen Alexanders wonet/vnd dadurch mit wenig gunst bey den vnderthanen erlangt möcht. Jedoch maint man besser sein/das man den krieg in Egypten wendet Auff das nit so sy zum ersten in Macedonien angriff thut/dazwischen Ptolemens der landtuogt oder künig in Egypten/das Asier land einneme. Darumb gaben sy dem fürsten Lūmeni/zū den landen die er vor in gehebt/nach weytter mer die land Paphlagonien/Caria Lytia vnnnd Phrygia. Daselbs ward jm beuolhen/die Herzogen Craterum vnd Antipater zu vberziehen/Vnd gaben jm zu einem helffer den brüder Perdice mit namen Alcetam/vnd Neoptoleum mit jren beyden heeren. Vnd ward dem herin Clyto das schiff heer beuolhen/Das land Cilicia ward dem herren Philota wider entzogen/vnd einem andern mit namen Philoreno eingeben. Auff sollich hat der herzog Perdica das Egypten land mit einem mechtigen heere vberzogen. Dermaß ist Macedonien in zwey theil zertrent/vnnnd haben sich dye fürsten voneinander gesunderet/vnnnd die waffen von den feinden gegen den burgern gewendet. Aber der vorgenant herzog Ptolemus/dem man Egypten zu geteylt/der hat mit allem fleyß vnnnd ernst groß güt vnnnd reychthumb versamlet/darzu die Egyptier mit messiger regierung zu seyner gunst geraigt/auch die nächst gelegne künig mit dienst vñ gaben an sich gezogen. Ober das alles auch die mächtige statt Cyrene/zū seyner Landtschafft pracht/vnd in summa sich dermaß geschickt/das in sein feind als vbel müßten fürchten als er sy. Darumb als er mit eroberung diser stat sein macht gemeret/da hat er sich gegen vorgemelt eherren Perdica in ein gegenwer gerüst et/doch so hat dem jetz gemelten

gemelten Perdica sein selbs hochmüt vnd pracht mer haß pracht vnd schade
 dan der feind macht. Wan sein vnderthanen haben ein sollichen vnwillen an
 im gehept/das sy dem herzog Antipater mit hauffen zu sielen. Desgleich
 so vnnderstünd der vorgedacht herr Neoptolemus/der zu letst bey dem her-
 zogen Eumenes bliben/auch von im zu weichen/vnd das hör dem gegenteil
 zu verraten. Da aber der fürst Eumenes des innen/ward er getrungen/zum
 ersten wider den verräter zu streiten. Vnd als der von im vberwunden wor-
 den/ist er flüchtig komen zu obgemelten herrn Antipater vnd Poliperconta/
 den riet er / dieweil Eumenes jezund meint seiner flucht halb ganz sicher ze
 sein/das sy in wol vngewarnter sache vberfallen vnd bestreiten möchtē. Doch
 so ist Eumenes des gewar worden/vnd hat list mit listen vertriben. Wan sy
 meinten nit das Eumenes von irem anschlag wißt/darumbeylten sy on-
 sorg vnd ordnung daher. Vnd als sy tag vnd nacht gezogen/vnd vn-
 derwegen müd worden/sint sy vom herzog Eumenes manlich
 angriffen/vnd der herzog Poliperconta im streit erschlagen
 vnd der vorgenant Neoptolemus an den herren Eume-
 nes komen/vnd einander vbel verwundet/das Neop-
 tolemus auff der walstat tod plibē. Wie nu d her-
 zog Eumenes dise beide velt Schlachten ero-
 bert/hatt er damit seiner gesellen vnfall
 etlicher maß auffenthaltenn. Ihe-
 zu letst als Perdica erschlagen/
 ist er vom hör auch vō Phy-
 ton Illyrio vñ Alceta dem
 brüder Perdices ein kün-
 nig gnant/wider die
 beualch man dem
 herzog Anti-
 gono dē krie-
 ge zu fū-
 ren.

J iij

Das xiiij



Das XIII büch Justini
Wie der Fürst Eumenes von Antigono dem
 Fürsten umbpracht / vnd auch wie die Königin Clym-
 pias getödtet wurde.



Als nu der künig Eumenes vernom-
 men / wie der Herzog Perdica erschlagenn / das ine auch dye
 Macedoner für iren feind erkant / Deshalb dem Herzogen
 Antigono beuolhen worden / wider in krieg zū führen / da hat
 er das seinen kriegsleuten selbs fürgehalten / damit inen sol-
 lichts nit sunst fürkem / vnnnd die sach forchtsamer gemacht wurd. Davon dye
 kriegsleut ein entsetzen empfiengen / vmb willen auch / das er an inen mercken
 möcht / ob sy vest vnd stat an im halten wolten. Inn dem er sy aber gröflich
 bewegt gesehen / hat er inen kecklich zū gesprochen / vn̄ gesagt / sy solten ab den
 dingen kein schrecken nemen / wañ er wyß die ding alle wol abzuwenden / wye
 er dann wol reden kundt / damit hat er sy dermaß beherzigt / das sy inen selbs
 ermanten dapffer fürzufaren / so wolten sy der Macedoner radt vnd anschleg
 mit dem schwert prechen. Auff solchs ist er mit seinem heer in Etolien geruckt
 vnd den stetten gelt auffgelegt / disen krieg zūfūr. Die sich des gewyrdert / die
 hat er als ein feind zerstört. Dem nach ist er auff Sardis zūgezogen zū der kün-
 nigin Cleopatra der Schwester des grossen Alexanders / auff das nach frem ge-
 heiß vn̄ willen die öbristen hauptleut gesetzt vn̄ verordnet würdē. Wañ er mei-
 net das solchs küniglicher maiestet vereerung halb / so die Schwester des gros-
 sen Alexanders seiner parthey sein wurd. Ein solche vereerung hat die groß-
 mechtigkeit des künigs Alexanders gehebt / das mann auch durch dye weybs
 personen / von seinem namen her vnderstünd gunst zūsuchen. Nach dem aber
 der vor-

der vorgeant Lumenes wider in sein leger kam/da fand man allenthalben im leger brieff ligen/die anzeigen/wer das haupt des künigs Lumenes dem hertzog Antigonon zu bringen/der wurd grosse belonung empfangen. So bald der künig Lumenes des innen/ward sein hör von stund an durch in zu einem gespräch erfordert. In dem sagt er seinen kriegsleuten grossen danck/dz keiner vnder inen allen were/der vñ eins lasterlichen gewins will/sein trew vnd eid an im het prechen wöllen. Doch so hieng er letstmaln daran/das er sollich selbs erdacht het / vnd sy damit zu versüchen vnderstanden/Er hett sein leben inn jr vertrauwen gesetzt. Er wolt auch dem herin Antigono noch keinem andern in gleichem val nachvolgen/nach mit so vnmännlichen thaten vberwynden. Mit dem hat er der abfallendenn kriegsleut gemüt erschreckt/vnd die sache fürkommen/ob sich künftigs des gleichen mer begeben wurd/ das sein kriegsleut nit erckenten / ob sy vom feind/ oder jm eignen hauptman angesücht/oder versücht wurden/Vnd hat darauff jren jeder für sich selbs/sich trostlichen erpoten/sein leben für in zu strecken. Dazwische ist der hertzog Antigonon mit seinem hör schon daher gezogen/vnd hat sein leger geschlagenn/auch sich gleich morgens zu der velttschlacht gerüst/Dargegen hat sich Lumenes auch nit gesaumt. Da er aber vberwunden/ist er in ein vest schief gewychen. Da er nu wol merckt/das man in darinn belegeren wurd / da schickt er den meren teyl seins hörers von im/vmb willen/das er nit mit einem mere/dē feynd vberlyfert wurd/oder mit vyl volcks destminder aufgehungert wurde. Dardannen schickt er sein legatenn zum hertzog Antipater/der allein dem vorgeant Antigono an macht gleich sein geacht ward/vñ lief den fleissig vmb hilff ansüchen. Wie nu Antigonon vernam/das in von dem selben hilff zu geschickt/ist er von der belegerung auff brochen/Damitt ward der vorgeant Lumenes ein zeit lang der forcht seins tods erledigt /doch het er ein kleyne hoffnung/dieweil er sein hör von im geschickt. In dem er sich also bedacht vnd vñsach/da bedacht in das best sein/das er das vñüberwintlich hör des grossen Alexanders Argiraspiden genant/vmb hilff anruffen solt/die doch so mangel theuren sig erlangt hetē. Dasselbig hör hat aber nach dē tod Alexanders/all andre fürsten vnd hauptleut veracht/ vñ gemeint/das sy vnder keynem andern hauptman so ein erlich vnd ritterlichen stand haben möchtē. Darumb hat sy der fürst Lumenes mit sensstten Worten/vnd jeden in sonders angesprochen / vnd sy genennet seine mitritter/seine beschirmer vnd teilhafftigen aller ritterlichen arbeit vnd thaten/die sy inn Orient volbracht hetten. Darumb sy setzund ein zūflucht seins heils/sy weren allein sein schutz/auch allein/durch die das ganz Orient bezwungen/Vñ allein die mit jr ritterschaft die theure geschichten des lieber Paters vnd Hercules vbertroffen.Vnd hettē Alexander dem grossen seinen namen erlangt/darzu all sein preis vnd glori. Deshalb bat er sy in nit für ein hertzogē noch hauptman/sonder allein für ein mitritter anzenemē. Vñ als bald sy in auffgenommen/da hat er sitlich angefangē/nach dē gewalt zu greiffen/so lang vñz mā im leger nichts ansieng noch thet on sein rat vñ gūten willen. Je zu letst als man hort das der hertzog Antigonon daher zoch/da zwang er sy/sich in ein gegenwer zu rüsten. Wie sy aber in dem seins gepots nit geacht/haben sy die feind vñnersehens vberwunden.

Das XIII buch

In dem selben streyt haben sye nicht alleyn jr alt lob/das sy in souil kriegen vberkommen/sonder darzü auch jr weib vnnnd kinder verloren/vnnnd alles das sy ihe leben lang mit kriegen gewonnen. Auch hat der vorgeant Lūmenes kein andre hoffnung mer gehebt/Darumb ermant er sye noch weytter/vnnnd sagt/wie sy an manheit die seynd weyt vbertrossen/dann sy herten der selbigen fünfftausent erschlagen. Vnd wo sy allein steen bliben/wurden die feind selbs fryden an sy begern. Die schaden die sye meinten empfangen haben/das weren erst zwey tausent weiber/vnd etlich kind vnd knecht/die sy bas mit vberwyndung/dann mit nachlassung des sygs wider vberkommen möchten. Dargegen aber das selb heer antwort/das sy weder fliehen noch streyten wolten/die weil sy jr weyb vnd kind / auch alles jr güt verloren herten/Dann sye wolten nit wider jr eygne kinder streyten. Ober das redten sy im auch vbel zū/das er sy/die nach souil volprachten kriegen/aller raisen ledig gelassen/vnd so manchen sold verdient/die het er beredt/das sy sich von jr gūten rāw wyderumb in schaden gesenckt/vnd durch sein vnwarhafft wort verführen lassen darzü het er sy vmb alles das pracht/das sy in allen kriegen ye gewonnen/vñ müsten also in frem alter in disen vnfal kommen. Auff sollichs haben sy heymlich zum Herzogen Antigono geschickt/vnd begerten inen das jr wider zū stellen. Der sagt inen sollichs zū mit dem geding/so sy im iren Herzogen vnd hauptman Lūmenes vberantworten wolten. Da diß der hauptman Lūmenes erfaren/hat er sich mit iren wenigen darvon machen wöllen /darin er doch ergriffen. Wiewol nu ein grosser zūlauff wordē/ist im zū lest gegünt zū reden. In dem menigklich schwyg /vnd er ledig stünd/ streckt sein hand mit der kettin auß/vnd sprach/Sehet an jr redlichen kriegsleüt/vñ mitritter was jr für ein Herzogen vnd hauptman habt / desgleichē mir doch kein feyn de bewisen (das bas vertiefflich gewesen) Ir habt mich aber von eym vberwinder zū einem gefangnen/vnd gemacht das ich vberwunden bin. In disem jar habt jr mir zum vierdten mal geschworen/das ich alles fallen lasse (wann es zimpt sich einem arbeit seligen niemants zūschaden) Aber eins will ich euch bitten/wo jr euch ye fürgesetzt habt/mit mir zū handelē/wie es dem seynd Antigono gefelt/so bitt ich /ihr wöllent mich vnder euch sterben lassen. Wann Antigonus fragt nit sonders darnach/wie oder wo ich getödt werde/damit würde ich destminder verspottet/Wo ich diß mein begern an euch erlangenn mag/so will ich euch ewer gelübd vnd eid alle ledig zelen/damit jr euch freyes willens gegen mir verpunden. Wo jr euch des schement zūthünd/so gebt mir souil woffen/das ichs selbs thun müg. Da er das bey inen nit erlangen mocht hat er sein bitt in zoren vnnnd fluch gewendet vnnnd gesagt/Dye götter/die da rechter seind aller vntrew vnnnd meynedy/die wöllent diß ewer fürgenommen mord/vber ewer eigne köpff richten/vnd euch ein sollich end zū senden/wie jr ewern hauptleütten gebet/Ir seid auch in kurz verrucktem schuldig worden/an dem vnschuldigen plüt des fürsten Perdica/dergleichen habt iher auch vnderstanden zehandlen gegen dem Herzogen Antipater/ Darzü habt iher euch etwa fürgenommen den König Alexander selbs zū tödten. Jezundt muß ich das lest opffer seyn eüwer/der meynedygenn bößwicht / Darumb

tumb wil ich euch dise plag vnd not anwünschen / das jr all in disem hór arm
vertriben vnd vnglückhasst leut sein müssen / vnd von euern eignen schwer
ten vmbkommen sollen / damit jr dan mer euere eignen hauptleut vmbbracht
habt dan der feinden. Demnach ist er dermaß ganz erzürnt gestanden / vñ zú
seinen hüttern gesagt / sy sollen fürziehen zú dem láger Antigoni. In dē volget
im das ganz hór nach / vnd gaben iren eignen herin vñnd hauptman auff die
fleischbanck / vñ zoch er also gefangē so kecklich daher / als ob er vber sich selbs
ein Tryumph hielt. Mit diser that vbergaben sy dem fürsten Antigono / den
sig aller krieg vnd streiten / Vñ damit dem pracht vnd zierd nichtts manglet /
da zugen die Helffant vnd zúszag auf Orient auch hinach. Vnd was nemlich
diser sig dem vorgenanten Antigono so vil dest löblicher / dann dem künig A
lerander so manigfaltig vberwyndung / dieweil der selbig das ganz Orient
bezwungen / so hett doch er Antigonus denen angesigt / die das ganz Orien
tisch land vberwunden / Also hat der fürst Antigonus die zámer vnd bezwin
ger des ganzen ertrichs / vnder sein heer geteylt / vnd inen alles das wider ge
ben / das er inen abgewinnen. Doch dieweil vnd er vorhin so vil freuntshaft
mit dem fürsten Kúmene gehept / hat er sich geschempt in für sein augen kom
men zúlassen. Deshalben in den hüttern beuolhen zú bewaren. Dazwischenn
hat die künigin Euridices Aridei des künigs inn Macedonien gemahel / ann
statt des künigs / des geschafft sy sich von wegen seiner krankheit vnderzoche
dem hertzogen Poliperconta / der mit ein hór auf Griechen kame / in namen
des künigs zúgeschriben / das er das hór dem fürsten Cassandro vbergabenn /
den der künig gesetzt hat alle sachen in seinem namen aufzerichten. Desgley
chen schreib sy auch in Asien dem fürsten Antigono zú. Von diser gnaden vnd
gunst wegen lief der hertzog Cassander nichts vnderwegenn / daran er wist
der künigin zú wolgefallen dienen. Ist also inn Griechen gezogen / darinn hat
er vil stett zerstört / des sich die von Sparta größlich entsetzt / vnd haben des
halb jr stat die sy vñg der zeit / mit iren theuren manheit beschirmt gehept mit
einer mauren bewart / in dem sy doch iren vordern wenig gleich gelept / Dan
die selben haben vil hundert jar kein anndre maur vmb jr stat gehebt / dan jr
mannlich gemüt. Dise vermeinten aber nit sicher zúsein / sy weren dann mit ey
ner mauren beschlossen. Inn disen dingen ward der fürst Cassander von etli
cher empörung wegen wider inn Macedonien berúfft. Wan die alt Künigin
Olympias die mütter des grossen Aleranders / die kam auf dem Künigreich
Epyro in Macedonia / darinn beleitet sy der künig Lacida / der Melosser Kú
nig. Vnd als jr von der jungen künigin Euridices / vnd dem künig Arideo jr
einzug inn das land versperrt worden / ist das gemein volck inn Macedonien
die das verdros von eren wegen irs gemahels / vnd mayestet irs suns / auf jr
seit gefallen. Vnd ward deshalb der künig Arideus vñ sein gemahel die küni
gin durch jr geheiß vñbracht / als die sechs jar regiert gehept / doch hat sy das
auch nit lág besessen. Wan als sy nach weiblichē neid mit nach küniglicher art
die obristē lantfürstē tödtē lief / hat sy damit ire gunst in ein haf verwandelt
Darumb als sye hór / wie der Hertzog Cassander mit einem mechtigen heere
daher zöch / da dorfft sye den Macedonern nit wolvertrauen. Deshalben
nam sy

Das XIII Buch

nam sy des grossen Alexanders irs suns witfraw dye Königin Roxana/ Des gleichen seinen sun Hercules mit ir/ vnd wich in die stat Pictua. In dem fürē mit ihr darvon Diadamia/ die tochter Lacide des obgenanten Königs/ vnd stiefftochter Thessalonice / dye auch von dem König Philips her namhafte was/ darzū sunst viler anderer fürsten frawen. Da nu der fürst Cassander das erfüre/ da eylet er den nechsten der stat Pictua zū/ vnd beläget die / also das er sy anshüngert/ das sich Olympias an in ergab. In dem aber der fürst Cassander sein heer berüfft/ vn̄ fragt wē man sich gegē der Königin Olympias halten solt/ da hat er der vmbprachten vater vnd freünd angericht / das sy mit einem kläglichen Kleid angethan/ gericht vnd rach wider sy begern solten. Darauff dann die Macedoner erkant/ das man sye zum tode richten solt/ Vnd gedachten wenig an iren künigklichen stand/ auch das sy durch iren sunē in frembden landen bey leben beschirm̄t/ vnd zū vberwynder aller Nationen worden. Da aber die künigin sach die gewapneten leüt gegen ir geen/ gieng sy inen mit zweyen junckfrawen entgegen. Inn dem sy aber die todtschleger inn irer künigklichen zierde ersehen/ haben sy still gehalten / vn̄ inen der fürst Cassander etlich nachschickt/ die sy durchstochen haben. In dem sy nit fliehen / noch kein weyblich klag führen wolt/ ist also kecklich gestorben/ das man auch den grossen Alexander in seiner sterbenden mäter spüren möcht. Man sagt auch/ das sy in irem nidersinken/ sich selbsts bedeckt/ mit irem har vnd kleydung/ vmb wille das man nichts vn̄zümlichen an irem leib sehen solt. Demnach hat Cassander Thessalonice des künigs Aridei tochter zū einer gemaheln genommen / vnd sendet die künigin Roxana sampt irem sun in das schloß Amphipolitanam sy zū bewaren.

Das xv



Das XV büch Justini. LV
Von den künigen Stolemeo in Egypten
 Antigono vnd Seleuco/Auch Lysimacho vnd Cassandro.



Adem nu die vorgemelten fürsten mit namen Perdica/Alceta/sein brüder Eumenes vnd Poliperconta/ auch andree herin zu beyden seiten vns kommen vñ erschlagen/ da meint mander krieg wer damit gericht vnd geendet/ in dem entstand aber gleich ein span zwischen den vberwyndern. Wan die fürsten vnd herin Ptolomeus/ Cassander vnd Lysimachus/ begerten an den herzogenn Antigonom/ das er die gewonnen pentraub/ mit ihnen theilen solt. Das doch der selbig nicht thun wolt/ vñnd sagt/ Dieweil er die arbeit allein gehept/ so wolt er sye auch inn der pent nicht zu gesellen haben/ vñnd das er deßter ein erlicher vsach haben möcht/ wider sy zu kriegenn/ da ließ er sich hören/ das er den tode der Künigin Olympias rechen/ darzu die künigin Roxana/ vñnd ihren sun/ auß obgenantem schloß ihrer gefencknus ledigen wolt. Da diß Ptolomeus vnd Cassander die fürsten erfahren/ haben sy sich mit Lysimacho vnd Seleuco vereint/ vñnd den krieg auff dem mör vñnd ertrich mit allem fleiß zügerüst. Der fürst Ptolomeus hielt inn Egypten land mit ein teyl in Affrica den größern teil/ darzu Cypern vñnd Phenicien/ so hat der herzog Cassander vñnder seinem gewalt Macedonien vñnd Griechen land/ Item Asien vñnd ein teil inn Orient hatt im der vorgevant Antigonus zu gezogen. Desselbigen sun mitt namen Demetrius/ ward inn dem ersten angriff des kriegs vberwunden bey Calonia. In disem streit hat die maßigkeit Ptolemei mer vberwegen/ dan der sig vñ streit. Wan
K er hat

Das XV büch

er hat nit allein die freünd Demetrii/ mit irer haß von im kommen lassen/ sonder sy vber das alles auch mit gaben vnd schancken abgefertigt. Darzû vorgemeltẽ Demetrio allen streytzeug/ mit allen gefangnen/ freymütig vererbet/ vnd sagt dabey / das er vmb keins gewins/ sonder von ritterlichs rhüms vnn̄d eeren wegen/ mit im gestritten/ allein darumb das sine verdrossen / das sein vater Antigonus/ in vberwyndung irer gemain̄seynde/ die erobert peüt vnn̄d raub allein behalten. Vnder disen dingen zoch der vorgenant Herzog Cassander/ von der stat Apollonia/ vnn̄d stieß auff das volck Abderidas genant/ dye von wegen der grossen menge der fröschen vñ meiß/ die in ir̄m land vberhand genommen/ ir̄ eigen land verlassen/ vnd ein ander land gesucht haben. Darumb dann der herzog Cassander sorgt sye würden das Macedonier land vberfallen/ vnd also ein vereinigung mit inen annehmen / das er inen an den eussersten enden in Macedonien plaz eingabe/ darinn zû wonen vnn̄d zû pawen. Demnach ließ er den obgenanten Hercules/ den sun des grossen Alexanders/ sampt seiner mütter Arsina/ heymlich tödten / vmb willen das er nit von liebe wegen seins vaters/ in Macedonien zû einem künig angenommen wurd/ dann er was wol auff rüñ. Jar alt/ auch ließ er ir̄ todte cörper mit grüñ bedecken/ auff das die billich Begrebnus den todschlag destminder verriett. Vnd gleich als ober noch nit gnüg laster an seinem eignen herren vnd Künig Alexander dem grossen/ mit dem das er ihm vergeben/ begangen/ hat er auch sein mäter Olympias/ darzû disen seinen sun Herculem ertödet. Vber das alles auch den andern sun des grossen Alexanders/ sampt seiner mäter Roxana mit gleichem laster mörder lassen/ als ob er das Macedonisch reych darnach er stelt/ nit anders dann mit mord vnd todtschleg bekommen möcht. In mitleyzt hatt der obgenant Ptolemeus mit dem vorgenanten Demetrio zum andern mal ein schiffstreyt gethan/ in dem er sein schiffbör verloren/ vnn̄d sich flüchtig in Egypten gefügt. Hat im doch auff sollichs der vorgenant Demetrius seinen sun Leüticum vnd sein brüder Menelaum/ auch sunst andre seyne freünd/ mit gleichmässigen gaben / wie im vormaln von Ptoledeo begegnet auch wider in Egypten gesendet/ damit augenscheinlich were / das sy nit auß haß/ sonder von eeren wegen gestritten. Vnd haben in aller vāchd cynander yr gaben zû geschickt. Zû der zeit seind die krieg erlicher geführt worden/ dann man yezund freündtschafft gelübd̄t vnd pündtnus helt. Von dises sigs wegen/ hat sich der vorgenant Antigonus dermaß vberhaben/ das er sich vnn̄d seinen sun einen künig nennen hieß/ vmb willen aber Ptolemeus bey den seinẽ nicht minder geacht/ ward er von inen auch ein künig genant. Da diß die fürsten Cassander vnn̄d Lysimachus gehört / haben sy den Küniglichen namen auch angenommen. Diß namens vnd wyrde haben sy sich so lang enthaltẽ so lang des Künigs Alexanders kinder gelept. Ein sollich zucht vnn̄d eer ist inn inen gesteckt/ wiewol sye künigklich macht vnd reichthum vermochtẽ/ haben sy doch des künigklichen namens so lang gemangelt mit gütẽ willen/ so lang der Künig Alexander seyn recht erben leben gehebt. Aber Ptolemeus vnn̄d Cassander auch die andern Fürsten irer parthey / da sye sahen das der Künig Antigonus iren yeden inn sonders für hand nemen/ wolten sye doch einander

einander kein beistand thun/damit der sig mit eins allein were/Deshalb ver-
einten sy sich mit briefen/der zeit vnd platz wo sy zusamen komen/vnd wann sy
den angriff thun wolte. Dieweil aber der künig Cassander von anderer krieg
wegen/die er fñrt / nicht dabey sein mocht/da hat er seinen gesellen den künig
Lysimachum mit einem grossen hñr inen zu hilff geschickt. Diser setzgenand
herr Lysimachus ist von einem durchleuchtigen edlen geschlecht inn Macedo-
nien geporn/Aber auß vbung seiner ritterlichen manheit/vil edler gewesen/
die inn im so vil gewirckt/das er nit allein mit durstiger manheyt/sond auch
mit kunst vnd weisheit/all fürsten/die das ganz Orient bezwunge/vbertrof-
fen hat. Wann als der gros Alexander den hochgeleertē man Calisthenem/vñ
das er in nit nach der Persier künig art/anpetten wolt/verdacht/das er auch
ein wissen haben solt/von dem heimlichen auffsetzen/die man gegen im fürge-
nommen/darumb er in bestrig vbel gemartert/vnd zu eim schrecken der andern
im sein oren/nas vnd leffzen abhawen/vnd in sampt einem hund einschließ-
sen vnd umbsüren ließ. Der zeit hatt sich diser Lysimachus geflossen/zucht vñ
weisheit von dem selben Calisthenes zu leren/vnd erparmet in gröflich/das
ein so hochgeleert vnd theurer man von der freyheit wegen/dermaß mishan-
delt werden solt/Darumb gab er im giff zu trincken/das er seins schmerzges
vnd not abtame. Dis hat den künig den grossen Alexander dermaß verdros-
sen/das er gepot/das man disen Lysimachum/dem aller grünisten löwen für
werffen solt. Als nu der löw ganz grün gegen im her gesprungen ist/da hatt
der setzgenant herr Lysimachus sein hand vnd arm mit seinem kleid umwick-
let/also dem löwen inn sein maul gestossen/im sein zung erwünscht/vñ herauf
gerissen/dan von der löw gestorben/vñ er bey leben plibe ist. Da man nu dis ge-
schicht dem künig Alexander zu wissen than/hat er sich des verwundert/vnd
gemeint/das er damit gnüg geliten/vnd hatt in demnach von diser durstigen
manheit wegen/vil dest lieber vnd werder gehalten. Es hat auch diser Lys-
machus solliche schmach vnd mishandlung mit manlicher gedult geliten/vñ
im nimmer mer daran gedacht/sich des zereche. Wann als demnach etlich feind
vom künig Alexander inn Indien in der flucht gesagt/vnd im seine diener vñ
schnelle wegen seins pferds/dahinden bleiben müssen/da hat er dem künig zu
füß allein nachgevolgt/ein vast weitten weg/vnd in nit verlassen wölle. Wie
aber daruo sein brüder Philip genant des gleichen zethun vnderstande/hatt
in sein kraft dermaß verlassen/das er sich an den künig schenckte/vnd im vnder
den henden starbe. In dem nu der künig Alexander desmals von seinem roß
sprang/da verwundet er von vngewerd/disen Lysimachum an seiner stirnen
also/das im das plüt nit gestelt werden mocht/vñ der künig sein kron vñnd
hauptzierde abzoch/vnd in damit verband. Dis was im die erst andeutung/
das er auch ein künig werden solt. Darum hat man im nach dem tod des gros-
sen Alexanders/als dem aller theuresten man/die aller vngestümisten natio-
nen eingeßen/vnd ist er vñ menigklich für ein theuren man geschetzt wordē. Le-
dañ man den krieg zwyschen dem künig Ptolemeo in Egypten/vnd seinen ge-
sellen/vñnd dem künig Antigono anfieng/da kam ausser dem grössern Asien/
Seleucus als ein newer feind/wider dē künig Antigonom. Diser künig Se-
leucus hat ein ritterlich manheit/darzu ein wunnderbarliche gepurt gehept.

Das XV Buch

Wann seyn mütter Laodices / dye dann eynem vast Edlen man mit namen Antiochus vnder den fürsten vnnnd Hauptleuten König Philipsen/vermähelt/die sahe in eynem traum/vnnnd bedacht sye nicht anders/dann wie sye der Got Apollo beschlieffe/vnnnd sye schwanger macht/der gab tro zelon eyn schönen ring/inn desselbigen Edlen gesteyn/was ein encker gegraben/den beualch er dem sun zū geben/den sy geperen wurde. Dyse geschicht macht ynen wunderparlich vnnnd namhafftig. Desgleichen auch der ring / der am nachgeenden tag/mit disem zeichen gegraben/im beth funden warde. Darzū pracht dyser Seleucus an seiner hüfft/die form vnd figur eins Enckers mit yme an die welt/in seiner gepurt. Darumb als er mit dem grossen Alexander inn den Persier krieg zoch/da gab im sein mütter dysen ringe/vnnnd sagt im dabey alle ding wie es ein gestalt vmb sein gepurt gehebt het. Vnnnd als er nach dem tode des grossen Alexanders/das Quentisch reych erlangt/hat er ein stat gepawen/vnd damit sein herkommen vnd gepurt/angezeigt/ Wann er nennet die selbig stat nach dem namen seines vaters Antiochia/vnd die Landtschaft darumb/gab er dem got Apollo. Die anzeyg seiner gepurt/ist auch seyne nachkommenden angehangen. Wan seyne sun vnd suns kinder haben dis zeychen des Enckers auch mit ynen an die welt pracht. Nach dem aber vnd dye land vnder die fürsten vnd landtuögt(inmassen obset) aufgereyht worden/sind vil Ritterlicher gethatten durch den vorgenanten König Selenicum volpracht/Nemlich zum ersten gwan er die stat Babylonia/Dennach(als er mit disem sig sein macht gemeret) hat er die Bactrianer bestritten. Darauff ist er in Indien gezogen (die sich nach dem tod des grossen Alexanders der dienstparkeit gewidert) vnd ire landtuögt vmpracht/von anrichtung wegen eins mit namen Sandrocotus gnant/Die selbigen hat er nach erlangtem syg mit seynrer regierung von ir freyheit wyder zū der dienstparkeit pracht. Wann so bald er das künigreich erlangt / hat er die vnderthanen (die er von der dienstparkeit geledigt) noch in vil harter dienstparkeyt gequetscht. Diser yeggenanter Sandrocotus was vonn nyderm stamien geporen/vnnnd warde doch durch anzeig etlicher weyssagung gereyzt nach dem künigreich zū stellen Nemlich vnd als er mit seiner vnbehütsamen rede/den König Alexander erzürnt/vnnnd er in deshalb zū tödten gepotten/hat er sich mit schnellem lauffe darvon gemacht/vnd ward in dem lauffen so müde/das er sich auff weyttem felde nyderlegt vnnnd entschieff. Vnnnd inn seynem schlaff kam eyn fraydiger grosser löw zū im/vnd leckt im den schweiß ab / der im aufgieng/so lang vntz er daran erwacht. Da schied er senfft mütigklich wider von im. Mit dysem wunderzeychen ward er bewegt/nach dem künigreich zū stellen. Deshalben hieng er etlich rauber an sich/vñ reizt die Indier/dz sy für sich selbs ein eygen künigreich habē soltē. Vñ als er sich auf derē annemē/dennach wider des grossen Alexanders landtuögt/in krieg vñ gegenwer rüstet. Da kam ein wylder vnngesämpter Hellsandt/der fast gross vnnnd starcke was / Der thet sych zū yhm/als ob er gesämpt vnnnd heymlich were / vnnnd liesse yhn auff sitzen. Darumb ward er ein hertzog vnd hauptman des kriegs vnd ein theurer ritterlicher man. Wie er nu der zeit das künigreich Indien an sich pracht/zū der zeit

zeit/als der vorgeſat künig Seleucus/den anfang ſeiner künſſrige groſſmech-
 tigkeit erzeigt. Da beſaß diſer künig Sandrocotus das Inndiſch künigreich.
 Mit dem verträg ſich der künig Seleucus gütlich. Vnd als er ſein ſachen in
 Orient angeſtelt vnd beſridet/hat er ſich wider den künig Antigonus gerüſt
 Nach dem er vnd ſein kriegsgnoſſen/it hör zūſamen pracht/haben ſy den
 ſtreit an die hand genommen. In dem ſelben warde der künig Antigonus
 erſchlagen/vnd ſein ſun Demetrius inn die flucht gewendet
 Vñ ſeint nach diſem krieg/die vorgeſanten künig vnd kriegs
 geſellen/der ſach auch nit eins bliben/haben widereinander
 der gekrieget/vmb des willen das ſy ſich der gewun-
 nen land nit vereinparn möchten/Auff das kamē
 ſy aber in zwü partheyen/vñ vereint ſich der
 künig Seleucus/mit dem künig Deme-
 trio/Vnd der künig Ptolemeus mit
 dem künig Lyſimacho. Als nu
 der künig Caſſander inn
 Macedonien geſtorben/
 iſt ſein ſun Philip an ſey-
 ner ſtatt künig wor-
 de/damit de Ma-
 cedonier land
 ein neüwer
 krieg auf
 de halß
 gewachſſen.

K iij Das xvi



Das XVI büch Justini
Wie die todtschleger des grossen Alexan-
ders vmbpracht wurden / auch von der stat Heraclea.



Nach dem schnellen tod König Cas-
sanders / auch desselbigen suns König Philips / Ist dye künis-
gin Thessalonice seyn gemahel / vnlang darnach / vonn An-
tipater irem sun / von obgemeltem König Cassander gepo-
ren / vber das sy mit anzeig irer prüft / so er gefogen / des lebēs
begert / on allerpermd ermödet worden / Allein darumb das er sye verdacht
das sy in teylung des Königreichs / seinem Bruder Alexander günstiger were
dann im. Dis mord was auch deshalb souil schandlicher / das dye Königin
nicht vmb ein hare schulde darann gehebt / wyewoles doch nicht genügsam
vsach gewesen / die mütter so lesterlich zü töden. Des hat seyn Bruder
Alexander der mütter tod an ihm rechen wollen / vnnnd darumb den König
Demetrium vmb hilff angesücht / der sich darinn nit saumpt / wann er hoffet
dadurch

dadurch das Königreich Macedonien zu erobern. Desselbigen zukunfft hat sich der künig Lysimachus besorgt/darumb riet er dem künig Antipater / als seinem dochterman/das er sich mit seinem brüder Alexander gütlich vertragen/vnd solt den feind nit inn jr land komen lassen. Wie man nu zwischen den brüder gütlich gehandelt/vnd der vorgenant künig Demetrius sollich erfarn / da hat er den vorgenanten Alexander mit listen hindergangen/ vnd tödten lassen. Vnd nach eroberung des Macedonischen künigreichs / hat er sich dises mords/vor dem høre entschuldigt/vnd gesagt/der selbig Alexander hab in zum ersten nach seinem leben gestelt/darumb er sich an in gerochen/ Er were auch pillicher ein künig in Macedonien dann jemand anders / Was sein vater were dem künig Philip/vnd dem künig Alexander in allen sachen beholffenn gewesen. Darumb er dann auch zu einem hauptman erwelet wider die/so von des grossen Alexanders brüder vnd erben abgefallen weren Dargegen so wer Antipater diser jungen künig groß vater/in verwaltung des reichs vil Tyrannischer gewesen/dan die künig selbs. Desgleichen der künig Cassander jr vatter/ein mörder vnd todtschleger gewesen/aller erbenn vnnd freund des grossen Alexanders/in dem er doch weder kindern noch weibern verschont/vnd het nit auffgehört/vnz ganz kein erb mer vor handen gewesen. Dieweyl er nu dise lesterliche gethaten an dem künig Cassander nit rechen het mögen/hab er doch sollich an seinen sünden volpracht. Darumb so möcht wol vil pillicher seyn / das dye sünden inn dem lande Macedonien regierten/die den vmbprachten künig Alexander gerochen/dann die so ine vmbpracht heten. Damit begüetiget er das gemein volck in Macedonien dermassen/das sy in von stund an für ein künig außstüßten. Aber der künig Lysimachus dieweil der mit dem künig inn Tracien Dacicis mit krieg beladen / ist er inn sorgen gestanden/das er auch wider den vorgenant Demetrium streiten müß/Darumb gab er dem selbigen das ander halb land inn Macedonien/das seinem dochterman Antipater zû geteilt gewesen/also gütlich zû handlen/vnd macht fryden mit in. Darumb als der künig Demetrius/das ganz Macedonisch reich an sich pracht/hatt er sich vnderwunden/das ganz Asier reich vnder seinen gewalt zepringen. Darauff haben vorgenant künig Proleus/Seleucus vnnd Lysimachus gedacht/was sy hievor mit vereinter macht volpracht / habenn sych deshalb wyder zusamenn verpundenn / vnnd mit zusamenprachten hören / wydder den künig Demetrium ihn Europa den krieg geführt. Denenn gesellet sich auch der künig Pyrrhus ynn Epyro / der gedacht das Demetrius das Macedonisch künigreich nicht wol behalten möcht / dieweyl er das mit ringer mühe bekommen / Des hatt yhn auch sein hoffnung nicht betrogenn/wann er beredt zûvor desselbigen hör/vnnd prachte damit zû wegenn / das er flüchtig hynweg vnnd er damitt zum künigreich kame. Dieweyl sych die sachen dermassen verlossen/vnnd sich der vorgenant Antipater beklaget/das ihn sein schweher Lysimachus vmb seyn landt pracht / hatt yhn Lysimachus tödten vnnd vmb pringenn/darzû seyn eygne dochter/desselben gemahel / vmb das sye sich des auch beklaget yns gefencknis legen lassenn.

Das XVI büch

Also hat das ganz hauß vñ geschlecht des künigs Cassander/von wegen des tods des grossen Alexanders/vnd seins stamens gestrafft vnd gerochen werden müssen. Inn dem nu der vorgenant Demetrius mit so mechtigen heeren vmbgeben ist/wie wol er doch in dem eerlich het sterben mügen/so hat er sich doch lieber schantlich an den künig Seleucum ergeben wollen. Nach vollendang dis kriegs/hat der künig Ptolemus nach vil volprachter geschichten/sein end genommen/vnd noch bey seinem leben/wider gemain ordnung vñnd gewonheit aller Nationen/seinen jüngern sun zū eym künig gesetzt. Der sich doch des gegen dem volck entschuldiget/die ihm nicht mynder gunst trügen/dann der vatter selbs. Wann vnder andern begaben sich vil sachen/darinne man des suns liebe gegen dem vater vnd hinwider des vater liebe gegen dem sun spüret/dardurch er des gemainen volcks gunst gröflich erlangt. Vñnd wie wol im der vater das künigreich offentlich vbergeben/hat er sich doch dem andern hoffgesind gleichmessig gehalten/vnd gesagt/Das es basf stande das der vater künig bleib vñz an sein end. So dann vnder vorgenanten künigen Pyrrho vnd Lysimacho/dye kurz darvor wyder obgenanten künig Demetrium gesellen gewesen/seynd durch yhr selbs zancck vñnd yrrung ynn eynschweren krieg kommen/Inn dem der künig Lysimachus obgelegen/vñ der künig Pyrrhus wider auß Macedonien vertrieben. Darnach hat der künig Lysimachus die Trätier vberzogen/vñ demnach die Heraclienser. Dysers stat anfang vnd end ist fast wunderparlich gewesen/wann als inn dem lande Boetia ein grosse pestilenz regiert/vnd sy deshalb in dem tempel zū Delphos rads gefragt/wie sy des sterbens abkōmen möchten/ward inen zū antwort/Das sy dem Hercules zū eerē/auff vnd an dem Pontischen mōr eintempel vñ stat bawen solten. Dieweil sy aber scheuchten in der so weyten schiffart/dazugen sy wider heim vnd wolten ee sterben/dann so weitt von frem lande faren. In dem wurden sye von den Phocensern mit krieg angegriffen. Vñnd als sy den selbigen kein widerstand thūn konten/haben sy ir Botschafft wider gen Delphos geschickt/vnd eben ein sollich antwort erlanget/weye sye vorhin der Pestilenz halben empfiengen/sonst möcht ihnen nichts anders gehelffen. Darumb haben sy ein summa volcks außgelegt/vnd die auff dye gegne Metapontum zū geschickt/dye da selbs dye stat Heraclea gepawen. Vñnd dye weyl sye mit der warsagung dahinn gewysen/seyndt sye inn kurzer zeyt fast reich vñnd mechtig worden/Demnach habenn sye vil streyt vñnd kriege mit yren nachpawren gehebt/darzū inn der Statt groß auffrüren vñnd schaden gelitten. Itē vnder andn namhafften stuckē/ist inē auch dis begegnet/Nach dem vnd die von Athen all menigklich bestritten/vnd auch die Persier vberwunden/vnd dem Asier land tribut zūgeben außgelegt haben/ir schiff heere damit zū enthalten/vnd sy alle gar sollichs alles mit willen(damit sy zū freyden Gliben)erstattet/Haben sich doch die von Heraclea vmb des gunst willen(den sy zū den Persier künigen gehebt)des alleyn gewyderet zū geben. Darumb ist der von Athen Hauptman Malachus vber sy geschicket worden/dz mit gewalt von inen zepringen/des sye sich wyderten. Wie er nun dye schyffe am gestadten vñnd port stehen lassen/vñnd dye Landtschafft vmb dye stat geraubt.

beraupt/ Hatt ein vast vngestüm wetter die schiff mit dem merern theyl
 kriegsleutten vmbbracht vnnnd ertrencket. Dyeweil nun der selb haupt-
 mann nach verlierung der schyffe auff dem möre vnnnd wasser nicht mehr
 heym komenn können/ darzü mit so wenig volcks sich nicht dorfft wagen
 vber landt heym zekommen/ durch so vyl Nationen/ die ihr feind waren/
 Da gedachten die vonn Heraclea/ es were bas gehandelt das sye ihnen
 freundschaft bewysen/ dann das sye sich an ihnen rechnen solten. Da-
 rumß versahenn sy die selbigen mitt einem zusatz vnnnd prouandt/ damit
 sy wyder heym kommen möchten. Vnder annderm yhem vnfall seynde
 sy auch vonn Tyrannen regiert worden/ Wann als das gemein volck gros
 sen vnwillen gehebt/ das die reichen so villands vnnnd äcker besitzenn solten/
 vnnnd die sach lanng zeit ihm radt gehandelt/ vnnnd doch nit vertragen ist/
 da haben die obristen wyder das gemein volck hilff begert/ Erstlich vonn
 Timotheo deren von Athen Herzogen/ nachuolgents vonn Epaminun-
 da der Thebaner Herzogen. In dem inen sollich an beyden enden abge-
 schlagen. Da ist der herr Clearchus von ihnen berufft/ den sy vorhin der
 stat verweisen herten/ der inn seynem aufpleybenn noch müthwilliger wor-
 den. Deshalb nam er auß der burger misshell ein versach/ die herrschafft als
 lein an sich ziehenn. Darumß hatt er zum ersten heimlich gehandelt mit
 Mithridates/ der ein feind was seiner mittburger/ mit den selben vertrüg
 er sich/ das er ihm die stat eyngelien/ so wolte yhn der selb an seynen stat
 zü eynem statuogt setzen. Demnach hatt er den betrug/ den er gegen seyn
 en mitburgern zugerufft/ gegen dem selben Mithridates gewendet. Wan
 als er vonn seinen burgern wider auffgenommen/ ist dem Mithridates ein
 zeit angesetzt zü kommen. Als der kommen/ ist er sampt sein freunde von Cle-
 archo gefangen/ Von dem er sich vnd sein freund mit einer grossen summa gelts
 lösen müssen. Vnd gleich wie er sich gegen disem auß einem gesellen zü einem
 feind erzeigt/ also hat er sich auch auß einem beschirmer des rats/ dem gemeyn
 en volck zü einem hauptman vnd helffer wider den radt bewisen/ Vñ also
 wider die senen (so in wider inn die stat berufft/ vnd in das schloß eingeben
 heten) nit allein das gemein volck gereizt/ sonder auch selbs/ als ein Tyrann
 vnd wüthrich vil grüner sachen begangen. Er hat das gemein volck berufft
 vnnnd gesagt/ das er dem radt fürther keyn beystand mer thun wölle wider
 die gemeinde/ aber der gemayne beystendig sein. Wo sye aber meintenn
 das sy dem radt vnd reichen burgern selbs statck gnüg weren/ so wolt er mit
 seinen söldnern vnnnd dienern abweichen/ vnnnd nichts zwyschen ihren auff-
 rüren handeln. Wo sy inen aber zeschwach weren/ wolte er yhnen beystand
 thun/ vnnnd die burger an dem radt nicht vngerochen lassen. Darumß sol-
 ten sy yhnen selbs raten/ ob inen lyeber were/ das er mit seinen dyenern ab-
 wiche/ oder bey inen blybe. Mit disen wortenn ward das gemein volck be-
 wegt/ das sy in allen gewalt vnd herrschafft züstelten. Wie nu der rat sich seins
 gewalts entsetzte/ haben sye sich alle sampt sen weib vnd kinden an in ergebē.
 Darauff hat er lx. radsherren in gefencknus gelegt/ die vberigen synd in mit
 der flucht entgangen. In dem hat sich das gemain volck gefreuet/ das der
 radt von

Das XVI Buch

radt von ein radsherren vertilcket wurd/vnd das den selben jr hilff vnd bey stand in ein verderben gewendet. In dem er nu yedem in sonders den tod ge trawet/hat er damit vil gelts vnd güt von inen geschezt. Wann er gab ynen für/er müß sy mit gelt vom gemainen volck ledigen/hat inen also yr güt vnd darnach jr leben genommen. Vnd als er dem nach erfarn/das die vertribnen radsherren/in kriegen wolten/dann die andern stett haben den selben auß er permd hilff bewisen. Da hat er der selben diener vnd knecht frey gesetzt/vnnd inen erlaupet irer herren weyß vnnd töchtern inen zü vermäheln/welliche sich dem widersezt/die hat er tödten lassen/auf das jm die knecht dester getrewer vnd iren herren dester heffiger wurden. Darumb die reychen vnnd hüpfen frawen ganz leydige hochzeitten gehebt/vnd iren etlich auf den tag der hoch zeit/ehe dann sy zü den newen mannen gelegen/ sich selbs ertödtet. Demnach als man gestritten/hat der Tyrann gesigt/vnd die vberwundnen radsherin in Triumphs weiß vor den burgern herfürren lassen/erlich gefangen legē/dye andern martern/vnd die vbrigen tödten lassen. Es was kein winckel inn der statt/darinn der Tyrann/sein greymigkayt nit volpracht. Auß seiner grimig keit stund jm ein mürwill zü/auf dem mürwill ein hochmüt/das er auß zufall des glücks vergaß/das er ein mensch was/Etwann sagt/er were ein sun Ju piters. Wann er auff der gassen gieng/so lief er jm einguldinen Adler vortra gen. Er trüg seyden vnd Purpur/auch ein guldine kron/vnnd nennet seynen sun Ceraunon/auff das er die götter nit allein mit den lügen/sonder auch mit den namen verspottet. Inn dem er dermaß mißhandlet/hat solichs zwen ed le jüngling mit namen Chion vnd Leonides so ser verdrossen/das sye sich ver einparten/mit vnsprungung diß Tyrannen/jr vatterland zü ledigen. Dyse zwen waren junger des hochgeleerten mañs Platonis/die begerten jr manlich tugent/darinn sy teglichs vnderwysen waren/dem vatterland zü erzeigen. Darumb so namen sy Fünffzig irer freündtschafft zü inen/die als diener auff sy acht haben solten /die stelten sy an ein gelegen ort/vnd zugen sy bayd (als ob sy mit einander haderten) zü dem Tyrannen/als für iren künig zum schloß zü/die auch von irer erkantnus wegen für in gelassen wurden. In dem nu der Tyrann dem erste seiner rede zü gehört/hat in der ander durch stochen. Als inen aber ire freünd zü langsam zü hilff ka men/seind sy vom hoffgesind erschlagen. Vnd wie wol der Tyrann vnspracht/ist doch damit dye statt nit frey/vnd sein brüder Satyrus an seyn statt komen. Das also die von Heraclea vil jar lang von den Tyrannen haben müssen geplagt sein.

Das XVII buch Justini. LX
 Von dem König Syzho vnd seinem
 Königreich/ auch wie er den von Tarent wider die Rö-
 mer zu hilff kam.



In diesen zeiten ist in dem Hellespō-
 tischen vnd Chersonesischen landtschafften/ ein grosser erd-
 bidem gewesen/ also das die gross stat Lysimachia/ die dan
 der vorgeant künig Lysimachus vngeserlich vor xxij. jarē
 gebawē gehept/ gang in den boden versallen / das dan im
 vnd seinem ganzen geschlecht/ ein erschrecklich anzaig ge-
 wesen/ dadurch zu verstan geben/ das auch sein Königreich ein schedlich ende
 nemen müst/ wie dan bescheen. Dan vnlang darnach hat der künig Lysimach-
 us sein eltesten sun Agatoclem/ den er doch vorhin zu ainem nachkommenden
 künig verordnet/ auch all sein glücklich streit durch in volpracht/ mit als eyn
 vatter bedacht/ sonder vber allen menschlichen haß geneydet/ das er in durch
 des stieffmutter Asyrice mit giffit tödten ließ. Dis ist der erst anfang gewest
 seins künfftigen vnfalls. Wan nach disem mord hat auch genolgt/ der andern
 lanthern vnd hauptleuten todschleg/ Darumb dass inen leid gewesen ist/ des
 vnschuldigen jünglings mord. Deshalben fielen die vbrigen hauptleut/ seins
 höres mit hauffen dem künig Seleuco zu/ vnd bewegten ihn/ den künig Ly-
 simachum zu vberziehen. Dis ist der lestt streit gewesen vnder den fürstenn
 vnd hauptleuten des grossen Alexanders/ vnd als ob der vō glück so lang ge-
 spart wer/ auf dise zwē gleichmechtige künig zu komē. Der künig Lysimachus
 woz lxxiij. vñ der künig Seleucus lxxviij. jar alt/ darzu warn sy beyd in disem
 alter eins jungen hizigen gemüts/ vnd einer vnersetlichen begird zu herschē/
 Wann

Das XVII Buch

Wann wie wol sy zwen gar nach das ganz erdtrich innhielten/so was yhnen doch nit anders/dann wie sy eng eingesperrt weren/vnnd sagten das end ires lebens nit nach vile der jaren/sonder in ausspraittung vnd weytterung yhrer künigreichen. Inn dysen krieg hat der künig Lysimachus zuuor verloren xv. sin in mancherley weg/vnd er mit sein selbs tod seins hauf vnfsals gemeret. Diser vberwyndung hat sich der künig Seleucus größlich vberhebt / vnnd so vil mer/das er vonn den Fürsten des grossen Alexanders allein verhanden were/dadurch ein einiger vberwynder aller andern vberwynder/vñ acht diß kein menschlich werck sonder gnad vnnd gab von Gott sein/dabey gedacht er wenig das im desgleichen auch begegnen möcht/ Vnd begab sich nemlich ynnerthalb sibem monaten den nechsten/das er vō dem künig Ptolemeo mit dem zunamen Philadelphus genant (des Schwester dan der künig Lysimachus zu einer gemaheln gehebt) mit lystn hindergangen vnd erschlagen warde/vnd verlor also sein leben mit sampt dem Macedonischen künigreich. Als nu diser künig Ptolemeus Philadelphus/zū einer gedechtnis seins vaters Ptolemeus Lagi genant/auch vmb das er seinen schwager künig Lysimachus gerochen/vnd den künig Seleucus erschlagen/hat er vom gmeinen volck vil gunsts vñ willens erlangt/der er sich nit wenig vberhebt/Vnnd hat zum ersten im zūgesellet/die sin vnd kinder/so sein schwager Lysimachus bey seyner schwestern gehebt/Vñ auch damit der selbigen mütter sein eigne Schwester zū einem weyb genommen/vnd jr zūgesagt/das er ire kinder nit anders halten wölle / dann als ob sye vonn seinem leib erporen weren/inn dem er an ihr statt das künigreich Macedonien in gehalten. Deshalb vnd vmb vererung willen der mütter gerhorsten sich die jungen nit wider iren vater vnd vettern setzen. Darauf schickt diser künig Ptolemeus inn Egypten zū seinem brüder/huld vñ freunt/schafft bey im zū suchen/gegen dem selbigen bekant er sich frey/das ers ihm alles nachlassen vnd verzeihen wolt/das er ihm das künigreich Egypten abgetrungen / das er in ewigkeit nymer an in begeren/ vñ wolt sich gnügen lassen das er von irem väterlichen feind/ein künigreich erobert vnd bekommen. Er hat auch mit grossen lystn liebkoset Lūmeni vnnd Antigono den sūnen/des Königs Demetrii / Desgleichen Antiocho dem sin Seleuci obgenant / mit denen er krieg haben müß/auff das er nit auch den dritten seynd vberkeme. Auch ist des künigs Pyrrhus in Epyro nit vergessen. Wann er wyß wol wellichem teyl der selbig zūfallen/der wyrd on zweyffel obligen. Der begeret sye aber alle zūforteylen/darumb erpot er sich irem yedem hilff vnd beystand zūthund. Deshalb vnd die weil in der zeit die von Tarent/widder dye Römer vmb hilff angesucht / da hat er vonn dem vorgenanten Antigono schiff begeret/sein heer darinn zū füren. Item vom künig Antiocho begert er gelt dē kriegsleütten zū solde/dann der selb was reicher angelt/dann an kriegsleütten So dann vom künig Ptolemeo Philadelpho/begert er ihm die Macedonischen kriegsleüt zū hilffe zū schicken. Die weil aber der künig Ptolemeus seines volcks nit gern zū lang mangelt / da hat er im doch zū geschickt fünfftausent zū füs/vnd vier tausent zū ros/darzū fünffzig Helffant/vnd die nit lenger bewilligt zūgebrauchē dan zway jar. Deshalb hat der künig Pyrrhus des künigs Ptolemeus tochter zū einer gemahel genommen / vnd die in seynem

reich

reich zu einem schirm gelassen. Dieweil jetzund des künigreichs Epyro gedacht wirt / so will ich ein wenig von desselben versprung sagen. In der selben Lantschafft Epyro ist zum ersten der Molosser künigreich gewest. Als aber Pyrrhus der sun Achylles inn dem Troianer krieg seines abwesens / sein vaterlich land verloren / hat er sich in diser gegene nider gelassen / darumb seint sy in dem land erstlich Pyrrider / demnach Epyrother genant worden. Als dyser künig Pyrrhus in dem tempel Jupiters Dodone rats zu pflegen komen ist / oder im warsagen zülaffen / da hat er darauff hinweg mit im gefürt Anassam die Nyffel Hercules / Von dern vberkam er acht kinder / vnder denē waren etliche dochter / die er den nächst gelegenen künigen vermähelt / mit deren hilff er grosse reichthumb versamlet. Vnnd hat darauff Heleno des künig Priamus sun / Andromacham des Hectoris gmahel / die er im selbs in teilung des raubs vor Troya zu einer gemaheln erwelt gehept / sampt dem künigreich Chaonum frey vbergeben. Vnlang darnach ward er durch Orestes im tempel zu Delphos vnspracht / vnd volgt im in der regierung Piales sein sun. Demnach ist das künigreich von ein auff den andern vnz an den künig Arybam komen / dieweil der noch ganz ein kind / vnnd von disem küniglichen geschlecht geporn / ist er mit grosser hüt auffgezogen / darzü gen Athen zur lere geschickt worden. Vnd so vil der gelehrter gewesen ist dan seine vordern / so vil mer ist er seinem volck annütiger worden. Deshalben ist er der erst gewest / der in seinem land statuten vnd gesatz gemacht / auch in regierung des gemeynen nutz / radt vnd jährlich meisterschafft sagt. Vnd wie dis volck von Pyrrhoden namen / also hat das vom künig Aryba ein ordelich wesen vberkomen. Diser sun hat Neoptolemus geheissen / Von dem ward geporn Olympias die mütter des grossen Alexanders. Vnd der künig Alexander der nach im regiert vnd in Italien krieg fürt / darinn er dan auch sein end nam. Nach seinem tod nam sein brüder Lacides das regiment an / der hat stets wider die Macedoner kriegt / darumb er von seinem lantuolck inn das ellend versagt / vnnd verlief den jetzigen künig Pyrrhum / damaln zweyer jar alt im land. Dieweil aber der von haf wegen des volcks den sy gegen seinem vater gehept / zu tödtē begert / ist er heimlich inn Illyrien verschickt / vnd der künigin Beroe des künigs Glauci gemahel zu erziehen vberantwort. Dan die selbig was auch geporn von dē geschlecht Lacidarū. Daselbs hat in der künig wider den vor genanten künig Cassander / der in mit trowung des kriegs erfordert / lang zeyt auß erpermß beschirmt / vnd darzü auch an eins kinds statt angenommen.

4039

Dadurch seint die Epyroter bewegt / das sy sich des jungen auch er

barmt / vnd in inn seinem 11. jar wider in sein künigreich erfordert / vnd im pfleger gesetzt / vnz er zu manlichem alter kam

Demnach hat er noch ganz jung vil krieg geheptt /

Daher sieng man an / dermaß von im zu halten / das er allein der were / der die

Tarentiner wider die Römer beschirmen

möcht.

L

Das viij

Das XVIII büch

Wie die Römer von dem König Pyrrho vberwunden/vnd wie er darnach in Sicilien zoch.



Darumb als der König Pyrrhus zum andern mal mit dern von Tarent botschafft angeflucht darzü von den Samnitem vnd Lucanern auch gepetten ward/inen wider die Römer beystand zethun/vnnd er das durch ein hoffnung vberkam/das gang Italiaer land zu erobern/da sagt er inen zu mit eym mechtigen heer zukömen. Da er nun seyn gemüt darauff gesetzt/hat er alle ding eylends zugerüst/auff das er nit mynder geacht wurd/dan seins vaters brüder der künig Alexander/der die vorgemelten Tarenter wider die Brutier beschirmt/oder das er auch nit eins myndern gemüts sein geacht wurd/dan sein vetter der groß Alexander gewesen / 8 mit seinem heer weitt in Orient gezogen were/Darumb lief er Ptolemeum seyn eltesten sun / der auff xv. jar alt was zu beschirmung des lands daheim / vnd nam er zu ein trost vnd ergeglichkeit seiner rayß/mit im sein zwen jüngern sun mit namen Alexander vnd Helenus genant/für also mit seinem heer darvon/vnz an das port zu Tarent. Als aber der Römisch Burgermeyster/mit namē Valerius Leuius sein zukünfft vernomien/hat er geeylet vorhin/vnd ee dan im sein gesellen zu hilff kamen/mit im zu streyten/Darumb hat er in dem künig Pyrrho sein hör vnd augen gestelt/darauff sich der künig auch nit saumpft zestreitten/wiewol er minder volcks hat dann die Römer. Aber die Römer wiewol sy im anfang obgelegen/sind sy doch von den Helffanten (dern sy nit gewont hetten)dermaß erschrocken/das sy hinder sich gewychen / vnd haben also die Macedoner die vberwynder/mit yren selzamen thiern vberwundē/Doch

Doch ist inen der sig mit groÿsem irem schaden vnd plüt vergiessen zů gestanden. Wan der künig ist selbs vast schedlich wund worden / auch ein groÿ teyl seins volcks erschlagen / Darumb hat er von disem sig mer lob vnd ere / dann freud empfangen. Nach disem streit haben sich vil stet an den künig Pyrrhū ergeben / vnd vnder andern auch die Locrenser / die verrieten der Römer zůsatz vnd hütter / vnd ergaben sich an den künig Pyrrhum. Auf der peutt vnd gefangnen / hat der künig Pyrrhus zweyhundert Römer frey ledig gelassen / das die Römer nach erkantnis seiner theuren manheit / auch seiner freyen militigkeit wissen haben möchten. Nach verlauffung etlicher tagen / als im vonn denen die seiner parthey waren mer hilff zů geschickt / ist abermaln mitt den Römern gestriten / vnnd stünde das glück abermaln auff seiner seitten. Dazwischen ist der Carthaginenser hauptman mit namen Mago mit cxx. schiffen den Römern zů hilff komen / Der drat zů Rom für den Senat / vnd sagt wie die von Carthago verdrossen het / das von einem außlendigen frembden künig in Italien wider die Römer solt gekriegt werden / Darum wer er außgeschickt / dieweil sy von einem frembden künig angegriffen wurden / so wer auch nit vnvillich / das inen von einem frembden volck hilff vnd beystand gethan wurd. Darauff hat der radt den von Carthago danck gesagt / vnd also fr zů geschickt hilff vngepraucht wider heim faren lassen. Aber vnlang darnach / so hat sich der vorgeant hauptman Mago nach seiner listigen art / zů dem künig Pyrrho gefügt / an im zů erkunden / ob er willens wer sich in Sicilien zethünd / dan man sagt / das d künig darein zů komen erfordert wordē sein solt / vnnd hetrenn die von Carthago den Römern darum am meysten hilff zů geschickt / das der künig Pyrrhus dest ee in Italien auffgehalten / vn destminder in Sicilien komen möcht. Dieweil dise ding verhandelt / sint die Römer zů radt worden / vnd haben Fabritium Luscium zů dem künig Pyrrho geschickt / mit im anstand vnd fryden zů machen. Den selbigen friden zů Bestetigē / hat der künig Pyrrhus Cyneas sein Orator gen Rom geschickt mit vast grossen gaben. Der fand aber zů Rom gang niemants / der solliche gaben annehmen wolt. Dergleichen exempel ist zů diser zeit auch an einem andern end von den Römern volpracht / Wan die Römer haben ir botschaft auch zů dem künig Prolemao inn Egypten geschickt / der wolt den selbigen vast kostlich gaben geben / die sy doch nit annemen wolten. Demnach lūd sy der künig zů gast vnd vereret iren jeden mit einer guldin kron / die sy dem künig zů eren vnd gefallen empfangen / haben aber die am nachgenden tag des künigs bildnus vnseulen auffgesetzt. Deshalben so hat der vorgeant des künigs Pyrrhus Orator seinem herin zů antwort pracht / wie der frid zwischen im vn den Römern durch den radtsherin Apium claudium verhindert were. Wie in nu der künig Pyrrhus fragt / was vnd wie Rom ein statt were / Antwort im sein legat Es were seins bedunckens ein künigliche statt. Nach disen dingen seind die botschafften auß Sicilien komen / vnd haben dem künig Pyrrho das gantz Sicilien vbergeben / wan sy waren mit sterem krieg von der statt Carthago bekümmert. Also lieÿ künig Pyrrhus seinen sun Alexander inn der stat Locris vnd bewart seyner parthey stet mit einem starcken zůsatz / schiff darnach mit dem vbrigen hōr inn Sicilien.

Das XVIII büch Justini
Von der statt Carthago/wann vnd
von wem die erpawen ist.



Jeweil man yetzud an die stat Cartha
go kommen/ist billich etwas von irem vrsprung zûsagen / darinn
man der Tyrier sachen auch bedencken/vnd mit irem vnnfal eyn
mitleyden haben muß. Der Tyrier volck ist von den Phenitiern
herkommen / die wurden mit dem erdbydem auß irem land vertriben/vnnd
seindt zum ersten auff dem Assyrier see/vnnd gleich darnach auff dem staden
des moÿs bliben. Darauff haben sy die Phenitier ein statt gebawen / vnd dye
von vberflüssigkeit wegen der vrsch/Sydon genant / Vnd sind nach vil jaren
von dem König Ascaloniorum vertriben/vnd gen Tyron komien/dahyn ha
ben sy die statt Tyron gepawen/in dem jar vor dem Troianer krieg/Daselbs
seind sy mit den Persier kriegem/inn mangerley weg beschwert / vnd doch all
zeit syghafft worden. Aber nit wenigens zû sollicher armüt kommen /das sye
von iren vnderthanen vnd knechten dern vil waren vil schmach vnnd kummer
leyden müsten. Die rotteten sich zûsamen / vnd erschlügen alles frey burger
lich volck sampt den herein/damit namen sy die statt ein/vnd besaßen irer her
ren heüßer/ Sy vnderwunden sich des gemainen nutz vnd regiments/vñ na
men ihrer herren weyber. Vnd wie wol sye nicht frey noch burger waren/so
machten sye doch freye kinder. Vnder souil tausent knechten/was nicht mehr
dann eyner alleyn/der seynes alten Herren vnnd desselbigen suns verschonet
vnd sich vber sy erparmit/das er sy verparg/als ob er sy auch zû tod geschlagē
het/

3921. Ge
bawen.
6727. vom
erdbydem
wider ver
fallen
Anno. 1128

het. Da sich nu darnach dise knecht entschlossen/einē künig vnd inē selbs zū erwelen/Vemlich den/der zum ersten die son̄ sehe/wan̄ sy am morgen auffgieng Dis pracht der from̄ knecht seinem herin Strato genant für/Der gab im ein sollichen radt/so sy alle zū mitternacht zusamen auff den plāz kāmen/vnd die andern alle gegen auffgang der sonnen sehen/so solt er sich gegen nidergann̄g der sonnen wenden. Als er nu sollichs gethan/hat in meniglich verspottet/das er der sonnen auffgang an dem end sūchē wolt/da die vndergan solt. In dem der tag anfieng daher prechen/vnd all meniglich gegen der sonnen auffgang sahe/Da sahe aber diser knecht an den aller obristen knöpfen der thürn die sonn zum ersten erglasten/das er aller menge anzeigt. Die glaubten nit dz er sollichs auf im selbs ersinnet het/Darumb fragten sy in/wer in des vnder wisen/Da bekent er/das sein herin noch lept/der in des bericht. In dē verstānden sy wol/das die knecht nit als weiß sein mochten als die herin. Deshalben ließen sy vorgnanten herin Strato vnd seinen sun bey leben pleybē/vn̄ machten den zū irem künig. Nach desselben abgang ist das künigreich an seinen sun vnd des kunds kinder gefallen. Dis ist ein namhaftig vbel that von den knechten gewesen/wellichs auff dem ganzen ertrich vnd inn aller welt zū scheuen vnn̄d zū fürchten ist. Darumb als der grof Alexander/inn Orient gekriegt/da hat er als ein recher aller gemeinen sicherheit vnd fridens/die stat Tyron gewonnen/vnd alle die am sturmē vberbliben/seint zū einer gedechnus vnd rach der alten todschlege an creuz geschlagen/vnd ertödtet/vnd allein die vō geschlecht Stratonis vngeschediget plyben/denend das künigreich eingebenn ward/Vnd die auff dem land vnschuldig waren/mit denenn besazt man die stat von newen dingen. Der gestalt seind die Tyrier vom grossen Alexander auff ein news auffgericht/vnd in kurzem mit irem fleiß vnd arbeit vast reich worden. Vnd dieweil sy vor dem mord/das sye an iren herin begiengē an leut vnd gūt vast reich vnd mechtig gewesen/seindt etlich iūngling in Affrica geschickt/vnd darin̄ die statt Uticam barwen lassen. Dazwischen starb ir künig vnd verlief ein sun mit namen Pygmaleon/vnd ein tochter Elyssa gnant/wz vberaus ein schöne iunckfraw/vnd nam das volck den jungen künig Pigmaleon zū einem künig an/So vermähelt sich Elyssa/irrer mütter brüder Sicheo dem Priester Herculis/der nach dem künig der ehrlichst vnn̄d würdigest/was darzū vast reych vnd mechtig/wiewol heimlich/Darumb er außforcht des künigs/sein gold nit ihm hauf behielt/verbarg das vnn̄der das erdtrich. Vnn̄d wiewol kein mensch daruonn gewist/so hatt doch das gemein geschreye des anzeig geben/Darnach sehnet sich der künig Pygmaleon so gar/das er weder vettertschaft noch schwagerschaft schonet/vnn̄d yhn on alle expermbde tödten ließ. Darumb yhn sein Schwester Elyssa lange zeyt gehasset/stelt doch zū lest den vnwilligen im ab/vnd thet der gleichen/als ob sy der sach ganz vergessen/vnn̄d hat doch nicht we nigers heimlich nach der flucht getrachtet. Damit hat sye etliche fürsten an sich gehenc̄t/die sy wüß dem künig yhrem brüder abhold zusein/die sich auch gern mit der flucht hinweggefügt/Darauff vberredt sy den künig auch mit lystē/vnn̄d sagt/sye wolt gern zū im ziehen/vnd bey im wo-

Das XVIII Buch

nen/auff das sy inn ires gemahels hauf mit alltag jr leyd sehen vnnnd bedencken müß. Dise wort hat der künig mit freuden gehört/vnnnd maint der schatz Sichey/wurd jm mit jr auch zů kommen. Aber die vorgebant Elyssa/dye benach des künigs dienern/die er nach jr sendet/sye zů jm zů führen/das sy etlich fässer/die sy heimlich mit sande gefüllet/vnd in die schiff gethan/in das hoch mör weyt vom land zů führen/vnd in das mör zů versencken/inn angesicht aller andern/die bey jr waren/vnd nit anders mainten/dann dyse fässer weren voller golds vnd gelts/Darzü sieng sy an zů weynen/vnd sich fast vbel zůgeheßen/vnnnd batt also offentlich / das Sicheus jr gemahel/dise sein eigne reich tumb (die er verlassen het) mit willen annemen wolt/die weil jm solliches ein vrsach gewesen seins tods. Demnach wendet sy sich zů ires brüders dienern/vnd sagt/Jr selbs wurd der tod begegnen/des sy langst begert/aber jnen allen groß straff/peyn vnd marter/das sy alle schatz vnnnd reichthumb ires gemahels Sichei/in das mör versenckt hetten/vonn deswegen der künig sollich mord an ihm begangen/darumb hetten sy dem Tyrannen an seyner geyttigkheyt verhinderung than. Mit disen Worten hat sy die alle dermaß erschreckt/das sy mit güttem willen mit jr gefaren seind/ wohin sy gewölt hat. In der selbigen nacht/kamen auch vil reycher rät des künigs zů jr/die sich vorhin darzü gerüst hetten. Damit seyndt sye dem tempel Hercules zů gefaren/des priester vnd Bischoff dann jr gemahel Sicheus gewesen. Da dannen kamen sye zum erstenn/inn Cypren/daselbs erpote sich der priester Jupiters sampt seinem gemahel/durch anzeig der Götter mit jnen zů faren/vnd ires glücks zů gniessen. Deshalb ward jm vnd seinen nachkommenden das ampt zůgesagt. Die in Cipren hetten die zeit eingewonheit/das jr sunckfrawen vor der vermehelung/jr eestur mit jm selbs leyb gewynnen müßten/Darumb schickten sy die an das port des möres/das sy von nachgeender keuscheit wegen der göttin Venus zů eeren/sich prauchen ließen. Der selbigen sunckfrawen ließ dye vorgebant Elyssa. lxxx. fahen/vñ in ire schiff setzen/das die jüngling weyber vnd von jnen kinder vberkommen möchten. Da nu der künig Pygmaleon dis erfaren/das seyn Schwester also flüchtig hinwege kommen/ist er willens gewesen jr nach zů eylen/des er doch mit seiner mütter bet gewendet wordē. Damit kam die vorgebant Elyssa in Affrica/daselbs freweten sich die Landtleüt der frembden gest/von wegen der selzamen kauffmanschafft/die sye jnen an jr war verteüshten. Darumb namen sy die zů irer freündtschafft auff. Darnach kaufft die vorgebant seaw Elyssa/odder Dido ein plaz/den sy mit einer ochsenhaut vberziehen/das jr volck vnd gesynde darauf rüwen möcht vnz sy widerumb hinweg führen. Die selbig haut schnitt sy in die aller kleynste riemlin/damit vberzoch sy gar vil ein weyttern plaz dann man gedacht het. Dis ort nennet man Byssa. Darnach kamen die nechsten nachpaur/vnnnd dern vil vmb gewynns willen auch dahin/vnnnd ward damit gleych eyn statt darauf. Inn dem kamen dye von der statt Utica/auch mit gabenn zů yhnen/vnnnd vereerten sye/als yhr gesypten vnnnd freünde/vnnnd ermaneten sye an dem ende eyn statt zů bawen/dahynn sye sich zum erstenn gelägeret hetten. Auch hetten die andern Affricaner ein lust die frembden bey jnen zů behaltē.

In

In dem nu menigklich darein bewilligt / hat sy ein statt dahin gebawen / vnd die Carthago genant / vnd begab sich ein jährlicher zins vom platz zu gebenn. Im ersten Psulment ward ein kopff funden / das bedeytet wie diß erdtrych fruchtbar / aber die statt dienlich sein ward. Darumb ist die an ein ander ort gesetzt / Vñ in selben psulment ein roßkopff funden. Das gab anzeig / das diß stat volck streitbar vnd mechtig werden solt. Vñ dieweylein grosser zulauf / ward die stat in kürz fast groß vñ mechtig. Auf diß hat der künig Hiarcas 8 Moeren künig / zehen der obersten herin zu Carthago zu im beschriben / vñ die vorgemelt se Fürstin vnd künigin Elyssa oder Dido genant / im selbst zu einer gemaheln begert. Wo sy das nit thün / wolt er sy mit einem heer vberziehen. Diß gedorsten die Legaten der künigin nit anzeygen / vnd geprauchten dysen list vnd sagten / Der Moeren künig begert yemandt auß inen / der in vnnd sein volck besser siten leret / dan sy vnz her gehebt hetten. Sy mocht aber von in freunden niemants fynden / der sich vnder das wild vñ vngesempt volck wagen wolt / Darumb wurden sy von der künigin gestrafft / das in keiner vns seins vatterlands nuz willen / sich der arbeit vnderwynden / Wiewol sy doch selbst se leben (so es die sache erfordert) für das vatterland strecken wolt. Auff das entdeckten sy se erst des künigs beuelch vnnd sagten / dz se sollich gepürt zethün / das sy inen zethün beuolhen / wo ihr nuz gefiel das se statt auffrecht bleiben solt. Als die künigin mit disen listen hindergangen / da ward sy kleglich vnd hefftig weinen / mit stäter anruffung vnd benennung irs manß Sychei / Je zu lest sagt sy zu / das sy dahin kommen wolt / dahin sy der statt vnd se glück berufft / vnd begert nit lenger freistung. Darumb ließ sy auff dem platze inn der statt ein groß feur machen / als ob sy frem abgestorbenen gemahel sein iartag begeen wolt / ee dann sy sich einem andern vermähelt / volbracht se opffer. Damit nam sy ein schwerdt inn se hand / vnd wendet sich gegen dem volcke / vnd sagt / Also wolt sy zu frem gemahel / In dem erstach sy sich selbst / vnd nam se end / ward also nach frem tod für ein göttin geeret / all dieweyle die stat Carthago vnüßwunden bleib. Dise statt ist gebawen worden lxxij. Jar ehe dann Rom gepauwen ward / Vnd gleicherweyß / wie sy inn kriegshendelenn vast namhaft gewesen / also hatt sy auch daheim vnder den bürgern vyl empörung vnnd aufrüren gehept. Vnd als die statt vnder andern vnfall auch ein greüßlich pestilenz gelitenn / habenn sy ein menschlichs plätt vergiessen zu ayner arznei gepraucht. Wan sye opffereten die menschen für thier auff / Nemlich die jungen kind (vber die sich doch auch die feind erparmen) die tödten sy auf den altern / vnd wolten damit der göter zorn versünen / mit der vnschuldigen plüt vergießung / für die man doch sunst gewonlich pflegt zu bitten. Dieweyle sy nu von des vnmenschlichen lasters wegen / lág zeit vnglücklich in Sicilié gekriegt / da haben sy den krieg in Sardinien gericht / Daselbs sint sy vberwunden / vñ habenn den merern teil irs hörs verlor. Deshalb haben sy iren hauptman Macheum (der inen doch inn Sicilien vil stett gewonnen / auch inn Affrica grosse sachen volbracht) sampt dem heer das vberbliben ist / in das ellend verschickt / Das sy hart verdrossen / haben darumb zum ersten se Botschafft gen Carthago geschickt / vnd den heymzug be-

Das XVIII Buch

gert/vnd das man inen verzeihen solt/wo sy das von irer betwegen nit thün wolten sy das mit dem schwert zü wegen pungen. Da man nu yr bottschafft werbung veracht/haben sy sich zü schiff gesetzt/vñ den nechsten der statt Carthago zü gefaren/daselbs haben sy sich gegen Got vnd den menschen bezeugt das sye nit kämen ir vatterland zü zerstören/sonder das wydder zü erlangen/vnd wolten damit iren mitburgern zü versteen geben/das inen im vergangnem krieg allein glück vñnd kein mannheyt geprosten hett. Deshalben belegerten sy die stat/vnd lieffen inen kein speiß zügehen/prachten sye damit inn groß angst vnd not. Dazwyschen kam Carthalus der sun des Hauptmans Machei wider heim/den heten sy mit dem zehenden des raubs vnd peüt/den der hauptman Macheus inn Sicilien gewonnen / inn den tempel Herculis gen Tyron geschickt. Als ihn nu der vatter sein Hauptman berüfft zü ihm zü komme/Darauff antwort im der sun,das er vorhin der stat gemein geschafft aufrichten müste. Vñnd wie wol der vater ein verdruß darann hebebt / hatt er doch den sun an dem geystlichen werck nit verhindern wöllē. Nach verlaufung der zeit/kam der selbig Bischoff mit seiner Insel vnd purperkleide ins leger. Da nam in sein vater auff ein ort/vnd sprach zü im /Wye gedarffest du mit seyden bekleydt vnder souil vertrybne burger kommen / die doch alle mit leyd vnd vnmut beladen seind: Hast du dein pracht an keinem andern ort erzeigen mügen/dann das du vor deynem vertribnen vatter zü merung seynes laids dich also erzeigen müst: Was ist es/das du kurz hienor (als ich dein vater dich berüfft) nit allein mich/als ein vater/sonder auch als ein öbristē hauptman deiner burger so vbermütigklich verachtest: Was zeigt dein seiden kleydung anders an/dann allein die tittel meiner sig: Vñnd die weil du an deinem vater nichts anderst sichst /dann den namen eines vertribnen hauptmans / so will ich mich an dir mer ein gepietter vnd hauptman/dann einen vater erzeigen/vñ dich zü einem exempel setzen/das hienach keiner mer (wie du) sein vater in armut vnd trübsal verachten sol. Damit hat er den sun gegen der statt wertz an ein hoch creüz schlagen lassen. Nach kurzen tagen gewan er dye stat Carthago/daryñ berüfft er das gemein volck/vnd er klagt sich seins vnschuldigen ellends/vnd das er zü disem krieg getrungen/Darauff strafft er die vrsacher diser handlung (die im zäuerachtung seiner sig begegnet) vnd sagt/das er den vbrigen allen verzeihen wölt. Nach dem er zehen radsherren zum tod richten lassen/hat er die stat inn ein recht regiment verordnet. Vnlang darnach ward er verklagt/dz er die herschafft gern allein an sich gezogen het/Darumb ward er zum tod gericht/vnd damit auch an seins suns tod gerochen. Disem volgt in der hauptmanschafft nach/der hauptman Mago/von desselbigen weisheit vñ manheit wegen/namen die von Carthago größlich zü an eer/reichthumb/macht/vnd landen.

Das xix.

Was dern vonn Carthago

haupteleit inn Sicilien ge-
handlet.

Als der vorgeant Hauptman Ma-
gus vnder anndern zum ersten mit rechter Ritterlichen
zuchte vnnnd kriegsordnung/der von Carthago reych sun-
diert/vnnnd die macht der statt nicht minder mit der kunst
vnd erfahrung der kriegshendlen/dann mit theurer manns-
heit beuestiget/hatt er seyn ende genommen/vnnnd zween sin hinder yhm
verlassen/mit namenn Asdrubal vnnnd Amilchar/die sich beyd dem vatter
vergleichenn yhn allem thun vnnnd lassen. Vnder disen zweyenn hauptleu-
ten haben sy die Sardinier vberzogen/deglichen die Affricaner/die vonn
vil jaren her den bodenzins von der statt Carthago vorderten. Darum vnd
dieweyl jr sach die gerechter was/da gesigten sy/vnd ist der krieg mit zalung
des zins geendet. Asdrubal vorgeant ward ihn Sardinien tod wund/dar-
umß vbergab er seinen gwalt Amilchar seine brüder/vñ starb er der wundē.
Diser Asdrubal was namhafft vñ zum 11. mal öbrister meister gewesen/vnd
hat vier Tryumph gehept. Von seins tods wegen erkeecten die feind wider/
als ob dern vñ Carthago macht mit sampt dem hauptman vñspracht were/
Darauff

Das XIX Buch

Darauff seind die Sicilier/die von den von Carthago beschwert waren / an Leonida der Spartaner künig brüder komen/vnd den vmb hilff angesücht/ Darumb ein treflicher krieg zwyschen ihnen entstände/darinn man lang mit wandelparem glück vnd sig gestritten. Diweil dise ding geschehen/seind die Legaten vom Persier künig 2 ario zu den von Carthago komen/vnd brachten ihnen offen mandaten/darinn ihnen verpotten ward / das sy fürbas keyn lebendig leut mer opfferten/auch kein hundes fleisch mer ässen/Darzu die totē cörper verprenten / vnd nit mer vergraben/dabey auch dem künig hilff wyß die Griechen zuschicken solten. Die begert hilff schlugen die vñ Carthago ab/dann sye waren selbs mit kriegē vberladen gegen iren nachpawren. Damit sy aber nit in allen dingen vngheorsam gespürt wurden/namen sy die vbrige stück mit willen an. Da zwischen ward der hauptman Amilchar obgenant in dem Sicilier krieg erschlagē/ Der verließ drey sūn/ mit namē Amylcon/ Hannon/vnd Gysgon. Sein brüder Asdrubal verließ auch souil sūn/mit namen Hannibal/Asdrubal vnd Sapho. Durch die yezgenanten verthern wurden der von Carthago sachē der zeit regiert. Sy haben wider die Moiren gekrieger/vnd die Numidier bestritten/Auch wurden dye Affricaner bezwungen / das sy sich des boden zins von der statt Carthago verzeihen müßten. Als nun diser beyder obgenanten hauptleüt geschlecht vñ stamen der stat ein schwere püßd vñ last war (wan sy richtē all ding nach irem gefallen auß) deshalb wurden auß den radsherren hundert richter erwelet/denen die hauptleüt (so die wider heim kämen) von iren verhandelten sachen wegen rechnung vñnd antwort geben solten/vmb willē/das sy ir hauptmanschaft dermaß aufrichtē wie sy das daheim verantworten möchten. Demnach ist in Sicilien zu einem hauptman gesetzt Amilcon. Nach dem der zu schiff vnd land vil glücklich er streit volpracht/hat sein hör ein hefftig pestilentz ankommen/dauon er gar nahe das gantz heer verloren. Als man dise mer gen Carthago pracht/warde all menigklich so trawrig/das man nichts anders hort/dann klagen vnd weynen/nit anders/dann als ob dye statt ganz verlorn were. Man schloß all tempel vnd heüßer zu/vnd ließ all fast vnd opffertag ersygen/sampt allen andern gewerben vnd handtierungen/vnd versamlet sich demnach menigklich an gestadten des möis. Daselbs giengen ihren gantz wenig auß den schiffen herfür/die dem sterbenn vberpßiben/die fragten sy nach iren freunden. Da sye nu erst recht erfüren/das die iren gestorben(darinn sye doch vor ein zweyffel gehabt) haben sy sich noch vil mer dann vor vbel vnd kleglich gehabt/die mütter ire kinder mit grossen weinen beklagtē. Vnder den dingen ist der vnglückhafte hauptman Amilcon auß seinem schiff auch erfür komen/in eynem schlechten vnlustigen kleyde/zü dem ist der ganz hauffe der klagenden gelauffen / Der hūb seyne hend gegenn himel auff/vñnd beweynt mit grosser klage seyn aygen vnfal. Darnach der gangen gemeind trüßsal/vnd schuldiget die gōter vorab/das sy im in dem kriege so grossen syg vnd eerlich gethaten verlybē/vñnd yhm das eins mals entzuckt hetten/das sy sein vnüberwintlichs heere/das auff dem wasser vnd ertrich so vil stett/land vnd leut vberwunden/nit mit dem streit/sonder mit der gifftigen Pestilentz vñmpracht hetten. Jedoch so precht

so precht er seinen mitburgern nit ein kleinen trost mit jm/das sich ire feind in
 disem frem vnfal wol frewen/aber dauon weder lob noch ere haben möchten
 Dañ sy konten nit sagen/dz die abgestorbenen von jnen erschlagen/noch die le
 benden in die flucht gesagt weren/So wer auch der raub vñ das güt (das sy
 im leger gelassen) nit so vil/das sy damit einich vberwindung beweisen mēch
 ten/Dañ sy hetten die lār fundenn/aufgenommen die todten kōrpel/so vil die
 feind gerürt/weren sy als vberwinder abzogen/ Der pestilenz halße wern sy
 aber gar nahe gangz zū grund gangen. Doch wer ihm nichts beschwerlichers
 angelegen/dañ das er vnder den aller theuresten mannen nit auch gestor
 ben. Er wer aber nit zū wolust des lebens/sonder zū einem gespōt sei
 nes vnfalls vberbliben. Wie er nun die wenig arbeit seligen helfft
 seins hōrs gen Carthago prācht/vnd er jnen nachgeuolgt/so
 het er doch im willen anzūzeigen/das er nit darumb vntz
 auff disen tag/dem vatterland zū fromen gelept het
 Das er für sich selbs lenger zū leben begert/sonn
 der das er die jhenen/so der pestilenz vberbli
 ben weren/nit mit seinem tod den seinne
 den verriet vnd vberliefert. Mit di
 sen Worten ist er in die statt gan
 gen/vnd als er für sein eigen
 hauß kam/vnd in menig
 klich dahin beleitret/
 hat er jnen vrlöb ge
 ben/sein hauß zū
 geschlossen/da
 rñ auch we
 der weib
 noch kin
 der
 zū im gelassen/vñnd im
 also selbs den tod
 angethan.

Das xx.

Das XX Buch Justini
Von dem Künig Dionysio in Sicilien
vnnnd Pythagora.



Nach dem als der Künig Dionysius in Sicilien/die von Carthago auß Sicilien vertriben/vnd die ganz Insel vberkommen/hat er gedacht ihm nit nuzlich zu sein/wo er mit seinem kriegsvolck still ligen wurd. Des halb schiffet er in Italien/sy in vbung gehalten/vnd sein künigreich zu bessern. Den ersten zug thet er wider die Griechen/dye das nechst meer gestadten gegen Italien innhielten. Da er die selbigen vberwundē/hat er ye die nechsten angriffen/vnnnd alle Griechen die an Italien lagen für seyne feynde gehalten. Wölliche dann nit allein ein theyl in Italien / sonder zu den selben zeitten gar nach das gang Italien ynnhielten vnd besassen. Auch seynd nach souil verschyner zeit/vil stett in Italien die von den Griechen ein anzeig geben. Wann das volck in Thuscia/die das port des vndern meers besyzen/seind auß Lydien herkommen/Vnd die Venediger die am obern meer wonend seind nach verliering der stat Troia mit irem hauptman Athenor dahin kōmen. Item Adria die dem Illyrischen meer am nechsten ligt/die dem Adriatischen meer den namen geben/hat von den Griechen iren vrsprung. Dye statt Harpos/hat der fürst Diomedes gebawē/als er nach der zerstörung Troia/an dem ende veryrret was. Item die statt Pisa in Liguria gelegen/hat auch Griechische stifter gehebt. Item inn Thuscia seindt die Tarquiner von den Thessalern vnd Spinambern herkommen. Item die Perusiner haben iren vrsprung von den auß Achadia. Was sag ich von der statt Cere ⁊ vnd dem Latynischen volcke? Die von dem fürsten Enea ausspracht seindt / nit auch dye Falisci/

Salisci/Japigij/Volaner/Abelaner/der Chalcidenser burger: Was ist das
 gang Campanien: Wer seint die Brutier/Sabiner/die Samniter/die Ca-
 rentiner: Die all von den Lacedemonischen Griechen herkommen / vnd ledige
 genant worden. Der Chironer statt hat gebawen Philoctetes/daselbs wirt
 noch sein grab gesehen. Item die pfeil Herculis seint inn dem tempel Apollo/
 das ist den Trojanern ein anzeig irs vnfalls gewesen/zü Metaponton/in dem
 tempel Minervæ/da hiengen ir streitzug vnd ander werckzeug/damit Læ-
 us von dem sye gebawen / das Troianisch roß gemacht hat/daher dan die sel-
 be gegene das grösser Griechen land genennet wirt. Aber von anfang der altē
 Italier/da haben die Metapontiner/Sibaryer vnd Crotonienser/sich mit ein-
 ander vereint/vnd vnderstanden all Griechen auß Italien zü vertreiben.
 Wie sy nu zum ersten die statt Syrim erobert/da haben sy fünffzig jüngling
 die in den tempel Minervæ geflohen waren/ darzū auch den Priester inn sey-
 ner zierd zwischē dē altarn erstochē/Dieweil sy diser misthat halbē vil pestilēz
 vñ schēdlich auffleuff geliten / da haben zū erstē die Crotonienser ir botschafft
 gen Delphos geschickt/Denen ward zū antwort/das ir plag nit auffhören
 würd/vnz das sy ir misthat büßten an dem tempel Minervæ /der erschlagne
 seelen gnüg theten/Darumb richten sy den selben jünglingen erlich seulen vñ
 pyltnussen auff/vnd vorab der göttin Minervæ. Wie sy diß werck angefangē
 vnd die Metapontiner die antwort von Delphos auch verstanden/habenn
 sy ir seind gemeint zū fürkommen/darumb richten sy den vñprachten jünglin-
 gen kleine seulen auff/vnd versünnten sich mit der göttin mit gepachnem prot/
 damit hörē die Pestilenz an beiden endenn auff. Nach erlangter gesuntheit
 haben sich die von Croton nit lang gesaumt/wan sy verdroß dz die Locren-
 ser den vonn Syris beystand bewysenn/Deshalb griffen sy die selbigen heff-
 tig an/des sich die Locrenser vast besorgt/haben die vonn Sparta vmb hilff
 angeruffen/die sich der weiten reiß entschuldigt/vnd inen zū antwort geben/
 sy solten Castor vñnd Pollux yhre götter anruffen. Dife antwort haben
 der Locrenser botten nicht verschmächt/vñnd gyengen darauff yhnn den
 nächstenn Tempel/darinn gaben sy ihr opffer/vñnd rüßten die götter vmb
 hilff an/dieweyl sy verhofft/das sye yhr Begeren ernolet hetten/zugen das
 rauff mit freuden heym/vñnd rüßten den götten inn den schyffen sonder ge-
 mäch zū/als ob sy mit ihn führen. Da dyß die Crotonienser erfahren/haben
 sy ihr Botschafft auch gehn Delphos geschickt/vñnd daselbs vmb ein glück-
 lichenn syg gebetten / Denen warde zū antwort/das sy die seind vorhin mit
 verheißung irer gaben/vnd demnach erst mit dem schwert vberwynden mü-
 ßten,darauff versprochen sy dem gott Apollo den zehenden von der gewunnen
 pent zū geben. Als diß die Locrenser erfahren/haben sy den neunnden theil al-
 les gewonnenen raubs zū opffern/vnd das in geheym bey inen behaltē/das
 ire seind nit noch mer zū sagten. Da sy nu ir beyden hō:spiz gegen einander
 gericht/vnd die von Croton cxx. tausent man im hōre gehept / vnd dargegen
 die Locrenser iren kleinen hauffen beschawet/Wan iren waren nit mer dann
 xx. tausent / da ließen sy die hoffnung des sigs fallen/vnd schwüren aberma-
 len zūsamē/das sy all an dem end sterben / vñ nit voneinander weichen wol-
 ten. Auß diser verzweiflung vberkam iren jeder ein sollichen prunß zū strey-

Dise zwō
 stert sint ge-
 bawen Anno
 mundi.
 4492.

Das XX buch

ten/das sy sich selbs achtent obgelegen sein/wd sye nit vngerochē irs tods vnt
 kenen. Inn dem sy inen fürgesetzt erlich zū sterben /da haben sy glücklich ge
 sigt/vnd hatt jr vberwyndung kein ander vsach gehebt/dann jr selbs ver
 zweyflung. Da also die Locrenser stritten/da schwebt stāts ein Adler ob im
 hauffen/vnd vmbflog den so lang/vnz das sy gesigten. Inn den bayden ho
 ren irs heers/strytten zwen schön starck jūngling/dye mit lychtem harnisch
 bekleidt/vn doch niemants bekant waren/die sassen auff schnee weyssen pfer
 den/vnd trügen rodte woppen rock an / vnd wurden nit lenger gesehen/dā
 all dieweil man strytt. Dis wunderwercke swarde auch bestettiget mit eyner
 vnglaublichen schnellen sag/vnd gerūß/ Wā auff den tag als diser streyt ge
 schehen/ist der syg bey den Corinthern zū Athen/vnd zū Sparta verkündet
 worden. Nach disem streytt haben sich die vonn Croton keiner redlichen noch
 Ritterlichen gethat mer vnderwunden/wann sy hasseten die waffen/dye sye
 so vnglücklich gepraucht hetten/verenderten ihr leben inn ein vppigs wesen/
 vnz das Pythagoras der Philosophus das mit seiner ler abwendet. Diser
 was auß der statt Samis von einem reichen kauffman geporen/vnd mit ho
 her kunst vnd weysheit begabt. Er für in Egypten vnd gen Babylonien den
 lauff des gestyrns zū leren/vnd den vsprung der welt zū ergründē /dadurch
 vberkam er grosse weysheit. Demnach ist er in Cretam vn gen Lacedemonie
 gezogen zū erlernen die gesaz der Kūnig Mynois vnd Lycurgi. Nach dem
 er die ding all erfaren/hat er sich gen Croton gefügt/vnd das volck von yrem
 vppigen/in ein recht ordenlich leben gerichtet. Er preyset tiglich die tugent /
 vnd schalt die laster / vnd zaigt inen an/das jr statt von diser vsach wegen zū
 verderbnus komen / Vn legt so grossen fleiß an sy/das er sy wider in eyn recht
 wesen pracht/Also das er dern erliche von frem mūtwillen in ein ersam leben
 richtet/das man kaum glaubt hett mūglich zesein. Desgleichen wurden yhm
 vil kinder in sein zucht vnd ler befolhen. Die frawen leret er zucht vnd scham
 fren mannen gehorsam zū sein/darzū sich aller gūten geperden zū befließen.
 Vnder den dingen/hat er inen allen eyngepflantz /als dye gepeterin aller tu
 gent/vnd erlangt mit seinem stātem predigen vnd disputieren/das die frawē
 ire guldine kleider/ring/vnd dergleichen zierden hinweg thetten/als die ding
 die zū vnkeüsheit reizten/die trügen sy alle in den tempel Junonis / auff opf
 ferten das alles daselbs/Vnd sagt nemlich/das die recht vnd ware zierde der
 frawen/nit an der kleidung/sonder allermerst an ir zucht vnd scham lege.
 Das aber ire jungen menner im streytt vberwunden/des weren vsachen jr
 vngehorsame/vnd jr weyblich waich gemūt. Inn dem begab sich/das inen auß
 Dreyhundert junger Burgers sūn/in ein gesellschaft zūsamē schwüren/das
 sye von den andern Burgern abgesundert/eyn eigenwilligs lebenn fūrtē/als
 ein hauf/der sich etwas sachen halb zū samē verpyndet/die hat man in dem
 hauf darinn sy zūsamē kamen verpreñen wölle. Also wurde iren auß sechzig
 vmbpracht/vnd die vbrigen in das ellend versagt. Also ist Pythagoras 77. jar
 lang zū Croton bliben/vnd demnach gen Metapont komen/ daselbs starb er
 Vnd haben die selbigen/souil von im gehaltē/das sy auß seynem hauf ein tem
 pel machten/vnd ine als ein Got eereten/Darumb so hat der Kūnig Diony
 sius inn Sicilien/wie obsteet/sein heer in Italien geschickt/vnd die Griechen
 damm

darinn gelegen vberzogen/nach dem er also die statt Locris erobert / hatt er gleich darauff die vorgeant statt Croton auch angriffen/die sich noch kaum des vorempfangnen schadenns erholt gehept/die doch vil mannlichen widerstand gethan mit wenig leuten/dan vohin mit vil leuten / So vil vermag die armut ihr tugend vnd manheit furtreffen/mer dann die reichthumb in irem mütwillen. Dergestalt ist zu zeitten der vngewis sig gewiser / dan der /darauff man hofft. Dieweil aber d vorgeant künig Dionysius disen krieg gefürt/haben im die Gallier vnd Welschen ir botschafft zugesickt/die vor der zeit die statt Rom verprent/die begerten mit im friden vnd freunt schafft zu machen/vnd zaigte im an/wie ir volck in dem land seiner feind lag das im zu grossen statten vnd hilff komen / Nintweders das sy im in der velt schlacht beystand theten/oder seine feind zu ruck an griffen. Dife ir werbung gefiel dem künig Dionysio vast wol/darumb beschloß er mit inen dise verein vnd nam ir hilff damit zu danck an/vnd sieng auch darauff den krieg als von neuen dingen wider an. Die selbigen obgemelten nationen waren aber darumb inn Italien komen/das sy daheim in irem land statigs empörung vnd auffrüren gehept/deshalb sy andre land süchten darin zu wonen/ Vertrieben also die in Thuscian auß Italien vñ bawten sy Meyland/Cont/Brillen/Bern Trient /vnd Vicenz. In dem aber vorgemelt Thuscianer ir vatterland verlorn/haben sy vnder irem Hauptman vnd Herzogen Xheto genant/ die Alpen vnd hochgepurg eingenommen/vnd nach dem namen irs Herzogen vnd Hauptmans das volck genant. Aber die zukunfft dern von Carthago/hat den künig Dionysium getrungen wider in Sicilien zu ziehen/die hetten woz derumb ein hör versamlet/vnd damit den krieg/den sy von der pestilenz wegen ersygen lassen/mit aller macht wider angefangen vñ ernewert. Der von Carthago hauptman hieß Hanno/dem was ein mechtiger burger zu Carthago vast feind/der schrib dem Künig Dionysio inn Griechisch zu/wie in das hör vberziehen wurd/wie auch ihr Hauptman varlessig vnd kein nütz wer. Da nu diser brie fe ergriffen/ist er von seiner verreterey wegen zum tod verurteilt/vnd ward darauff mit einhelliger rath beschlossen/das niemants mer von Carthago Griechisch leren solt/weder schreien noch redē. Vnlang darnach war de der künig Dionysius (dē doch vohin weder Sicilien noch Italien weit gnüg was) mit emssigen kriegendermaß vberwū dē/dz in sein eigne kriegsleut vmbprachten.

4724

Das XXI Buch Justini

Von dem Jungen König Dionysio inn Sicilien vnd seynen Tyranny/ Darumb er vertrib ben/ vnd zu eym Schülmayster ward.



Nach vmbpringung des Königs
Dionysij der Sicilier herren vnnnd Tyrannen / hat das hōre
den eltesten vnder seinen sūnen/ der auch Dionysius hieß zu
eym herin gesetzt / damit das lande nit vnder all seine kinder
geteylt/ vnd dadurch geschwecht wurd. Aber so bald er das
regiment vberkommen/ hat er vnderstanden die freünd seiner brüder vnd die
im rieten seinen brüdern auch ein teil des lands einzegeben/ zu ertöden/ doch
hat er mit der that ein wenig verzogen/ vnd im zūvor den gemainen man wöl
len günstig machen. Das er sein fürnemen deßer sicherer volpringen möcht /
so er vorhin yhren gemainen gunst hett/ Darumb hat er der verurteilten leüt
auff drey tausent außgesencknuß gelassen/ vnd sagt alles volck drey Jarlang
frey/ das sye kein tribut geben dorfften / begüttiget sye all wie er bas mocht.
Demnach rüstet er sich das fürgefaßt morde zu vollstrecken / inn dem er nicht
allein seiner brüder verwannten freünde vmbpracht / sondern auch seine brü
der selbs tödten ließe/ das er nicht mit ihnen thailen müß/ vnnnd damit er kei
nen gemeiner behielt/ pracht er sein Tyranny zum ersten gegen den seinen /
Da er nu sein nechste freünd hingericht/ hat er sich inn ein vppiges müßwil
ligs leben ergebenn/ das er ann seinem leibe feist/ vnnnd an den augen trancke
worden ist/ also das er kein sonnen schein/ staub noch glast erleyden mügenn/
Vnd

vnd dieweil er meint das er dadurch verschmächet vnnnd verspottet were / da ward er noch grüßiger / also das er die thürn vnd gefencknus mit mit schuldi- gen / sonder mit vnschuldigen leuten / vnnnd die statt mit todschlegen erfüllet / dadurch in meniglich gehasset / vñ vnderstanden die von Siracus / selbs wi der in zekriegen. In dem zweifelt er / ob er wider sy kriegen / oder sich ihr herr- schafft verzeihen wölt. Aber sein kriegsleut die gern die statt geplündert her- ten / die zwungen in den streit an zeneimen / darinn ward er vberwunden / Vñ als er sein glück vnd heil noch ein mal versucht / da begegnetē im wie vor / des halb schickt er sein botschaft gen Syracus / vnd sagt inen zū / wo sy im jemās der iren zūschicken vnd friden mit im machen / so wolt er sich irer herrschüg ver zeihen. Darauff schickten sy die öbristen der statt zū im / die legt er von stund an inn gefencknus / vnd fñrt damit sein hör vngewarnter sachs zū der stat / die zū vberfallen vnd zū plündern / darumb ward ein harter streit in der stat / in dem doch die burger von ir menge wegen oblagen / vnd den kñig mit seinem volck wiß hinauf schlägen. Dieweil er aber sorgt das man in im schloß Bele- gern wurd / da macht er sich flüchtig inn Italien / gen Locros / die lieffen in ein vnd wisten nit anders / dan er wer noch ein gewaltiger herr in Sicilien / nam also daselbs das schloß ein / vnd übt sein gewonlich Tyranny. Er ließ den rey chen burgern ir weiber nemen / vnd zum eepruch schwächen / die junckfrawen müßt man im all vor ir vermähelung vberlifern / so bald er die geschendt / hatt er die seinem hoffgesind auch zū mißbrauchen zūgestelt. Er ließ se die reichste tödten oder vertreiben / vnd im all ir güt zū ziehen / Darnach als er nichts mer zū rauben befunden / da hat er die gang stat mit schalckheit vnd list hindergan gen. Nemlich als die von dem Tyrannen Leophron genant / mit krieg geplaz- get worden vnd geschediget / da versprochen sy / wo sy sygtenn / auff der Ve- nus festag all ire junckfrawen in die floir vnnnd almend zeschlagen / mit denen Venus spyl pflügen zelassen. Als sy nu diß zū sagen nit steiff gehalten vnd ge- gen den Lucanern vnglücklich krieg gehept / da hat sy der vorigenant Dionysi- us ermant / das sy ir weiber vnd töchter mit den aller schönsten vnd köstlich- sten kleidern vnd zierd in den tempel Veneris schicken solten. Darauff wur- den iren hundert erwelet / die diß ersam geschafft aufrichten / doch vorhin ein monat im gemeinen offnen hauf pliben / vnd sich prauchen lassen solten. Auch schwüren vorhin ire mann sollichs iren weiben nit für vbel zū haben noch zū verweisen / auch die junckfrawen darinn nit defter schnöder zū haltē / dieweil sy sollichs von des gemeinen nutz wegen theten / Auch solten sy ein gepot ma- chen / sunst kein junckfraw zū vermäheln / sy hetten dan zñuor alle mann ver- sücht. Dise meinung gefiel inen allen wol / vñ damit die geistlichkeit auch junck- frewlich zucht defter baß volpracht wurd / ziertē sy sich mit köstlicher kleidüg / vnd kamen mit hauffen in fraw Venus tempel. Dahinschickt Dionysius der Tyrann sein hoffgesind / ließ sy alle aufziehen vnd berauben / ir man die reich waren ließ er tödten / die frawen erlich peinlich fragenn / wo irer männer gelt were / Mit diser art hat er wol sechs jar regiert. In dem haben die burger zū samen geschworn / vnd in mit gewalt vertriben. Also kam er wider in Siciliē vnd nam die statt Siracusa mit einem geding wider ein. Dieweil dise ding inn Sicilien gehandelt wurden / dazwischen vnderständ der von Carthago

Das XXI Buch

hauptman Hanno vonn seiner grossen macht vnn̄d reychtumb wegens den gannzen radt zū Carthago vmbzūpungen / vnn̄d allein zū regierenn. Dis nam er yhm für auff seiner tochter hochzeyt zū volpungen / auff das er desto minder verdacht werden möcht / Darumb hat er dem gemaynen volcke al lenthailben vnder den vorzschupffen vnn̄d lauben zū essen geben / vñ den ganzen radt inn sein haup̄ geladen / den mit gyfft im tranck vmbzepingenn. Wye nu das von sein dienern der maister schafft fürkommen / ist dis abgestellt / vnd doch nit gestrafft worden / das die handlung in eym so mechtigen herzen mit der erfahrung nit grösser geacht wurd / dann mit fürgenommenen gedancken / vñ lieffen sich gnügen / das sy ordneten / das er auff seiner tochter hochzeyt nit so ein grossen pracht vnd kosten haben / das solt von jm vnd menigklich gehalten werden / damit die Person nit gemeldet / vnd doch die misethat abgewendet sein / zū verstecken geben wurd. Mit disem radtschlag ward er fürkommen. Jedoch so richt er die söldner an den radt / auff ein bestympten tag zū erschlagen. Wie er nu merckt das der selb sein anschlag auch offenbar ward / da scheucht er das recht / Darumb hieng er auff xx. tausent söldner vnd kriegsleut an sich / vnd nam ein vest Schloß ein / Vnd als der die Affriker vnd Nozen Künig zum krieg bewegt / da ward er gefangen / mit rütten geschlagen / seyn augē aufgestochen / darzū arm vnd bain zerstoffen / vnd also inn angesicht des volcks getödtet / Demnach sein zerzerter leyb an eyn creüz geschlagenn / Darzū wurden seine sūn vnd all sein gesypten vnd verwanten getödtet / auff das keiner vberblyb / der disen laster anhieng / oder jn freünde rechnen wurd. Das zwischen ward der vorgeant Dionysius zū Siracus wider auffgenommen zū eym herren. Inn dem er aber von tag zū tag / yhe grymmer worden / ist er von den burgern / die auff ein newes zūsam̄en schwüren / im schloß beleget. Auff das hatt er das schloß mit sampt dem kriegsvolck der statt vbergeben / vnd nam er ein einigs schiff an / damit für er gen Corinth in das ellend / Das selbs maint er das die aller ärmsten menschen am aller sichersten sein möchten Darumb richt er sich in ein gang vnachtpar wesen / Er schampt sich nit allein daraffter zū geen / er tranck vnd aß vnder dem gemainen mann / auch scheucht er die offnen wirts vnd frawen heüser nit / darinn er tag vnd nacht lag / vnn̄d hadert mit schlechten leütten von lyederlicher vrsach wegen / Er gieng daher inn einem vnflätigen schmutzigen kleid / Er lacht lieber / dann das er das von einem andern sahe. Er stünd gewonlich an der mezig / vnn̄d sach das flaysch an / das er doch nicht zū kauffen vermocht / Er wonet gern bey den Niesmern vnn̄d geylet mit den löwen / Inn summa so thet er alles das / darinn er mer zū verspotten dann zū fürchten was. Zū lest gab er sich für eyn Schülmayster auß / vnn̄d leret die kind / inn gemainen schülen / auff das er doch yemants het / der jn fürchten müß / oder von denen die jn nit fürchtent deßter minder geacht wurd. Vnn̄d wiewol er allzeit die laster eins Tyrannen an jm gehebt / so was doch diser sein stand mer ein angenommen gleyßnerey / dann vonn natur / darumb thet er dis mer von kunst dann von scham wegen des verlornen Königreichs / Dieweil er wol wiß / daz der nam eins Tyrānen (ob er gleich wol arm vnd dürfftig) von menigklich gehaft were. Dergestalt vnderstünd er den alten haß / mit diser vnachtparkeit zū vertreybenn / darinn er nicht eerlich / aber nützlich

nüglich radtschleg sucht / wiewol er darunder zum drittē mal verdacht ward
nach seiner alten Tyranny zu stellē / des in doch nichts mer entschuldigt / daß
das man sein ganz nit acht. In dem vnd als die von Carthago sahen / wie
kūig Alexander der grof / an macht so hefftig zu nam / da entsetzten sy sich des
gröflich / vnd sorgten das er auch vnder stan wurd / jr herrschafft an sich zu zie
hen. Darum schickten sy zu im Hamilcar mit dem zunamen Rodanus genāt
ein vast weysen wolberedten man / zu erkunden wes fürnemens der kūig we
re. Auch ward jr forcht gemert von der statt Tyrus wegen / daher sy iren vrs
prung gehept / die der grof Alexander gewonnen / vnd die statt Alexandria
zwyfchen Affrica vnd Egypten / inen zu nachteil vnd schaden gepawen het.
Vber das scheuchten sy am mersten das grof glück des kūigs / das macht das
er nit mocht ersettiget werden. Diser Hamilcar erlangt durch den für
sten Parmenion / ein zūgang zum kūig / gegen dem lief er sich hören /
wie er auf seinem vatterland vertriben / vnd also flüchtig zu ihm
kommen were / dabey erpot er sich im inn diser seiner reif zu die
nen. So bald er des Kūigs fürnemen erfaren / hatt er
sollich auff hülz in taflen geschriben / das mit wach
se vberstrichen / vñ gen Carthago geschickt. Aber
nach des Kūigs tod kame er wyder heym
Da haben ihn die vonn Carthago nicht
mit danckparen / aber mit grimmen
gemütthe empfangen vñnd ge
tödtet / als ob er dem kū
nig die statt hett
wollen vb
erge
bē.

M. iij

Das xxij.



Das XXII buch Justini

Von dem König Agathocles

inn Sicilien / was glücks vnnnd vnfalls
er erlitten hat.



Agathocles der Sicilier Herz vnnnd Tyrā / der dem erstē Dionysio mit großmēchtigkeyt gleich gewesen / ist zū Königlichē wyrd gar auß nyderm vnacht-
paren geschlecht erhōcht worden / Wann seyn vatter ist inn Sicilien eyn Haffner gewesen / Darumb hat er sein kyndt-
lich tag / gleychmēssig seiner gepurt / vbel angelegt. Wann als er eyn fast schön-
er hüpscher knab gewesen / ließ er sich inn vnkeüschē wercken schentlich miß-
prauchen / Demnach aber als er seyn mannpare jar ergriffen / hatt er seyn vn-
keüsch leben vonn den mannen auff die frawen verwendet. Deshalb ist er
bey beyden geschlechren mann vnnnd weybern verleumbdet geachtet / vnd hat
sich mit rauberey erneret. Inn mittler zeyt als er sich gen Syracus gefügt /
vnnnd man yhne zū eynem Burger angenommen / hatt man doch nach der zeit
gar nichts von yhm gehalten. Er warde eyn Keytter vnnnd Söldner / inn
dem er nicht mynder auffrührig / dann er vorhin inn seynem vnkeüschē leben /
schōd vnnnd schandlich gewesen / yedoch so schickt er sich zū allen freueln vnd
durstigen sachen / Wann er was mit der haund ein fast theüerer Ritter-
licher / vnnnd mit dem mund vberaus ein wolberedt mann. Darumb warde
er bald zū eynem vndern Hauptman / vnnnd demnach zū eym obersten Haupt-
man / vber den rasygen zeug verordnet / inn dem ersten kriege / den er wydder
die

Die Enneos fñrt/macht er ihm selbst bey den von Siracus ein grossen löblichen namen. Inn dem nachgenden krieg vberkame er ein sollich lob vñnd geschrey/das sy ihm an yhrs abgangnen Herzogen statt Damascon genant/zñ ein Herzogen sagten. Desselbigenn wittwen name er zñ einer gemahel Wann er hert sye vorhin mitt dem ehepruch auch erkandt. Doch so ließe er sich nicht genügen/das er so bald glück/ehre/vñnd reichthumb erlangt /sonder wurde wyder sein eygenn vatterland zñ einem mörrauber/darinn kame ihm das zñ gñt/das sein gesellenn alle gefangen vñnd gemartert wurden /vñnd ihren keiner nichts von ihm verriech noch bekant. Er vnderstñnd zum zweyten mal der von Siracus herrschafft an sich zñ ziehen/darumb warde er auch zweymal ihm das ellend verjagt/Vñd von den Murgatinen/den von Siracus zñ layd erstlich zñ eynem Rads herren / vñnd gleich darauff zñ aynem Hauptmann gemacht. Inn demselbigen krieg gewan er die statt Leontin/Darnach belägeret er die statt Siracus/die rñfften dern von Carthago Hauptman Hamilcar vñb hilff vñnd redtung an. Der ließe seinenn vnwillen gegen ihnen ab/vñnd schickt ihnen ein zñsaz. Der gestalt seindt die von Siracus/zñ einer zeyt von ihrem feind mitt burgerlichem gemüthe beschirmt/vñnd von ihrem Burger mit feindtlichen waffenn vberzogen. Da aber der vorgenant Agathocles sahe/das die statt mitt grösserem fleiß beschirmt/dann belägeret wurde /da ließe er durch sein bottschaft den Hauptman Hamilcar mitt fleiß ansuchen / das er zwyschen ihm vñnd den von Siracus frydenn machen/wolt er das ihnen sonders vñb ihn verdienen. Da nunder selbig Hamilcar sich seiner mannheyt vñnd machte endtessen/hatt er pñntus vñnd vereyn mit ihm gemacht. Wann er vermeint/was hilff er vorgenantem Agathocles beweysen/wurd er desgleychen erlangen. Darumb hatt er ihm nichtt allein freiden/sonder auch darbey erworben/das er zñm Rads herren angenommen ward. Darauff hatt er dem vorgenantenn Hamilcar gehuldet vñnd geschworen/den von Carthago zñ dienen. Darnach hat er vom selbigen Hamilcar fünff tausent Affricaner angenommen/vñnd mit dern beystand yhe die mechtigsten inn der statt vmbpracht/ließe demnach alles volck auff das spilhaus zñsamenn berñffenn/ als ob er der statt gemeinen nutz ordnen wolt/Mit dem berñfft er den radt auff das radt haufe / als ob er sich der ding halbenn vorhin mit ihnen vnderreden vñnd beraten wolt / vñd gabe darbey seinen kriegsleutten vñd söldnern ein wort zeychen / die Rads herren all todzeshlagen. Da dis geschehen/ist ihe der rey chert vñnd weifest auß der gemeinde auch vmbpracht wordenn. Als er dis auch volpracht/hatt er kriegsleut auffgenommen/vñnd ein hör versamlet/damit yhe die nächsten stett (die sich des wenig versahen) vngewarnter sache vberfallen/Auch ließe er dern von Carthago freund nicht vnangefochtenn / durch zñlassenn Amylcars. Darumb beklagten sich die zñ Carthago/ab ihnen beyden/Den vorgnanten Agathocles verklagten sy als ein herrn vñ Ty rannen/den andern als ein verräter/von dem sy im als frem feind vbergeben

Vñd weren

Das XXII Buch

Vnnd weren sy zwen der sache eins/gleich wie im anfang ihrer gesellschaft die von Siracus im auch verrathen weren/welche statt den von Carthago allzeit wyderwertig/vnd allein die gewesen/die nach dem Sicilier reich stellet. Nu wurden im die andern stett auch vnder dem titel des frydens eyngewen/darumb wolten sy inen sollich anzeigen haben/wie sy das bald selbs erfahren wurden/das der vnfall auß Sicilien auch inn Affrica komen/vnd inen dauon mehr schaden zu stehen wurde/dann inen inn Sicilien begegnet were. Mit diser verklagung ward der ganz radt dermaß erzürnt/das sy dyeweyl er inn dem gewalt gewesen heymlich radt hielten/vnz der ander Hamilcar der sun Gifgonis wyder auß Sicilien heim kamen. Doch so hat der vorgenant Hamilcar dise heymliche radt vnd anschleg mit seinem tod fürkommen/den seyn burger wyder recht vnd vnuerhört verdampft vnd verurtheilt hetten. Dis hat dem vorgedachten Agathocles vrsach geben/wider die von Carthago zu kriegen. Den ersten streit thett er mit dem vorgenanten Hamilcar dem sunen Gifgonis/vonn dem ward er vberwunden/darumb wych er gen Siracus/sich wider zum freytr zu rüsten / vnnd hat aber im nachgeenden streit ebenndas vorig glück befunden. Die weyl aber dye von Carthago als dye vberwynder die statt Siracus belegerten/vnd Agathocles sahe/das er ihne ihm feld streyt zu schwach were/auch nit gerüst inn die harre die belegerung zu erleyden/ Ober das alles ward er auch von seiner hertigkeit wegen von seinen freunden verlassen/da nam er im für den krieg in Affrica zu richten. Dis was fürwar ein grosse künheit an ihm/das er die statt vnderstünd zu überziehen/deren er doch inn seyner eygnen statt nicht wyderstande thün mocht/das er sich vnderwand ein andern zuschedigen/vn mocht sich doch selbs nicht retten/vnd als ein vberwynder/die verspottet/die im angesigt heten. Dis was ein wunderbarer anschlag/die weil der so heymlich blibe. Wann er tröstet sein burger vnnd sagt/er hett den weg schon funden/wie er die feinde vberwynden wölt/darumb soltenn sye die belegerung eyn kurze zeyt mit gedult leyden. Wer sich aber des entsyzen/dem wolt er güttlich zulassen abzuweychen/Darauff tausent sechs hundert burger abgetreten/vnd seynd die vbrigen mit prouand vnd sold nach notturstt versehen/vnnd nam er nit mer mit im dann fünffzig pfund sylbers/inn dem mainet er nutzlicher seyn/von dem feinde zu erlangen was man bedörfft / dann das er das von den freunden vberkommen solt. Demnach hatt er alle knecht die manbar waren/frey gemacht/vnd im zu disem krieg hulden lassen/Die selbigen alle sampt dem grössern theyl seines heers/sagt er zu schiff vnnd vertrawet inen wol bey den andern kriegsleüthen auch mannlich zu werden/die vbrigen alle ließ er dahaim zu beschyrmung des vatterlands. Vnnd ist er also im sibenden jar seiner regierung/sampt zweyen seinen gewachsenen sunen/mit namen Archagatho vnnd Heraclda/inn Affrica gefaren/das seyner ritter vnd kriegsleüt keiner wyßt/wohin er faren wolt. Wann sye vermainten nicht anders / dann er wurde etwo in Italien oder Sardinien nach eim raub faren/da sagt er sein volck an dem Affrica

dem Affricanischen gestatten anß/vñ eröffnet inen daselbs erst seinẽ anschlag
 Nemlich wie es yetz vmb die statt Syracus stünd/vnd das man inen nit an-
 ders zũ hilff kom̃en möcht/dann das man den feinden auch also thet/wie sye
 von inen leiden müßten/Wann die krieg weren außwendig gar vil anders zũ
 fñren/dann daheim. Inn Sicilien möcht man kein ander hilff haben/dañ die
 anheimische/Aber außserhalb Sicilien möcht man die feind auch mit inen eyg-
 nen hñtten vberwinden/der selbigen freund wurden von inen abfallen/vnd
 ein verdruß aß der langwirigen herschafft haben/Zũ dem hetten sy auch diß
 vorteil/das die stett in Affrica nit mit mauren vest weren/auch nit auff ber-
 gen/sonder in flachen veldern gelegen/on alle bolwerck vnd vorweren/die sy
 gering auff ir parthey pringen/wo sy ihnen trowen wurden/die zũ zerstören
 Damit möchten sy sich auch stercken/vnd wurd also die statt Carthago auß-
 ser Affrica mer schaden leyden/dañ auß Sicilien/Wann sy wurden sich alle
 wider die einzig statt setzen/die doch mit dem geschrey vnd namen reicher we-
 re/dañ an leut vnd gũt/Vnd darũb so wolt er sein macht/die er nit mit in pra-
 cht hett/vom lantvolck vberkom̃en/Es wurd sy auch nit wenig zum sig fñr-
 dern/das sy vngewarnter sach/in das land kñmen/dañ sy wurdẽ sich on zwei-
 fel irer durstigen manheit verwundern/vnd gröfflich darab erschrecken/vor
 aß/wann sy die döffer vnd flecken prennen sehen/vnd das man die stett/die
 sich vns widersetzen sehen plündern/vnd als dann nichts mer fñchten/dann
 das man die statt Carthago belegern wurd. Durch das alles möcht man er-
 faren/das man die von Carthago als wol mit streit vberwinden/als wol sy
 andre vberziehen/möchten mit dem auch nit allein Carthago gewinnen/son-
 der auch Sicilien/der belegerung erledigen/dann die seynd konten nicht len-
 ger harzen/wo sye horten / das die ihren inndisen nñtten weren / Darumb
 möchte man disen krieg an keinem andern end bequemlicher fñren/auch sunst
 an kaynem andern orth mehr peut vñnd gũts gewynnen/wann wo sy die
 statt Carthago gewonnen/wurdenn sy das ganz Affrica vñnd Sicilien zũ
 einem lohn des sigs empfabenn. Des wurd ihnen auch zũ ewiger gedech-
 nus vñnd rñm reichen/so das von ihnen gesagt/das sy allein die weren / die
 ihñ frembden landen ihre feind vberzogen/die sy doch daheim nichtt vber-
 wyndenn mögen / vñnd hetten eben die belegert/die ihr statt auch belegert
 hetten. Darumb solten sye alle disen krieg mitt mannlichem gemũt angrei-
 fen / darinn sye sunst nichts annnders/dann wie denen die obligen/reichtum̃
 vñnd belohnung belangen möcht. Wo sy dann vberwundenn/wurden sy
 ein Kitterlich ende nemen. Mit disen ermanung siengen sye an ihr ge-
 mũthe vñnd mannheit zũ erheben. Aber ynn ihrem vberschyffen erschree-
 cket sye das wunderzaichen / das die Sonne ihrenn schein verloren / Das
 hatt der Kñig Agathocles nicht mit minnder geschicklicheyt abgewenn-
 det / dann er sye vorhin zũ dem krieg vñnd streytt ermant/Vñnd sagt/ wo
 diß zaychenn beschehenn/ ehe dann sie dahaim außgefarenn/so were wol
 zũ vermũtten / das ihnen solliches nichts gũts bedeutet. Diweyl sich
 aber das inn ihr vberfart erzaigt/so hette es ein bedeutung auff ihre feind/
 Wann

Das XXII Buch

Wannes wer gewys/das der mangel der natürlichen gestyrn/allzeyt etwas
 ändrung bedeutet. Darumb zeigt das gewislich an/das deren von Cartha-
 go sachen/die nu lang zeit inn glücklichem stand gewesen/schaden nemen wur-
 den. Da er sein hör dermaß getröst/hat er mit jr aller willen/die schiff darein
 sy kommen waren/angezündt vnnnd verprennet/damit sy all wyssen/das sye
 kein andre flucht haben/dann das sy vberwynden oder sterben müssen. Dem
 nahe haben sy alle ding/wohin sy kamen/zerstört vnd geplündert/alle döffer
 vnd flecken verprannt. Disem heer zoch entgegen der Carthaginenser haupt-
 man Hanno mit xxx. tausent mannen. Da sy nu mit dem angriff zusamen kö-
 men/seind der Sicilier zway tausent/vnd dern von Carthago drey tausent
 erschlagen/sampt frem vorgedachten hauptman Hanno. Mit disem sig seind
 die Sicilier noch fraydiger/vnd die von Carthago zaghafter worde. Nach
 vberwyndung der feynd/hat der künig Agathocles vil stett vñ schloß erobert/
 darinn vil tausent erschlagen/vnd also groß güt vnd raub gewonnen. Dem-
 nach hat er sein leget am fünfften steyn von Carthago geschlagen/auff das sy
 die schaden vnd verhergung ires lands vnd gütter/degliche den prand irer
 döffer von der stattmawr gesehen möchten. Darzwischen durchgieng das
 ganz Affrica ein gemein geschrey/wie der von Carthago heer gar erschlagen
 vnd all jr stett gewonnen vnd verprannt weren. Des sich menglich fast ver-
 wundert/wie so ein grosser langwyrtiger gewalt/mit eym so vnuersehelichen
 krieg vmbgestossen werden möcht/von eym feynd den sy vberwunden hetten.
 Demnahe siengen sy an die von Carthago zu verachten. Vnlang darnach ist
 nit allein Affrica das land/sonder auch vil edler vnd alter stett/an den künig
 Agathocles gefallen/die versahen in reichlich mit frucht vnnnd sold. Zu dysen
 vnfall allem kam auch ein geschrey gen Carthago/wie jr hauptman in Sicili-
 en sampt dem heer erschlagen. Wann nach dem abscheyd des künigs hielt sich
 dern von Carthago hauptman vnd heer ganz gsarlessig. Darumb sagt man
 das sy von des künigs brüder Antandrus genant gar erschlagen. Wye nu jr
 vnfall daheym vnnnd aufwendig gleych gestanden/da seyndt nicht alleine
 die stett die inen zynsbar waren/von inen gefallen/sonder auch die künig von
 inen ab gewychen/die mit inen püntnus vnnnd vereyn hetten/die hielten inen
 nit nach dem glauben vnd trewe/aber allein nach dem glück. Vnder anderen
 was auch der Cyrener Künig mit namen Offellas/der mit vergebner hoff-
 nung vermaint/das ganz Affrica vnnnder seyn gewalt zepriengenn/Darumb
 macht er pündtnus mit dem Künig Agathocles/durch seyn Botschafft/das
 ihm Affrica/vnnnd dem Künig Agathocles Sicilien bleyben solt/wo sy dye
 von Carthago vberwunden/kam im auch darauff zu hilff mit eynem mech-
 tige heer/Dasselbs sieng im an Agathocles lieblosen/vñ freündtlich zu sprech-
 en. Vnnnd als sy oft mit eynander gessen/vnnnd yhn der Künig Offellas für
 ein sun angenommen/hatt er yhn dargegen vngewarnter sach erschlagenn/
 vnnnd damit seyn heer bey yhm behalten. Inn dem haben sich die von Car-
 thago abermaln zum streyt gerüst/nach allem yhrem vermügens/dye er doch
 abermaln mit grossen plüt vergiessen/Bayder seyt vberwunden/vnd hat dar-
 mit den von Carthago ein solliche verzweyflung eyngestossen/das jr herzog
 vnd

vnnnd Hauptman Bomilcar / sampt seinem hōre / sich an den König ergeben
wöllenn / wo nicht vonn vnguerd inn des Königs läger vnnnd hōre ein auff
rār worden. Von diser vrsach wegen / ist der vorgenant Hauptman auff
dem marckt in der stat Carthago / an ein creutz gschlagē. Dis hat er doch mit
männlichem gemüthe geliten / vnnnd also an dem creutz den vonn Carthago
alle ihr laster vnnnd mißhandlung angezaigt vnd erzelet / Nemlich das sye
vorhin yhren redlichen Hauptman Hanno / durch neyd getödt / vnnnd im mit
vnwarheit zū gemessen / als ob er der herrschafft allein begert. Item das sy
den Hauptman Gysgon vnuerdient / inn das ellend verschickt / vnnnd vber
seinen vettern Hamilcar valsche vrtheyl vnnnd radtschleg gebenn hetten /
darumb das er ihnen den König Agathocles lieber zū einem freund / dann
zū einem feynd hette machen wollen. Wie er dis mit lautter stimme auß
gerüfft / hatt er damit seynen gayst auffgeben. Inn den dingenn wie der
König Agathocles gar gesigt / hatt er seynem sunne Archagato das hōr beuol
henn / vnnnd ist er inn Sicilien gefaren / vnnnd meiner gänglich / das er inn Af
frica nichts außgericht hett / wo die statt Siracus lennger belägeret wurde
Wann nach dem erschlagenenn Hamilcar dem sunne Gysgonis / hettenn dye
vonn Carthago ein annder heere dahin geschickt. Darumb habenn sich
alle stette yhnn Sicilien ergebenn an ihne / Wann sye hettenn wol gehört /
was grosser sige er inn Africa gehept. Mitt der selben stett hilffe ver
trybe er der vonn Carthago volck gannz auß Sicilien / vnnnd erlanget die
herrschafft allein. Demnach kam er wydder zū seynem heere inn Africa /
das er gannz auffrührig befundenn. Wann seyn sunne hett bezalung des
soldes vnnz auff des vatters zukunfft verhalten. Darumb hat er sy be
rüfft / vnnnd mitt senfftem wortten begüttiget / vnnnd gesagt / das sye den sol
de nicht von ihme / sonder vonn den feynden einpringen solten. Wann die
weyl der syg ihr aller gemeyn / so were auch pillich das die peut gemein seyn /
vnnnd solten sye sich ein kurze zeyt leyden / vnz er die oleiß des kriegs / vol
lendet / dieweyl sye doch wüstenn / das mit eröberunge der statt Cartha
go / ihr aller hoffnung gesettriget werden möcht. Wie er sye mit disen wor
ten gestillet / hatter sye zū der feinde leger geführt / inn dem er mitt seyner
gsarlessigkeyt gar nach seyn halbes heere verloren. Da er nun flüchtig
inn sein läger kam / vnnnd mercket das man ihm des vnfelligenn streyts schul
de gebenn / darbey auch den alten haß besorget / das er den kriegsleuten ih
renn solde verhalten / Da hat er sich allein mitt seinem lebswieb vnnnd sunne
Archagato / bey nacht flüchtig daruon gemacht / Da das die kriegsleut innen
worden / seint sy dermaß erschrocken / als ob sy all gefangen were / vnd sagten
das sy nu zum zweyten mal / von frem künig vnder den feinden verlassen.
Da sy nu dem künig nachheilen wolten / da wurde sy vō den Numidischen reißi
gen / wider hinder sich in sein läger getriben / Jedoch so ergriffen sy des künigs
sunne Archagato / der inn der nacht verirret vnnnd vom vatter kommen was /
Vnd ward der König in den schiffen darinn er dar kam / wider gen Syracus
geführt / vnd sein heer dahinden gelassen / sampt seinem sun. Dazwischen hat
N das heere

Das XXIII büch

das heere mit den feyn den fryden gemacht / das sye des Königs sün tödten /
vnd sich an dye von Carthago ergebenn solten. Da aber der vorgenant
Archagato vonn seynem freünde Arcesilao zum todt gefüret ward /
sprach er zu yhm / was er maynt / das seyn vatter mit
seinen sünen handlen würd / die weyle er in sey-
ner sün beraubt. Darauf antwort
derselbig / In genügt wol / das seyn
sün des Königs sün vberleb-
ten / Darnach haben dye
von Carthago / yhr
hauptleut vnd
hör wider in
Sicilien
geschi-
ckt /
den krieg zu enden / mit den
selben hat der König
ein fryden ge-
macht.

Das xxiij.



Das XXIII büch Justini. LXXIII
 Von dem tod des künigs Agathoclis /
 auch wie es dem künig Pyrrho ergienge / Auch von
 dem künig Hieron.



Das sich der Künig Agathocles mit
 den von Carthago vertragen/hat er die stet/die von im ab
 gefallen warē/wid bezwunge/vñ ist darnach in Italien gezo-
 gē/als ob im die insel Sicilien zu schmal wer/der wenigste
 herrschafft er doch im anfang nie verhofft hett zu bekönnen
 In dem thet er wie der erst Dionysius/der vil stet in Ita-
 lien gewunnen gehept/vnd hat er zum erstē die Brutier fürhand genomen/die
 am mechtigsten vnd reichsten waren/auch gewont jr nechst nachpaurn zu vß
 erziehen/vnd hetten vyl stet inn Italien eingenomēn/darzu auch jr obern
 vñd stifter die Lucaner selbs vberwunden/vñd einen gleychem fryden
 mit ihnen gemacht. Sy waren so rauch vñd grob/das sy auch yhrer obern
 nicht schonten. Die Lucaner vnderwysen yhre kinder/inn zucht vñd
 lere wie die vonn Sparta. Nemlich inn der erstenn jugendt müßten sy bey
 dem vich inn den welden sein/vñd vnder den hirtten wonen/on alle knecht/
 die ihn dyeneren/vñd hetten schlechte kläder/darinn sy tag vñd nacht las-
 gen/auff das sy von den ersten jarn her gewonten rauch vnd hartlich zu leben
 vnd der statt zu entwonen. Ir speiß was jr wiltpret/das sy viengen/vñd ihr
 tranck die milch vom vich/vnd die kalten prunnen. Der gestalt wurden sy zu
 der kriegsarbeit gehert. Der selbigen jungen theten sich zum ersten jren fünf-
 zig zusamen/vñ beraubten die nechsten lantschaft/Darnach mertten sy sich je
 lenger je mer von begird wegen des raubs/vnd vberfielen je die nechsten lād.
 ¶ ¶ Deshalbten

Das XXIII Buch

deshalb so ward Dionysius der Sicilier herre/von den selben landtleuten
 vmb hilff angerufft/der schickt inen Sechs hundert kriegsleut auß Affrica zu
 die rauber hinder sich zu treiben/ Der selbigen schloß warde ihnen verratten/
 von einer frawen Brutia genant. Da sy das gewoñen/haben sy mit hilff der
 andern hyrten einstatt dahin gepawen/die nanten sy diser frawen nach Bru-
 tia/Vnd stritten zum ersten wider die Lucaner ire väter/vnd machten fryde
 mit inen/vnd griffen die andern ire nachpaurn an/die prachten sye gang vnd
 iren gewalt/vnd vbertamen inn kurzer zeit so grosse macht vnd reichthum/
 das sy auch den Königen starck gnüg waren. Wann als der künig Alexander
 auß dem land Epyro/ein brüder des grossen Aleranders mütter/den Grie-
 chischen sterten inn Italien gelegen/mit ein grossen heer zu hilffe kommen/ist
 er zu letst mit allem seinem volck/von obgemelten Butiern vmbpracht vnnnd
 erschlagen. Darumb hat ir grünigkeit mit irem glück noch mer zu genossen/
 das sy iren nachpaurn erschrocklich gewesen seind. Je zu letst ist auch dyser
 künig Agathocles vmb hilf wider sy angerufft worden/der in hoffnung kam
 sein künigreich damit zu weytern/Darumb er auß Sicilien inn Italien schif-
 fet. Also seind sy im anfang seiner zukunfft erschrocken/das sy ihr bottschaft
 zu im schickten/mit im fryden vnd vereinigung zu machen/Die hat der künig
 Agathocles zu gast geladen/auff das sy sein heer nit sehen vberfaren. Am
 nachgeenden tag ist er auch zu schiff geseßen vnd seinem heer nachgefaren/da-
 mit hat er sy betrogen/daran er doch kein gewynn gehebt/das er allein der ge-
 leichen thet/als ob er wider in Sicilien farn wolt. Wann vnlang darnach
 zwang in sein leibs krankheit/die im allen seinen leib durchtrang/das er wi-
 der in Sicilien faren müß. Diser seiner krankheit halb begab sich auch/das
 seine kind vnnnd kinds kind/ansiengen zezancken vmb das künigreich/als ob er
 schon tod were/ In dem hat sein suns sun/seinen sun erschlagen/vnd das Kū-
 nigreich an sich gezogen. Die weil nu sein krankheit ye lenger ye mer zūna-
 me/vnd ye ein vnfall den andern hauffet/also das er gar nahe selbs verzweif-
 felt/da gab er seinem gemahel der Königin Teogena ire zwey kinder von im
 vnd iro geporen/sampt allem seinem schatz/vnd gelt/auch sampt allem seinem
 Hoffgesynde/vnnnd Küniglichen zyerden (inn dem dann bey seynen zeytten
 kein künig reycher was) Die setzt er inn ein schiff/vnnnd schickt sye wider in
 Egypten/daher er die selbig zu einer gemaheln genommen. Wann er sorgt
 das der (so das land eingenommen hett) iro vnnnd irer kinder auch nicht ver-
 schonen wurde. Wie wol dye Königin ihn mit höchstem fleiß batte/das
 man sye nicht von dem trancken künig absondert/auff das yhr abweichun-
 ge nicht auch des Königs suns sune todtschlegenn gleichgeacht wurde/wo
 sy yhren gemahel inn seyn letsten nörtten verlassenn müß/dem doch sich seyn
 eigner suns sune wyddersagt/Wann sye hette sich nichtt alleyn zu seynem
 glücke vermähelt/sondern sich yhm zu liebe vnnnd leyde zu gesellet/Auch
 woldt sye geren sterbenn/wo sye bey dem ende yhres Herren vnnnd gemah-
 els seyn möcht. Ihe zu letste haben dye zwen seyn Junge Sūne yhn
 vmbfangen/vnnnd mit kläglichem weynen/inen lang nicht verlassen wöllen/
 Auch was

Auch was die künigin so müd worden zu weinen/das sy kaum sehen mocht.
 Der künig hat sich auch des weynens nit enthalten mögen. Die kind weinten
 den sterbenden vatter/dargegen der vatter das seine kind verweist sein sol-
 ten. Die kind klagten das sy den alten vatter also krank verlassen/so klagt sich
 der vatter das er seine kind die er zu küniglichem stand erporn hett/in das el-
 lend verschicken müß. In dem ward der gang künigklich hoff erfüllet mit kla-
 gen vnd weynen/vber dis so grüß fürnemen des künigs suns sun. Zu lest hat
 die notwendig hinfart dis klagen gescheiden/vnnd ist der künig nach hinfart
 der künigin vnd kinder auch gleich gestorben. Inn dem die von Carthago
 erfüren/wie es inn Sicilien stünd/da namen sy vrsach darauf die gang In-
 sel inn iren gewalt zepringen/zugen also mit einem mechtigen heere in Sicili-
 en/vnd namen eben vil stett ein. Eßen zu disen zeitten hat der vorgenant kün-
 nig Pyrrhus wider die Römer kriegt / der ward von den Siciliern wie ob-
 gemelt ist/vmß hilff angesücht/So bald der gen Siracus komen/ist er vber
 alles Sicilien ein künig ernest worden. Diser glückseligkeit hat er sich gefre-
 wet/vñ darumb Heleno seinem sun das künigreich Sicilië / als sein groß vät-
 terlich erbe zu geordnet. Wan der selbig Helenus was von vorgenanten Kün-
 nig Agathocles dochter erporn/Dennach hat er gar vil glücklicher streit wi-
 der die von Carthago gethan. Inn mitler zeit kamen im botschaften von sein
 befreundeten stetten in Italien/die zaigten im an/das sy den Römern keinen
 widerstand thun möchten/vnd wo er inen nit zu hilff komen/wurd man sich
 an die selben ergeben müssen/Das macht den künig Pyrrhus ängstig/vñ wist
 nit wol was er zum vordersten angreifen solt. Doch so nam er das mittel für/
 dieweil im an ein end die von Carthago/vnd am andern oith die Römer zu
 sagten/da gedacht er im nit güt sein/wo er nit mit seinem heer in Italien züg.
 Doch so meint er ihm noch schedlicher zesein/wo er mit seinem heere auß Si-
 cilien abweichen/auff das die Italier nit in abschlahung der hilff wider von
 im fielen/oder die Sicilier in seinem abweichen auch vmb Schlügen vnd abfie-
 len. In disen engsten bedacht in das sicherst sein/zum ersten in Sicilien mit
 aller macht zestreiten/Wo er dan die von Carthago auß dem land schlagen/
 möcht er demnach den sighaften hauffen vnd kriegsman inn Italien füren.
 Da er nu seinem fürnemen nahe gestriten/vnd gesigt/hat in doch das landts
 volck in Sicilien für vberwunden geacht/dieweil er von ihnen abzoch. Dar-
 umb sint sy von im abgefallen/vnd hat er Sicilien eben als bald verlorn als
 gewonnen. Als es im aber inn Italien auch nit glücklich gangen/ist er wider
 heim in sein künigreich Epyrum gezogen. Dis ist ein wunderparlich exempel
 gewesen zu beiden seytendes glücks vñ vnglücks/Wann gleich wie im vor-
 hin all ding glücklich zustunden/das der in Italien vnd Sicilien erlangt/vñ
 so trefflichen sig gegen den Römern erworben / also hat er jezund wyder zu
 einer anzeig des wandelparn menschliche vnfals/alles das er vor versamlett
 vnd gewonnen/wider zerstrewt vnd verlorn/vnd vber das alles auch einen
 schyffspruch geliten/vnd nach dem letzten streit in Italien/ein schätlich flucht
 darauf gethan. Nach dem vnd der jezgenant künig Pyrrhus auß Sicilien
 gezogen/ist von dem Magistrat zu Siracus vnd andern stetten einhellig zu
 ein Hauptman erwelt/einer mit namen Hieron/das er wider die von Car-

Das XXIII Buch

thago streyten solt. Der was so adelicher sytten vnnnd messigen lebens / das er einhelliglich darzü erwölt vnd gleich darauff jr künig ward. Disem künig Hieron hat sein kindtheit anzeig geben / seiner künftigen grofmechtigkeit. Er ward geporn von einem edlen man Hierodytus genant / der von seynem altē stamien her von künig Gelo in Sicilien geporn gewesen / Seyn mütterliches geschlecht was aber gang von vnachtparn leütten / vñ nemlich ein dienstmage darumb er von seinem vatter verworffen / als ob sein geschlecht vnd adel das durch verkleint wurd. Inn dem haben aber die Bynlein das kindlein (das aller menschlichen hilff beraubt was) etwo lang zeit mit iren honig wäben erneret vnd aufgehalten. Von diser handlung wegen gaben die warsager seinē vatter den radt / das er dis kind nit verachten solt / dann dis wunderzeichenn bedeytet / das dis kind zū küniglichem stamien kommen solt / darumb nam er das kind an / vnd zoch das mit allem fleiß auff. Als nu diser knab vnder andern schülern gelet / hat im ein wolff der vnuersehenlich vnder sy kam / sein tassel auß den henden gerissen. Item als er zum ersten inn ein feldschlacht komen ist im ein Adler auff sein schilt / vnd ein Lül auff sein spieß gefessen / dis gab zū verstee / das er inn den rädten fürsichtig / vnd im feld ein löw sein wurde. Demnach hat er manchen kampff gethan / wider die ine darzü erfordert / vnd allweg gesigt. Vmb seiner theuren mannheit willen hatt er vom Künig Pyrrho / vil ritterliche vnnnd köstliche gabenn vnd grof lob erlangt. Er was von leib schön vnd gerad / darzü fast starck / in seiner red sensftmätig / inn seinen sachen gerecht / inn seiner regierung gang messig / vnd inn summa also geschickt / das er alle künigklich art vnd eygens schafft an im gehebt / vnd im nichts gemanglet hat / dann alleyn das künigreych.

Das frün



Von dem künig Ptolemeo Cerauno wie

er sein Schwester nam/ Auch von den Welschen/ die
den tempel zu Delphos berau-
ben wolten.



ls sich
dise dingg
in Sicilie
verlossen/
haben da
zwischen al

le Griechē / vō wege d mis-
hell so sich hieltē zwyschē dē
kūnigen Ptolemeo (mit dē
zūnamē Ceraunus genāt)
auch Antiocho vnd Anti-
gono / die wider einander
kriegtē/ empōrt vnd gar-
nach alle stett im Griechen-
land begert/ ir alte freyheit
wider zū erlangen. In dem
die vō Sparta die fūrnem-
sten waren / darūm schick-
ten sy allenthalb: ir Botsch-
afftē zūsamē/ sich mit ey-
nander zū verpynden/ zugē
also einhellig auß zum krieg
Vñ damit sy nit geacht wur-
den/ wider den künig Anti-
gonum in Macedonien zū
ziehen (vnder des gwalt sy
der zeit waren) da vberzu-
gen sy die Etolier/ vmb der
vrsach willen/ dz sy dz veld



Cyreum genant/ das vonn allen Griechen dem Gott Apollo vbergebenn
was/ eingenommen hetten/ vñnd mit gewalt inn hielten. Im selbenn zug
sagten sy zū eim Hauptman mit namenn Aras / der name mit ihm ein heere/
vñnd beraupt der selben landtschafftē/ Vñnd was sy nicht hinweg bringen
mochten/ das verprenneten sye. Als nun yhre hyrten vonn dem gepyrge
das erseheenn / haben sych deren auff fünffhundert zūsamē gethan/ vñnd
die zustreuweten feynde / die nicht wüsten wie starck sye werenn / auch vor
dem rauche nichtt sehenn mochten / angegriffenn / vñnd derenn auff dyc
neün tausendt erschlagen/ vñnd die vberigen ihnn die flucht gewenndet.

A iij Dasich

Das XXIII Buch

Da sich nun die von Sparta widerumb zum krieg gerüst / habenn yhnem vil stert keyn beystande mer thun wollen/vnnd gesorgt/dye von Sparta begerten dadurch vber alles Griechen land zu herschen. Inn mittler zeit hatt sich der krieg zwischen vorgemelten Königen geendet. Wann der König Ptoleus hat den König Antigonum vertriben/vnnd das Königreich Macedonien eingenommen/darauff mit dem König Antiocho freyden/vnd mit künig Pyrrho freundschaft gemacht/dem selben gab er sein tochter. Darnach als er seiner eusserlichen sorgen entladen/da hatt er sein vnmyle vnd schandlich es gemut/zü den heymischen lastern gewendt/vnnd sein aygne Schwester dye Königin Arsinoe vnderstanden zu betriegen/Dero hat er yr kinder getödet vnd sy vmb jr hauptstat Cassandria betrogen/Inn diser handlung prauchet er zum ersten disen betrug/das er dergleichen thet/als ob er seiner Schwester so innprünstiglich hold were/darumb begert er sy zu eyner gemaheln. Wann er kund sonst inn kein andern weg jr kind vberkommen/denen er vorhin yhr Königreich eingenommen. Die künigin erkant aber wol den betrug vnnd falsch ires brüders/die weil sy im nu nicht vertrawet /hat jr der künig weyter zu empotten/Er wölle jr zwen sün zu seinen erben machen/wann er hette jr land vnd künigreich nit darumb eingenommen/das er sye berauben/wolt aber lieber/das sy sollichs von im zu danck empfahe solten/Begert ihm deshalb ein vertraweten menschen zu zeschickenn / vor dem wolt er ihro bey den heymischen Götten schweren/dem also getrewlich nach zukommen. Inn dem wyßt die Königin sein Schwester nit wol wess sy sich halten solt/Wann syorget wo sy yemants zu im schickt/das sy mit dem maineyd möcht betrogewerden/Wo sy aber sollichs nit thun/wurd sy damit den zoren ires brüders/ noch mer bewegen/sorgt irer kinder mer dann jr selbs / Wann sy vermeint die selben mit jr vermehelung zu beschyren/Darumb schickt sye einen vonn ihren freunden zu im irem brüder/mit namen Dionem / den selbigen fñrt der künig Ptolemeus in den tempel Jupiter/darinn legt er sein hend auff den altar/vñ die geweychten küssen / vnd schwür also thewr vnd hoch/das er die vermehelung seiner Schwester/mit keinem betrug begert/das er sy auch ein künigin nennen/vnd jr zu lieb kein andre nemen wolt. Nach dem nun die künigin Arsinoe dauon ein hoffnung empfangen/vnnd jr sorg fallen lassen/hatt sye selbs mit irem brüder geredt/der hatt sy nicht minder mit seinem güttigen angesicht vñ lieb äglein versñrt/dann vorhin mit seinem schweren. Vnnd wiewol jr sun die mütter warnet/vnnd sagt/Es stäckt ein betrug darhinder/nitt wenigens verwilliget sy irem brüder/in die vermähelung/vnnd ward die hochzeit mit grossem bracht vnd freuden fñrgenommen. Zum selben lñd er auch sein gang beer/inn deren aller gesicht sagt er seiner Schwester vnd gemaheln die künig klich Cron auff/vnd nennet sy damit ein künigin in Macedonien/Mit dem ward sy frölich vnd vermeint/was sy von küniglicher wyrede mit abganngyres gemahels künig Lysimachus verloren/hett sye yezund wider vbertömen/Darumb lñd sye iren gemahel vnnd brüder/auch zu fro inn jr hauptstat zukommen gen Cassandria/von welcher statt wegen dann aller diser betrug vnd lyst angericht was: Darumb zoch sye voranhin alle ding auff das schönst zu

nest zu verordnen/iren gemahel zum erlichsten zu empfangen. Sy lies alle temple vnd heüser köstlich zieren/vnd an allen orten alter auffrichten vnd opfern Sy beualch iren beiden sinnen/Nemlich Lysimacho der auff xvj. jar vnd Philippo der bey xiiij. jar alt waren/irem stieffuatter gekrönt entgegen zu reiten die der vorgenant künig Ptolemeus zu verdeckung seins betrugs/mit anzeyg einer grossen liebe vmbfangen vnd gekusst hatt. Da man aber zu der statt porten kam/da bestellet er das man das schloß einnehmen/vnd die beiden jungen künig seine stieff vnd Schwester sin/töden solt. Da aber die der mütter zu geflohen/seind sy icro im geren erstochen/Wiewol sye sich selbsts zum offtern maln dargepotten vnnnd begert hatt/sich für ihre sün zu töden/dieweil sye doch mit yhr vermähelung dis mord zügericht hett/deshalb zum dicken mal ihren leibe dargeboten/vnnnd ihre kinder darmit begeret zu beschirmen/vnnnd deren wunden zu empfangen. Vber das alles wurde ihr auch nicht gestattet ihre sün vergrabenn zu lassen/vnnnd ward sye sampt zweyen sunckfrawen mit zerrissenen kleydern vnd zerstreutem har auß der statt geschleyst/Inn dem sy inn das ellend kame gen Samothraciam/vnnnd so vyl arbaytseliger/das sye nicht mit ihren kinden nach ihrem begern hatt sterben mügen. Jedoch so seint dise grosse mord vnnnd laster an dem künig Ptolemeo nicht vngerochen pliben/wann gott hatt selbsts dis sein schweren meyneyd vnnnd mord an yhme gerochen. Wann vnlang darnach ward er von den Welschen außser Gallia/seyns reychs beraubt vnnnd gefangen/darzu erstochen/wie er das wol verdient hatt. Vnnnd nemlich als inn Gallia dem Welschen land vil volck gewesen/ist ein hauffen volcks auff dreyhundert tausent mann auß geschickt/andere land vnnnd wonungen einzunehmen vnnnd züsächen. Vonn disem volcke hatt sich ein theyl inn Italien niddergelassen/die haben die statt Rom gewonnen vnnnd anzündet/Das ander theyl kame inn Illyrien nach anzayg dern/die nach der vögel fliegen warsagenn/die vyl vnnnd mancherley streyt theten mit den vöckern durch die sye zugen/die liesen sich ihn Vngern nyder. Dys ist ein verwegenn streytpar volck gewesen die zum ersten nach dem starcken Hercules vber die vnwegsamenn gepyrge der Alpen können seint/Daselbs haben sye die Hungern bezwungen/vnnnd demnach mit iren nachpauern vil streyts gehept. Wie es inen also für vnd für glücklich ergieng/da haben sy sich abermaln von einander gesunderet/Vnnnd vberzoch der ein hauff das Griechen/vnd der ander hauff das Macedoner land/vnd gewunnen alle land darein sy kamen/vnd machten mit irem namen bey meniglich ein grossen greusel/also das auch die künig/inn deren land sye nicht können/mit grossem gelt freyden vonn inen kauften/Vnnnd hat als leyn der vorgenant Ptolemeus der Macedoner künig ihrer zukunfft erwartet/vnnnd zog inen entgegen mit wenig volcks on alle sorg vnd ordnung/als ob es alls leichtlich vnd gering were mit yhnen zu streyten/als andere mord vnnnd laster zu begond/Auch verachtet er der Tartarer bottschaft/die sich erpotten/ihme mitt zwainzig tausent mannen zu hilffe zekommen/die er doch auch mit wortenn schmachet vnnnd saget/Das es vmb der Macedoner künigreych vbel stünde/wo sye der Tartarer hilffe haben müsten/Vnnnd

Das XXIII büch

*Die Belger haben
sich das Land
zwischen den
Rhein und dem
Oder*

vnd sprach / er het der theuren menner kinder zu kriegsleuten / die vnder dem
grossen Alexander geraiset / vnd den ganzen vmbkreys der erden erobert het
ten. Da diß der Tartarer künig gehört / hat er gesagt / das diß so mechtig Kün
nigreich Macedonien durch des künigs verwegenheit verloren werde müß.
Inn dem haben die Welschen jr Botten zum künig geschickt / zu ersaren sein ge
müt / vnd mit im auch freyden machen wollen / wo er inen gelt geb. Des hat
sich der künig nit wenig erhebt / vnd gesagt / das er mit inen kein freyden mache
sy wolten im dann jr Fürsten vñ hauptleut vberantwortē / Zu dem wolt er
ynen nit vertrauen / sy legten / dann jr gewer von inen. Da diß die Welschen
gehört / haben sy gelacht / vñ sprachen zusamen / Das der künig bald ynnē wer
den müß / ob sy nit im zu güt / sich des freydens erpotten hetten. Wan vnlang
darnach / als sy mit dem streyt zusamen kamen / seind die Macedoner vberwun
den / vnd iren vil erschlagen / darzu der künig im streit vast wund vnnnd gefan
gen worden / dem schlugen sy sein haupt ab / vñ steckten das an ein lange spieß
vnd ließen das den feynden zu ein schrecken / vor der ordnung her tragē. Der
Macedoner seind wenig mit der flucht darvon komen / die andern all gefan
gen oder erschlagen. Da man das inn Macedonien ynnen / ward ein grof kla
gen vnd weynen vmb ire kind / auch sorgten sy darzu zerstörung der stett / dye
sperten sy zu / vnd rüßten also die namen irer alten künig Philippen vnd des
grossen Alexanders an / vmb hilff / als ob sy götter weren / vnd bekenten frey /
das sy vnder den selben künigen / nit allein im land sicher / sondern darzu vber
wynder des ganzen erdreichs gewesen / Das die selbigen zwen künig jr vater
land beschyrmten wolten / das sy mit iren manlichen geschichten / gar nach vntz
in den hymel erhöcht hetten / vnd also den bekümmerten iren verlassnen vnder
thanen zu hilff komen wolten / die der künig Ptolemus mit seiner verwegen
heit inn dise nott vnd angst pracht het. Als sy nu gar nach all verzweyffelten
vnnnd nyemants wysten anzurüffen / Da was doch eyner vnnnder den Maces
doner Landtherren / Sosthenes genant / der hieng ein hauffenn der jungen
menner an sich / vnnnd weret den Welschen / dye sich ihres sygs vberhüben / das
sye das land nicht weytter plünderten. Vonn diser seyner mannlichen that
wegen / beualch man yhm das Künigreich zu regieren / wyerwol sunst vil ed
ler leütt des begert / doch hat er im das land nit als ein Künig / aber alleyn als
ein Herzogen schweren lassen. Da zwyschen vñ als der Künig Brennus (vñ
der dem die andern Welschen in Griechen lagen) gehört / wie ihr gesellen ge
sygt / die vnder dem andern frem Künig Belgus die Macedoner vberwun
den / da hat er ein grossen verdruß / das sy so ein grossen raub dahynden gelaß
sen / Darumb nam er zu ym Hundert vñ fünffzig tausent zu füs / vnd xx. tau
sent zu ros / vnnnd vberzoch Macedonien. Da er nun das lande etlicher maß
verprennet vnnnd verherget / hatt yhm der vorgenant yhr Herzog Sosthe
nes / mit wenig volcks begegnet / dye wurden vberwunnden / das sye ynn
dye Stett wychem / Darauff der vorgenant Künig Brennus onn aller
mānigflichs yrrunge das gannz Lande plünderet / vnnnd beraubet /
Demnabe stunncken yhne dysse schlechten peüthen an / Darumb beraubet
er auch dye Tempel / vnnnd saget mit eynem müttwylligenn scherz / das dye
menschen

*Bedencke die
ein H. R. R. R.*

Sosthenes

menschen von den götten etwa entlehen müssen/vnnd hat darauff on verzug den tempel zu Delphos beraubt/vnd gesprochen/Das gold werden götten ein schwere püß/dieweyl sy des nit bedürfften/vnnd das gewonlich den menschen beschereten. Der selbig tempel lag an dem berg Parnaso/allenthalben mit scharpfen abgeschliffenen felsen/die sich vberhenckten/Dasselbs warde auch mit stäter züwandelung der menschen ein statt gebawen/vnd warde von keiner gemachter mauren beschirmt/sonder von natürlicher höhe der velsen/Also das ein zweyfel daran was/ob man die beschirmung mer got oder dem natürlichen vellen vnd vesten platz zu messen solt/In der mitte des bergs streckt sich ein vellen herfür/gleich wie ein aufgestossener ercker. Deshalben so die leut an dem end schryen/oder sonst tromieten geblasen werden/so gibt der widerhal von den vellen/vil ein grösseren widerthon/dann man dargegen aufgelassen hat. Dis pringet den fremden leut ein greüßel. In dem absatz des vellsen/vnd an Nittle des bergs ist ein ebne/vnd darinn ein hülin die reicht vnz in den tempel/darauf gat mit einem sausen eyn kalter winde/der macht die menschen wanwitzig vnd vnbesinnet/vnd tringt sy das sy den fremden vnd gesten die dahin kommen warsagen müssen. Deshalben werde vil grösser vnd mechtiger gaben da gesehen/die von künigen vnd fremden n landen dahin geschickt seint/von des radts vnd antwort wegen/die ihnen des ends zu frem fromen gegeben werden. In dem nu der vorgenant künig Brennus/dahin kam/vnnd des tempels sichtig ward/da bedacht er sich ob er sein volck von stund an den tempel vnd statt zu vberfallen/oder ob er sich nach de sy müd waren/die selbig nacht rüwen lassen wolt. Das widerrieten ihm sey ne zween kuntman mit namen Euridanus vnd Thessalonus/die vmb 8 pent vnd gewins willen dar kamen/vnd sagten/man solt die von Delphos vnuersehelich vberfallen/dieweil sy von ir zükunfft wegen noch im ersten schrecken stünden. Wan in einer nacht möchten sy ein männlich gemüt darzu hilff vber kommen/dadurch ihnen die weg(die seztund offen stünden) versperret wurden. Doch so haben sich die Welschen(dieweil sy von wein vnd frucht ein voll lade funden)allenthalben zerspreit vnd aufgeteilt/Sy verliessen ire fänle vnd lieffent allenthalb daraffter/raub vnd penten zu süchen/als ob sy schon aller ding gesigt hetten. Dises ist den zu Delphos zu fromen kommen/wan in der Welschen vnuersehelichen zükunfft mochten die lanndeleut weder wein noch frucht vom land vnnd dörsfern hinweg slöhen/damit ward ir feind verhindert/das ihnen inn mitler zeit ir nachpauern zu hilff kommen möchten. Darumb haben sy zum erstenn mit hilff der nachpauern ihr statt bewart/Ehe dann die Welschen wyder von dem weyn zu yhren fenlin kamen. Es hett der Künig Brennus bey lxx. tausent kriegsleut/vnnd die von Delphos nicht mehr dann vier tausent sampt iren gesellen/die der Künig veracht/vnnd die seynen zum raub vnnd pent vermant/vnnd sagt ihnen das die seülen vnnd die ganzen wägen/die sy weyt hinauf sehenn/von lautterm gold gegossen weren/vnnd werenn vil schwerer dann sye scheynten/damit wurden sye des raubs vnnd weins halb bewegt/den sye verganngnen tags getruncken hetten/das sy also plynzlich daran lieffen. Dargegen aber dye Delphischen

*Die bestrafung
des Tempels delphs
"05*

Das XXIII buch

Delphischen mer hoffnung zu Got/dann in jr eygen krafft vnd sterck sagten
 Darumb sye inn grossen vertragen den feynden wyderstand theten / vnn
 prachten also die Welschen/die gegen dem berg auff stygen zum theyl mit den
 felsen vmb/die sy gegen inen walzten/vnd die andern mit dem schwert. Inn
 disem streyt kamen der oberst Bischoff vnn alle priester vnn warsager des
 tempels/mit aller zyerd/sagten wie gott von hymel kommen were/inen hilff
 vnd beystand zuthun. Nach dem sy all gemainlich die hilff gots angeruffet/
 da sahen sye ein schönen jüngling vber all menschlich form / vnn bey im zwü
 gewapnete Junckfrawen/die von den nechsten tempeln nemlich der Göttin
 Diana vnd Alinerna/im zu hilff zukommen/das sy nit allein mit iren augen
 sahen/sonder horten auch dabey ein gross geprassel des harnisch vnd gewer.
 Darumb ermanten sy ire burger/sich nit zu saumen die feynd züschlagen/dye
 weil inen doch die Götter zu hilff kamen vñ beystand theten / damit wurden
 sy dermaß entzündt zestreitten / das sy an allen orten in die feind fielen/darinn
 empfunden sye von stund an die hilff Gottes gegenwertig sein/Nemlich so
 spielt sich das ein teyl des bergs mit einem erdbydem von einander / vnn der
 schlug der Welschen ein grosse sum/Darauff volget ein gross vngewitter/mit
 plyr/tonder vnd hagel/danon die vbrigen verwunten auch vmbkamen. Vñ
 als der künig Brennus den schmerzen seiner wunden/nicht leyden mügen /
 bat er sich selbs erstochenn. Der ander hauptman hatt die vrsacher diß
 zugs gestrafft/vnn ist er mit .x. tausent eylands auß Griechen zogen
 yedoch haben die flüchtigen auch kein besser glück erfahren(wann
 die forchtsamen leüt mügen vnder keinem tuch sicher schlaf
 fen)auch hetten sy im tag weder fryd noch rüw/Sy
 müsten stäts regen/kelt/schnee vnn eyß/darzü
 grossen hunger vnd stäte arbayt leiden/Vñ
 vber das alles on vnderlaß wachen/dar
 mit des vnglückhafften streits halß
 sy in grossen sorgen ständen /zü
 dem seind sy zü allen orten
 wohin sy kamē veriaßt
 das iren nit einer
 vberblich.

Das XXV buch Justini. LXXIX
 Von dem tod Syryhi / vnd seinem
 Ritterlichen lob.



Wennu inn massen obster zwischen

den Künigen Antigonus vnd Antiochus / frydē gemacht
 Ist der künig Antigonus inn sein künigreich inn Macedo
 nien gezogen / vñ im bald darauff ein new feind zū komen
 Wann die welschen die zū beschirmung des lands zū einer
 hüt bliben / als die vbrigen vnder dem hauptman Bren

nus / in Griechen gezogen / die seint mit xv. tausent zū füs vñ iij. tausent zū roß
 den völkern Getarum vnd Tribalarum genant entgegen zogen / die dz Ma
 cedoner land vberziehen wolten / vnd haben die in die flucht geschlagen / vnd
 damit jr botschafft zum künig Antigonus than / mit im fridē zū machē / damit
 solten sy auch besichtigen sein hōr vnd gelt an in fordern / Die wurde vō künig
 zū gast geladē / bey dē sy grosse reichthum / credenz / gold vñ sylber sahen / das sy
 den iren

Das XXV Buch

den iren anzeigten. Der König ließ inen auch zu eym schrecken all sein schiff vnd helffsand zeigen/die all mit kriegsleuten vnd grossem gut beladen warē. Das alles machten sy bey den irn noch grösser/vnd gaben in dabey zuuerstehen des Königs gferlessigkeit/vnd das sein leger von gold vnd silber fast volstecke/darzu weder mit gräben noch bolwercken bewart were / vnnd verliessen sich allein auff ir reychthumb/also gar hetten sy all Ritterlich hüt vnderlassen/vnd weder schwert noch spieß bedörfften. Mit diser anzeig seind die Welsche noch mer gerayzt worden. Auch gedachten sy weye der and hauptman Belgus inn kurz vergangner zeit der Macedoner heere vnnd König erschlagen gehebt. Da sy nu alle darein verwilligt/haben sy des Königs leger bey nacht vberfallen wöllen/der ward des ynnen/Darumb verlief er alle ding im leger vnd verschlugen sich im nechsten wald/damit sy irn leger beschyrmten. Wan da die Welschen den leger also vol reychthumb gesehen/habē sy gedacht/es steck ein betrug darhinder/defhalb scheuchten sy lang darein zu kommen. Jezū letst haben sy den leger eingenommen/vnd an allen orten erspähet / vnnd was sye funden auffgeplündert / demnach sich zum port des mōrs gewendet. Vñ als sy des ends die schiff auch berauben wöllen/ haben sy die schiffhütter vnd ein teyl vom hōr (das mit irn weybern dahin gewychen) vnuersehenlich vberfallen/vnd irn souil erschlagen / das der König Antigonus der Welschen vnd aller andern vöcker halb/zū fryden bliß/Wiewol die Welsche der zeit so grösslich zūnamen/das sy im ganzen Asien daraffter schwaiffen/das kein Kunig in Orient krieg fūrt/der sy nit inn seynem heer vnd sold het. Vñ welcher von seinem land vertriben ward/der sucht kein ander zūflucht/dann zū den Welschen/so grösslich entfaß man ir manheit. Darumb wurden sy vom König in Bithinien vmb hilff angesucht/mit dem teyten sy nach erlangtē syg das land vnd nenneten die selb gegne Gallo Greciam / das ist Welsch Griechen/ oder Galatther. Dieweil sich die ding inn Asien verliessen/dazwyschen ist der obgenant künig Pyrrhus von den von Carthago mit eynem schyff streyt vberwunden/Darumb begert er durch sein bottschaft an den vorgeannten künig Antigonus/das er im mer kriegsleut vnd hilff zū schicken solt / vnnd ließ im darbey sagē/ Wo er im die hilff nit zūschicken/wurd er getrungen wider heym zū ziehen/ als dann wölt er seins schadens vnderstan an im einzukommen / das er doch sunst gegen den Römern thūn wolt. So bald im nu sein bottē anzeigten/wie im der künig Antigonus die begert hilff abgeschlagē/hat er sich keins vnwillens mercken (damit sein heer auff prechen/vnd heimziehe) lassen. Dazwischen beualch er seinen gesellen vnd freunden/die seiner part hei waren/dz sy sich mit allem ernst zum krieg rüsten solten/damit gabe er das schloß an der statt Tarent seinem sun Heleno vnd seinem vettern Niloni ein zū bewaren / vnd zoch er in sein künigreich Epyrum/vnd vberfiel gleich von stund an das land Macedonien. Dem zoch der künig Antigonus mit einem heer entgegen der ward vberwunden / vnd in die flucht geschlagen. Der gestalt hat der künig Pyrrhus das künigreich Macedonien eingenommen/das sich an in ergeben/damit hat er sein schaden (den er in Sicilien vnd Italien gelitten verhollet/vnd sich des ergetzt. Gleich darauff schickt er nach vorgemelten seynem sun vnd vettern zū Tarent In dem aber der König Antigonus mitt wenig

raiffgen

raissigē in die stat Thessalonica kam/des willens die Welschen vñ hilffsanzerē
 fen/ da ward er vom Ptoleuo dem künig Pyrrhus sun gar vberwunden /
 das er allein mit syben dienern darnon kam/ vnd kein hoffnung mer hett das
 künigreich wider zū bekommen/vnd begert allein sein leben zū fristen. Wie nun
 der vorgeant künig Pyrrhus inn diß hoch glück komen/das ihm selbs kaum
 zū erwünschen gewesen/ist er doch des nitt gnügig gewest / begert das ganz
 Griechen vnd Asier land auch zū vberkomen. Wann er het nit mindern lust
 zū kriegen dann zū regiern/Vnd wen er je mit streit angriffen/der hat im wey
 chen müssen. Aber gleich wie er vnüberwüntlich gewesen ist/die künigreich
 zū erobern/also ist er so vil deßter vnglückhaffter gewest die zū behaltē. Wan
 er kert mer fleiß an die zū gewinnen/dan zū behalten. Als er nu sein hör in Che
 ronesum bracht/da kamen der stett botschafften zū im von Athen / Messenia
 vnd Argos/Zū dem entfalt sich sunst das ganz Griechen land ab seine theu
 ren namen/vnd der Ritterlichen geschichten/die er wider die Römer vnd die
 von Carthago gehandelt/darumb haben sy seiner zukunfft erwarttet. Vnd
 er nam zum ersten den krieg wider die Spartaner an/Am selben end theten
 im die stawē mer widerstand/dan die man/Er verlor auch des orts sein sun
 Ptoleumum/ vnd dē sterckisten teil seins höres. Wan als er die stat stürmet/
 lieff ein grosser hauffen weiber an die were/zū rettung der stat/das er hinder
 sich weichen/vnd mit schanden den weibern den sig lassen müß. Dan wiewol
 sein sun Ptolemus mit der hand ein theurer ritterlicher jüngling gewesen ist
 also/das die stat Corcyra in lx. tagen von im erobert ward/Auch gewan er in
 ein schiff freyt mit ein kleinem schiff ein groß kiel vnd behielt dasselb/ Jedoch
 zū diser zeit rennt er zū Sparta hinein vñz auff den platz / daselbs ward er
 auß zū lauffung der gemein erschlagen. Vnd als man seinen todten leib dem
 vatter fürpracht/hat er gesagt/er were etwas langsamer vnd spöttlicher vñ
 pracht/dan er gemeint/vnd sein verwegne mähheit erfordert hett. Da nu der
 künig Pyrrhus von den Spartanern hinder sich geschlagen/ist er für die stat
 Argos gezogen/Dasselbs vermeint er dē künig Antigonom (der flüchtig dar
 ein komen was) ganz zū bestreiten. Wie er nu vnder andern am sturß man
 lich gestritten/hat man in von der stat maur mit einem grossen stein zū tod ge
 worffen/vnd sein haupt dem künig Antigono zū pracht. Der hielt sich in dem
 sig ganz milt/das er des künig Pyrrhus sun Helenum sampt seinem volck wi
 der in sein künigreich gen Epyrum komen/vñ ließ im damit den leib seins vat
 ters auch geben/den mit im heim zū füren/vnd ehrlich zū bestettigen. Das lob
 diß künig Pyrrhus ist bey aller menigklich dermaß gewest/das im bey seynen
 zeitten/nach darnon/kein künig hat vergleicht werden mögen. Vnd hat man
 gar selten einen funden/nit allein vnder den künigen/sonder auch vnder andn
 fürsten/die eins ehrlichern noch gerechteren lebens gewesen seint/dan er. Er
 hat die kunst der ritterlichen zucht vnd kriegsvbung dermassen gehept/dz er
 gegen den mechtigen künigen Lysimachus/Demetrius vñ Antigonus obge
 nant/gestritten/ vñ in denselben keiner vberwunden. Auch ist er in den kriegē
 wider die Illyrier/Römer/vnd Carthaginenser inn gleichem sig gestanden/
 vñ zū mermaln ein vberwynder gewesen. Mit disen seinen theurn vnd Rit
 terlichen sachen/hat er seinem kleinen künigreich ein theuren durchleuchtigen
 namen gemacht/in allen landen.

Das XXVI Buch
Von dem König Antigono vnd
seynem sun Demetrio.



Nach dem tod des vorgenanten künig Pyrrhus/haben sich groß krieg begeben/inn Macedonien vnd in allem Asien/Wan die Peloponnefer wurden dem künig Antigono mit verräterey vbergeben/das was ynen doch allen lieb/Wie dann eyn yede stat in sonders entweders vom künig Pyrrhus hilff verhofft/oder sich sunst gespert/darumb sich ettlich an den künig Antigonum ergeben/vnnd habenn sich die anndern den selben widersetzt/vnd vndereinander gestrytten. Vnder disen auffrüren der lande vnd prouinzen/hatt der Herzog Aristodemus die statt Epyrum mit eyner Tyranny eingenomen/darinn hat er ye die reichsten ertödt / vnd der meren teyl inn das ellend versagt. Auff sollichs haben in die Etolier jr botschafft zu geschickt vnd begert den vertribnen burgern jr weyb vnd kinder zu zeschickē. Diß hat er inen zum ersten abgeschlagen/vnd bald dergleichē than / als ob in das gerewen/hat inen also erlaubt zu iren mannen zu ziehen / zu dem jart vn̄ ernennet er inen ein sonderlichen tag zum aufzug. Die mainten nu/das sye yhr leben lang mit iren mannen im ellend sein müsten/darumb namen sye all yhr köstlichst klainat/vnd das best zu inen. Wie sy aber zu der porten zusamen kamen/damit sye inn eym hauffen daruon zügen / da wurden sy aller hab vnd güts beraubet/ darzu alle inn gefencknis gelegt/Vber das alles ire kinder inn iren geren vmbpracht vnd erstochen/vn̄ die gewachsnē sunckfrawē geschēdet
Da nu

Da nu alle menigklich ab disem so lasterlichen mord vñ herschē/ein forcht empfangen/hat ein mechtiger reicher vnd alter burger (der seiner kinder auch beraubt worden ist) seins lebens noch gūts auch nitt verschonen wöllen/sein allerliebste freund/vnd denen er am besten vertraut/zū im in sein hauss berufft vnd sy vermant se eigen vatterland zū ledigen/vnd sich an dem Tyrannen zū rechen. Da aber die selbigen den Tyrannen vnd sein grimmige straff besorgt/haben sy hinder sich gehalten/vnd zeyt begert sich darüber zū bedencken. Da diß der vorgeant reich burger Seleucus genant/gesehen/hatt er seinen knechten gepoten all thüren vnd thor beschlossen zehalten/vnz das er dem Tyrannen vortschafft thet/das er die bey im inn seinem hauss ergreiffen möcht/die sit zū tödten zamen geschworn hetten/Vnd hielt damit irem jedē in sonders für dieweile er das vatterland gern ledigen/vnd aber sy im nit darzū helffenn / so wolt er sich doch an inen rechen. In dem sy also in zweifel stünden/wellichem vnfall sye zum ersten entgan möchten/erwelten sy doch die erlicherer meinung vnd schwüren zūsamē / den Tyrannen zū tödten. Vñ ist also der Tyrann Aristodemus inn dem fünfften monat seiner regierung erschlagen. In mitler zeit ist der künig Antigonus mit vil kriegs/vnd aller meyst vonn der Spartaner künig Ptolemaeo geengstiget / Zū dem stund im noch ein newer feind zū / nemlich die obgenanten Gallogreci oder Gallater genant / Darum lief er ein kleyne macht im leger allein zū einem ansehen/vnd zoch er mit ganzer macht den Gallatern entgegē. Da die selben des gewar worden seint/haben sy sich auch zum streit gerüst/vnd se opffer than / Das zeigt inen an/das ire ein groffe summe erschlagen werddē solt / Jedoch so pracht inen dz kein schrecken/sonder ein grofse verwegenheit/vnd hofften mit iren todschlegen got zū versünen / Darum erschlugen sy se weib vñ kind selbs/vñ griffen demnach den streit an. Sy waren mit einem wäten vnd rasen besessen/das sy weder junger noch alten verschonten/denen doch die feind nichts gethan hetten / Vnd stryten zum ersten wider se weib vnd kinder/ als ob sy dadurch den sig erlangen möchten / vñnd vielen darauff noch also plütig inn ire feind. An denen befunden sy alles das inen se opffer anzaigt het. Wan sy wurden alle gar erschlagē/mit anders/dan als ob got selbs wid sy streit/zū straff ses begangnen mords. Nach disem streit hat der vorgeant Ptolemaeus der Spartaner künig/mitt seinem volck dem sichhafften hör/des künigs Antigoni entwichen/vnd sich an sein vorteil than. In dem aber der künig Antigonus sahe/das die von Sparta abzugen/vñnd sein kriegsleut des vergangnen sigs halb freydig waren/da griffe er die vonn Athen an. Vnd dieweile er mit den selben zū schaffen/hat dazwischen der künig Alexander inn Epyro begert den tod seins vatters künig Pyrrhus zū rechen / Darumb vberfiel er das land Macedonien/vnd plündert das. Wyder den zoch der künig Antigonus auß Griechen. Da aber die kriegsleut vom künig Antigono zū dem künig Alexander fielen / da gewan er dadurch dz ganz Macedonien künigreich. Jedoch so hat Demetrius der sun obgemelten Antigonus in abwesenn seines vatters ein hör versamlet/damit das künigreich Macedonien wider eingenommen/vnd das künigreich Epyrum darzū gewonnen/Also vnstet seint die kriegsleut/das die künig sezt vertriben/vnd gleych

Das XXVI büch

wider König worden seind. Da nu der vorgenant künig Alexander flüchtig
 zu den von Arcadia komen / ist er mit grosser lieb der Epyroter vnd seiner ge-
 sellen wider inn sein künigreich eyngesetz. Zu diser zeyt ist der Cyrener künig
 Agas gestorben / vnnnd gab vor seiner tranckheit sein einige tochter Veronice
 dem sun Ptolemei seyns brüders des künigs inn Egypten / auff das dye kriege
 zwyschen iren künigreichen damit auch abgewendt wurden. Aber nach dem
 tode des künigs Antigoni / da hat der tochter mütter die künigin Arsinoe / dy
 sen heyrat begert zu verhindern (dann die vermähelung was wider iren wil-
 len beschehen) Die schickt nach Demetrio dem brüder Antigoni / das der auß
 Macedonien zu jr kommen solt / dann er was auch von der tochter Ptolemei
 geporn / so wolt sy in die tochter sampt der Cyrener künigreich vbergeben.
 Des sich der selbig Demetrius nit gesaumpt / vnd eylends in eym glücklichen
 winde gen Cyren geschiff. Er verlief sich auff sein schöne / deshalben in seyn
 schwyger hold ward. Auff das sieng er an / gegen dem hoffgesynd hochmü-
 tig / vnd den Rittern vnerleydlich zu werden / vnd wandt all sein lieb von der
 jungen Künigin auff die mütter vnd schwyger. Dis ward zum ersten die
 jung künigin / vnd demnach das ander hoffgesind gewar / Darumb
 richten sy all jr gemüt vnd willen auff den sun Ptolemei / vnd vn-
 derständen vorgenanten Demetrium heimlich vmbzepingē
 Vnd nemlich / als sich der selbig in der alten künigin bett
 gelegt / hat man in darinn erstochen. Doch so hort
 die selbig alte künigin Arsinoe ihr tochter vor
 dem salsteen / vnd den thättern zu sprech
 en / das man der mütter schonen solt
 damit ward de epruch bedeckt
 Mit disem totschlag hat die
 jung künigin den eepuch
 gestraft / vn̄ dem letste
 willen ihres vaters
 gefolget.

Das xxviij.



Das XXVII büch Justini. LXXXII
Vonn Antiocho Hierac vnnnd seynem
brüder Seleuco den künigen in Syrien.



Nach dem der König Antiochus in Syrien gestorben/ist im Seleucus sein sun im reich nachgeuolget/ Der hat durch anreizung Laodice seiner mütter (die yhm doch solichs gewert haben solt) sein regierung mit todschlegeln angefangen. Wan er hat Beronice sein stieffmüter die schwester Ptholemei des künigs in Egypten/ mit ein jungen brüder/ der von irgeporn was/ schantlich ermorden lassen. Deshalben er gegē aller meniglich verlemndet vnd verhasset/ wurde auch von ihrem brüder Ptolemeo dem künig inn Egypten gekriegt. Da aber die selbige Beronice vermerckt/ das man ihr etlich zū geschickt hat/ die sy tödten solten / da floch sy in das schloß Daphne. Vnd dieweyl sy darinn beleget ward mit sampt irem sun / da rüsten sich alle stett in Asien ir zū hilff zekommen. Auch was ir brüder Ptolemeus mit aller macht auff sy zū retten. Dieweil sy aber vor ankunfft der hilff nit eroßert / ist sy doch mit betrug vnd listen hindergangen vnd vnracht/ Das dan meniglich zū grossem verdruß vnd vbel nam. Da nu alle stett die von im abgefallē waren ein grosse sunn schiff zūsamen prachten/ wurden sy von des mords wegen bewegt/ dieweil sy die künigin nit hetten retten mögen/ iren tod zū rechen Darumb ergaben sy sich alle an den künig Ptolemeum inn Egypten / der het auch dadurch dz gāz künigreich Seleuci in seinē gwalt pracht/ wo er nit von heimischer auffcür wegen hett wyder inn Egypten ziehen müssen. So vyl hatt diß mordt dem künig Seleuco haf/ vnnnd dem künig Ptolemeo (der seynen schwester mordt begert zū rechen) gunst vnnnd willenn prachte.

O üij Danu

Das XXVII büch

Danu der König Seleucus nach dem abzug des Königs Ptolemei eyn me-
 chtig schiff heer versamlet/widder die stett die von ihm abgefallen waren/da
 hat er ein grossen schiffspruch gelytten/als ob Got selbs diß mord an im straf-
 fen wolt/wann er verlor inn vngestüme des mōrs sein ganz schiff heer/vnnd
 kam niemants daruon/dann er vñ ein wenig seins hoffgfinds/ doch nackend
 vnd ploß. Es was ein grosser vnfal/das kam im aber zū grossen glück. Wan
 die stett die sich im zū leid an den König Ptolemeum ergeben/haben gemeint
 das er sein misserhat damit gnügsam gepüßet/vnd hetē so grof erpermd vnd
 mitleyden mit im des schiffspruchs halben/das sye sich widerumb mit freyem
 willen an in ergaben. Dermaßist er seins vnfalls wider getröst/vnnd mit sey-
 nem schaden mechtiger worden/darumb er den König Ptolemeum mit eym
 heer vberzoch. Doch ward er im selben streyt vberwunden/gleich als ob er
 zū grossen vnfal geporen were/vnnd kam mit grossen schrecken flüchtig gen
 Antiochia. Da dannen schrib er zū seynem brüder Antiochus vmb hilffe/das
 rumb wolt er im alles Asien eingeben/das ynnnerhalb dem berg Taurus gele-
 gen/zū einer belonung diser hilff. Vnnd wie wol der selbig nicht mehr dann
 xiiij. jar alt gewesen/ist er doch zū herschen so begyrig gewest/das er diß mit
 willen angenommen/vnnd begert hat/ob er möcht das ganz Syrier reych
 erlangen/vnd wie ein rauber sein eygnen brüder des berauben möcht. Vnnd
 wiewol er der jaren halb noch ein kinde gewesen/so nam er doch inn dysen
 val ein verwegne vnmanliche durstigkeit an sich/Darumb neñet man in mit
 seinē zūnamen Antiochus Hierax/die weil er nit nach menschlicher/aber nach
 art vnd natur des Hasichs ein andern das sein auß den kloen zuckt. Dazwi-
 schen vnnd als der König Ptolemeus vernam/das dysen Antiochus Hierax
 seinem brüder Seleuco/zū hilffe kam/Vmb willen/das er nicht zū eyner zeyt
 wider sy beyd streytten müß/Da macht er mit dem König Seleuco ein fry-
 den/zehen jar lang/Aber der fryden ward von dem König Antiocho zertren-
 net. Wann er versamlet vnd besoldet ein heer von obgemelten Gallatern zū
 hilff seinem brüder/vñ geprauchet sich doch dern wider seinen brüder./In dem
 selbigen streyt lag er ob/von der Gallater theuren manheit wegen. Da aber
 die Gallater vermainten/das der König Seleucus im streytt vmbkommen
 were/da sagten sye sich wider den Antiochum sein brüder/dann sy vberschlü-
 gen die sache also/wosy das Königlich geschlecht ganz vnspringen/möchten
 sy das Asier land dest ringer berauben. Als aber der König Antiochus Hie-
 rax des ynnen worden ist/hat er sich mit gelt von inen als raubern abkauffet/
 vnd also mit seynen besoldten kriegsleuten freundschaft gemacht. Da-
 zwischen hat der König Lūmenes inn Bithinien ihm gar eben nachgedacht/
 die weil die vorgemelten zwen brüder wider sich selbs auffeürig vnd emport
 wern/das ganz Asien an sich zepringen/Darumb gryffe er den vorgenanten
 Antiochum Hierax vnd die Gallater als die vberwinder an. Die weil er nu
 gerüwet gewesen/ist im der sig/gegen den vberwinden(die auch geschedigt
 waren)so vil deßer ringer zū gestanden. Wann der zeit geschahen alle kriege
 vmb des Asier lands willen/Nemlich wer der sterckest gewesen/ist her ge-
 west/vnd ward im das ganz Asier land zūlon. Also strittē vorgemelt zwen
 brüder Seleucus vnd Antiochus Hierax/vmb das ganz Asien. Desgleichē
so vndero

so vnderstünd der künig Ptolemeus inn Egypten vnder der gestalt seiner
 Schwester tod zu rechen/ auch nach dem Asier reich zu raffen. Am andern teyl
 was der künig Eumenes/ darnach die Gallater als Soldaten/die das Asie
 er reich vberfielen vnd geraubten/vnd ward inn mittler zeit niemants befür-
 den/der das lād beschirmt. Da nu der künig Eumenes den künig Antiochum
 vberwunden/hat er damit den merern teil in Asien eroßert. Noch so habesich
 vorgemelt zwen brüder nit vereinparn können/vnd rüsten sich erst noch mer
 einander zu kriegem vnd züuerderben/vnd verliessen den aufwendigen feind
 Im selbigen streit ward Antiochus Hierax abermaln vberwunden/vnd vyl
 tag geiagt. Je zu lest kam er zu Artamenes dem künig in Cappadocien/sey-
 nem schweher/der in anfänglich freuntlich empfangen. Als er aber seinem
 tochter man zu tödten vnderstanden/hat sich der selbig auch fluchtig darvon
 gemacht. Vnd dieweil er als ein flüchtiger an keinem end sicher gewesen/ist
 er zu seinem feind dem künig Ptolemaeo komen/dem er bas vertraut dan
 seinem eignen brüder/Wan er gedacht wol was vßels er wyder den
 selben gehandelt. Doch befand er den künig Ptolemeum als einē
 feind/der lief in inn ein hart gfencknus legen. Auf derselben
 ward er wider ledig mit hilff einer magt (die er darvor
 inn freuntschaft erkandt) die betrog den hüter.
 Nit wenigens ist er in seiner flucht von den reu-
 bern vnspracht/vnd vngenerlich in den
 selbigen tagē hat sein brüder Seleu-
 cus sein künigreich verlor/vnd
 ist darzu mit eim roß gestrau-
 chet vnd zerod gefallen.

Also haben dise beyde
 Brüder das ellend/
 darzu solche töd
 zu einer straff
 ir begangne
 mord
 vnd laster haben
 müssen.

Das xxviij.

Das XXVIII Buch Justini
Von den Etoliern/vnd dem Künig
Antigono in Macedonien.



Ach dem aber die Künigin Olympi-
as die tochter des obgedachten künig Pyrrhus ihren gemahel
darzū iren brüder den künig Alexander in Epyro verlorn/hat
sy iren sūnen vnd kīnden pfleger gesetzt/dye hießen mit namen
Pyrrhus vnd Ptolemeus/vnd vnder nam sye sich das Künig-
reich (vng vergenant ir zwen sūn erwachsen) zū regierē. Auff das vnder stūn-
den ir die Etolier ein teyl des lands Acharnanie abzūtreynen/das der kinder
vatter zū seiner kriegs peūt worden was/Darumb fügt sich die künigin zum
kūnig inn Macedonien Demetrio (der hett des künig Antiochus inn Syria
schwester zū einem gemahel) den rufft sy vmb hilff an. Da er sollich abschlūg
da versprach sy (in ir tochter Pythia zū einem gemaheln zū geben. Das nam er
an vund hielt man hochzeit. Aber ye lieber die junger gemahel gewesen / ist
die elter souil mer in vngnad kōmen/gleich als ob sy ganz verstoffen were.
Darumb thet sy sich zū irem brüder dem künig Antiochus in Syria / vnd be-
wegt in wider den künig Demetrium zū kriegen. Diweil aber dye obgenan-
ten Acharnaner den Epyrotorn sy zeschyrmē nit ganz vertrauen dorfften/
da rufften sy die Römer vmb hilff an/wider dye Etolier/ vñ erlangten von
dē Römern/das sy ein botschafft zū den Etoliern schickten/ dye sagt den E-
toliern / das sy gedechten/das sy ire zūsez vnd kriegsleūt/auf den stetten inn
Acharnania hinweg thūn / vnd die frey lassen solten / die weyl die allein dye
ihenen were/dye nit hettē wöllē wiß die Troianer ire forðn in krieg außziehē.
Die

Die Etolier haben aber der Römer botschaft mit ein grossen gespöt vñ verachtung gehört/vnd der botschaft zu einer schmach fürgehalten/die Carthaginenser vnd welschen/von denen sy gar nach ganz vñspracht vnd erschlagē vnd sagten/sy solten zu vor jr statt porten wider auffthun(die sy von grosser forcht wegen/vor den von Carthago beschlossenen hertē) ee dan sye vnderstünden in Griechen zūziehen. Dabey solten sy auch ingedenck sein/wem sy trawten/so sy doch jr statt vor den Welschen nit hetten mögen beschirmen. Vñ als die gewonnen/were die von ihnen nit wyder mit dem schwert erobert/aber schantlich mit geldt wider kauft vnd gelöset worden/Eben die selbigen welschen/wie sy mit einer grössern macht inn Griechen kōmen/wern sy doch von den Etoliern/on all frembde hilff gar erschlagen/vnd lägen inn ir land begraben/dye doch vil stercker vñnd männlicher gewesen weren/dann dye Römer/darumb dann die Welschen gar nahe ganz Italien innhielten. Darumb solten sye die selbigen Welschen vorhin auf Italien schlagen/ehe dann sy vnderstünden den Etoliern zeträwen/Sy solten zum ersten ihr lande beschutzen/vnd darnach erst vnderstan andre zūbeschirmen. Wz seint doch(sagten sy)die Römer für leut? Ja nichts anders/dan velt vnd kü hirten/die freneigen herin jr land abgetrungen/vnd das wie rauber innhielten/Die auch jr weiber offentlich vnd mit betrug geraubt hetten/dieweil sy die von irs vnerbern herkommens wegen/an keinem end gütlich bekommen mögen/Die auch jr statt mit dem todschlag gebawen/vnd die ersten fundament mit dem brüderlichen mord vñ todschlag/auch desselben vergoffnen plāts gsetzt vñ besprengt hetten. Dargegen so weren sy die Etolier alzeit die fürsten vnd obristen im Griechen land gewesen/Vnd wie sy die andern an wyrd vnd ere vberwegen also hetten sye auch all andre an theurer manheit vbertroffen/Vnd weren sy auch die allein/die der Macedoner gepot verachtet/die doch sunst auff dem gangen erdtrych theur vnd namhafft leut gewesen. Sy heten den künig Philip niegefürchtet/vñ des grossen Alexanders mandaten(vber das er die Persier vnd Indier bezwungen)nie angenommen/nach gehalten/wiewol sunst all menigklich ein forcht vnd schrecken ab seinem namen gehept. Deshalbē wolten sy die Römer gewarnt haben/das sy sich irs glücks gnügen lieffen/vnd sy nit zum krieg reizten vnd zū den waffen/damit sy die Welsche erschlagen/vñ sich der Macedoner erwert heten. Mit diser anzeig/lieffen sy der Römer botschaft abscheiden. Vnd vñb willen sy nit geacht wurdenn/traglicher geredt dann gehandelt/haben sy von stund an das Königreich Epyrum vnd das lāde Acharnania vberzogen vnd beraubt. Derzeit hat die Königin Olympias ihren sunen dem Pyrrho vñnd Ptolemes/das Regiment ybres Königreichs vbergebenn. Vñnd nach dem Pyrrhus mit tod vergangen/ist das Königreich an den jüngern brüder Ptolemeum gefallen. Dan der mitteym höre den seyndenn endtgegen gezogen/ist er vnderwegenn frannck wordenn vñnd gestorbenn. Des ist die Königin Olympias so laydig wordenn/das sye vnlang darnach auch mit tode abgangenn. Vñnd dieweyl vom Königlichenn stammen niemands mehr ihn lebenn gewest/dann allayn zwū Juncckfrawenn/mit namenn Nereis vñnd Laodomia/Da ver-

Das XXVIII buch

Da vermehelt sich Nereis dem künig Gelo/des künigs sun in Sicilien. Wye aber die ander junckfraw Laudomia in den tempel Diane geflohe/ist sy vom volck erschlagen. Des hat sy got gerochen/vnd die theter mit schweren plagen gestrafft. Also das sy gar nach ganz abgestorben seind. Wann sy wurden vnperhafftig/darzû lytten sy grof thewring vnd hunger / auch vnder in selbs grof aufflauff vnnnd todtschleg/zû letst wurden sy von aufwendigen kriegern her gar nach ganz vnpracht/Des gleichen so ist jr todtschleger Milo genant/rasend vnd wütend worden/das er sich mit seym eygnen gewere / vnnnd den kopff an den wenden zerstieff /vnd verwundet/zû letst sich mit seyn eignen zenn zerrissen vnd getödt hat/ Das geschach ynnerthalb zwelff tagen nach begangnem morde. Als dise ding inn dem Kunigreich Epyro verlieffen / da zwyschen ist der Künig Demetrius inn Macedonien tods abgangen / vnnnd verlief eynen sun/Philippus genant/dem ward Antigonus zû einem pfleger gesetzt/der het sich gern selbs zû eym Künig gemacht. Darumb nam er des jungen Künigs mütter zû einer gemaheln. Als er sich nun demnach von auffrûr wegen der Macedonier ynnhalten müßte/da gieng er zû letst allein on alle leibs hütter vnder die gemain/vnd warff die kron für sy/sampt dem Küniglichen kleyd/vnd sagt/sy solten das geben wem sy wolten/der vber sy regieren kont/vnnnd dem sy glust gehorsam zesein. Wann das Künigreich vnd des verwaltungung het im vnz her mer neyds/arbeyt/vñ schaden pracht/dan nutz oder wolust. Demnach zeygt er inen an/was gûts er inen bewysen/wie er ire abgefallnen gestrafft/dazû die Tartarer vnd Thessalier/dye sich des künigs Demetrius tod gefrewet/die het er bestrytten/damit er der Macedonier Künigreich nit allein beschyrmte/sonder auch gemeret vnd gebessert. Wo sye daran verdruß haben/wolt er inen das regiment frey zû iren handen vnd gewalt stellen/dann er merckt wol /sy süchten ein Künig/dem sy gern gepieten wolten. Von diser handlung ward das gemain volck vnnnd von eeren wegen bewegt/das sy in das regiment hießen wider annemen / Des er sich doch so lang gewydert/vnz das man die vrsacher diser auffrûr gestrafft/vnd hatt er gleich drauff die Spartaner gekriegt/die allein skünig Philip/vñ des grossen Alexanders auch vnder Macedoner gepotte vnd woffen in allen kriegern verachtet/die doch sunst all meniglich hat fürchten müssen. Vnnnd entstand also diser krieg vnder zwayen den aller Edelsten völkern in Griechen/vnd stryeten zû beyden seitten mit allen krefften. Die Macedoner von irs alten rûmbs wegen/so dann die Lacedemoner nit allein von der freyheit/sonder auch von irs lebens wegen. Deshalb vnd wiewol die Lacedemoner vberwunden/sint nit allein die mann/sonder auch die frawen eins vnuerzagten gemüts piben. Wan inen keiner schonit seins lebens im streyt/auch hat kein weyß inen erschlagenn man beweynet. Die alten haben der sun tode gelobt/vnnnd dye kinder sich gefrewet/dz ir vâter im streyt so ritterlich gestorben sind/vñ verdroß in yedes inn sonders/das es nit auch von des vatterlands wegen sterben solt. Die alten namen die verwundten in inen heüßern auff/vnd haylten die. Jedoch so was damit inn der statt keyn empörung noch vngeßüm wesen. Dan sye klagten alle den gemainen nutz mer/dann den sonderlichen schaden. Inn dem kam

Dem kam jr König Cleomenes / nach dem vnd er der feind vil erschlagen / vñ
 sich von der feind plüt ganz feucht vnd naß gemacht / der zoch inn die stat wie
 ein löw / vñ sagt sich nider / Er begert weder essens noch trinckens / darzu zo-
 he er seinen küris nit auß / Vñ als er sich von grosser arbeit vnd müde wegen
 hinder sich an ein wand geleynt / vnd das nit mer dan iij. tausent burger vñ
 erpliben gesehen / hat er sy tröstlich ermant / das sy vmb des gemeinē nutz wil-
 len jro verschonen / vñ vñ zu einer andern zeit erhalten / ist also mit sampt
 seinem gemahel vnd kinden zum künig Ptolemaeo in Egypten geflohen / von
 dem selben ist er vast erlich empfangen vnd wol gehalten. Aber zu letst als 8
 selb künig Ptolemeus abgangen / ist er von seinem sun sampt allē seinen freun-
 den vñspracht. Aber der vorgnant Antigonus / als der die Spartaner so gar
 erschlagen vnd vñspracht / hat er sich doch vber jr statt erparmt / vnd die
 selbig nit stürmen noch plündern wollen / vnd hat aller dern so vber-
 blißen seint / verschont / vnd gesagt / das er wider jren künig Cleo-
 menes / vnd nit wider die Spartaner aufgezozen. Dieweyl
 nu der mit der flucht daron komen / were damit sein vñ
 will auch abgestellt / vñ vermeint / das er ehren gnüg
 erlangt / das er sy bey jrem stattlichen wesen vnd
 gebew behalte / dern het er gern geschont / die
 weil kein leut mer vorhanden / derenn er
 schonen kont. Vnlang darnach ist er
 abzozen vnd hatt dem jun-
 gen künig Philippen
 der jez rñij. jare
 alt was / das
 künigreich
 vñnd
 re-
 giment vbergeben
 vñ ist er gestor-
 benn.

Das XXIX buch Justini
Von König Philips in Macedonien/wie
 der wider die Römer sich rüstet dem Hannibal
 beystand zu thun.



Bey disen zeytten habenn gar nahe
 alle künigreich inn der ganzen welt new künig vnd herzen
 vberkommen. Wann in dem künigreich Macedonien hat
 der künig Philip nach absterben seines stieffvatters vñ pfle-
 gers/das regiment angenommen. Der was nit elter dann
 Viertzehen jar. Vñnd als Seleucus der künig inn Asien erschlagen/ist seyn
 junger sun Antiochus zu eyim künig gesetzt. Item das künigreich Cappadotia
 ist dem jungen künig Ariarathi von seinem vatter vbergeben. Das Eyp-
 tisch künigreich hat Ptolemens nach vmbprungung seyner vatter vnd mütter
 eyngenommen/dem man von desselben begangnen mords wegen /den zūna-
 men gab Philopater zum widersynn/dan Philopater heist eyn liebhaber des
 vatters. Item dye Spartaner haben ann statt des künigs Cleomenes/Li-
 curgum zu künig erwelet / vñnd damit inn der zeit allenthalben ändrung ge-
 schech/so haben die von Carthago ein jungen vnzeyttigen hauptman gesetzt
 mit namen Hannibal /Nit darumb das sye an den alten mangel gehebt/sond
 das sy so grossen haf gegen den Römern trügen /gegen denen sy ine wußten
 von jugent auff heßig sein. Er was auch den Römern vnd den von Cartha-
 go zu großem schaden geporn. Dise künig hetten kein eltere anweyser / sye
 schickten sich aber selbs in die fußstapffen ihrer eltern/ vnd ist vnder inen allen
 der

der künig Ptolemeus der vngeschicktest gewest. Dann gleich wie er das künig reich mit mord vnnnd todschleg vberkommen/also hat ers auch regieret. Den künig Philip in Macedonien haben die Tartarer vnd andre anstossent land von irs alten haf wegen/als ein jungen veracht/vnnnd on vnderlas mit krieg angesochten. Dargegen hat er aber die selbigen mit allein auß dem land geschlagen/sonder auch die Etolier angriffen. In diser rüstung kam zu im der Illyrier künig Demetrius/der kurglich darvor von Paulo dem Römischenn ratshezen vnd Burgermeister bestreyten/vnd vberwunden/vñ sücht in mit slälicher bett an/in dem er sich der Römer zugefügten schadens beklagt/das sich die selbigen des Italier lands nit gnügen lassen/aber mit der hoffnung das ganz erdtreich zu bekönnen/te die nechst gelegnen künig bestreiten vñ vertreiben wolten/wie sy dan Sicilien/Sardinien/vnd Hispanien eroberet/also hetten sy willen das ganz Affrica vnder ihren gewalt zepringen/deshalben sy dann aller merst den krieg mit Hannibal frem hauptman an genommen/Auch hetten sy in vmb keiner andern vsach willen/mit krieg angriffen/dan darumb/das sein land Illyrien dem Italien so nahe gelegen/vnd wer gentslich te meynung keinen künig zu einem nachpauzen zu haben/Darumb so wer in dem künig Philip in Macedonien not/darvon ein exempel zu nemen/Dan so vil sein künigreich namhafter vnd mechtiger were/so vil dest harter seynd wurd er an den Römern erfarn/Ober das alles wolt er in sein künigreich Illyrien gern frey vbergeben/vñ lieber sehen/das er (als ein freund) das besesse/dan die Römer seine feind. Mit diser red hatt er den künig Philip betädigt/das er die Etolier zu fryden gelassen/vnnnd die Römer mit krieg angriffen/hat gedacht/vnd vberschlagen das sollichs mit ringer mühe vnd kosten geschehen/dieweil er vernomen/wie die Römer von den von Carthago hauptman Hannibal/bey dem See Trasimenus genant/geschlagen/vnd vmb willen/das er nicht zu einer zeyt mit vyl kriegenn beladen wurd/macht er mit den Etolier ein fryden. Nicht inn der gestalt/das er den fryde an ein ander end richten/sonnder als ob er damit dem Griechen land zu friden helffen wolt/vnd sagt/es were vor nie inn so grosser sorg gestandenn/Wann dieweyl gegenn nydergann der Sonnen/zway mechtige reich entstündenn/Nemlich der vonn Carthago/vnnnd der Römer reich/die alleyn so lanng am Griechischenn reich gehindert wurdenn/all dieweyl yhr krieg gegen eyinander weret. So bald aber ein teyl gesigenn/wurd das selfs vonn stund an/das Orientisch lannde auch vberzeyhen. Im selbs (sprache er) wer nicht anders/dann wie er ynn Italien sähe ein tunccken wolckenn auffgan/der eyn grymmen streyte vnnnd vyl pläts vergiesfenn anzaygt/Auch entstände yhnn Occident eyn grof vngewitter mit ein greüßlichen donder vnd plizzen. Darumb were gewis an wellichem end in der welt/sich dis wetter mit dem syg nyderlassen/da wurd es all ding schädlich verwüsten/vnd aller merst das Griechen land/das doch vorhin vil schaden empfangen vnnnd gelitten het/von den Persiern/Macedonern vnnnd Welschen/das doch alles gegen disem vnfall für eynen scherz zu achten sein/wo dise grosse macht/die yezund ynn Italien wydder eyinander handelt/

Das XXIX buch

sich ynn frembden landen erzaygen wurde. Wann er sehe wol wye die
 selbigen zu bayden seytten mit so grossen krefften / vnd so grossem ernst vnn
 fleis der hauptleut wider einander stryten / Es mocht auch dasselbig ir geym
 gemut nit geendet werden / dann allein mit sterben vnd verderben der eyne
 parthey / das dann auch on grossen schaden der nechstgelegnen nicht zergeen
 mocht / Doch so were der vberwynder grymmes gemüte / den Macedonern
 mynder zu sorgen dann dem Griechen lande / dieweyl das Macedoner lande
 jnen etwas weyters entlegen / Vnnnd mocht sich selbs von seiner aigenen ma
 cht wegen bas entschütten vnd rechen / dann das Griechen lande. Er wyß
 aber auch güter maß wol / das die jhenen / die mit so grosser macht wider eyn
 ander stryten / sich desselbigen sygs nicht gnügen lassen wurden / darumb so
 müß er sich der obligenden parthey auch erwerben. Vnder dyser red vnnnd an
 zeig ließ er ab / die Etolier zü bekriegen / vnnnd gedacht nichts anders / dann der
 Römer vnnnd Carthaginenser krieg vnnnd handlung. Auch so seind die Rö
 mer zu den selbigen zeitten (wiewol jhnen Hannibal on vnderlaß oblage) der
 Macedoner forcht nicht ganz ledig gewesen / vnnnd hetten nemlich eyn entsy
 genu / ab der Macedoner mannheyt / dardurch sye dann das gannz Quent
 bezwungen hetten / Vnnnd sonderlich das er der yezig König Philips sich
 inn allen dingen flyß / der theuren mannheyt des grossen Alexanders nach
 zü folgen / den sy wol erckenneten / das er geschickt vnnnd lystig were kreyge zü
 füren. Darumb als der genant König Philips erfüre / wye dye Römer
 von den Carthaginensern / noch eyn mal vberwunden / vnnnd geschlagen wor
 den seynd / da hatt er sich für eyn offnen seynde der Römer bekennet / Vnd das
 rauff von stund an schyff machen lassen / darinn er seyn kriegsuolet inn Ita
 lien fürte / Darnach hat er sein Gottschafft zü gedachtem Hannibal geschickt
 mit etlichen geschrifften / sich mit yhm zü vereynparn. Der selbig sein Legat
 vnd Gott ist yhm aber auffgefangen / gen Rom für den radt gefürt / vnd doch
 daselbs on entgelt nus ledig gelassen / Nicht zü eeren dem König / darumb as
 ber / das sye nicht auß eynem vnnngewyssen / eyn gewyssen seynde machen.
 Nach dem man aber dye Römer warnet / das der König Philips mit eym
 heer inn Italien ziehen wolt / da schickten sye den radsherren Levinum mit
 gerüsten schyffen yhm entgegen / dem König die vberfart zü weren. Wie nu
 der inn Griechenland kam / da bewegt er die Etolier mit vil zü sagunngen / das sye
 den König Philip mit eym herre vberzügen. Dagegen rayzt der König
 Philip dye Etolier wydder die Römer zü kriegen. Dazwischenn vberfiez
 len die Tartarer Macedonien / vnnnd fürten auff xx. tausent menschen gefan
 gen mit in hinweg / Damit warde der König Philip getrungen / das er vom
 Römischen krieg lassen / vnnnd sein eygen land beschyrenen müß. In den dinge
 4293 hat der vorgenant Levinus mit dem König Attalus freündtschafft vñ pünt
 nus gemacht / vnnnd darauff das Griechenland beraupet. Des erschracke die
 stett inn Griechenland / vnnnd rüßten den König Philip vmb hilffe ann. Auch
 begert yhm der König inn Illyrien hilff zü beweyßen / wye er yhm zü gesagt /
 Vber das alles warn die Macedoner schedlich verhergt vnd geplündert / da
 rumß sy rach begerten zethün. Dieweil nu König Philip allenthalben her inn
 sorgen

sorgen vnd engsten stand/wist er nit was er zum ersten angreiffen solt. Doch
 so hat er inen zu allen theylen hilff zu gesagt/nit das er inen sollichs haltenn/
 aber damit trösten/vnd in freuntschafft haben wolt/vnnd ist er zum er-
 sten wider die Tartarer zogen/die inn seinem abwesen Macedoni-
 en vast geschedigt hetten/vnd macht dazwischen mit den Rö-
 mern freyden/vnd ließ sich gnügen/das er damit den Ma-
 cedoner krieg auffschürzt. Doch so vnderstände er
 Philopomenen der Achayer Herzogen heimlich
 zu tödtenn/darumb das er den Römern
 geneigt vnnd günstig was. Da aber
 der selbig das erfahren/hatt
 er gemacht das die A-
 chayer vom Kö-
 nig Philip ab
 gefallen
 seint.

p iij Das xxx.



Das XXX Buch Justinii
Von dem letzten König Philips inn
Macedonien/wie der von den Römern
vberwunden ward.



Dann der König Philip so grosse
sachen vorhanden gehabt / da hat Ptolemus der künig inn
Egypten/lesterlichs wesen an sich genommen/wann gleich
wie er das künigreich mit vmbprungung seiner vatter vnn
mütter erobert/also hat er auch seynen brüder ermort/vnd
sich darnach in ein schandtlich vnd vppigs leben ergeben/als ob er groß vnn
erliche sachen begangen hett. Inn sollichem vnkeüschem leben hat im alles sein
hoffgesind nachgenolgt. Wann es wurden nit alleyn seine freünd vnd Lant
uögt/sonder auch das ganz heer in dem vppigen schandtlichen leben dermas
verhonet vnd verderbt/dz sy aller ritterlichen zucht vnn art nichts mer ach
ten. Da aber der künig Antiochus in Syrien diß erfahren/der auch sunst eyn
alten

alten haß gegen dem künig in Egypte gehept/hat er im mit vnuersehelichem krieg vil stett abgewunnen/vnd damit auch Egypten mit einem hör vberzo- gen. Des erschrackt 8 künig Ptolemeus/vñ schickt sein botschafft zu dem künig Antiochus/allein daruß ob er in auffhaltē möcht. Dazwysche verfoldet er ein hör auß Griechen/vnd glückt im mit der felttschlacht wider den künig Antioch us/ also dz der im auch sein künigreich abgewunnen/wo er sich nur seins glücks geprauchet het. Er ließ sich aber gnüge/dz er seine stet wiß vberkam/die er ver- loren het/vnd macht mit im ein friden/damit er wider zu rñwen käme/sieng also sein schantlich vnfeusch leben wyder an. Er ertödtet auch sein eigē gema- hel die künigin Euridices/die doch auch sein schwester was/vnd vberkam ein liebe zu der dynnen Agathoclea/Andern vergaß er aller seiner künigklichen wñrde vñ stands/also das er die nacht mit eepruch/vnd den tag mit füllen vñ trincken volpracht/Darzu hielt er staz tenz vñ seittenspil/das man in für kein künig/aber ee für ein frauwen wirt halten möcht. Diß schnöb vñ schät- lich leßgieng anfeñcklich still zu vñ heimlich/darnach aber als die hñr mit wei- ter verporigen sein wolt/da zoch sye iren brüder Agatocles genant zu ihr/der ein schöner hüpscher jüngling was/also das sy beid den künig zu täglicher vn- lauterkeit reizten/zü denen kam auch ir Beider mñter/die den künig von liebe wegen der jungen/gleich als ein gefangnē hielt/Also ließen sy sich des künigs mit gnügen/sonder wolten auch das künigreich/darzu haben/vñnd ließen sich offentlich sehen/das man sy grüssen vñ beleiten müß. Der brüder Agatocles hieng dem künig an/vnd regiert die ganz statt/so ordnet vñ setzten die wey- ber/mñter vñ tochter alle lantvñgt/haupt vñ amptleut/vnd was niemāts minder gewaltig im reich dan der künig selbs. In disen dingenn starb der ge- dacht künig Ptolemeus/vnd verließ ein sun auff fünff jar alt von im vñnd der vorgeanten Euridice seiner schwester vñnd gemaheln geporn. Jedoch so ha- ben die vorgemelten mñter vñnd tochter sein tod etwa lang verschwigē. Wan sy vñnderstünden dazwyschen des künigs schatz/vnd das ganz künigreich mit leichtuertigen leuten ansich zepringen. So bald man aber das erfarn hat/ist ein aufflauff entstanden/vnd der vorgedacht Agatocles darin vñspracht/vñ die beiden weiber mñter vñnd tochter zu einer rach der Künigin Euridices an galgen gehenckt/damit haben sich die von Alexandria gerochen/vnd darauf ir botschafft gen Rom geschickt vñnd den Senat gebetē/das sy das verweiser kindlin ires künigs vñnder iren schirm auffzenemen mitt sampt dem künigreych Egypten/das dan jez schon der künig Philip in Macedonien vñnd der künig Antiochus inn Syrien vñnder inen selbs mit gemachter freuntschafft geteylt hetten. Dise werbung horten die Römer mit güttem willen/wann sy hetten sunst gern vrsach gehept/wyder den künig Philip zu kriegē/darumb das er ihm Carthaginenser krieg/anch wider sye gehandelt/vorab dieweil sy kurz darvor die vonn Carthago vñnd ihren Haupttman Hannibal vberwun- denn gehept/vñnd kein feind mer vorhanden hetten/dann den künig Philip in Macedonien. Sy bedachten auch deshalb wie vor der künig Pyrrhus mit wenig volcks auß Macedonien/inn Italien groffe sachen volpracht/ Anch wie die selben Macedoner in Orient Ritterliche thaten gethan heten.

Grad frau

Das XXX Buch

Deshalb schickten sy ihr botschaft auf zu dem künig Antiochus vnd Philips
 sen inen zu sagen/ vnd zu verkünden/ das sy des Egyptischen künigreichs müß
 sig seyn solten. Vnder denen ward auch Marcus Lepidus der Römisch rads
 herr in Egypten gesendet/ das ganz künigreich als ein Vogt vnd fürmunder
 des jungen künigs zu versehen vnd zu regieren. Auff sollich kamen auch dye
 botten von dem künig Attalus/ vnd auch der Rhodiser botschaft gen Rom/
 vnd beklagten sich von dem künig Philips inn Macedonien/ das dann den
 Macedonischen krieg auch gefürdert. Dann vnder dem scheyn das sy iren ge
 sellen vnd freunden hilff zu gesagt/ haben sy den Macedonischen krieg erkent
 zu volführen. Darumb seind ihr legaten mit sampt dem Burgermayster inn
 Macedonien geschickt. Vnlang darnach hat sich das ganz Griechen lande
 auff die Römer vertruöst/ vñ sind vom künig Philips abgefallen/ vnd in hoff
 nung kommen/ ir alt freyheit zu erlangen/ also auch widder den künig Philip
 krieget. Da nu der vorgenant künig Philips dermaß/ von allen orten her ge
 nöthigt/ ist er damit gezwungen/ von den Römern fryden zu begern. Dem
 nach aber vnd als die Römer/ die artickel des frydens fürgehalten/ haben die
 andern/ als der künig Attalus/ die Rhodiser/ Achayer/ vñ Etolier/ inen das
 ir auch begert zu widerkeren. Darwider aber der künig Philip sagt/ Er mö
 cht sich wol dahin bringen lassen/ das er den Römern gewillfart/ Dargegen
 wer aber nymmer billich das die Griechē/ die vom künig Philip dem alten/ vñ
 vom grossen Alexander seinem vorfaren künigen bestritten/ wie sye dann vn
 der das Macedoner künigreich komen weren/ das sye als die vberwunden/
 die artickel des frydens geben vñ fürhalten/ sonder zünor ir dienstparkeit vol
 strecken/ ehe dann sy der freyheit begern solten. Je zu lest hat er zwen monat
 lang fryftung begert/ die seind im zu gelassen/ den fryden zu Rom zu erwerbe
 den er inn Macedonien mit annemen wolt. Zu der selben zeit ist ein grosser
 erdbydem gewest zwischen den Inseln Theramenes vñ Therasia/ in dem mö
 vnd auff dem land. Inn dem haben die fürschißenden gesehen ein Insel er für
 komen mit warmen wassern/ Desgleiche ward in Asien auff den tag auch eyn
 erdbydem auff dem land/ das Rhodis vnd sunst vil andre stett schedlich ver
 fielen/ etlich verschluckt das erdtrich gar. Wie nu menigklich daraß erschrock
 en/ ist von den Warsagern gemainklich angezeigt/ dz dis nichts anders bedeut/
 dann das die Römer alle herrschafft vnd land in Orient vberkomen wurde/
 vnd das damit der Griechen gewalt verfallen vnd verschluckt sey. Also hat
 der obgedacht fryden vor dem Römischen Senat kein fürgang genommen/
 Darumb dann der künig Philip der Spartaner herrn Nabin/ zu einem ge
 sellen des kriegs annahme. Vnd als er sein heer zusamen in die ordnung gestelt
 hat er sy vor dem angriff ermant vnd erzalt/ wie die Persier/ Bactrianer/ In
 dien/ Asien/ vñ das ganz Orient/ von den Macedonern bezwunge/ darumb
 solten sy auch disen krieg souil deßter mannlicher volführen/ souil inen die frey
 heit lieber wer/ dann die dienstparkeit. An dem andern teyl/ hielt der Rö
 misch Burgermaister Flaminius den seinen die ritterlichen werck für/ so sye
 erst newlich selbs volpracht/ Nemlich das sye die von Carthago sampt dem
 ganzen Sicilien/ desgleichen Italien vnd Hispanien mit irer theuren man
 heit bezwungen/ Auch so wer Hannibal mit mynder zu schezen/ dan der groß
 Alexander

Alexander/den sye auß Italien vertriben/vnd darzu alles Affrica/als dē durt
 teil der welt vnder iren gewalt pracht/Auch solten sy nit gedencen/das die
 jezigen Macedoner den alten gleich wern/wann sy stritten nit wider dē gros
 sen Alexander(den man sagt vnüberwyntlich gewesen sein)auch nit wider
 sein hōr/das alles Orient bezwungen het/Sy stritten allein wider den Kū
 nig Philip/der noch ein kind/vnd den sachen zū jung were/der doch sein eigen
 land gegen sein nechste nachpauren kaum het beschirmen mögen/vnd mit den
 Macedonern/die vorhin die Tartarer zū einer peut gefangen hinweg gfürt
 hetten/Sy als Römer weren eins andern namens vnd ansehens. Die Ma
 cedoner berümpften sich irer vordern manheit/so mochten sy/als Römer/sich
 irer selbs theuren ritterlichen gethaten frewen vnd berümen. Dañ Hannibal
 vnd die von Carthago/auch das ganz Occident wer mit keīn andern Rit
 ter noch kriegsman bezwungen/dañ die er inn seinem hōr het. Mit disen wer
 ten wurden die Beiden hōr vermant/das sy einander mānlich angriffen. Das
 ein teil tröst vnd vberhūb sich des Orientisch/das ander auff das Occiden
 tisch reych vnd Kayserthumb. Die Macedoner verliessen sich auff iren vor
 dern alten abgestorbnen preis/Dargegen aber die Römer auff ir new grūnd
 Ritterlich vbung vnd manheit. Jedoch so hat das Rōmisch glück die Mace
 doner vberwunden/Darumb der künig Philip vō Burgermeister Fla
 minio friden begert/inn dem er den Küniglichen namen behalten.

Doch hat man im all stett in Tracia entzogen vnd abgeschnitten
 vnd allein Macedonien das alt künigreich verlassen. Des ha
 ben doch die Etolier ein grossen vnwillen gehept/dz man
 in mit seins künigreichs ganz beraubt/vnd inen das
 selbig für iren kriegskosten eingeben. Darumb
 schickten sy ir botschaft zū dem künig Antio
 cho dem grossen künig inn Syrien/die
 in mit irem lieblosen mit anzaig sei
 ner grossen macht gegē den Rö
 mern zū kriegem bewegē sol
 ten/nemlich das der da
 durch dz ganz Grie
 chen land vber
 kommen
 möch
 te.

Das xxxi.

Das XXXI Buch Justini
Vonder flucht Hannibals / auch wie
der König Antiochus vberwunden ward
von den Römern.



Nach dem tode des künigs Ptole-
mei Philopaters in Egypten / ist seyn junger sun Ptoleme-
us Epiphanes genant dermaß veracht / das er auch von de-
Heymischen vnd sein selbs vnderthanen beraubt / Deshalb
dann der künig in Syrien Antiochus bewegt / das er vnder
stünd Egypten land vnder sein gewalt zepringen / darumb hat er Phenicem
vnd andre stett in Syrien (die doch dem künigreich Egypten von altem her
zū stunden) angesochten. Darauff im der Römisch radt jr legaten zū geschickt
zū sagen / das er gedecht / das jung verlassen wayflin vnnd künig in Egypten
vnbekümmert zū lassen / dieweil inen der von seinem vatter am todbett / inn iren
schym ergebn. Die weil aber der künig Antiochus dise werbung verachtet /
hat man im vō stund an ein ander botschaft zū geschickt / Die sagten den jün-
gen

gen künig auff ein ort/vnd sprachen zum künig Antiochus / das er gedechte dyc
stett (so den Römern nach kriegs recht zü gestellt/vnnd vbergebenn waren)
gennglich vnnd on endtgeltus wydderumb zü handen staltte. Da er
aber das abgeschlagen / hatt ihm die selbig botschafft den frydenn ab/vnnd
damit den krieg verkündt vnd zü gesagt. Den hat er mit willen angenommen/
vnd mit seinem grossen schaden vollendt. Zü den selbigen zeitē hat der Spar
taner künig oder Tyrann Nabis vil stett inn Griechen gewonnen. Damit
vnd aber die Römische macht nit zü einer zeit mit zwysfachem krieg auffgehal
ten/da hatt der Römisch Senat/strem altten burgermeister Flaminius zü ges
schriben/wo es in für güt ansähe/so solt er das Griechen land vonn dem Ty
rannen Nabis auch frey vnnd ledig machen/gleich wie er sy vom künig Philip
auch erlediget hett. Darumb ward im auch sein gwalt vnd hauptmanschaft
erstreckt. Es hat auch der Hauptman Hannibal den Antiochischen krieg etli
cher maß grausam gemacht/Dañ des selbigen widerwertigen zaigtē zü Rom
an/wie er ein heimlichen verstand mit dem künig Antiochus gemacht. Wan
es wer nit möglich im vnder einem andern gewalt in fryden zü leben/dieweil
er gewonet het zü herschen/darumb er nit rüwig pleyben/vnd noch mer kries
ges bewegen möcht. Vnnd ob das nit eytel warheit anzeigt /ist doch sollichs
von den sorgfeltigen geglaubt/ Vnd ward der radt damit so ängstig/das sye
deshalb einen sundern Legaten in Affricam schickten/zü erfarn wes sich Han
nibal hielt/mit namen den ratsherin Seruilius/dem gaben sy heimlich dē
beuelch/das er wie ers ja zü wegen pringē möcht/den Hannibal durch sein miß
günner tödten lassen/vnd damit das Römisch volck der sorg seinthalb entlas
den solt. Das nam der vorgenant Hannibal gar eben acht /der in den glückli
chen dingen nit mynd er die wyderwertigen/dañ inn dem vnfal das glück bes
trachten kunt. Darumb als er den gangen tag auff dem marckt inn der statt
Carthago/dem Magistrat/desgleichen dem Römischen Legaten/vnder au
gen gewesert vnd spaziert/hat er sich am abent spat/auff ein pferd gesetzt/vñ
ist auß der statt inn sein herrschafft vnd landtschafft geriten/die nit ferz von
der statt am mōz lag/vnd thet das allein on all sein dyener / denen beualch er
sein an der porten zü warten/vnz er wider kem. In der gedachten seiner lant
schafft het er etlich verporigne schiff mit bestelten schiffleuten auff in warten/
Zü dem hett er auch vorhin ein grossen schatz von güt vnnd gelt versamlet /
damit sein flucht nit mit der armüt verhindert wurde. Dasselbs samlet er
eylends ein hauffenn knecht/vnnd sunst die gefangnen auß Italien/mit des
nen sagt er sich zü schiff/vnnd für den nächsten dem künig Antiochus zü.
Am nachgenden tag wartet die ganz statt auff fren öbristen meister/wañ er
herfür auff den plaz keme. Da man aber sagt/wie er schon hinweg wer /da
erschrack menigklich in der stat nit anders/dann als ob die stat vñ den feyndē
gewunnen wer/also schedlich vermeintē sy inen des selbigē flucht sein. In dem
für der Römisch Legat stillschweigent wiß hinweg/als ob der Hannibal schō
sezt die Römer angreifen wolt/vñ pracht also erschrocklich mern mit ihm gen
Rom. Dazwischen hat jr alter Burgermeister Flaminius sich mit etlichē stet
ten in Griechen vereint/vnd gleich darauff inn zweyen velschlachten/dē Ty
rannen Nabis vberwunden /vnnd hinder sich ihn sein lannnd getrybenn.

Vnd

Das XXXI buch

Vnd als er dem Griechen land seyn alte freyheit wider eroberet/vnd sein hōz von allen stetten/darinn sy zū einer hūtt lagen zūsamē berūfft/vnd in Italiē gefārt/da hat der vorgenant Nabis vnuersehenlich vil stett vberfallen/Des seind die Achayer erschrocken/dann sy sorgten das es demnach an sy auch kām darumb rüsten sy sich wider den Tyrannen zū kriegen. Inn dem erwölten sy iren Burgermeyster Philopomenes/der eyn weyler theurer ritterlicher man was. Wann er hielt sich so manlich/das ihn all menigklich dem Römischen Burgermayster Flaminio vergleicht. Zū den selben zeytten/als der vorgenant Hannibal zū dem künig Antiochus kōmen/ist er eerlich von im empfangē vnd maynt nit anders dann gott het im den zūgesendē/darumb er ein solliche trost von im empfieng/das er nit vom krieg/sonder von belonung des sygs handelt/vnd radtschlug. Aber Hannibal (als der die Rōmer baf erfarn) sagt das man die Rōmer nit bezwungen möcht/dann inn Italiē/darzū begert er im nit mer dann hundert schiff zegeben/zehen tausē zū fūß/vñ tausent pferd damit versprach er im den krieg inn Italiē zū fūren/vnd im darmit den syge oder ein angenehmen vertrag vnd fryden zū erlangen. Wann die Hispanier wolten gern wider die Rōmer kriegen/darinn mangelt inen allein ein hauptman. Auch wyß er des Italiē lands gelegenheit yezund vil baf dann vorhin/Zū dem wurd auch die statt Carthago nit still sitzen/vnd im mit guttem willen beystand thūn. Da nu dem künig diser radt vnd anschlag gefiel/da schickt Hannibal seiner gesellen einen gen Carthago/sye zum krieg zū rayzen/vnd inen anzeigen/das inen Hannibal mit ein heer inen beystendig sein/vnd eylends zū ziehen wurde/Er solt auch sagen das inen nichts darzū manglet/allein das sye nit mer dann inen willen auch darein geben/das Asien wurd die macht der kriegsleit vnd allen kosten darstrecken. Da die ding den von Carthago fürkamen/da ward diser bott/von des Hannibals widerwertigen ergriffen/vnd also gefangen für radt pracht. Inn dem man in des ends fraget/zū wemer außgeschickt worden/Da antwort er nach seynen lystigen art/das er zum gangen radt geschickt were/dann dise sache berürt nit sonder personen/sonder sy alle miteinander. Als sy nu etwo oft darumb radt hielten/ob sy dē botten gen Rom schicken/vnnd sich darmit gegen den Rōmern entschuldigen wolten/hat sich dazwyschen der bott stillschweigend darvon gemacht/vnnd ist wider zum Hauptman Hannibal kōmen. Darauff dan die von Carthago von stund an ir bottschaft gen Rom geschickt. Darüber haben dye Rōmer ir bottschaft zum künig Antiochus abgefertigt/die vnder der gestalt irer legation/des künigs rüstung besehen/auch den vorgenanten Hannibal den Rōmern versūnen/oder zum wenigsten mit stattem gesprech vnd vnderred/dem künig verdacht/vnd argkwenig machen solten. Als dise botten gen Ephes zum künig Antiochus kōmen/da zeigten sy ihm des Römischen rads begern an. Inn dem sy aber auff die antwort erwartet/haben sy sich alle tag on vnderlaß zū dem Hannibal gefügt/vnnd gesagt vnder andern/das er auß seinem vater land gewychen/wer im nit von nōrten gewest/die weil doch die Rōmer den fryden nit allein gegen der gemeynde zū Carthago/sonder auch mit ihm/als irem Hauptman mit gangem willen hielten. Wann man wyß gnüg wol/das er mer von liebe wegen seines vatterlands/dann von neyds wegen

wegen gegen den Römern gekriegt het/Vñ wer nit vnvillich das ein jeder sein leben für sein vatterland darstrecken solt. Wan̄ diß were auch zu beyden seys ten vrsach gewesen widereinander zu streiten/vñ nit vnder den hauptleuten sonderer has gewesen. Was aber im streit vnd krieg gehandelt/des wer allein der hauptman zu loben. Wie sy nu dermaß seine ritterliche hendel gelopt/haben sy in damit lustig gemacht vmb sy zu sein/vnd sich mit inen zu ersprechen/vnd gedacht wenig das er mit der Römern freuntschafft vom künig argwenig verdacht wurd/vnd verhasset. Wan̄ der künig meint/Hannibal vnderstünd sich mit den Römern zu versünen/darüb hatt er in fürter nicht mer in sein rat komen lassen/vnd in für ein feind vnd verräther gehalten. Diß hat die rüstüg des kriegs durch mangels seins anweissens vast verhindert. Des Römischen raths mandaten waren aber des innhalts/das sich der künig Antiochus des Asien lands gnügen lassen/vnd solt sy nit tringen inn Asiam zu ziehen/das er doch veracht vnd gesagt/er hab im nit fürgesetzt yrs kriegs zu erwarten/Er wölle sy aber selbs vberziehen/vnd heim süchen. Inn dem er nu on vnderlaß von dem krieg geratschlagt/vnd den Hannibal nicht darzu komen lassen/hat er in doch zu lestz berüfft/nit darumb das er nach seinem radt handlenn/aber allein darumb/das er nit gedeckt/das man in gar veracht/Darum̄ er in dan̄ am lestz fragt/was er dariñ riet. Darauff sprach Hannibal/er wißt wol wesp halb man in zum lestz fragt/nemlich das man seins rats wol nichts bedorft aber das er den hauffen der rät meret/Doch von has vnd neids wegen den er gegen den Römern trüg/vnd vmb sein des künigs lieb vñnd fromen willen (bey dem er doch inn seiner flucht der Römern halben allein sicher sein möcht) so wolt er gern darvon reden/so vil er sich verstünde/wie man disen krieg führen müß/begert im damit zu verzeyhen/das er allen angeigten ratschlag nit lopt/zü dem gesiel im auch nit/den krieg inn Griechen zu führen/dieweil man inn Italien besser vnder haltung haben möcht. Wan̄ die Römern weren nit zu vberwynden/dann mit jr eignen macht/vñnd das Italier land auch nicht anders zu zwingen. Sunst hett menigklich ein andern vnderscheid krieg zu führen. Ertlich hielten vyl darauff/wo sy zum erstenn etwas vrsach/platz oder zeit hetten/dem gegentheil etwas land odder stett abzegwynnen. So man aber den Römern gleich wol etwas abdrynget/oder sy zum ersten vberwyndet/so müß man dann erst recht mit dem ligenden vmb den syg ringen Darumb wo man die inn Italien angreifen/wurd man sy mit jr selbs macht vberwynden mögen/wie er das selbs gethan/auch im dem künig vorhin geradten/Das hett er im abermaln in beysein seiner rätten raten wöllen/auff das menigklich wol wißt/wie man mit den Römern kriegem müß/das sy außserhalb Italien vnüberwyntlich/aber da heym schwach gnüg weren. Des halb man möcht man inen ee die statt Rom/dann jr herrschafft/auch ee Italien dann die andern ire prouinzen vnd land abgewynnen. Wan̄ sy weren in Italien/von den Welschen gefangen/erobert/vnd von im gar nach alle erschlage vnd were er von inen nie vberwunden/vnz er auß im land gewichen/Vnd als bald er gen Carthago komen/wer gleich mit seinem abzug das glück auch abgewichen. Diser meynung haben des künigs freund von neyd vnd has wegen wyderstrept/die inn dem nicht des künigs fromen Betracht/Haben aber

Das XXXI Buch

besorgt/wo der künig Hannibals radt volge/so wurd er dadurch der höchst vnd fürnembst an des künigs hoff werden. Doch so gefiel Hannibals radt dem künig deshalb auch nit/das er sich schampt/wo er im volgen/das man als dann Hannibal zümessen/ als ob die Römer von dem selbigen vberwunden sein wurden. Der gestalt seindt alle ding mit mancherley misverständnis vnd lieblosen veryrret/also das nichts ratsams noch vernünfftiglich gehandelt ward. Der künig fiel den selben wyntter in ein vnkeüsch leben/vñ macht täglichs new heyrat/vnd preüt leuff. Dargegen aber Attilius der Römische Burgermeyster (der zu diesem krieg aufgeschickt) der hat alles dz zu der kriegsrüstung nott gewesen/ mit höchstem fleiß vnd grosser fürsichtigkeit verfehelt. Die stett (so der Römer freünd vnd günnner waren) bey aller liebe beuestiget die vbugen die inn ein zweyffel gestanden/seind zu jr freündtschafft bewegt. Deshalb so hat der aufgang des kriegs kein ander ansehen gehebt/dann wie der anfang von beyden teylen zügerüst vnd angericht worden ist. Wann so bald der angriff der ersten feldschlacht geschehen/vnd des künigs volck an einer seyten in die flucht geschlagen/ist inen kein hilf noch beystand zü geschickt sonder der künig mit inen darvon geflohen/vñ den reichen vollen leger/den Römern zü einer peüt gelassen. Demnach vnder also in der flucht inn Asiam kam / da sieng es inen erst an gerewen/das er Hannibals radt mit genolgt het. Darumb berufft er vorgemelten Hannibal wider inn seinen radt/vnd sagt / er wölt hie nach alle ding nach seinem radt vnd gefallen aufrichten/Inn dem kam im bottschaft zü/wie Linius Neuius der Römisch hauptman/ mit lxxx. grossen schiffen daher für/ der vom Römischen radt zü einem schiffstreit wider inen aufgeschickt. Dis macht im ein hoffnung das glück noch ein mal züerfüchen/darumb rüst er sich eylendts zü eym schiffstreit / ehe dann dye stett/die mit im inn püntnus waren/von im vnd den Römern züfielen/vnd vermeynt das er damit den schaden (den er in Grichen empfangen) mit dem künsttigen syg wider pringen wolt/ Beualch auch darauff das ganz schiff heer dem vorgeanten Hannibal/damit wider die Römer züstreytten. Doch wiewol der Asianer schyffrüstung vnd leüt sich den Römischen an stercke nit vergleychen haben sy doch auf fürsichtigkeit/des hauptmans Hannibals/dester myndern schaden gelitten. Die bottschaft dis sigs/was noch nit gen Rom komen. Darumb kerten sy allen fleiß vnd ernst an/new Burgermayster zü setzen/In dem kunds man kein bessern hauptmann widder den Hannibal beyndenn/dann den brüder Scipions Affricani/Dieweil dem selben geschlecht zü gemessen ward/das sy wyssen/wie man die Affricaner bezwyngt solt. Deshalb ward Lucius Scipio zü eym Burgermeister erwelet/vñnd im sein brüder Scipio Affricanus zü eym Legaten vnd radtman zü geben/damit der künig Antiochus verstünd/das er nit mer trost vñ hoffnung in den vberwundenen Hannibal/dann die Römer inn den syghastten Scipionem setzen möchten. Wye sy nu zü land anführen/da zeigt man inen erst an / wye der künig Antiochus/mit eym schiffstreyt vberwunden were. Darumb dann gleich bald des künigs legaten zü inen kamen/vnd fryden begerten/die prachten dem Scipio Affricano seinen sun/der vorhin inn dem krieg gefangen worden. Der selbig Affricanus sprach aber/das man die sondere gaben / vom gemainen nuzge absondern müßt/

müß/vnd das ein vnder scheid were zwischen vätterlicher liebe vnnnd der lieb zum gemeynen nutz/dem sy doch nit allein zü güt ire kinder/sonß auch ir selbs eygen leben darstreckten. Doch so neme er die gab zü grossen danck an/wölt auch sollichs für sich selbs inn sonders verdienen/Das aber den krieg belangē darinn wurd er nichts dem künig zü güt noch zü wiß seins vaterlands handlē wañ er het seinē sun nie lösen / noch dem rat den zü lösen gestattē/sonder sagt/das er den mit dem schwert ledig machē wölt. Demnach hat man die artickel des frydens fürgehalten / nemlich das alles Asien fürther den Römern zü gehözig sein/vnd sich der künig Antiochus am Syrier land allein gnügē lassen/darzū den Römern alle schiff / desgleichen alle gefangnen vnd hinflüchtigen die zü im kōmen/mit sampt allem kostē (den sy in disem krieg gelirē) vberant worten vnd zū handen stellen solten. Da man diß dem künig fürpracht / hat er gesagt/das er noch nit so gar vberwunden wer/dz er sich seins künigreichs beraubē lassen / diß möcht auch kein anzeige des fridens/sonder mer ein anreizung zum krieg sein. Darumb als man sich zü beidē seiten wider zum krieg gerüstet/vnd die Römer in Asien gezogen vnd gen Ilien oder Troia kōmen/sint sy größlich erfrewt worden/Die Troianer das Eneas vñ andie fürsten von inen vrsprung genomen/vñ die Römer das sy von den selbigē herkommen/des sy sich beyder seits dermaß frewten/wie dan gewonlich vñ gütē freunde geschicht/als vater vnd kintē/die nach langer zeit wider zūsamen kōmen. Die Ilienser sagten/es kām inen zü grossen nutz vñ fromen/das ire kintē kinder/dz gang Occident vñ Affrica bezwungen hetten/Vñ zü dem auch jert irer alt vordern reich vñ land wider einnemē/Darumb wer güt gewest/das man die stat Troia zerstört hett/damit das so vil dest glücklicher wider aufwachsen möcht/Dargegen hettē die Römer vberauf ein grosse freud/irer alt vordern tempel vnd gebew zū sehen. Da nu die Römer von der stat Ilien wider auffprachen/da zoch inē der künig Eumenes mit seinem volck zü hilffe entgegen. Vnlang darnach haben sy mit dem künig Antiocho aber ein feltschlacht gethā In dem ward 8 Römer Legion eine in dē rechten horn in die flucht geschlagē/dz doch mit mer schanden dan schadē geschach / Dargegen hat aber Marcus Emilius 8 mit xxx. tausent manen in 8 Römer leger zū einer hüt plibē/die selben alle mit irer wer für den leger gestellt/vñ dē fliehendē mit nidergesenckten spiessen geträwen vñ gesprochē/wo sy nit vō stundan wider in dē streit keren/so wolt er sy für feind haltē/vñ müßte auch mer schadē von im wartē sein/dan von dē feindē selbs. Des erschrack diese Legion dermaß das sy sich gestraz wider in dē streit wentē/vñ erschlagen so vil/dz sy dē sig ein anfang machten. In disem streit sint 8 Römer feind fünffzig tausent erschlagē/vñ x. tausent gfangen. Nach dem aber 8 künig Antiochus abermal frid begert/hat mā im an ob gemelte artickel nichts zū noch vō gethan. Wañ der vorgenant Scipio Africanus sagt im vor anhin/ob gleich wol die Römer vberwunden/wurdē sy da mit irs fürnemēs nit abston / desgleichē so sy obligē/wurdē sy damit nitt dest hochmütiger. Die eroberten stettseint vnder der Römer freund geteilt/wañ sy meinten/das sollichs den Römern zü grossen fromen reichen/dan so sy die stett selbs behalten/wolten also den preiß vnd das loß den Römern zü ziehē/vnd den mütwillen irer reichthumb den gesellen lassen.

Das XXXII büch Justini

Von dem wie die Etolier vberwunden vnd Hannibal vmbpracht ist.



Die Etolier die den König Antiochum wider die Römer zum krieg verurſacht gehabt / vnnnd ſy nach vberwyndung des Königs / den Römern alleyn zu ſeynd verlaſſen / ſeynd ſy inen doch an macht vnd manheyt vngleich / darzu aller hilff vonn menigklichem beraubt gewen / Darumb ſye die dann vnlang darnach vberwunden / vnnnd haben dye freyheit verloren / die ſy doch ſo lang jar wider die von Athen vnd Sparta / ner Beſcheympft gehabt. Diſe dienſtparkeit iſt inen ſouil herber vnd bytterer worden / ſo vil inen die ſpötter dann andern zugeſtanden. Wann ſye waren yngedenck der jaren / inn den ſy der Perſier macht widerſtand gethan / Deſgleichen wie ſy der Welſchen vngestüme abgetriben heten / in dem Delphiſchen kriege (die doch ſonſt den in Italien vnd in Aſien erſchröcklich gewen) yedoch ſo hat inen diſ eerlich gedechtnus jr leid in der dienſtparkeit gemeret. Diweil vnnnd ſich die ſachen verloſſen / haben die Meſſenier vnnnd Achayer von der oberkeit wegen miteinander krieget vnnnd geſtrytten / In dem iſt der theür herz vnnnd ritter / Philopomenes der Achayer hauptman gefangen / nit das er yhm ſtreyt ſeins lebens geſchont / ſonder ſiel mit ſeynem pferd inn eyn graben / darinn warde er von der menge / vberfallenn / den doch dye Meſſenier vonn ſeyner theüren mannheyt wegenn nicht tödten wolten / vnnnd haben

habenn ihn also gefangen durch ihr stat geführt/als ob sye mit ihm den gen-
gen sig erlangt/vnnd sint im auch mit anders entgegē gelauffen/dan als ob er
eigner herr kām. Es hetē in auch die Achayer sein eigē volck mit mit grösser
lust als ein vberwinder sehen mögen/als in die Messenier vberwunden vnd
gefangen sahen. Darumb fürten sy in auff ir radthaus / vn̄ liessen in alle me-
niglich sehen/wan sy hetten vorhin nit glaubt möglich zesein/dasman so ein
theuren man fahen möcht/Demnach haben sy in inn gefencknus gelegt /vnd
im giffte zetrincken geben/das er frölich angenommen/damit gefragt/ob Lycor-
tas der Achayer Lantvogt/Bey leben vnd daruon kommen were (Dan̄ der sel-
big was nach im der fürnemst vnder allē Achayern) Da er das also vernam /
sprach er/so steet es nit so gar vbel vn̄ die Achayer/damit gab er sein geist auf
Vnlang darnach als sy abermaln mit streit zūsamen kamen/seint die Messe-
nier vberwunden/vn̄ habē des vorgemeltē Philopomenes tod theur gnüg be-
zalen müssen. Dazwischen vnd als der vorgeant künig Antiochus in Syri-
en mit dem schweren Tribut des vorgemelten fridens vberladē gewesen / da
hat er aintweders auß mangel des gelts/oder von geiz wegen ein vrsach ge-
nommen/den tempel Jupiters Dodoney mit seinem hoffgesind zū vberfallen.
Wan̄ er vermeint/das er sollichs mit der norturfft desterbas verantworten
möcht. So bald aber die lantleut des gewar worden/seint sy allenthalben zū
geloffen /vnd haben den künig mit allem seinem hoffgesind erschlagē. Nach
disen dingen haben vil stett vber den künig Philip inn Macedonien geklagt/
darüber dann die stette vnnd auch künig Philips sun Demetrius vor dem
Römischen radt verhört / den selben sun hat der künig dahin geschickt / dem
radt ein willen zū machen. Da aber die stett so vil vnd mancherley klagen ein-
fürten/Da ward der jung künig Demetrius schamrot/vnnd schweyg glat
still darzū. Ausser dem ward der radt von seint wegen zū mitleiden bewegt /
dan̄ er was inen sunst lieb/nach daher/das er vorhin etlich jar bey inē/als ein
gysel seins vatters gewonet/vnd sich wol gehalten/darumb sy in zū eren dē
vatter die stuck all nachliessen vnd verzigē. Der gestalt hat der jung künig
Demetrius/seinem vatter künig Philip mit seiner scham vnd messigkeit / ver-
zeihung vnd gnad erworben. Dan̄ in ist mit ausdrucken wortē vor offnem
radt gesagt/das man in zū lieb/diſ misshandel nachließ/dadurch erschein das
man den vater mit gāz ledigzalt. Diser günstiger wil der hat dē vorgeantē
künig Demetrio/Bey seinem vatter keinen gunst/sonder neid vnd haß pracht
Dann der künig Philip het ein verdruß darinn/das man den sun mer dann
in vereret. Des nam sein brüder der künig Perseus gar eben war/vnnd ver-
schwezt in on vnderlaß gegen dem vatter / also das er in den vater noch vn̄
günstiger/vnd sein brüder gegendem vatter ganz argweniger macht/vnnd
hüß in selbs zū mermaln als argkwenisch auff/der Römer freuntschafft/vnd
das er den vatter gegen den Römern verraten wolt. Je zū letst erdachte er
vnd gab für/wie in sein brüder Demetrius heimlich nach seinem leben stelt/
Inn diser sacht kam er mit in für gericht / vnnd vberkam falsch zeugen / vnnd
pracht damit den vatter so vyl auff sein meynung/das er sein fröinstenn sun
töden ließ. Da nu der gestalt Demetrius vn̄sprach/ist der selbig Perseus

Das XXXII Buch

gegen seinem vater noch hochmütiger worden. Er hielt sich nicht als eyn erb
des reychs/sonder als ein gewaltiger regierender künig/damit dann der vater
dermaß bekümmert ward/das er den tod seines vnschuldigen suns klagt/vñ
im nach gedacht/woye er inn dem mit falsch hindergangen were. Darum
fieng er an die richter vnd falsche gezeugen zustraffen. Wie er nu den betruge
recht ersaren/hat er noch mer küniers vom vnschuldigen tod seines suns em
pfangen/also das er in on zweyffel gerochen/wo ine nit der tode darinn für
kommen. Wann des ward er so krank/das er starb/vnd verlief hynder ym
ein grosse rüstung zum krieg wider die Römer/die demnach sein sun der vor
genant Persens geprauchet. Item er hat die Welschen/die Scordiscos genant
waren/zü gesellen des kriegs angenommen/damit het er on zweyfel den Rö
mern ein schweren krieg zügefügt/wo er nit gestorben were. Wann als drey
Welschen gegen den von Delphos so vnglücklich gestritten/in dem sye mehr
von Got dann den menschen widerstand empfunden/da dann jr künig Brien
nus auch vnkam/da haben sy sich mit der flucht darvon gemacht/eyn theyl
in Asien/das ander inn Tratien. Da dannen haben sy wider heim ziehen wöl
len/Von denen hat sich ein theyl in Hungern nydergelassen/da die Thonaw
vnd Saw zusamen fließen/vnd sich die Scordiscos genant. Nach dem aber
die Tectosagi/in jr alt vatterland gen Tolos komen/vñnd daselbs ein grosse
pestilenz vñnd sterben vnder sy kam/vnd sy dern nit abkömen mochten/vñnz
das sy nach anzeig der warsager/alles gold das sye von den templen geraubt
hätten/in den see zü Tolos geworffen haben. Dis alles hat der Römisch bur
germeyster Cepio/vil jar darnach befunden/des in gold an gewycht gewesen
hundert vnd x. tausent pfund/so dann inn silber fünffzig maln hundert tau
sent pfund. Dis ist auch demnach dem vorgevanten Cepio/vnd seinem heere
ein vrsach gewesen/das sy gar erschlagen wurden. Wann den Römern stand
gleich darauff der Cymbrisch krieg zü/die den raube des geweichten gelts ge
rochen/Vnd kam von den selbigen Tectosagern ein grosse zal volcks von ge
winns/vnd der peüt wegen/in Illyrien. Vnd nach dem sy/die Illyrischen als
Wyndische vnd Isterische lande beraubt/haben sye sich inn Hungern nyder
gelassen. Dis volck sagt man jren vrsprung von der Insel Colchos her haben
Vnd das sy von dem künig Aeta außgeschickt seyen/den Argonautis vnd Ja
son als raubern seyner tochter nach zeeylen. Da sye aber vom meer auff den
Ister/oder Thonaw kamen/vñnd zum wasser der Saw/da füreten sy yhr
schyff vber land vnd gepyrg in das Adriatisch meer/wann sy wysten wol dz
der vorgevant Jason vnd sein gesellen auch also gethan hätten. Da jnen aber
die schon entrunnen waren/da haben sy sich vmb die statt Aquileya nider ge
lassen/dañ sy forchten jren künig/zü dem waren sy müd von jr weyten rayß/
vnd wurden nach den wassern Ister Istericher genant/dahin sy sich dann ni
derließen. Auch so seind die Tenmarcker geporn vom volck Gertarum. Als
die mit jrem künig Olore/wider die Bastarnas vnmanlich gestritten/hat sye
der künig gezwungen jr haupten zü den füßen zelegen/vñ das jhr wider dem
nach jr manlich geschefft aufrichten solten/so lang vñnz sy empfangnen schade
wiß erholte. Darum so hat der künig Persens so bald er dz künigreich Mace
donien vberkame/alle dise vorgemelte völcker zü hilff wiß die Römer ihm zü
gesellet

gesellet. Dazwyschē ist ein streit vñ krieg entstanden vñ den künigen Lume-
 nes vñ Prusia/zū dē dāñ Hannibal nach vberwyndung des künigs Antiochi
 geflohen. Disen krieg hat zum ersten der künig Prusias bewegt/vñd sich auf
 den vorgeanten Hannibal verlassen. Wan nach dem die Römer vñd andern
 artickeln des fridens den vorgeanten Hannibal begert vñd erfordert / in irn
 gewalt zū antworten/da ist Hannibal vom künig gewarnt/vñd floch er in Cre-
 ta. Vñd als er etwa lang daselbs gewonet/vñd gemerckt das man im von sei-
 ner reichthum vñd barschafft wegen zū gesetzt/da hat er vil krüg voller bley
 gegossen/vñd die in den tempel Diane für gold zū behalten geben. Vñnd die-
 weyl die burgerschafft sein demnach nit sonð geacht/dieweil sy sein gold (als
 sy meinten) inn frem gewalt gehept/da ist er mit seinem gold/das er in etlich
 seulen gegossen/vñd damit zū dem künig Prusias kommen. Da aber der selb kün-
 nig Prusias von dem künig Lumenes vberwunden in ein veltstreit/da hat
 man auch ein schiffstreit gethan/In dem selbigē erdacht der Hannibal ein son-
 dern list/vñd dadurch geligt/ Nämlich so lief er vil schlangen inn jedine krüg
 einfassen/vñd im größten streit in der feind schiff werffen. Dis haben die sel-
 ben zum ersten veracht/das man mithäfen wider sy streiten wolte/das man
 doch pillicher mit dem schwert aufreichten solt. Da sy aber sahen das die schif-
 voller schlangen krochen/sint sy daraß erschrocken/vñd damit vberwunden.
 So bald dise mere gen Rom kam/da schickten sy ir botschafft dahin/die di-
 se beide künig zwingen solten mit einander freyden zū halten/vñnd damit be-
 gert inen den Hannibal zū vberantworten. Da aber Hannibal das war nam/
 da vergab er im selbs mit giff/darumb ist dis gang ein namhafft jar gewe-
 sen/das inn dem drey die aller theuresten Hauptleut mit tod abgiengē/nem-
 lich Hannibal/Philopomenes/vñd Scipio Affricanus. In dem ist kuntlich/
 das Hannibal all dieweil er den Römern in Italien erschrocklich/nach als er
 damaln zū Carthago der obrist gewesen/das er zum nacht essen nye ny-
 der gefessen ist/Auch nie mer dāñ ein sechßling weins getrunken/Er
 hat sich auch vnder so vil schöner gefangner frauwen so schāmig
 vñd züchtig gehalten/das man kaum glauben mocht/das er
 in Affrica geporn wer/Sunst hat er sich auch so gar mäs-
 sig gehalten/dieweyl er so ein grof hör von viler natio-
 nen versamlet gehept/dermaß regiert/das ihm
 sein kriegsvolck nie abgefallen/nach in den
 feinden verratten hat wöllenn/wie
 wol das zū mermaln an sy
 gesücht ist.

Das XXXIII buch Justini
Wie der Macedonisch König Persens
 von den Römern vberwunden.



Die Römer habenn den Macedonischen krieg mit mynder mühe geführt dann den Carthaginenser kriege / Aber so vil eerlicher als dann die Macedoner / die von Carthago am adel vbertroffen haben / Wann sy wurden mit dem preys des ganzen Orients bezwungen / vnn d r hetten ihnen alle künig hilff vnn d beystandt / Darumß die Römer auch der ster mer legionen außgelegt / darzü von dem künig inn Numidien Masimissa vnd von andern iren freunden hilff beschriben / Es ward auch dem künig inn Bithynië Lumeni verkündet / das er sich mit aller seiner macht / zü disem krieg rüsten solt. Item der künig Persens hett (als er maynt) ein vnüberwyntlich heer / darzü auß zehen jar lang zü kriegen ein grossen schatz von gold vnd frucht versamlet / das im sein vatter künig Philip verlassen / des hat er sich großlich vberhebt / vnd seines vatters vnfall vergessen. Er ermant die seynen / sye solten des grossen Aleranders yngedenck sein. Der erst angryff geschach von den raysigen / vnd lagen die Macedoner ob / also das all menigklich den gunst auff den Künig Perseum warff / der doch mit wenigens sein Vorttschafft zum Römischen Burgermayster schickt / vnn d des frydens begeret / den man doch seinem vater gebe / als man in vberwunde gehebt / so wolt er gern allen koston des kriegs leyde. Aber der Römische Burgermaister Sulpitius genant / hat im nit leichter artickel des fridens auffgeladen / dann als ob er in schon vberwunden het. Diweil sich die ding verlauffen / haben die Römer dis erschrocklichen

cklichen kriegs sorg tragen/vnd deshalben Emiliū Paulū zū ein burger
meister gesetzt/vnd im außserhalb der ordnung den Macedonischen krieg er-
kantz zū volführen. Als nu der selbig zum hōr kōmen ist/hat er sich nitt lang ge-
saumpt zū streittē/vñ im tag daruor/ee dan man die felttschlacht gethā/hat in
der selbigen nacht der Mon sein schein verlorn. Dis wunderzeichen habē die
warfeger dem künig Persius zū schaden aufgelegt/vnnd gesagt/das sollichs
ein end bedeut des Macedonischen reichs. In disem streit als Marcus Cato
des berühmten Orators Catonis sun vnder einem grossen hauffen der fein-
de ritterlichen gestritten/ist er von seinem roß gefallen/vñ hat zū fūß noch vil
mannlicher gestritten/Wañ so bald das roß mit im viel/da vberlieff in also li-
gend ein ganze rodte der feinden/in zūerschlagen. Er aber hat sich behend auf-
gericht/vnd vil der feind vmb sich vñspracht. Da nu die feind allenthalbē zū
lieffen in einigen vmbzepringen/vnd er aber einen trefflichen man vom Adel
auf Macedonien vnderstünd vñzepringen/da empfiel im sein schwert mitē
vnder einer rodte der feindē/da er das gern wider vberkōmen/hat er sich mit
seinem schilt beschirmt wie er mocht/vnder der feind schwertern/in angficht
der beyden hōr. Vnd so bald er sein schwert wider erwüschet/aber damit vyl
wunden vberkōmen/hat er sich mit grossen geschrey wider zū den seinen ver-
fügt. Diser durstigen manheit hat das Rōmische hōr nach genolgt/vnd also
den syg erlangt/vnd flohe der künig in Samotraciā/den hat Gneus O-
ctavius/der vom burgermeister/im nach zeeilen geschickt/mit sampt sein bei-
den sūnen Alexander vnd Philip gefangen/vnd zum Burgermeister pracht.
Dis künigreich Macedonien hat vom ersten künig Carano an (der zum erstē
darinn regiert) vñz auff den künig Perseum xxx. künig gehept/vnnd haben
das ingehept/neinhundert xxiij. jar/ Doch so hat jr grōster vnd hōchster ge-
walt nit lenger gewert/dan cxcij. jar. Da sy aber der gestalt in der Rōmer ge-
walt kōmen/seint in allen stetten sonder regiment vnd meisterschafft gesetzt/
vnd gang frey gelassen/vnd die Statuten dern sy sich noch geprauchten vom
selbigen hauptman vnd burgermeister empfangen. Item in Etolien sint
alle radtsherin vnd amptleut/sampt jren weib vnd kinden gen Rom
geschickt/vnd daselbs etwa lang auffgehalten worden/vmb wil
len das sy bestendig an den Rōmern pliben/Wañ man dorft
jnen jrer eyd nit wol vertrauwen. Je zū lest haben
die gemeinen stet den Rōmischen radt kaum
erpetten/das man sy wider heim zū
den yhren kōmen
liesse.

Vom sacc
der welt.
439 s

Das xxxiiij.

Das XXXIII Buch Justini
Wie die Achayer von den Römern vber
wunden / auch von den Königen Antiocho Des
metrio vnd Prusia.



Ach dem die von Carthago vnd die
Macedoner bezwungen/vnd der Etolier macht mit gesenck-
nus irer obern geschwecht/ist inn Griechen niemants mer so
mechtig gewesen/als die Achayer/nit von reychtumb wegen
der sondern stett/sonder von jr pünktus wegen/die sy mit einander gehebt.
Wann wiewol die Achayer von wegen der sondern stett vonn eynander vns
derscheyden gewesen/seind sy doch mit der pünktus vnder eym regiment ge-
west/vnd haben die sondern stett(die etwas not angien) gemainlich erret-
tet vnd beschyrmet. Inn dem aber die Römer gern vsach zum krieg wider sy
gehebt/haben eben zu der zeit die von Sparta sich beklagt/wie sye die Achay-
er vberzogenn vnnd geschediget hetten. Den selbigen ward vom Römi-
schenrath dye antwortt / Das sye on verzuge yhr Botschafft inn Griechen
schicken wölten/dye yrer güten freünd schmach vn̄ schaden abwenden solten/
Doch

Doch so ward der selbigen Legation heimlich bevolhenn/das sy der Achayer püntnus zertrennen/vnd ein jede statt in irem eignen wesen frey lassen solten das sy dardurch destoß bey der gehorsame gehalten werden möchten/Vnd ob sy etlich vngehorsame stett befündenn/das sy die zerstörenn vnnnd schleyssfen solten. Darumb sint die sürnemsten von allen stetten in die statt Corinth berufft/daselbs haben ihnen die Legaten des Römischen radts entlich meynung eröffnet/vnd gesagt/das ihnen nutz vnd güt were/das ein jede statt iren eignen vnd sondern gewalt behielt. Da nu das menigklich offenbar worden ist das gemein volck mit einer grossen auffrur empört/das sy alle die frembd waren/zü tod schlägen. Sy hetten auch der Römischen botschaft nicht verschont/wo sy die nit eylends darvon gemacht. So bald diß gschrey gen Rom kommen/ist von stund an dem Burgermeister Numsio bevolhenn den krieg zü volführen/Der hat von stund an ein hör versamlet/vnd damit inn Griechen geschiffet/vnd mit versehung aller ding vnuerzäglich mit den feinden geschlagen. Dieweil aber die Achayer der Römer kein entsigen/vnd deshalb nichts versehen gehebt/vnd haben allein gedacht wie sy die Römer beraubē/nit wie sy streitē woltē/Deshalbē lieffen sy inē vil wägen nach füren/von pent wegenß feind/dazü stelten sy ir weib vñ kind auff die bühel/das sy sähen/wie sy so ritterlich streitē wolten. Da sy aber zü angriff kommen/sint sy vorß iren augen erschlagen/damit machten sy ihnen ein kläglichs anschawen. Ir weib vnd kind wurde von den zusehern gefangen/vnd ein pent der feinden. Darzū ward auch die statt Corinthum erobert vnd geplündert/vnd alle gefangne verkauft/Mit diser handlung stießen ihnen die Römer ein solliche forcht ein/das sich die andern stett nicht geregen dörrften. Inn dem sich sollichs verlauffen/hat der König Antiochus ihn Syrien seyner Schwester sun den Eltern Ptolemeum den König yhnn Egypten mitt einem hör vberzogenn/der sich dann ganz verlässig inn stätter vnkeuscheyt vnnnd vppigkeyt enthielt/darumb er seyns Königreychs vertriben/vnd ist zum jüngern Ptolemeus seinem brüder gen Alexandria geflohenn/Mitt dem selbigenn theylt er das Königreych/vnd schicktenn darauff yhr Botschaft gehn Rom/hilff vnnnd beystand zü begerenn. Von dyser Brüder bete ward der Senat bewegt/das sye P. Popili um zum König Antiocho schicktenn/ihm zü sagenn/das er des Egyptenn lands müßig stan solt. Wo er aber darinn were/das wider raumen. Als er in nu in Egypten befand/vnd ihm der König entgegen gangen ist/ihn nach gewonheit mit dem fuß zü empfangen (wan der selbig Popilius was im wol bekant/darzū vast lieb gewest/dieweil er als ein gysell zü Rom gelegen ist) Auff sollichs sagt aber der vorgeant Popilius/Er der künig solt die sonder freunttschaft zwyschen in beyden diser zeyt rüwen lassen/dieweyl er von des gemeinen nutz wegen/mit im zehandlen beuelch het. Entdeckt im dabey des radts meinung. In dem er aber wol merckt/das sich der künig darüber bedecken/vñ deshalb sein freund ratsfragen/da wolt er in nit von handen lassen/sonder macht mit einem rütlein (das er vonn on geruerd inn der hand hielt) ein kreys vmb den künig/vnd sagt. Inn dem möcht er sich mit seinen freunden beradten/aber doch nit darauff kommen/er hett dann züvor dem Römischen radt/

Das XXXIII buch

radt/ein antwort geben/ob er frieden oder krieg mit den Römern habē wölt.
 Dis ernstlich fürnemen trang den künig dahin/dz er sagt / er wölt in des rads
 willen leben. Darumb zoch der künig Antiochus wyder in seyn künigreych/
 darinn starb er/vnd verließ ganz ein jungen sun/ dem gaben die landtherren
 vögt vñ pfleger. Da aber das Demetrius der brüß des vorgnanten Antioch
 us (der zu Rom als ein gysel vñnd bürge sein müß) erfaren/hat er den Römi
 schen radt gebetten vñnd fürgewendet/ Die weil sein vatter noch inn leben ge
 wesen/were er inen zu eym gysel vñnd pfand des frydens geben/Die weil aber
 sein vatter mit tod abgangen/so wyßt er nit wēß bürge er were/vermaint des
 halb billich sein/sich inn sein vätterlich künigreich kommen zelassen. Dañ wie
 er seinem eltern brüder im reich gewychen/vnd aber der auch mit tod vergan
 gen/wer billich das im solichs vor seins brüders sun zūstünd. Inndem er aber
 wol merckt/das ine der rad nit von handen lassen wolt/da nam er sich bayß
 sens vñnd jagens an. Dann er maint sicherer bey seines brüders kinde zū seyn/
 dann das im das reych ganz bleiben/darumb kam er vñnder dyser gestalt still
 schweygend darvon/mit etlichen seinen gesellen. Vñnd schiffte inn Syrien / das
 selbs ward er mit aller menigklichs gunst empfangen/im das künigreich eyn
 geben/vnd seines brüders kind ertödet. Item zū der selbigen zeit hat Pru
 sias der künig in Bithinien/vñnderstanden sein eltern sun Nicomedem zū töds
 ten/vñmb willen das er die jungern sūne (die er vonn desselben stieffmāter ge
 hebt) deßer höher pringen möcht. Da nu diß dem eltern sun Nicomedes (der
 zū Rom was) fürkam von den thettern/die in dabey vermanten / das
 er dem vatter thūn solt/als er gern an im begangen haben wolt/
 den radt nam er gern an. Darumb als der vatter nach ihm
 heym geschickt/ward er gleich ein künig genant / vñnd
 sein vater entsetzt/das er ein schlechten sondern
 stand hielt. Wie er nu von seinem hoffge
 synd verlassen/vnd verporren gelegē/
 ist er eben als mit groffem laster
 vom son vñmbpracht/als er
 yhm vñnderstanden
 zūthūn.

Das xxxv.

Das XXXV Buch Justini. XCVII
 Von dem König Demetrio inn Syrien
 vnd wie er vertryben ward.



Als nu der vorgenant Demetrius/
 dz künigreich in Syrië vberkommen/hat er gedacht/wo er al
 so müßig ligen/dz man ihn dadurch verhasen wurd/darüß
 vnderstand er sein künigreych zu weytern. Deshalb vñ als
 er dem König in Cappadotia seinem schwager sunst feind
 gewesen ist/vmb willen das er sein schwester wider von im
 gestossen/da hat er seins schwagers künig Ariarathes brüder Holofernes ge
 nât/den sein schwager auch vertribe/in seine schirm aufgenommen/vnd vnder
 stande wider in sein väterlich reich zu setzen/der selbig Holofernes hat sich a
 ber gang vndanckbar gegē im erzeigt/vñ sich mit dē von Antiochia vereint/
 den künig Demetrium seins reichs zu vertreibē/waß der künig hat die vō An
 tiochia erzürnt. Da aber 8 künig Demetrius daz erfarn/hat er in fahen vnd
 in der stat Selencia in gfencknus legen lassen/vnd behielt in bey leben/allein
 R darumb/

Das XXXV Buch

darumb / das sein brüder der künig Ariarathes seinthalb auch in sorgen steen müß. Jedoch so haben sich die von Antiochia des nit so gar entfessen / das sye darumb irs fürnemens abstünden / Darinn kam inen der künig Ptolemeus in Egypten / der künig Attalus in Asien / vnnnd der künig Ariarathes in Cappadotien zu hilff / die dann vorhin all vom künig Demetrio angriffen vnnnd beschedigt warn / die vnderwyßen einen schlechten menschen an / Prompalus genant / das er das künigreich Syrien / als sein vätterlich erb / mit eim heer vberziehen vnd einnemen solt / Damit man aber an dem namen kein scheuhē noch mangel hett / da nanten sy in Alexander / vnd gaben für / wie er von dem künig Antiochus geporn were / dermaß vnnnd so gar was der künig Demetrius von menigklichem verhasset / das man seynem feind ein heer fürstreckt / vnd darzu ein küniglichen namen gab. Diser Alexander hat aber auch seyner schlechten vnadelichen gepurt vergessen / vnd sich auff vorgemelter künigen macht verlassen / das er den künig Demetrium mit eym heer vberzogen / vnd ine seynes lebens vnd reichs mit einander beraupt / Wyewol der künig Demetrius inn dem krieg ein manlich ritterschafft vbet / wann im ersten streytt schlag er dye feynd inn die flucht / vnd nach dem die vorgemelten künig den krieg wider angefangen / da hat er inen vil tausent man erschlagen. Je zu lest ist er mit eynē vnüberwyntlichen gemüt (als er ritterlich stry) erschlagen. Inn anfang dis kriegs hatt der künig Demetrius sein zwen jungen sün / Gnydio seinem vertraweten freünd mit eim grossen schatz vnd güt vberantwort / damit sye des kriegs lasts vnd vnfals entladen. Vnd so im mißlung / das sy ine als dann mit der zeit rechen möchten. Auf den selbigen seinen sūnen hat der ein auch Demetrius genant / als der elter sein manpare jar ergryffen. Dader gehört wye der vorgenant Alexander / der sein vatter vmb sein künigreich vnd leben praht / so ein vppigs vnkeüsch leben geführt / da hat er mit hilff der Cretenser / den selben mit eym heer vberzogen / vnd also vnuersehenlich vberfallen. Zū dem waren die kriegsleüt seinē vatter (als einem theüren man) so günstig / das sye den künig Alexander vbergaben / vnd zū disem Demetrio stunden / Auch haben die von Antiochia alles vnwillens vergessen. Also ist diser künig Alexander nit mynder vom glück verlassen / dann vorhin damit erhöcht worden. Wann gleich im ersten streytt ward er vberwunden vnnnd erschlagen / damit ward an im gerochen vnd gestrafft / das er obgenanten künig Demetrium vmbpracht / vñ sich mit vnwarheit / einen sun des künigs Antiochi genennet hat.

Von Trifo Antiocho vnnnd dem Künig Eumene inn Asien/vnd wie M. Crassus erschlagenn ward.
 Auch wie Attalus der künig sein mütter vnd gemahel tödten ließ.



Do balde aber diser junger Künig

Demetrius sein vätterlich Künigreich wyder bekommen /
 der hatt sich des glücks auch zu vil vberhept/das er sich eins
 faulen üppigen lebens annam/darumb er vonn menigklich
 verhaßt worden/gleich wie sein vatter von seins hochmüts
 wegen/darumb etlich stett von jm abfielen. Deshalb vnderstand er ein rech
 tes Künigklichs wesen an sich zu nemen/vñ dise nachred mit ritterlicher that
 abzedilcken/vnnnd vberzoch die Parthier mit einem heere/Dise sein zukunfft
 sahen all andere Orientische Nationen vast gern/wann sye warn dem Par
 thier Künig Arsacides vonn wegens seyner grymmigkeitt vast vngünstig/
 das sye (als die der Macedoner regierung vnnnd herschen gewont) ein bes
 schwerde hetten/ab der Parthier (als eins newe vbermütigen gewalts) her
 schung. Da er nun mit hilff vnd beystand der Persier / Elimier vnnnd Bac
 trianer/die all namhafft völker warn/die Parthier mit streit vberwunden
 hatt shn zu lest das Parthier volck vnnnder gestalt des freydens an ein bespre
 che pracht/inn dem sye shn mit betrug gefangen/vnnnd zu einem gespöt durch
 alle stett gefürt/das sye sehen auff wen sye sich verlassen hetten. Demnach
 ward er inn Sircani geschickt/vnnnd darinn erlich wie vor in Künigklichem

R ij stand

Das XXXVI buch

5059

stand erhalten. Dazwyschen hat einer mit namen Tryfo / der sich zu eynem pfleger vnd verweser gemacht / Antiochus des stieffsuns Demetrii / den selbigen seinen vogt sun getödt / vnd das künigreich im selbs behalten. Vnd nach dem er das etwo lang besessen / hatt ine zu lest Antiochus des vorgemelten Demetrii brüder / der in Asien auffgezogen ward / mit gunst des lantvolcks mit streyt vberwunden / dadurch das künigreich Syrien wider auff dye rechten erben Demetrii kām. Dye weil im nu diser künig Antiochus nachgedacht wie sein vatter von wegen seines vbermüts / vnd sein brüder seiner gfarlessigkeit halb / vom gemeynen volck gehasset worden / damit er dan nit in dergleich laster fiel / da nam er Cleopatram seins brüders weib zu einer gemahel / demnach pracht er alle stett die vonn seinem brüder abgefallen waren widerumb zum künigreich inn Syrien. Auch bezwang er die Juden / dye vorhin vn̄ zum ersten von Xerxes dem Persier künig bezwungen gewesen / vnd synd darnach mit sampt den Persiern vnder des grossen Alexanders gewalt kommen / vnd also langzeit vnder der Macedoner regiment blyben. Inn dem sy aber von dem künig Demetrio abgefallen / seind sye die ersten gewesen gegen Orient / die mit hilff der Römer die freyheit erlangten / Wan der zeyt waren die Römer noch mylt auß andern güt / gaben zegeben. Als sich zu disen zeiten / das regiment inn Syrien dermaß geendert / hat zwischen den newen künigen / nemlich Attalo inn Asia begeben / das er dis mechtig künigreich / das er von Lūmenes seines vatters brüder erbt / mit vil todtschleg seiner nechsten freünd ganz verwüestet. Wann er verdacht sein mütter vnd gemahel / das sye im mit gyfft vergeben wolten / die ließ er tödten / wiewol sy vnschuldig waren. Demnach legt er ein kleglichs kleid an / vn̄ schar weder hat noch bart / gleich wie ein todtschleger zu stund vnd gepurt / vnnd hielt sich stets inn / das ihn niemants sach. Auch hielt er kein gastung mer / vnnd thett nichts / das eym woluerstendigen menschen wol anstünd / das er damit die schuld seiner todtschleg anzeigt. Demnach verlief er alles künigklich regiment / vnd bawet gärten vnd äcker / vnnd seet güts vnd böß vndereinander / vnd besprengt darnach sollichs mit vergifftem safft / demnach schickt er das seinen freünden zu einer gab. Von dem gab er sich auff berckwerck vnd ärggraben / Darnach vnderstünd er seiner mütter ein köstlich grab auffzurichten. Vnd als er der selben arbeit zu emssig obgelegē / ist er von der sonnen hyz krank worden / vnd am sybenden tag gestorben. Die Römer macht er im zu erbē. Noch was ein sun von künig Lūmenes verhandē / Aristonicus genant / aber ein lediger / der hat nach dem tod des künigs Attali Asien als sein väterlich reich angetast. Nach dem er vil glücklicher streyt thet wiß die stett / die sich auß forcht der Römer nit an in ergeben wolte also dz man in ye schon für ein rechten künig hielt / Darauf 8 Römisch burgermeister Crassus beuelch het wiß disen Aristonicū krieg zu füren. Der was aber vil fleissiger des künigs Attali scherz zu samlen / dann den kriege zu füren / Doch hatt er zu lest inn aufgang des jars vnsüchtiglich gekriegt / darinn ist er erschlas

ist er erschlagen/vnnd an sein stat dahin geschickt worden der Burgermeister
 Perpenna/ Der selbig hatt vorgeantent Aristonicum im ersten streyt vber
 wunden/vnd inn seinen gwalt pracht/vñ darauff des künigs Attalus
 schatz zū schyff tragen/vnd gen Rom führen lassen. Dis verdros
 seinen nachkommende Burgermeyster Marchus Aquilius
 genant/der vnderstünd seinem vorfarn Burgermey
 ster den vorgeantent Aristonicum von seinem
 triumph zū entziehen/vnnd im selbs zū
 behalten/darumb eylet er dester
 mer/ aber der todt Perpenne
 der richt disenn zank.
 Dergestalt ist A
 siender Rö
 mer
 worden/vnd damit alles güt
 mit sampt dē lastern auß
 Asien gen Rom
 komen.

R iij Das xxxvñ.



Das XXXVII Buch
Von dem König Mithridate inn Ponto
 auch von seiner gepurt vnd regierung/ auch wie er sein gemahel die
 Königin / mit gysst (die sy im bereit het) vnspringen ließ.



Ach dem sye also den vorgeanten
 Aristonicum gefangen/da haben die Massilier für die Phocē-
 ser (von denen sy von anfang gebawen waren) vor dem Rö-
 mischen radt grosse bitt fürgewant / wann die Römer hetten
 inen fürgenommen die Phocenser ganz außzereütten / darumb
 das sy in dem krieg gegen Antiocho vnnnd sunst wider die Römer gekriegt vnd
 gestrytten hetten/vnd sind die Massilier irer bitt bey dem radt gewert worden
 Darnach haben die Römer alle künig die inen wider den künig Aristonicum
 geraiset vnd gedient/reichlich begabt. Dem künig Mithridates in Ponto ga-
 ben sy das mynder Syrien land/Item den sūnen des künigs Ariarathes inn
 Cappadotien/der im selben krieg vmbkame / dem gaben sy die land Licaonia
 vnd Cilicia. Also ist das Römisch volck vil getrewer vnd mylter gewesen/ge-
 gen den sūnen vnd kindern irer gūtten freūnden/dann der selbigen leiblich vn-
 eigne müttern waren. Wann als den selbigen von den Römern ir künigreich
 gebessert/ward inen von den müttern ir leben genommen. Nemlich so hat die
 künigin Laodices bey dem künig Ariarathes sechs kind geporn mans namens
 darumb sy sorgt/wo die all zū iren mannparn saren kōmen/wurden sye ir vyl
 gewalts vnd lands abziehen/das sy dann der zeyt alleyn regiert. Deshalb
 hat sye ihrer leiblichen kinder fünff ertōdtet/der sechst warde geslōcht / vnnnd
 vonn seinen freūnden errettet / der nach der mütter Laodices tode regieret.
 Dann

Dann die selb ward von jr laster vnd mord wegen von dem gemeinen volck erschlagen vnd vmbpracht. Des vorgenanten Mithridates sun inn Ponto verleyet ein jungen sun der nach im auch Mithridates hieß/der warde so eyn mechtiger künig/das er nicht allein die künig bey seinen zeitten/sonder auch darzu alle künig die vor im gewesen/an macht vnd reichthumb weyth vbertrossen/darzu auch inn wandelbarem glück vnnnd syg mit den Römern sechs vnd vierzig jar lang krieg geführt. Also wann in schon die öbristen Hauptleut der Römer (als Sylla/Lucullus/vnd andre/vnd in summa Cneus Pompeius der grof) vberwunden/hat er sich zu allen maln/noch vil mechtiger vnnnd scheynparlicher zum krieg gerüst/vnd sich mit empfangne schaden noch greüßlicher erzeugt. Je zu lest ist er nicht mit gewalt der feind vberwunden/aber in seiner Eltern künigreich freys willens gestorben/in güttem alter/vnd hat seinen sun zu ein erben gehept. Die grofmechtigkeit diß künigs haben auch die wunderzeichen anzeygt/Wan als er geporn/vnd zum ersten zum reich komen ist im selben jar ein Comet am hymel gestanden/zü beyden maln lxx. tag lág/vnd leuchtet dermaß/als ob der hymel prant/wz auch so grof/das er de viertenteyl des hymels bedeckt/vñ mit seine schein der sonen glanz vbertraff/vñ mit seynem auffgang vnnnd nydergang/weret er stets vier stunden lang. Dyr Mithridates hat noch als ein kind seiner vögt vnd pfleger vntrew erfarn müssen/Die sagten in auff ein wilds vngezempts pferd/vnd zwungen in darauß zu rennen. Da sy aber sahen das er diß roß vber sein alter meisterlich regiert/vnnnd ihr anschlag nicht fůrgangen/ist im von inen mitt giffz zůgesetzt/Diß argwonet er selbs/darumb gepraucht er zum offteren maln Antidotum das ist die höchste argney für vergiffet/vnnnd praucht des so vyl/das auch zu lest das giffz/das er inn seynem alter selbs einnam/keyn wirkung habenn mochte. Deshalb sorgt er seyn feind wurden vnderstan mitt dem schwert außzerichten/das yhnen mit dem giffz vnd sunst nicht gedeyhen möcht/Darumb vnderwande er sich des waydwercks/vnd sagens/inn dem übr er sich vier jar lanng/dermaß/das er weder inn stetten noch dörffern vnder keinem dache lag/sonnder zohe tag vnnnd nacht inn pyrgen vnnnd wälden daraffter/das niemands wissen mocht/wo er doch were. Er was gewont/die wilden thier selbs zu erlauffen/oder inen zu empfliehen/deren erlich prachte er vmb/inn dem er auch seiner feind list vnnnd betrug vermitenn/vnnnd sein leib zu aller arbeyt vnd hartigkeit gewenet hat. So bald er aber das regiment selbs angenommen/hat er nicht gedacht wie er regiern/sonder wie er sein künigreich meren wolt. Zum ersten griff er die Scythier an/die dem grossen Alexander seinen hauptman Zopyran/mit xxx. tausent mañen gar erschlugen/Item den Persier künig Cyrum/mit zweyhundert tausent mañen niderlegten vnd vmbpracht/Darzu den künig Philip inn die flucht schlügen/die hatt er mit grosssem glück vberwunden/vnd bezwungen. Inn dem er also sein macht gemert/hat er die künigreich Pontum vnd Cappadotia auch erobert. Demnach ist er mit etlichen seinen vertrauten freunden heimlich auß dem künigreich gezogen/vnnnd hatt alles Asien selbs durchwandlet/darinn all ding eygentlich besichtigt/aller stette gelegenheit gar eben wargenommen.

K iij Darnach

Das XXXVII Buch

Darnach ist er inn Bithynien kommen/vnnd hat yezund alle sein sachen/der
 maß angeschlagen/als ob er schon vber alles Asien ein herr were/vnd ist also
 nach langer zeit wider inn sein künigreich kommen/wiewol man vberschlug/
 er wer vorlangst tod. Inn dem besand er wie sein gemahel vnnd schwester
 in seinem abwesen ein jungen sun geporn gehebt/die im auch mit gyfft verge-
 ben haßte wolt. Wan als die obgenant künigin Laodices sein schwester vn ge-
 mahel vermaint /das er inn frembden landen vmbkommen were/da lief sye
 sich vnder andre mann/vnd wolt doch dasselbig vnrecht mit eym grössern la-
 ster verdecken/vnd bereydt dem wider kommenden künig yrem brüder vnnd
 gemahel gyfft zu. Da aber der künig von einer jünckfrawen gewarnt wordē/
 ist diß gyfft den thättern geben/die damit gestrafft wurden. Den nachgeen-
 den wintter ließ sich der künig Mithridates inn keiner wirtschafft/aber im fel-
 de fynden / Er blibe nit müßig vnder sein tischgenossen/sonder vbt sich zu roß
 mit aller ritterschafft/der gleichen auch zu füß inn allen weren vnnd waffen/
 Sein heer dz erharttet er gleicher gestalt/mit täglicher vbung/vñ gleich wie
 er vnüberwyndtlich was/also macht er im auch eyn syghaffts heere. Dar-
 nach hat er mit dem künig Nicomedes püntnus gemacht/vnnd gleich darauff
 das künigreich Paphlagonien erobert/das sye mit einander getheilt. So
 bald aber dem Römischen radt Botschafft zu kommen/das Paphlagonia vonn
 disen zweyen künigen eingenommen/ist ein Botschafft zu ihnen bayden verord-
 net vnd begert worden/das sy das selbig land vnd vnderthanen bey irem al-
 tem herkommen frey lassen/vnd sich des entschlagen solten. Darauff dann der
 künig Mithridates (der sich yezund vermaint den Römern stark gnüg sein)
 ein stolze antwort geben/vnd gesagt/er hab nichts dann sein väterlich erb vñ
 land eingenommen. Vnd damit er sich erzeigt/das er nichts auff der Rö-
 mer trowen gebe/da nam er gleich darauff das lande Gallatien
 auch ein. Aber der künig Nicomedes (die weil er sich von
 rechtswegen nit wol wyßt zu verantworten) sprach
 Er wolt seinen theil dem rechten künig ge-
 ren eingeben/Damit nennet er seinen sun
 Philomenes einen künig in Paphlago-
 nia/vnd vbergab im seinen theyl.
 Da aber der Römer botten sa-
 hen/das man sy damit ver-
 spottet/Da kerten sy wi-
 der gen Rom vnnd
 zeygten sol-
 lichs an.

Das xxxviii.



Vonn dem künig Mithridate/ auch den
Künigen Anthiocho vnd Demetrio.

Nach dem nu der künig Mithridates sein eygen gemahel vmbpracht/vnnd mit dem giffte/das sy im zügerüft/getödtet/da wolt er seiner andern Schwester sun/die auch Laodices genant/auch vmbpringen lassenn/Wann er hett darvor seinen schwager/den künig Ariarathes inn Cappadotien ihren gemahel durch sein freund Gordium/heimlich tödten lassen/Vnnd vermeint/er hette sein sach nicht wol aufgericht/wo die sun ires vatters künigreich besizen wurdenn/das er lieber selbst gehept het. Diweyl nu er dermaß gehandelt/vnd Cappadotia kein künig gehept/hat der künig Nicomedes dasselbig mit einem heere vberzogen/inn dem ist der künig Mithridates seyner Schwester zü hilffe kommen. Aber ehe dann syro die hilff zükam/da ergab sy sich an den künig Nicomedes/vnnd vermähelt sich dem selbigen. Dis hatt den künig Mithridates dermas verdrosen/das er die züsz vnnd hütten des künigs Nicomedes auß Cappadotien abgetriben/vnnd seyner Schwester künigreich frem sun eyngaben. Dis were nu wol ein gütt erbere sach gewesen/wo der betruge nicht näher geuolget/Wann nach kurzen tagenn thete er der gleychen/als ob er den vorgemelten Gordium (durch den er seinen schwager Ariarathes vmbpringen lassen) wyder einsetzen wolt/inn dem vermeint er/wo sich seiner Schwester sun dem wyder setzen/wurde er dester pesser vrsach habenn wyder ihn zü kriegen.

Wo er

Das XXXVIII buch

Wo er dann sollichs nit weren/so möcht er als dann durch den selbigen Gordium/den sun gleich wie den vatter mit lystten vnd heymlich vmbpringen. Da aber der jünger König Ariarathes des ynnen/ward er fast erzürnt/das der todtschleger seines vaters/durch seiner mütter brüder solt inn das lande pracht werden. Deshalben versamlet er ein mechtig heer/gegen dem zoch sein vetter Mithridates mit lxxx. tausent mannen zu fuf/vñzehen tausent zu roß/darzu mit sechshundert gsydleten wägen/Auch hat seiner Schwester sun mit hilff der nechsten König nicht ein myndre macht. Inn dem bedacht der König Mithridates/den vngewyssen aufgang des kriegs/Deshalb nam er den betrug an die hand/vnd erfordert den jungen König/sein vettern an ein besprach/. daselbs hatt er ein kurz gewer zu im vnder sein kleid genommen/Vnd als in des Königs Ariarathes Heeroldt ersücht/ob er keyn gewer bey ihm hett/vnnd nach gewonheit fleyßlich ersücht/auch vmb des Königs nabel tastet/da sprach der König Mithridates/Er solt gar ebê auff sehen/das er nit ein andern Tolden des ends sünd/Daß er sücht mit diser red/vnd seynem lachen verdeckt er den betrug/Fürt damit sein jungen vettern von seine freündten auff ein ort hindan/als ob er ettwas heymlich mit ihm reden wölt/vnd erstach in also in angesicht der beyden heer/vnd sagt seynen sun (der erst acht jare alt was) zu König inn Cappadotia/vnd nennet yhnen auch Ariarathes/dem selbigen gab er den vorgeannten Gordium zu eynem pfleger vñ mundtruogt. Sy hielten aber die vnderthanen inn Cappadotien so hartte/das sye vom König Mithridates wider abfyele/vnnd yhrs Königs Brüder (der in Asien auffgezogen ward) der auch Ariarathes hieß/inn das Königreich beschickten. Mit dem selbigen hatt der König Mithridates den krieg wyder angefangen/ihn vberwunden/vnd auß Cappadotien vertriben. Der selb jung König ward vnlang darnach krank vnd starb. Nach desselbigen tode sozget der vorgeannt König Nicomedes/dieweil der König Mithridates das Königreich Cappadotien vberkommen/das er nu mehr Bithynië (als das nechst gelegen Königreich) auch an sich ziehen wurde. Deshalbenn vnderwyß er ein schönen jüngling/als ob Ariarathes der König inn Cappadotia drey süne geheßt/das der selbig an den Römischen radt bitt legen solt/in zu seinem vätterlichen Königreich zünerhelffen. Er schicket auch sonderlich sein gemahel Laodices gen Rom/als dye mütter darüber zeügnus zegeben/das er auch von yhr vnnd dem kunig inn Cappadotien geporen. Da diß der König Mithridates erfahren/hat er vorgeannten Gordium auch gen Rom geschickt/dem Römischen radt/anzüzeigen/das der jung dem er Cappadotien eingeben des Ariarathes sun were/der den Römern wider Aristonicum hilf bewyssen/Doch so gesydel dem Römischen radt nicht/das man vnder frembdē namen/die Königreich besetzen solt. Deshalb so namen sy dem König Mithridates das Königreich Cappadotien vnd Nicomedes Paphlagonien/vnd damit die beyden künig des keyn verdruf herten/das man ihnen die Königreich nemen vnd ein andern geben solt. Da lieffen sy beid land frey sein on herren/das doch die Cappadotier abschlägen/vnd sagten/dz sy nit on ein künig leben möchten/

möchte/darüb so hat inen der Römisch radt zu eym künig gebē Ariobarzanem
 Zu der selbigen zeit was Tygranes ein künig in Armenien /der den Römern
 von den Parthiern zu ein bürgen vnd gysel geben/was vnlang darvor wy-
 der inn sein künigreich geschickt. Disen benig begerte der künig Mithri-
 dates/inn dem krieg den er inn willen was wydder die Römer zu führen/ihm
 zu einem gesellen anzenemen/vnnd damit er nicht merckt/die Römer darun-
 züerzürnen/da sucht er yhn durch vorgeantent Gordium an/das er Ario-
 barzanem mit eynem heere vberzeyhenn solt/ vnnd vmb willen das er nicht
 gedächte ein valsch darhinder zu stücken/da gabe er yhm sein dochter Cleo-
 patram zu einer gemahel. Also hatt der künig Ariobarzanes/ inn Cap-
 padotien/inn der zükunfft des künigs Tigranis/alle sein sachen angestellt
 vnnd sich eylends gen Rom gefügt / vnnd ist das künigreich Cappadoti-
 en durch den künig Tigranes dem künig Mithridates wyder zu handen
 kommen. Zu der selbigen zeytt ist der künig Nicomedes der sein schwa-
 ger seynes künigreichs auch vertriben/der kam gen Rom vnd ruffet sy vmb
 hilff an. Darauff wurde im Rath erkant/das man die beydenn künig
 wyder einsetzen solte/Zu dem wurden auff geschickt Aquilius Mallius/vnd
 Malthinus. Da diß der künig Mithridates erfahren/hat er sich mit dem
 künig Tigranes verpunden/wydder die Römer zu kriegen / vnnd wurden
 des eins/das all stett vnnd landt dem künig Mithridates /dargegen leutt
 vnnd güt dem künig Tigranes zugehörig sein/was sye den Römern abge-
 wünnen. Darnach bedacht sich der künig Mithridates erst recht / was
 trefflichen kriegs er bewegt / hatt deshalb sein botschafften geschickt zu den
 Cymbrischen Welschenn Griechen/zu den Sarmatien vnnd den Bactria-
 nern/die deren hilff wyder die Römer begeren solten/Wann als er den krie-
 ge wydder die Römer noch heimlich inn seynem sinn fürgefasst/hatt er dy-
 se vöcker all mitt vyl freuntschafften vnd gütthaten ihm günstig gemacht.
 Darauff beualch er im außer Scythien ein heere zu zeschicken/vnnd hatt al-
 so das ganz Orient wyder die Römer auffrüstig gehalten/vnnd gleich die
 obgenanten Römischen Radtsherren Aquilius vnd Malthinus (die allein
 das Asianische heere bey ihnen hetten) von schaden vberwunden. Da er nun
 die selbigen mitt sampt dem jungen künig Nicomedes abgetribenn/hatt er
 vonn allen stetten groß loß vnnd gunst erlanget / Inn den selbigen befand er
 auch groß güt vnnd reychtumb/darzu grosse rüstung zum krieg / die vonn
 den alten künigen darzu fürsehen vnd gespart waren. Da er nu damit der
 maß gefast/ist den stetten von im sunst all ander sächlich steuer vnd zins nach
 gelassen / vnd seint aller beschwerd fünff jarlang ledig gezelt. Darnach
 beruffet er all sein kriegsleut zusamen / vnnd vermanet sye inn manigerlay
 weg/wydder die Römer vnnd Asianer zu streyten/Die selbig sein rede ha-
 be ich würdig geschetzt inn dise histori zusezenn / die dann Trogus Pom-
 peius diser historien schreiber/auff das geschicktest außgelegt/das es wil im
 in dem Lirio vnd Salustio den historien schreibern mißfallen/das man der
 gleichen reden einziehen/vnd damit die maß der histori zu weit außstänen sol/
 Vnd

Das XXXVIII büch

Vnd nemlich so sagt diser künig Mithridates/das jm zu wyssen gewesen/das er darvon möcht radtschlagen/ob er mit den Römern krieg führen/oder ob er mit jnen friden haben solt. Das man aber den jhenen widerstandt thun sol/die einen angriffen/daran mügen auch die nit zweiflen/die gleich wol der hoffnung des sigs manglen/Wann so man sich gegen den mördern des lebens nit erretten kan/so soll man doch nit wenigens zu einer gegen rath/die gewer gegen jnen nit sparen. Doch so ist auff dis maln dauon nicht zu handeln/ob sich denen gezyrie still zesigen/die nit allein sich wider jren willen gewert/sonder auch mit dem streyt den angriff than haben/denē ist billich radt zu geben/mit was vernunft/sürsichtigkeit/trost vnd hoffnung/sy den angefangten kriege erhalten solten/Er aber het für sich selbs/ein vngeweyßelt züuersicht zum sige/wo sye nur ein männlich gemütt habenn wolten/dann das die Römer zu überwynden/weren sy all vnnnd er mit jnen/auf eygner erfahrung wol inn worden/die weil sye inn Bithinien Aquilum/vnnnd inn Cappadotien Malathinum/die Römischen radsherren vberwunden. Wo sye aber die frembdē Exempel/mer bewegen möcht/dann yhr selbs erfahrung/so het man wol gehört wie der künig Pyrrhus in Epyro nicht mehr dann fünff tausent Macedoner bey jm gehebt/damit hett der den Römern drey feldschlachten abgewonnen. Item so hort man auch wie Hannibal xvi. jar lange/als eyne vberwynder inn Italien gewont/hett auch wider alle wer der Römer/die Statt Rom gewonnen/wo er nicht von seynen Burgern darann verhyndert vnnnd heim berüfft were. Item es seind auch die Senonischen Welschen in Italien kommen/vnd haben vil stett darinn gewonnen/darzu die statt Rom nit allain erobert/sonder gar verprennt vnz an ein bühel der den Römern allein vberblich/vnnnd seind jr seynd nicht mit dem schwert aufgetriben/sonder mit gelt abkaufft. Der selbigen Welschen namen/der den Römern allzeit erschrocklich gewesen/die hab ich zum theyl vnder meinem heer. Wann die Welschen vnnnd Gallater die inn Asien wonend/seind von den selbigen Welschen herkommen/die alles Italien bezwungen gehept. Vnnnd wer allain am land vndercheid zwyschen jnen/dann jr herkommen/mannheyt/geschlecht/vnnnd streyten/wer einander fast gleich/vnnnd weren die so inn seinem heer seind deshalb einer bessern vernunft vnd erfahrung/souil sy weytter von irem vaterland komen. Item so wer das ganz Italien(so lang Rom gestanden) nye ganz wol an den Römern gewesen/sonder hetten vil jar wider einander gestreyten/vnnnd darunder der Römer heer von etlichen stetten gar erschlagen/vnnnd vonn ettlichen stetten dermaß bezwungen worden/das sye mit grosser schande durch das joch schlieffen müßenn. Das ich euch aber nicht mit alten Exempeln auffhalt/so hat sich auch yetz bey vnnseren zeitten das ganz Italien wider die Römer empört/vñ nicht alleyn begert frey zu sein/sonder auch theil am regiment vnnnd der statt Rom habenn wollen. Es wirt auch dye statt Rom von jren obern vil harter geschediget/die wyder eynander strept dann von auflendigen seynde/Auch so wer dem ganzen Italien land der burgerlich krieg ganz beschwerlich/zü dem jnē auch erschrocklich der Cymbaisch krieg auß teütschen landen her/die doch ganz grym vnd wylde leüt weren/
Die hetten

Die hetten sich eben jetz gleich wie ein greüßlich vngestüm wider vnd hagel in Italien nyder gelassen. Vnd ob die Römer gleych wol gegen einem jedenn land inn sonders zu kriegen starck gnüg/ so weren sy doch allein wyder so vyl seynd zuschwach. Dieweyl sye dann mit sonderlichem vnd eygnem krieg beladen/so solt man dest mynder verzeyhen/sich wyder sy zu rüsten / Dann wo man die sache in ein verzug stellen / das sy irer andern seynnd halb wyder rüwig wurden/sy als dann ihne den König Mithridates vnnnd sein land vberziehen/Wann hie were die frag nicht darumb ob man die gewer zu handen / nemen/sonder ob man das von getrungner notturfft wegen thun müß / dye weyl der krieg schon jetzund wyder die Römer anganngen were / Dann die Römer hetten im als der zeyt nach eym weislin den größern theyl des Phrygier lands abgezogen/das sye doch seynem vatter zu einem sold geben / Darumb das er sampt inen den Römern wider Aristonicum gestritten/Vnd das volck das Seleucus Callinicus seinem anherin Mithridates zu chesteur geben/inn dem sy in außser Paphlagonien abweychenn hießen / das dann nicht mit dem schwerdt/sonder inn krafft des testaments geschehen/wiewol das nach absterben der heymischen König erblich auff sein vatter Mithridates gewachsen. Vnd wiewol er das alles den Römern mitt gedulte nachgelassen / hett er sye doch damit nicht bemiltigen mögen/sonder hetten sye sich noch grymmer gegen ihm erzaygt vonntag zu tag/yhe lenger yhe mehr/darumb das er yhnen nicht vnderthenig sein wolt/vnd het sy nicht benügt/das er yhnen Phrygiam vnd Paphlagoniam die beyden land nachgelassen/sonnder im erst seinen sun auß Cappadotien auch vertribenn / Das er doch nach kriegsrecht erobert/Doch so wer im sein syg auch verhindert von denen /dye nichts annnders theten/dann das sye dem krieg nachsteltenn/Er hette wenig dancks erlangt/mit dem das er den König Creston in Bithynien vnspracht den doch der Römisch radt für ein feynd erkant/Sy woltē im aber alles das zūmessen / das sein freund vnd dochterman Gordius vnd Tigranes gehandelt. Darumb sy ihm zu sonder schmach die Cappadotier frey gesetzt / wiewol sy sunst allen andern völcckern jr freiheit entzugen. Darnach als die Cappadotier den vorgenannten seinen freund Gordium zu einem König begert/hetten sye yhnen das auch nicht gestatten wöllenn/darzu so hett ihn der König Nicomedes durch yhr der Römer gebeyß mit einem heere vberzogenn / Vnd dyeweyl er yhm nichts hett abgewynnen mögen/so hetten sy ihn auch vberzogenn/alleyne vmb der vrsach willen/das er sich nichtt hett durch den selbenn Nicomedem der Springerin sun vberwynden lassen wöllenn. Wann die Römer verfolgten nicht der König Missethat/sonder deren macht vnd manheyt / nicht allein an yhme / auch an allen andern Königen/inn dem sye doch allzeyt mitt yhren lysten vnnnd vortheyl fürfüren. Wann also hetten sye seynen großvatter den König Pharnacem nach dem König Eumene zu Pergameno zu eynem König gesetzt/vnnnd hinwyder gegen dem selbigenn König Eumenes desgleychen gehandelt/wiewol sye mit desselbigenn schyssen zum erstenn inn Asien geführt worden/vnnnd mehr mit hilffe desselbigenn schyff dann mit yhrem eygnen heere vberwunden worden/des grossen Antiochus/

S. Antiochus/

Das XXXVIII Buch

tiachus/der Gallatern vñ Perseus der Macedoner Königen/darnach habē sy in auch für ein feynde gehalten/vnd im verpotten inn Italien zū kommen. Vnd dieweil sy sich schampten mit im krieg zū führen/so hetten sy das mit seinē sun Aristonico ausgericht/sy vergassen auch aller alten freündtschafft/wann allein des Königs Masinissa inn Numidien/dem selben massen sy zū/das sye durch sein hilff Hannibal vberwunden/vnnd den künig Syphax gefangen/vnd das er nach den zweyen Scipionen gebüedern der dritt were/der die stat Rom beschyrmpt vnd behalten. Mit destweniger so kriegten sy yezund/mit seines suns sun inn Affrica mit eynem sollichen neyde/das sye auch des vberwundnen nicht schonten/sonder in inn ketten legten/vnd im triumph verspoteten/sollichen neyd vnd haß prauchten sy gegen allen künigen/darumb dz sye vorzeytten solliche künig hebebt/dern sye sich geschempt hetten. Was seind doch die Römer anders von altem her dann hyrten/oder der Sabiner warsager/oder vertrybne Corinthier/oder dienstleüt der Tuscaner/oder das inēder erlichst nam ist/das sy hoffertig/vbermüttig/vnnd seind die styffter yrer stat(als sy selbs sagen)von den wolffen geseügt vnd ernert worden. Daher haben sy auch noch alle der wolff art vnd natur/also das sy ganz vnersettlich seind des menschlichen pläts vnd herschens/darzū hungeret sye stets nach der reychtumb/deren sy vberaüß begyrig seind. Dargegen aber so wer er Mithridates gar vil einer adenlicher gepurt vnd herkommens/dan̄ dye Römer. Wann seyn väterliche eltern hetten jr gepurt von den künigen Cyrus vnd Darius her/die der Persier künigreich gestyfft vnd auffpracht hetten/So kämen sein mütterliche fordern vom grossen Alexander her/auch von Nicaner vnnd Seleucus/der Macedonischen künigreichs styfftern. Wo man aber das volck gegen einander vergleichen/so weren sy sein vnderthan nicht allein von den völcern(die sich den Römern vergleyche möchten)sonder auch die den Macedonischen wyderstand gethan/vnd hetten kein frembde herschafft auch darzū kein andern/dann iren eygnen künig hebebt/ob man schon fürhandt nympt die künigreych Cappadotien/Daphlagonien/Pontum/oder Bithynien/darzū das grösser vnnd mynder Armenien/deren doch keins der groß Alexander bezwungen/der doch sunst das ganz Asien vnder seynen gewalt pracht hebebt. Auch hat keiner seiner nachkommenden/dye Scythier angreiffen döffen/vnd nemlich so weren allein zwen künig vor im gewesen mit namen Darius der Persier/vnnd Philippus der Macedoner künig/so manlich gewest in Scythien zū ziehen/die doch inen mit der flucht kaum entrunnen/die weren doch alle vnder seinem gewalt/daher er ein grosse macht wider die Römer vberkommen. Er hett auch den krieg/wider das Pontisch reich/gar mit grössern sorgen geführt/die weil er damaln nach der kriegs handel vngewöhnt vñ vnersfaren gewesen/Aber die Schytier hetē gar ein ritterlich vnd werlich hand/auch ein mannlichs gemüt/vnd sunst inn leydung der eynde vnd kelte dermaß von jugent auffgewont/dz sy weß eigner wonung noch geltts achten. Weytter aber so wolt er die sonder gestalt vñ gelegenheyt des kriegs fürwenden/vnd nemlich so wer vnder dem hymel kein fruchtbarer vñ nutzlicher land noch kein bequemlicher mylter wetter/vnd lufft/dan̄ in Asien darzū inn

darzu in keinem andern land lustiger stett/also das man den meren theyl des
jars/nit in kriegs hendlen sonder in hochzeytlichen tagen/verschliessen möcht
Doch wer ein zweyfel dran/ob sy ein ringern dan ein nutzlichen krieg füren
wo sy nur bedencken wolten/die groß reichthumb des Königreichs Aitali/od
der aber sagen horten von rychtum der alten Lydier vnd Jonier/dahin sye
doch nit zugen/die zu bezwingen/sonder die land zu besizen/darzu were das
Asier land so wunnsam/das es einen selbs erfordert darein zeziehen/vnd ih-
nen zehilff zekommen/von wegen der alten radtsherin/die sollichs für vnd für
beraupten/vnd ire diener schunden/Ober das müsten sy von irn stalbübenn/
grosse schmach leyden/darumb solten sy im allein käcklich vnd mannlich nach
volgen/was doch ein so mechtig heere vnder seiner hauptmanschafft aufrich-
ten möcht/wann sy wurden wol sehen/was er ohn alle hilff der ritterschafft
auf frembden landen allein mit inen aufrichten/wie sy dann auch wissen wz
er gehandelt vnd volpracht/Nemlich so hett er Cappadotien mit vmbsprun-
gung irs künigs erobert/vnd er allein Pontum vnd Scithien gewonnen/da
hin doch vorhin niemants sicher wandlen mögen/Darüber möchten sy (als
sein ritter vnd kriegsleut) selbs zeugnus geben/von seiner gerechtigkeit vnd
miltigkeit/darumb hett er vnder allen Königen allein dis lob erlangt/das er
nit allein sein vätterlich reich/sonder auch darzu noch vil andre künigreich vñ
seiner freyen miltigkeit wegen inn besyz hett/Als Colchos/Paphlagonien/
Bosphorum. Wie er nu also seine ritter vnd kriegsleut dermas ermant vnd
beherzt/hat er nach dem xxiij. jar seiner regierung/den krieg wider die Rö-
mer angefangen. Als nu in Egypten der König Ptolemeus gestorben/ist
das künigreich seinem andern brüder Ptolemeus eingeben/der regiert dama-
len der Cyrener künigreich/vnd mit sampt dem künigreich stalten im auch die
Egyptier die künigin zu handen mit namen Cleopatram/seins brüders wit-
wen/vnd ir beyder schwester. Dis hat sich gedachter Ptolemeus gefrewt/
das er seins brüders reich on krieg erlangt/In dem er aber wol gmerckt/das
dis künigreich von der mäter Cleopatra vnd mit gunst der fürsten vnd lants-
herin seines brüders sun auffgehalten werden solt/da ward er gegen menig-
lich dermas erzürnet/das so bald er gen Alexandria kam/all die ertödt/die
seins brüders kind gunst vnd willen trügen/Vnd auff den tag (als er mit sey-
nes brüders weib vnd eignen schwester hochzeit gehalten) hat er vnder al-
lem wolleben vnd essen/den selbigen seins brüders sun/inn angesicht der müt-
ter vnd menglichs erstochen vnd ermört/Also hat er den sal der praut vñnd
künigin mit dem plüt irs suns eingeweicht vnd besprennger. Demnach ist er
gegen den burgern nit mynder grimm vnd wütend gewesen/die in doch zu ein-
könig angenonien/Wann er erlaubt seinem kriegsuolck vnd hoffgesind/die
burger zu tödten/vnd ir weiber zu nemen. Darauß nam er auch seiner eygne
schwester vnd gemaheln dochter/vnd schwachte die mit gewalt/vnd stieß de-
ren mäter widerumb von im/vnd nam die dochter an ir statt zu einer gemah-
eln. Von disen so grossen mord vnd missthaten erschracken die burger so gar
das sy auf forcht des tods die statt vnd alles ir güt verliessen/vnd sich in das
ellend fügten/Darumb ward der künig vnd sein hoffgesind allein in diser so
michtigen statt verlassen. Da er nu sach das er ein künig was ohn leut/vñnd

Von dem
könig Pto-
lemeo in Eg-
ypten/der
seins brüders
gemahel ir
beyder sch-
wester zu ei-
nem weybe
nam

Das XXXVIII Buch

allein vber lere heisser. Da berufft er alle außlendigen inn die statt zu ziehen. Als nu die selben von allen orten her zu gezogen/seind sye den Römischen Legaten begegnet/Nemlich Scipioni/Africano/Spurio/Munio / vnd Lucio Metello/die außgesendet waren/der Römer freunde künigreich vnd lande zu besichtigen. Da nu diser künig Ptolemens für dye Römer kommen/ist er eben jr gespöt gewest/wann er het ein heftlich vngestalt antlyz/vñ sunst ein kurzen leib mit eym grossen bauch/als das er ein mörwunder gleycher sahe/dann eym menschen. Dem gaben die kostlichen kleyder erst ein vngestalt/das doch der lasterlich mensch billich verdeckt haben solt. Nach dem abschyde der Römische Legatē/da ward der schantlich künig Ptolemens auch von den frembden verhasstet/darumb sorgt er seins lebens/vñ zoch heimlich mit sampt seinem sun/den er von seiner schwester geporen gehebt/vnd mit seinem gemahel/die jr eigne mütter verstoffen gehebt in das ellend/vnd versamlet ein versoldet heer/vnd vberzoch sein eigne schwester vnnd vatterland. Auch schickt er nach seinem eltesten sun vom künigreich Tyren/vnd tödtet in allein darumb das die von Alexandria/den zu keinem künig machten. Auff solliches hat ihm das gemain volck/all sein pylonnussen vnd säulen vmbgeworffen vnd zerschlagen/dis maynt er auch von seiner schwester radt geschehen sein/Darumb lief er auch den selben sun tödten/den er von jr geborn hett/vnd seinen leib inn vil stuck zerhawen/die selben inn ein schreyn vnd lade legen/vnnd der mütter ob dem tisch vberantworten/als sy den tag der gepurt desselbigē jrs suns begieng Dis mord was nit allein der künigin/sonder auch allen Bürgern ein groß schmerzlich leid/vnd pracht inen grossen künier auff disen hochzeytlichenn tage/das alles künigklich gesynd nichts anders theten/dann klagen vnd weynen. Die landherren wyschten vom tisch auff/vnd zeigten allem gemaynen volck die zerhackten vnd zerhawenneglyder jrs jungen künigs. Inn dem nu also die selbig künigin Cleopatra vermerckt/das sy jr brüder vnd abtrynniger gemahel mit krieg engstigen wurde/da begert sy hilff von dem künig Demetrio inn Syrien/durch jr bortschafft/Dem selbigen künig Demetrio wider für auch namhafft vnd seltsame geschichten vnd sachen/Nemlich als er (wey obsteet) die Parthier mit krieg angefochten/vnd inn vil feldstreytten gesygt/hat man in in ein gesprech/mit lysten hindergangen vñ gefangē/dadurch er seyn ganz heer verlore/doch so hat in der Parthier künig Arsacides mit künigklichem gemüt bedacht/vnd in nit allein mit künigklichem stand in Bithynien geschickt/sonder in darzu sein tochter zu einer gemahel geben/vnnd in verheysen das künigreich Syrien wider zu vberkommen/das inn seinem abwesen eyner genant Tryphon eingenommen hat. Nach desselbig seins schwehers tod/hett er ein zweyffel ledig zewerden/vnd verdros in sein leben also zu schliessen/wie wol er fast reichlich vnd herlich gehalten ward/Darumb trachtet er in heimlich nach/wie er mit der flucht hinweg/vnd wider inn sein eygen künigreich kommen möcht. Darzu rietten yhm auch seyner freunde eyner mit namenn Calimander. Der selbig nam nach des künigs gefencknus eyn Parthier befleydung ann/vnnd zoch auß Syrien durch Arabien/daselbs bestellet er kundtleut vnnd wegweyser/dye sye durch dye Arabische wüsten vnnd eyns öde führen solten/vnnd kame also inn dyser kleydung vnz gen Babylonia.

Von dem
Künig De-
metrio inn
Syrien/wz
dem begeg-
net.

Aber

Aber der Parthier künig Phrahartes/der nach dem künig Arsacides regiert/
 der hat den fliehenden Demetrium mit bald lauffenden pferdenn / durch die
 nechsten fünf pferd für rennen/vnd wyder hinder sich pringen lassen. Da er für
 den künig pracht/ist seinem freund Calimandro die sacht nitt allein verzygen/
 sonder darzu gröflich gelopt vnd begabt worden/das er an seinem künig vnd
 freund sollich trew vnd glauben bewysen. Er hatt aber den künig Demetri-
 um hart gestrafft mit worten/vnnd darauff wyder zu seinem gemaheln inn
 Sircania geschickt/vnd ließ in damit das verhüten/dann vorhin. In mittler
 zeit vnnd als er mit seinem gemaheln kind vberkommen/vnnd man ihm des
 halb zu bleyben desterbas vertraut/da hat er sich abermaln flüchtig darvon
 gemacht/daran er doch wyderumb ergryffen / als er vnuer von seinem Kün-
 nigreich vnd land was. Wie man yhn nu für den künig pringenn/wolte er
 ihn nicht für sein angesicht lassen/vnnd sagt/man sollte ihn in auß den augen
 hinweg führen/vnnd ward doch seynem gemahel vnd kinden wider ergeben/
 vnnd ihn Sircania geschickt/vnnd wurden ihm Guldine würffel geschenckt
 zu einer anzeig seiner kindischen leichtuertigkeit. Die Parthier haben aber
 dise miltigkeit gegenn dem künig Demetrio nicht yhm zu güt erzayget /
 sonnder das sy vermeinten dadurch das künigreich Syrien zu vberkom-
 men/vnnd yhn gegen seynem brüder dem künig Antiocho prauchen möch-
 ten / wie sich dann sollichs mit der zeyt odder ihn kriegs vall zu tragen wur-
 de. Da aber das sein brüder Antiochus erfaren / hatt er gedacht besser
 zu sein / sy zum erstenn zu vberziehen/darumb führt er sein heere / das er vor-
 hin inn mangeln streitten geübt vnnd mannlich gemacht hett/wyder die Par-
 thier/Doch so was sein pracht vnnd wesen der vppigkeit gleicher dann der
 Ritterschafft/Mit dem das ihren acht tausent kriegsleuten wol dreytausent
 troffer nachuolgeten/vnnder den was der gröffer hauff vonn köch / becken-
 vnnd spilleuten / darzu vonn gold vnnd silber ein grof güt/das die kriegs-
 leut je hosen vol hiengen vnd wurffens hynweg/darumb man dann gewon-
 lich pflegt zu streitten. Der köch geschir was alles silbern/nicht anders dan
 als ob man zu einer hochzeit/vnd nitt in krieg zuge/Also haben sich disem zu-
 komenden Antiocho vil künig sampt iren künigreichen inn Orient ergeben.
 Wan sy hasten die Parthier von irer grossen grüdigkeit wegen / Man ver-
 zoch auch nit lang zu streiten/vnd lag der künig Antiochus inn dreyen veldt-
 schlachten ob. Inn dem er nu dadurch die statt Babylonia erobert/hat man
 vast vil von in gehalten/Darumb haben sich alle vöcker an in ergeben/vnd
 ist den Parthier nichts pliben dann ihr eygen lande. Auff solliches hat der
 Parthier künig Phrahartes/den gefangnen künig Demetrium inn Syrien
 geschickt/vnd in etlich Parthier zu geben/das künigreich Syrien einzunemē
 Ob er damit den künig Antiochum zu beschirmung seins reichs ausser dem
 Parthier land pringen möcht. Dieweyl er aber dem künig Antiocho nit star-
 cke gnüg sein möcht/da vnderstünd er in allenthalben mit listen zühindergan
 Der künig Antiochus ließ sein heere von wegen der grossen menge in den ster-
 ten daraffter je winter läger einnehmen/das in dan auch ein versach was sey-
 nes tods. Wan da die stett mit vberladung der kriegsleut beschwerdt wor-
 den/seint sy wider zu den Parthier gefallen/vnnd haben sich vereint auff ein
 S in bestimpten

Das XXXVIII büch

bestimpten tag/die kriegsleut in allen stetten vmbzepingen/damit kein hauff
dem andern zu hilff kommen möcht/wie sye auch gethan. Vnd als man das
dem künig Antiocho zu wissen thet/hat er sich mit der macht die bey im w3/eis
lends auffgemacht/das er den nechsten zu hilff kommen möcht. In dem Bez
gnet in der künig Phrahartes/wider den hat er vil mannlicher gestrytten
dann sein heer/vnd wiewol er mit seiner manheit die feind vbertroffen/hatt
in sein heer auß forcht verlassen/das er erschlagen ward. Dem lief der künig
Phrahartes ein künigklich begrebnus zu rüsten. Auch nam er die tochter
Demetriū zu einem gemahel/vnd was im leyde das er den künig
Demetriū inn Syrien geschickt/ Darumb sendet er
im eylands ein sun der raisigen nach /ine wider zu
pingen. Dis forcht aber der künig Deme
trius vorhin/darumb fürdert er sich dest
ehe in sein künigreich zekömen. Als
in nu die raisigē nit ergreifen
mochten/seind sye wider
hinder sich zu irem kün
ig kömen.

Das xxxix



Von den Künigen inn Syrien/vnd
ihrer regierung.

Als der künig Antiochus sampt seinem heere vmbpracht/vnd sein Bruder der Künig Demetrius (wie obset) auß Parthyen ledig worden/vnd wyder inn sein künigreich kommen/da ist alles Syrier land in grossem trawren gestanden/von wegen des verloren heers.

Inn dem vnderstände der Künig Demetrius das Egypten land zu vberziehen/darvmb im dan die Künigin Cleopatra für sein belonung das ganze künigreich versprach. Nach dem er aber frembde künigreich begert/hatt er damit sein eygen land verloren/dann die Syrier fielen von im ab/vorab die von Antiochia sampt dem fürsten Tryphon/hetten ein verdrus ab des Künigs hochmüt/dann er was bey den Parthiern ganz vbermütig vnnnd stolz worden. Da nunder Künig inn Egypten vonn ihm geengstiget/vnnnd darbey vernam das sein Schwester Cleopatra sampt ihrer dochter vnnnd mitt grossem güt zu dem Künig Demetrio fliehenn wöllenn/da richtet er eines mechtigenn kauffmanns sunen inn Egypten an/das Syrier land zu vberziehenn/der gabe für/wie ihne der Künig Antiochus an eynes kinndes statt angenommen/Inn dem auch die Syrier einenn jedenn Künig lyeber gehept hettenn/dann den Künig Demetrium/vonn seines grossen stolz vnnnd vbermüttes wegenn. Darvmb nannten sye disen

S iij jüngling

Das XXXIX büch

jüngling Alexander/der ward auch auß Egypten ein grof heeer zugeben /
Dazwischen ward der todt leichnam des erschlagenen künigs Antiochirvonn
der Parthier künig inn ein silberin sarch inn Syrien geschickt/ in in seiner for
dern künig begrebt nus zu bestatten / den empfiengen der vorgebant Alexan
der/vnnd alle stet mit grofsem fleis/dadurch dann diser Alexander von aller
menigklich grofse gunst erlangt/wann sy glaubten das im des tod so hergzlich
leyd wer/das er weinet. Wie nu der künig Demetrius von disem Alexan
der vberwunden / ist er flüchtig zum Tempel Tyrus gefaren(wann seyn ge
mahel vnd kind fluchen auch von im) Vnd als er wenig diener bey im gehabt
hat in der Landtuogt zu Tyro todschlagen lassen/so balde er auß dem schyffe
tratt. Wie nun seiner sun einer mit namen Seleucus wider seiner mütter
willen das regiment an sich genommen/hat sye in tödten lassen. Der ander
sein sun(der von wegen seiner grossen nasen Grypho gnant) ist von der müt
ter zu einem künig gesetzt/also das der sun den namen des künigs/vnd sy das
regiment behielt. Nach dem aber der vorgebant Alexander das Syrier reich
gewaltigklich ynnghebt/vnd sich seins glücks züvil vberhebt / hatt er auch
den vorgebant Ptolemeum darnach veracht / der yhm doch zum Künig
reich geholfen. Darumb als sich der künig Ptolemeus mit seyner schwe
ster vertragen/vnderstünd er disen künig Alexander wider zu vertreiben.
Schickt deshalb dem künig Grypho inn Griechen grofse hilff zu / sampt sey
ner tochter Gryphina/die er im vermähelt/damit das volck ihm als seinem
Tochterman defter williger werenn beystande zu thün. Wann als
man den jungen künig Grypho sach mit so grofser hilff auß Egypten daher
ziehen/da wyche menigklich vom künig Alexander abe. Darauff geschach
ein streyt/inn dem ward Alexander vberwunden/das er gen Antiochia floch.
Die weyl er daselbs seynen Söldnern kein gelt zu geben gehabt / hatt er das
ganz guldin paner im tempel Jupiters/das er selbs darinn geben/nemen heis
sen/vnd mit hoslichen Worten gesagt/das ihm der syg vom Jupiter verly
hen. Demnach als sich etlich tag verliessen/vnd der künig Alexander/das
ganz guldin byld Jupiters/auch nemen wöllen/da trybe ihn das volck dar
von. Inn dem kame auch ein vnngestüm wetter vber ine /darinn ward er
von sein dienern verlassen/vnd gleich darauff gefangen / für den künig Gry
pho pracht/vnd von ihm getödt. Nach dem aber diser künig Grypho seyn
vätterlich reich wider vberkommen/vnd kein feinde außserhalb gehabt/hatt
im sein mütter erst nach seinem leben gestellt / so begyrig was sye zu regieren/
das sy iren gemahel Demetrium verratten/den einen sun ertödtet/vnd hat
gemaint/das sy mit dises suns sig vnd glück verderbt sey. Darumb als er
wider heim kommen/ist im gyfft bereit/vnd im gepotten zütrinken. Des
argt wonet er wol/darumb hieß er die mütter vonn eeren wegen zum ersten
trinken. Da sy das abgeschlagen/hatt er sy darzu getrunken/vnd gesagt/sye
möcht sich sunst inn kein andern weg verantworten/dann so sye vor truncke/
sunst müst er gedenccken/sy wölt im vergeben. Also ward sy mit irer eigenen
Bosheit vberwunden/vnd mit dem gyfft getödt/das sy irem eignen sun Be
reyt het.

rayt hett. Als der künig inn dem fall sicher wordenn / ist er acht jar lang zu güttem friden piben. Demnach ist in auch ein feind zu kommen / Nemlich seyn brüder mütter halb / Cyricenus / der vonn Antiocho seins vatters brüder geporen worden / den vnderstände er auch mit giffte zu tödten / darumb er ihm vrsach gabe / dest ehe mit ihm vmb das Königreich zestreytten. Item vnder dysen todtschlegen vnnnd handlung / die sich inn Syrien verlief fenn / starb der künig Ptolemeus inn Egypten / vnnnd verordnete das Königreich der Königin Cleopatra seiner Schwester / vnnnd dem einenn sun den die mütter darzu erwelet / als ob damit der stande inn Egyptenn / etwas fridsamer sein / wo die mütter den eynen sun zu künig machenn / vnnnd den andern zu einem feynde habenn wurde. Deshalb vnnnd wiewol ihr der jünnger sun der liebste gewesen / ist sye doch bezwungen von dem gemeinen man den elteren zu künig zu machen / dem sye doch ehe sein gemahel genommen / dann sy ihm das Königreich zu gestelt / vnnnd zwang ihn das er sein gemahel die jünger Cleopatra vonn ihm scheyden / die doch auch sein Schwester was / Vnnnd müst er Seleuces sein andere Schwester zu einem weibe nemen / die sye doch auch frem man genommen / vnd disem geben hat. Da nu die jünger Cleopatra dermaß durch ihr mütter von ihrem lieben gemahel vnnnd brüder abgesonndert / ist sye dem vorgenannten Syriceno inn Syrien vermähelt / vnnnd damit sye nicht gar ploß zu ihm käme / da pracht sye ihm ein heere auß Cypem zu. Inn dem nu dadurch der vorgenant Cyricenus seinem brüder Grypho / an macht gleich starck / warde zwischenn ihn gestryten / inn dem er vberwunden vnnnd flüchtig gen Antiochia kommenn / vnnnd ist die selb statt von dem künig Grypho beleget / darumb das seins brüders weyb die jünger Cleopatra darinn was. Inn dem er aber die statt erobert / hatt seyn gemahel Gryphina nichts mehr begert / dann der gefangnen Cleopatra / ihr Schwester nicht zu hilff gekommen / aber das die nicht entrünne / noch mitt dem leben daruon kommen möchte / dieweyl doch sye inn das Königreich kommen were / sye darauf zu verdreyben / vnnnd das sye sich yhrem feynnde vermähelt / vnnnd ihrem schwager eyn frembd heere zu gefürt hette / Auch verdros sye das die selbig yhren brüder vbergebenn / vnnnd außserhalb Egypten einen anderen man genommen hett. Dargegenn bathe aber der künig Grypho sein gemahel Gryphina / das sye nicht so vbel an ihre eignen Schwester handlen / vnnnd solt inngedenck sein / das den weyßbilden nicht gepürt dermaß zu wüten / vorab wyder yhre freund vnnnd nächst verwantenn / dieweyl doch die frawen ihnn allen kriegsleuffenn frey sein sollenn / zu dem were sye ihr Schwester vnnnd ihrer kinnder nechste bas. Auch sollte sye vor allenn dingen Gotes vnnnd des Tempels verschonenn / dieweyl sye von Gott den sig erlangt hetten / Wan sy die tödtet / wurd sye damit ihrem mann Cyriceno nicht vyl schaden thun. Aber je mehr sy der künig von frem fürnemen abgewisen / the mer sye beharret / vnd gedacht / der künig wer yhr Schwester sunst so hold / darumb schickt sy etlich diener / se Schwester zu tödten Da nu die in tempel kamen / vnd sy nicht hinweg bringen konten / dieweyl sye die seulen

Das XXXIX büch

die seülen des altars hart vmbfangen/da haben sy jr beid hēnd abgehawen / Die syel also nyder/vnd wunst jr Schwester allen vnsal. Vnlang darnach hat der vmbprachten Cleopatra gemahel Cyricenus noch ein streyrt mit seynem brüder Grypho gethan/inn dem er den selben vberwunden/vnd hat desselbi gen weiß/die jr eigne Schwester tödten lassen auch vmbpracht. Da nu aber die elter Cleopatra die Königin inn Egypten verdrossen/das jr sun Ptolemus mit jr regiert/hat sy das volck gegen jm empöit/vnd darzü sein gemahel Seleucam von jm genommen/vnnd inn das ellend veriagt/dye ihm doch zway kindle gemacht/vnd berüfft sy den jüngern sun Alexander/den sagt sy an seynes brüders stat zū ein König. Sy ließ sich auch nicht genügen/das sy den eltern sun auß dem Königreich vertriben/sondern verfolgt ine erst darzü mit eym heer/das er ire inn Cyprien entfliehen müß. Als jr der entran/da ertödet sy seyn Hoffmeyster/darumb das in der selbig nit lebendig inn jren gewalt gelyffert vnd verratten hett. Vnd wiewol der selb Ptolemus starck genüg gewesen seyner mütter wyderstandt zūthū/hatt er sich doch geschempt wyder seyn eygne mütter zūstreytten/vnnd entwyh jr. Der König Alexander entsagt sich auch seyner greymmen mütter nicht wenig / darumb flohe er auch von jr/vnnd wolt lieber eyn schlecht sicher leben füren/dann inn sorgen ein ganz Königreich regieren. Aber die Königin forget das ihr elterer sun Ptolemus bey dem König Cyriceno seinem schwager beystandt erlangen / vnnd dadurch das Königreich Egypten widder vberkommen / Darumb schickt sy seynem brüder Grypho ein grosse hilff zū/darzü auch die vorgeant Seleuces ihm zū eyner gemaheln / Vnnd berüffet damit jren sun Alexander wider inn das Königreich zū kommen. Die weil sy aber dem selben haymlich nach seinem leben gestelt/hat sy der selbig daran ergriffen vnnd ertödet/darumb sye nicht jhren natürlichen/aber wol verdienten tode genommen. Des sye fürwar wol wyrdig gewesen/dieweil sy jr eigne mütter von jrem gemahel getrungen/vnnd den selbs behalten/Vnnd hat yhr zwā töchter zweyen jren sūnen zū weybern geben/darnach den einen sun inn das ellend veriagt/darzü dem anderen sun das Königreich entziehen/vnnd auch tödten wöllen. Ihe doch so ist der mütterlich todtschlag am König Alexander auch nicht vngerochen pliben/Dann so bald das gemein volck des jnnen worden/ist er auß dem land vertriben/vnnd seyn brüder Ptolemus wydder inn das Königreich berüffet/vnnd ließen yhn genießen/das er mit der mütter nicht kriegen noch das Königreich mit dem schwerdt seinem brüder nicht abgewynnen wöllen/das er doch zum ersten inn Besytz gehabt hat. Die weil sich die ding verlauffen/da ist seyn brüder ein Bastart/dem vom vatter das Cyrener Königreich eyngeben gewesen/mit tode abgangen/der hatt mit seynem Testament die Römer seynes reichs zū erben gemacht. Wann der Römer glücke hatt sich yezund dermaß erstreckt/das sye auch nach den Oientischen Königreich en tasten/Darumb ist dasselbig theyl in Lybien zū eyner prouinzen geordnet. Demnach haben sye darzü gewunnen Creta vnd Sicilien/vnd die beyd auch zū prouinzen vnd landuogteyen gemacht. Damit ist Egypten vnnd Syrien darzwi

rien dartzwischen gedruckt worden/die doch sunst gwont warn mit den nech
 sten land zü kriegen jr Königreich zü meren. Dieweyl sy aber der Rō
 mer halben nicht mer außgeschweyfft/haben sy auff einander an
 griffen/vnd mit stetem krieg einander dermaß beschediget/
 das sy allen iren nachpaurn zü ein gespöt vnnnd ver
 acht/dazü der Arabier raub vnd peut wurden
 das doch vorhin ein schlecht vnstreypar
 volck was / Vñ nemlich so verließ
 sich der König inn Arabien
 Herotimus das er vñ
 vil frawen sechs
 hundert
 süne
 vberkommen/Denen hat er sein hō
 zü geteylt/vnd damit Egyp
 ten vnd Syrien land be
 raubt/vnd mit dem
 schadē seiner nach
 paurn den Ara
 biern ein gros
 sen namen
 gema
 cht.

Das xl.



Das XL buch Justini

Wie sich das Königreich Syrien geendet hatt.



5129



Als nun die König vnnnd das künig^{re}
reych Syrien mit stättem haß der brüder vñ irer kinder/die
iren vettern inn disem kyße nachuolgtten mit schedlichen krie-
gen/verhergt vnd verderbt/ward das landtvolck zū radt
auslendig hilff zūsuchen/vñ sich nach frembden künigen vñ
zesehen/Da dan ein teil den obgenanten künig Mithridates
inn Ponto / vnnnd das ander teyl den König Ptolemeum inn Egypten ver-
maint anzunemen sein. Da bey bedachten sy aber/wie der künig Mithri-
dates mit dem Römischen krieg beladen/vnnnd der König Ptolemeus allzeyt
des Syrier lands feynd gewesen were. Darumb verwilligten sy alle auff
den König Tigranem inn Armenien/der auch von der Parthier freundschaft
wegen mechtig was/des gleichen das er des Mithridates tochterman was.
Darumb ward er inn das Königreich Syrien berufft/das hielt er xviij. jar
lang mit güttem fryden inn. Aber wiewol das Syrier lande von den feyn-
den sicher gewesen/ist doch das mit dem erdbydem fast geschediget worden/
dann darinn versyelen vil stett/darzū hundert vnnnd lxx. tausent menschen/
Dis wunderzeychen bedeüttet ihnen enderung der ding/wie das die warsa-
ger auslegten/Darumb ward demnahe der König Tigranes vom Römisch
en hauptman Lucullo vberwunden/vnd von jm Antiochus des obgemelten
Cyriceus

Cyricenus surzū ein künig in Syrien gesetzt. Das ihm aber diser Lucullus eingeben/hat im darnach Pompeius wider genommen/nemlich als er das künigreich von Pompeio begert/hat er ihm die antwort gebenn/ob gleich wol das Syrier land sein zū ein künig begert oder nit/dennoch wolt er im das nit geben/dieweyler inn xvij. jarn vnd so lang der künig Tigranes das ingehalten/inn den hindersten wincklen inn Cilicien verporzen gelegen. Vnd nu so der selbig von den Römern vberwunden wer/so kam er erst herfür vnd begert den lon von eins andern arbeit/Darumb vnnnd dyes weil er dem innhaber das nit abgewunnen/sonder im gewichē/wer im das nit mer zūstendig/das er nit selbs beschirmen kont/Auff das nit das Syrier lād abermaln von Juden vnd Arabiern verhergt vnd geschedigt wurde. Der gestalt hat er das Syrier land auch zū einer prouingen gemacht. Damit hat das Ouentisch land von zwitracht wender verwanten künig angefangen vnder der Römer gwalt zu kommen.

T Das 11.



Das XLI büch Justini.
Von den Parthiern vnd yrem
vrsprunge.



Die Parthier dye mit den Römern
gar nahe das ganz erdrich getheylt / vnnnd das Orientisch
reich ynngehebt / die seynd vertribne Scythier gewesen / dz
dann mit disem namen zu verstecken geben wirt. Wann nach
Scythischer sprach heysen Parthi vertribne / dise seind bey
der Assyrier vnd der Medier zeitten vnder allen Orientischen Nationen / dye
geringsten gewesen. Darnach aber als der Medier reich den Persiern zu ge-
standen / da seind sy als ein schlecht volck der vberwynder raub vnnnd peüt ge-
west. Zu lest haben sy den Lacedemonern gedient / das sich meniglich wol
verwundern mocht / wie sy mit jr manheit so zu grossem glück vnd macht kom-
men / vnd das sy vber die regierten / vnder deren gewalt sy vorhin gewesen.
Synd auch von den Römern in dreyen hauptkriegen / von jren grössten haupt
leütten / vnd zu den zeitten jrs höchsten gewalts angegriffen / vnd vnder allen
völckern jnen nit allein gleich gewesen / sonder jhnen auch obgelegen / wiewol
sy des ein grösser lob / das sy Assyrien / Medien vnnnd Persien ynnhaben / dye
alle drey vor zeitten mechtige Kayserthumb gewesen seindt / vnnnd das sy vor
dem mechtigsten reich der Bactrianer / darin tausent stett ligen auffkommen /
vnd darzu dasselbig mit langwyrigem krieg bezwungen haben. Vñ nemlich
als die Scythier mit den nechsten landen vil krieg gehebt / danon sye vil scha-
dens

dens empfangen / da seynde dyse Parthier mit einer auffrühr auß dem land vertriben / vnnnd haben also vnuersehelich die eynde zwyschenn Sircania / Dacas / Arcos / Spartanos / vnnnd Maianos gelegen / eingenommen. Darnach vnnnd als ihnen die selbenn Nationen nicht gewert / vnnnd ihnen aber demnach gern gewert herten / habenn sye nicht allein weythe lannd / sonnder auch rauhe gepyrge eingenommen / daher kompt es das inn Parthien an vyl enden / ayndtweyers die hiez odder kelte vberhande nympt / wann die hochgepyrge lygenn voll schnee / so ist das lannd warm von der Sonnen. Dis nation ist nach der Macedoner gewalt / vonn eygnen Königen regiert / Vnnnd were nach dem regierenden König der fürnemst gewesen / ist darnach jr König worden / vonn denen nimpt man Hauptleut ihm krieg / vnnnd ihm freydenn helfen sy auch (als landtucht) das volck regiern / Ihr sprach ist halb Scythisch / vnnnd halber Medisch. Erstlich prauchten sie Scythische klaydung / auch ihr gewehre vnnnd rüstung. Ir heere ist nicht nach gewonheit der andern völkern / vonn ihren künden / sonder vonn ihren knechten vnnnd dienstleuten versamlet / die lassenn sye nicht ledig / darumb werden ihren ihe lenger ihe mehr / Die ziehen sye gleych auff mit yhren künden / vnnnd lerenn sye reyten vnnnd schießen mit Bogen / Ihr reycher ihr eyner ist / so vyl mehr pferde helt er dem König zum krieg. Wann als sye der Römisch Radtsherr Antonius mit eynem heere vberzogenn / vnnnd sye ihm mit fünffzig tausent pferden begegnet / seynd darunder nicht mehr dann acht hundert herren gewesen / die vberyggen alle knecht. Sye können nicht nahe bey dem seyndt streyten / noch stett vnnnd schloß stürmen / Wann sy streyten nicht dann mit lauffenden pferden / oder in der flucht. Sye thünd zu dem offter mal in der gleychen / als ob sye fliehen / damit sye die nachvolgenden fein de auß ihr ordnung pringen / vnnnd schedigen mögen. Sye prauchenn ihm streyt kein Pusaun noch Trommet / aber Heerpauckenn / Auch verharren sye nicht lanng ihm streytt / wann wo yhr nachgend streyten als grymme vnnnd vngestüm were / als der angriff / so möcht niemands vor yhn pleyben Sye weychenn vast vom streytt / so der yhm strengesten ist / vnnnd vnläng darnach vahenn sye den streyte vonn der flucht wyder an / Also so ayner meynet das er schon vberwunden habe / so müße er sich am mehrstenn besorgenn. Sye vnnnd ihre pferde seyndt bekleidet mit polster vnnnd krogen Sye geprauchenn wenig golds odder sylbers / dann an ihrem harnische vnnnd gewehre. Ihren jeder hatt etwa vyl weyber / vnnnd straffenn nichts harter dann den Ehebruch / Sye lassenn ihr weyber mit keynenn anderen mannen essenn noch drincken alleynn / auch die seltenn sehnenn / Sye essenn kynn annder flaysch dann das sye selbs auff dem gejagd fahen / Sye reyten stätz zu roß / darmit rychten sye all yhr geschäft auß inn allen dینگenn / Vnnnd ist zwischenn herren vnnnd knecht kein ander vnnnderscheid / dann das die herren reiten / vnd die knecht zu füs gond. Ir grebnus ist gemein / also das ihr todten cörpel vonn vöglen vnnnd hunden gessenn werden / vnd das gebain erst darnach vergraben / Gottsförchtig seind sye / aber sunst eins frä-

Das XLI buch

feln Betruglichen gemüts. Wann sy sagen/die mann sollen frefel/ vnnnd dye
 frawen eines mylten wesenß sein. Sy seynd gewonlich stäts inn empörung
 entweders gegen frembden oder Heimischen. Sye seind von natur styllsch/
 weigend leütt/vnnnd mit der hand geschickter/dann mit dem mund/ deßhalb
 verdecken sy allen iren fall vnnnd vnfall mit schweigen. Irn öbern seind sy mer
 auff forcht der straff gehorsam/dann von liebe wegen. Seynd vnkeüßch/aber
 mit essen mässig leütt. Sye halten weder trew noch glauben/dann zü irn nutz
 vnd frommen. Vnnnd nemlich als nach dem tode des grossen Alexanders/
 niemants vber diser Nation herschen/noch landtuögt sein wöllen/hatt man
 die Satagenori eingeseß züuerwaltē. Wie nu demnach die Macedoner selbs
 vnder einander gekriegt/haben die Parthier dem künig Lūmenes angehan-
 gen. Dader selbig vberwunden/da kamen sy vnder den gewalt des künigs
 Antigoni. Nach dem selben seynd sy von Nicanor Seleuco/vnd bald dar-
 nach vom künig Antiochus vnd seinen nachkommenden ynngehalten wordē
 Von des selbigen kunds kinden seind sye zum ersten abgefallen/inn dem ersten
 krieg den die Römer wider die von Carthago gefürt/als Lucius Manilius
 Pyslo/vnd Atrilius Regulus Burgermeyster waren/vnd zur selben zeit Se-
 leucus/vnd Antiochus gebrüder wyder einander kriegt/von wegen des Kū-
 nigreichs in Syrien/dz was auch ein hinderung/das sy irs abfals nit gestraf-
 fet wurden. Zü den selben siel auch von den Macedonern ab/Theodotus
 der ein landuögt was vber die Bactrianer/die dann tausent stett hetten/vñ
 ward ir künig/deßgleichen theten auch sunst alle landtuögt in Ouent. Auch
 was bey disen zeytten ein ritterlicher theürer mann/Arfacides genant/vnnnd
 wiewol des gepurt vnd herkommen vnwyssend gewesen/so ist doch dargegē
 sein theüre mannheit aller welt kundt vnd offenbar worden/anfentlich lept
 er des raubs. Da nuder künig Seleucus von den Gallatern in Asien vber-
 wunden/ward er des künigs forcht entladen. Des nam er vsach vnd seyner
 gesellen etlich zü im/mit denen vberfiel er der Parthier land/vnd erschlög irn
 landuögt Andragoram/zoch damit das regiment des lands an sich. Vnlang
 darnach gewan er auch der Hyrcaner lande. Von disen Bayden landen ver-
 samlet er eingroß heere/das er sich entsaß des Künigs Seleucus vnnnd des
 vorgebantē Theodotus der Bactrianer Künig/doch warde er der forcht
 Theodoti bald entladen/Dann der selbig starb/darumb macht er mit dessel-
 bigen sun(der auch Theodotus hieß)eyn ewigen freyden vnnnd pündtnus.
 Vnlang darnach/als der Künig Seleucus seyn abgefallenn lande vberzye-
 hen vnnnd straffen wöllenn/hatt er den selbigen vberwunnden. Dysenn
 syghafften tage eheren dye Parthier järlich als den anfangge yhrer frey-
 heyt. Nach dem er allsoden Künig Seleucum abgetrybenn/hatt er da-
 mit der Parthier Keych inn eyn recht wesenn pracht. Er erwelet etlich
 Ritter vnnnd Kryegsleütt/vnnnd besaß Stett vnnnd Schloß/vnnnd
 bauet eyn neüwe Statt auff den Berge Thabortheno/Daram genant.
 Dasselbig orth hatt ein solliche gestalt/das man kein sterckern noch wunn-
 samern plaz hette synden mögen/Wann die statt stünde auff starckenn ab-
 geschlyffnen

geschliffnen hohen velsen / die gannz keyner hute bedorfften / Darzu was das veld vnnnd boden darumb gelegenn so fruchtbar/das man darnon vberflüssig narung habenn mocht/Daselbs waren auch vyl springende prunnenn/vnnnd lustige wäld holz wunn vnnnd weyd / das man des ennds mit dem weydwerck grossenn lust habenn mocht. Dergestalt hat der vorgenannt Arfacides den Parthiern ihr Königreich angefangen/vnnnd fundiert geleych wie der König Cyrus das Persier reych / der grof Alerannder der Macedoner / vnnnd Romulus der Römer reych / vnnnd ist inn güttem alter gestorben. Dem habenn die Parthier zu ehren all ihr König nach ihm Arfacides geheysen. Dises sun auch Arfacides genant / hatt wyder obgenannten König Seleucum Ritterlich gestrytten mit hundert tausent mannen zu fuf / vnnnd zweyngig tausent zu rof/also das ihn der König Seleucus zu letst zu eynem gesellen annam. Der dritt Parthier König hieß Pampatius/vnnnd ward auch Arfacides genant. Dann sye wurden all (wie obstat) mit dem namenn genant / gleich wie die Römischen König alle Keyser vnnnd Augustus genant werden. Diser ist ihm zwelfte sate seiner regierung gestorben / vnnnd verließ zween sune / Mithridates vnnnd Pharnaces genant/vnnnder denenn der elter Mithridates zu König ward / der vberwande ein mechtig volck die Mardos genant. Nach dem starbe er vnnnd verliese vyl sun/Doch beualch er seynem brüder Mithridates das Königreych zu regieren/dann der was ein theur Ritterlich man. Inn dem erzaiget er mehr liebe zum gemeinenn nutz / dann zu seinenn aignen kinden. Also habenn der zeit zween theur König regiert / diser Mithridates bey den Parthiern/vnnnd Eucratides bey den Bactrianern/Vnnnd seinnd die Parthier vnnnder disem künig mit vil glücks zu grosser macht vnnnd herrschafft kommen. Dargegen habenn die Bactrianer mit vil kriegs grossenn schaden genommen / also das sye nicht allein das künigreich /sonnder auch all freyheit verloren/Wann sye wurden mit den kriegenn wydder die Sogdianer / Traganiter / vnnnd der Indier dermaß aufgemerglet/das sye zu letst vonn den myndern/als den Parthiern gar vberwunnden worden. Doch so hatt der vorgenant ihr künig Eucratides vil krieg mit grosser mannhait volpracht/daruon er so grossen schaden genommen / das er zu letst Demetrio dem Inndier künig (der ihn mit sechzig tausent mannen belegert) allein mit dreyhundert mannen wydderstand thete/vnnnd ihm oblag/also das er ihm fünfften monat nach diser belegerung / das Inndier lannd vnnnder seinen gewalt pracht/inn dem er wyder heim gezogen/ist er vonn seynem eygnen sun vmbpracht/den er doch mit ihm zu regieren zu einem künig gemacht / der schampt sich nicht sein eygnen vatter zu tödten/Vnnnd berümpft sich erst darzu vnnnd sagt/er hette seynenn seinnd vmbpracht/verpote auch das ihn niemands begraben solte. Die weyl vnd sich dis bey den Bactrianern begebenn/haben darzwyschenn die Parthier vnnnd Nieder mit einander kriegt/vnnnd ist zu bayden thaylen mancher lay sal vnd vnfal gestanden. Ihe zu letst haben dye Parthier gesygt. Da

Das XLI buch Justini.

also yhr König Mithridates damit sein macht gemehret / hatt er Bacasum
inn das Medier reych zū eym Statthalter gesetzt / vnnnd ist er inn Sircania ge
zogen. Da dannen hat er mit dem König Elimeorum krieg gefüret.

So bald er den vberwunden / hat er gleych darauff dye Bactria

ner auch vnder seinen gewalt pracht / vñ also zwyschen dem

berg Caucaso vnd dem wasser Euphrates vil lands

der Parthier reych zū gezogen / darauff hat in

eyn krankheyt angestossen / dauon er ges

storben ist inn güttem alter / also

das er nicht mynder rñm

vnnnd preys erlangt /

dann sein anherz

Artaces.

Das flü.



Das XLII büch Justini. CXII
 Von der Parthier regierung/ auch dem
 Königreich Armenien.



Nach dem tod des Königs Mithridatis / ist sein sun Phrahartes zu künig gesetzt. Da diser vnderstände sich an dem künig Antiocho inn Syrien zu rechen da müßt er sein eigen reich wider die Scythier beschirmen / wann die selbigen waren darvor von den Parthiern vmb hilff angerufft wider den künig Antiochum. Da sy aber dem selben streit zu spot kōnen sint / hat man in weder pent noch sold geben wōllen, das verdros sy nu gar hart / das sy so ein weytē weg vergebens soltē gezogen sein / darumb begertē sy inen jrē zuge zu bezalen / oder inen ein andern feind zegebē / darüber gaben inē die Parthier ein solliche antwort / dauon sy so gar erzürnten / das sy dz gang Parthier land verhergtē. Darumb so verließ der künig Phrahartes seiner hauptleut einen mit namen Symerum dē Parthier lād zu einer hūt / & hielt sich gang Tyrannisch gegē dē von Babyloma / vñ andern vnderthanen. Darumb zoch der künig Phrahartes wid die Scythier / vñ nam dz Griechisch h̄ mit in / das er mit vberwindē des künigs Antiochus erobert gehept /

T iij

Wiewol

Das XLII büch

Wie wol er dasselbig hochmütig vnd hart gehalten. Darumb als dye selbige sahen/wie der Parthier ordnung hundersich weychen wolt/dā sielen sye auff der feind seyten/vnd rachen sich damit an der Parthier heer vnd irem künig den sy vmpirachten. An desselben statt ward zū künig gesetzt Artabanus seyn vetter. Doch lieffen sich die Scythier des sygs vnnnd eroberten peüt gnügen/vnd zugen wider heim. Diser künig Artabanus ward ihm Colcher krieg inn ein arm wund des er starb/dem folgt nach sein sun Mithridates/der von seiner manlichen ritterlichen hand wegen der groß Mithridates genehiet ward wann er vbertraff all sein fordern/Er pracht villands vnder der Parthier gewalt/vnd stryct glücklich wider die Scythier/damit dye elter schmach geröchen/Zū letst hat er der Armenier künig Artodastum vberzogen. Die weyl man aber yetz ann der Armenier künigreich kommen/ist auch vom selben vrsprung etwas zū sagen. Die weil das nach dem Parthier reich das grōst ist wann Armenien ist vnz an das Caspian meer 11. maln hundert tausent schritlang/In die breyt aber/tausent vnd vij. hundert schryt/vnd ist auffgepracht von Armenio dem gesellen Jasonis auß Thessalien/den der künig Pelias von seiner theuren manheit wegen/geru vmbpracht/Darumb schickt er in inn die Insel Colchos/das guldin fell zū gewynnen/vnd meynt er solt darinn vmbpracht werden. Deshalb zugen die aller theursten fürsten/die auff erdrich waren/disem Jason zū/vnd geselten sich zū im/danon vberkam er das aller sterckst vnd ritterlichst heer/die man die Argonauti nennet. Da in nu seyn gesellen gesund vnd frysch wider heim prachten/haben ine demnach die sū des künigs Pelij wider auß Thessalien vertriben. Da hat er mit ein grossen heer (das auß allen landen ihm zū zoch) mit hilff Medea seiner gemaheln/die sich vber sein ellend erparmit(wiewol er die vorhin von im gestossen/vnd wyder auffgenommen)mit sampt Medeo seynem stieff sūne/der vonn Egeus dem Athenier künig geporn/mit denen für er wider in Colchos/vñ satzt sein schweher wider inn das künigreich. Darnach thet er vil streyt/mit den nechsten völkern/vnd gewan vil stett/die er all seinem schweher eingabe/auff das er sich gegen im versünen möcht/was er vorhin wyder ihn gehandelt/inn dem das er im seyn tochter Medeam empfürt/vnnnd Egilaum den sun Egei ertödtet/Auch vbergab er im etlich völker/die er mit im pracht. Man sagt das er der erst sey/der nach dem Hercules vnnnd Liber pater(dye künig inn Orient gewesen seynd)diser völker bezwungen hab/Etlichen landen gab er zū eym herren Phrygium vnnnd Anisistratum dye wagenleüt Castoris vnnnd Pollucis/mit den Albanern macht er ein fryden. Darumb das sye dem Hercules vom berg Albano(als er dem künig Gerion dye sayste ochsen auß Hispanien hinweg fürt durch Italien)habē nachgevolgt. Die gedachte an irn altē vrsprung vñ herkomen/als sy das hör Tu. Pompeij des Römischē burgermaysters/da der wydder den künig Mithridatem inn Ponto zoch/für yhr brüder nenneten vnd grüßeten. Darumb hat gar nach alles Orient dysem Jason eere bewysen/vnnnd im Tempel gepawen/dye dann des grossen Alexanders Haupt man Parmenion zerstören ließ /alleyn darumb das man inn Orient kein andern namen

derñ namen ehren solt / dann des grossen Alexanders. Nach dem tode des vorgenanten Fürsten Jasonis / hat sein sun Medus seiner theuren manheit nachgefolgt / vñnd seiner mütter Medea zu ehren die statt Medeam gebawen / vñnd damit vñnd seinem namen der Medier reich gestift / vñnder dem darnach das Oientisch reich gewesen.

Bey vorgemeltrenn Albanern seindt am nechsten gelegen die Amazonas / derñ Königin Thalestres vonn dem grossenn Alexander beschlaffenn wordenn / wie das vyl hystorienn schreyber anzeygenn. Dyser vorgenannter Armenius / ist auch auß Thes salien gewesen / vonn den gesellen des Herzogen Jasonis / der versamlet nach dem abscheid des gemelten Herzogen Jasonis ein menge volcks / vñnd besaß mit den selbigenn Armenien / Von der selbenn hochgepyrgen laufft das wasser Tygris / zum ersten kleyn / das laufft ettwo weyrth vñnd verschleucht sich vñnder das erdtrich / darunder laufft das auff xxv. tausent schrit weyrth / darunder mehret sich das / vñnd kompt inn der landtschafft Sophon wyder herfür / vñnd laufft dannen hin ihnn die möser des wassers Euphrates. Darumb so ist der vorgenannt Mithridates nach dem Armenischen krieg / vonn der Parthier radt vñnd Perlament vonn seiner grossenn grymmigkeyt wegen auß dem Königreich verjagt / vñnd hat sein brüder mit namenn Horodes das Königreich regiert / vñnd die statt Babylonien (dabin sein brüder geflohen was) beläget / vñnd aufgehüngert.

Inn dem sich aber Mithridates seynem brüder vertraut / hatt er in als ein feynde vor seinen augenn tödten lassen. Nach disem hatt er mit den Römern gestritten / vñnd yhren Hauptman Crassus genant / sampt seynen sūne einem vñnd allem heere erschlagen. Darauff ward sein sun Pacoris von ihm aufgeschickt / den vbrigenn kriege gegenn den Römern zu vollenden / der volpracht mannlich sachen inn Syrien. Vñnd als er von vatter wyder heym genordert / vñnd der Parthier heere inn Syrien plyßenn / ist das selbig durch Cassium den verwerfer vñnd statthalter des Hauptmans Crassus / mit allen Hauptleuten erschlagen. Vñlang darnach ist zwyschenn Julius Cesar vñnd Pompeius Magnus seinem dochterman / der burgerlich krieg angangen / darinn warenn die Parthier auff der Pompeianischenn seytten / vñmb der freunttschafft willen / die sy Pompeio inn dem Mithridatischen krieg mit beystand bewysen hetten / vñnd vonn willenn des tods Marci Crassi / dieweyl desselbigenn sun inn Julius Cesars leger / vñnd des willens was / sein vñmsprachen vatter zu rechen / wo Julius Cesar obligenn wurd. Darumb als die Pompeianisch parthey vberwunnden wordenn / da habenn die Parthier Cassio vñnd Brutto darnach auch hilff zu geschickt wydder Augustum vñnd seyn schwager Antonium. Nach vollendung desselben kriegs / haben sye weyther mit dem Römer Labieno freunttschafft gemacht / vñnd also den junngen König Pacorus genant / wyder inn Syrien vñnd Asien geschickt / die selbenn lannde zu schedygenn / vñnd daselbs den leger Ventridijs des Römers (der nach Cassio dahin geschickt) mit grosser vñngestüme angegriffen. Der selbig Ventridius thet aber der gleichen / als ob er sich fast vñbel fürchtet / vñnd ließ sich von den Parthiern etwo lang verachten vñnd verspotten. Je zu letzt das sy meinten / sye weren am sichersten /
da ließ

Das XLII Buch

da ließ er etlich legionen auß dem leger fallen/die schlugen die Parthier in dye flucht/denen folgten die legionen inn der flucht ernstlich nach. Da aber der jung Parthier künig Pacorus vernam/wie die seinen inn der flucht/ vnd inen die Römer nach geeylet weren/da griff er das läger Ventiū an/das zu stürmen/vnnd meint er wer mit der hüt nicht versehen. Darauff ließ der hauptman Ventiū die vbrigen legionen erst mit aller macht auß dem leger fallen vnd erschlug die selben Parthier gar/sampt irem künig. Inn disem streyt sind die Parthier am aller mersten geschedigt worden/dann vor ye. Als man dyse botschafft inn Parthien pracht/hat der alt künig Horodes/der vater der vor hin gehört/wie sein sun in Syrien vnd Asien gar nach ganz gesigt/von seins suns tod so groß leyde vnnd vnmut empfangen/vnnd auch des vmbprachtē erschlagen heers halben/das er gar von vernunft vnnd synnen kam/vnnd wolt in vil tagen mit keinem menschen kein wort redē/das man meint/er wer ganz zu eim stummen worden/auch wolt er nichts essen. Nach etlichen tagen kam in sein red wider/vnd redt doch nichts anders/dann das er seynem sunē Pacorus rufft/den er wennt vor in sehen vnd hören/als ob er mit in redet. Etwo beweint er in/als ob er in wider verloren hett. Demnach fiel in ein ander sorg zu/wöllichen er doch vnder den vbrigen seinen xxx. sūnen an Pacorus statt zu eym künig setzen wolt. Er het vil nebenweyber/von denen er sonil sūn vberkommen/dern yede lag dem alten künig an/irē sun zu eym künig zusetzen. Doch so müßt es nach des Parthier lands angeporn vnals fūrgang gewynnen/inn dem man dann yetzund schon gewont hett/todtschleger zu künigen zu haben/darumb ward vnder den selbigen/der aller boshaftigest zu künig gesetzt/der hieß mit dem zūnamen Phrahartes/Der hat von stundt an seinen vater selbs getödtet/Desgleichen xxix. seiner brüder/auch schon er seiner eignen kind nit/Er ließ all sein öbristen herin(das sy in vmb seiner laster willen vngünstig waren) vmpfingen. Vnd damit gar niemants vorhanden were/den man ein künig neuen möcht/da ließ er sein eignen manparn sun auch tödten. Disen künig hat der Keyser Antonius mit xvi. legionen vberzogen/darumb das er wider in vnd den Keyser Augustus iren feinden(wye obstehet) beystand gethan het/doch nam er in vil streyten so grossen schaden/das er wyder auß Parthien fliehen müßt. Von disem syg ist der künig Phrahartes noch vil vbermütiger wordenn/Vnnd als er gegenn den seinen vil grymmiger sachen volpracht/hatt man yhn auß dem lande inn das ellend veriaagt. Da er nu lang die nechsten stett vnd auch die Scythier vmb hilff angerufft/haben in die selbigē mit grosser macht wider in sein künigreich gesetzt/In seynem abwesen haben die Parthier ein andern künig gesetzt/Tyridates genāt. Da der selbig hort wie die Scythier mit so grosser macht wyder in zugen/da wick er mit allen seinen freunden zum römischen Keyser(der zur selbigen zeit inn Hispanien krieg fūrt) vnd vberantwort dem Keyser den sun des vorgevantē Phrahartes/den er mit in hinweg gefūrt hett. Da diß der künig Phrahartes innen ward/da schickt er sein botschafft zum Keyser/vnd begert das er in seinen sun vnd knecht wyder zuschickē solt. Also hat der Keyser dise botschafft verhört/vnd dabey desvorgenanten Tyridates anligen auch vernommen/

men/der rufft den Keyser an/ im wider inn sein künigreich zů helfen/so wol
 te er sollichs vom keyser zů lehen empfaben/ vnd inen vnderthenig sein. Da
 rauff gab der keyser dise antwurt/das er den Parthiern den versagten künig
 Tyridates nit vberlüfern/auch ihm wyder die Parthier kein beystand thün/
 Vnd damit sy aber nit gar nichts an im erworben/hat er inen des künigs sun
 zů handen gestelt/vnd beuolhen/das man dem künig Tyridates (so lanng er
 bey den Römern pleyben wölt) ein herliche stand halten solt / Darnach als d
 Hispanier krieg ein end genommen/vnd sich der keyser inn Syrien vnd Orien
 tischen land gefügt/hat er damit dem vorgebantē künig Phrahartes ein gros
 se forchte eingestossen/Wann er glaubt nit anders dan der Keyser wol
 te in vberziehen/Darumb hat er all gefangne Römer in Parthi
 en versamlet/die von den heeren Cassij vnd Antonij gefan
 gen waren/vnd damit alle heer fenle vnd paner/die
 sy den Römern abgewunnen/dem Keyser zů
 geschickt/darzů im auch seinen sun vnd
 suns sun zů gysel geben. Dergestalt
 hat der Keyser mit der mech
 tigkeit seins sighaften
 namens vil mer er
 langt/dann die
 andern keys
 ser mitt
 dem
 schwerdt gewynnen
 mochten.

Das fließ.

Das XLIII Buch Justini
Von der statt Rom vnd Massilien/
 auch wer die gebawen hat/vnd irem vrsprung.



DJe weyl nu yetzund auch der Barthier vnd gar nach alle sachen die sich inn dem gantzem vmbkreys der erden vorab in Orient begeben/anzeigung haben so kompt diser Hystorien schreiber Trogus Pompeius widerumb heim/als zu der statt Rom/vnd vermaint / das es dem burger für ein groß vnd anckbarkeit zügemessen werden möcht/wo er aller völker vnd Nationen sachen beschreiben/vnd seins vatterlands vergessen oder geschweygen wurd. Darumb so begreiff er kurzlich den Römischen gewalt/damit er die maß dis wercks nit vberschreyt / vnn doch den vrsprung der statt Rom (als des haupts der gannzen welt) mit ein stillschweigen nit fürgieng. Nemlich so haben die ersten die inn Italien gewont/Aborigines geheissen/der selbigen König Saturnus/sagt man so from vnd gerecht gewesen sein/das vnder ime niemants gedient/vnd er für sich selbs nichts eygens gehabt/sonder das menigklich vnuerscheidlich alle ding inn gemayn genossen vnd besessen hab. Daher kompt es auch noch/das inn den Saturnalischenn festlichē tagē/die knecht mit den herin zu tisch sizē. Deshalbē so ist Italiē nach irs künigs namē Saturnia genant wordē/vñ der berg darauf Saturnus gewöt/drauf hat man yetzund dē Jupiter/der in vertribē/dz Capitoliū gepawen. Nach disem sagt man das Faunus regiert/vnder dem der Luander auß Archadia/

Archadia/die statt Palanteam gebawen/der mit wenig volcks inn Italien
 came / dem gabe der König Faunus den berg vnnnd die lanndtschafft da-
 rumb gelegenn eynd/der demnach Palantium genant ward. Vndenn am
 selbenn berge bauwet er den tempel Liceo/den die Griechen Pana nennent/
 vnnnd die Römer Luperum. Die bildnus des selben Abgotts ist mit eyner geist
 haut vberzogen/vnnnd pflegt man auch sezt inn der selbenn kleydung dye
 spyl vnnnd sezt zebegan. Faunus hett ein gemahel/ die hieß mit ihrem na-
 menn Fatua/die was stets ihm geist entzuckt/als ob sye ein nerrin were/
 vnnnd warnet also vor künfftigenn schäden. Darumb sagt man noch / das
 die mit narren werck vmbgand/die also weys odder warsagen/vonn dyser
 dochter Fauni / vnd Hercules (der zur selbennzeit die ochssen von dem kün-
 nig Gerion erobert durch Italien treyb) ward geporn Latinus. Da dy-
 ser Latinus das Keych innhielt/kame Eneas von Troia/das die Griechen
 gewonnen gehebt/inn Italien/daselbs ward er mit streyrt angefochtenn/
 Als er nu seyn heere auch inn die ordnung gestelt/vnnnd ihn der König La-
 tinus an ein gesprache erfordert/hatt er ihm so wol gefallen/das er ihn zu
 einem gefellen annam/vnnnd gab ihm Lauinia sein tochter zu eyner gema-
 hel. Darnach haben sye beyd wider Turnum der Rutilorum König ge-
 stritten/darumb das im Lauinia nicht zu einer gemahel worden. In dem
 selbenn streyt kamenn Turnus vnnnd Latinus vmb/vnd als Eneas nach sigs
 vnnnd kriegs recht vber beyde lannd regiert / da hatt er nach seyner gema-
 heln namenn die statt Lauinia gebawen. Demnach hat er gekriegt wi-
 der Mezentium der Etrusciere König. Vnd als er inn dem selbenn krieg
 vmbkommen/ist Ascanius seyn sun zum reych gestanden/ Der hatt die statt
 Lauinium verlassen/vnd die statt Longam Albam gebawen/die demnach
 dreyhundert iare des Keychs hauptstatt gewesen ist. Vnnnd also nach vil
 Königen seind inn dern auch König worden/Numitor vnd Amulius. Aber
 Numitor ist vonn dem andern vmbpracht / vnnnd des dochter Rhea/inn
 ewige keuschheyt getrunngen / das keyn mannlich geschlecht vonn ihro ge-
 poten / daruon der vmbpracht Numitor gerochenn wurde. Deshalb
 schloß man sye ein inn dem tempel Martis/daselb hatt sye zwey kinnde ge-
 potenn. Doch weyst man nicht/ob das vonn dem selbenn Gott Mars od-
 der yeman andern beschehen. Daruon ist der König erschrockenn / vnd
 hieß also die kindlin hinwerffen/vnnnd die mütter inn eysenn schlagenn / da-
 rinn sye starb. Das glück hatt aber dem Römischen vrsprung fürdernus
 geben/das die kind vonn einer wölffin geseget vnnnd generet wurdenn.
 Wann als die ihr junge wölffin verloren/da hatt sye den jungen kindlin
 ihre volle dotten eingefenkt zesaugen. Vnnnd als sye zum offtern mal zu den
 kindlin keret die zu seügenn/als ob das ihre junge wölfflen weren/ des nam
 der hirt Faustulus acht/vnnnd nam die kindle / die zoch er vnnnder dem vych
 auff / vnnnd meint man nicht anders / dann dise kind seyen vonn Mars ge-
 poten/die weyl die vonn einer wölffin (die dysen got sonnderlich zu geeyg-
 net) ernet waren. Das ein kind ward Remus/das ander Romulus gnant
 Da sye also vnnnder den herten erzogenn/sint sye vonn tag zu tag/se sträfeler

Das XLIII Buch

443

4603

vnnnd freydiger worden/darumb als sye dye rauber zum dyckern maln abgetriben/vnd jr vych von ihnen beschyrmpt/ist der vorgeant Remus von den raubern gefangen worden/vnnnd warde dem König vberantwort/als ober eyner rauber were/vnnnd des Königs heerd dychs beraupt hett/vnnnd gab yhn dem vorgeant Amitor zu straffenn. Der erparmet sich aber vber den jüngling/vnnnd gedacht yhm auch nach/woye seyner tochterkind/nach der zeit seyner alters verschickt/auch woye seyn sohn vnnnd gestalt seyner tochter ähnlich weren/In dem kam eben der hyet Faustulus/sampt dem andern brüder Romulus/vonn dem ersfür er der jungen herkommen. Darumb pflychten sy sich zamen yhr mütter tode zurechen/vnnnd Amitor seyner verlornen Königreychs/das sy den König Amulium erschlugen/vnnnd irem Anherm das Königreych wyder eyngaben. Daselbs ist die statt Rom vonn dysem bawden erpawen/vnnnd ward der Römisch radt von hundert alten mannen besetzt/dye man die vätter nennet/vnnnd seynd der Sabiner junckfrawen von yhnem geraupt worden/die weyl nyemants von der nachpaurschafft den hyeten weyber geben wolt/darnach wurden yhr nechst nachpawen bezwungen Vnnnd zum ersten haben sye dye herrschafft inn Italien/vnnnd gleich darnach inn aller welt gesücht. Zu den selben zeyten haben dye König für yr Kron vnnnd Zepter eyne Spehr getragen. Wann vor alter zeyt hat man die Spehr für die Götter geeret/darumb man dann noch zur zeyt den Byldern Spehr inn dye hende macht. Item bey den zeyten des Königs Tarquinij / da seynd vil junger männer von den Phocensern ausser Griechen zu der Tyber zu geschiffet/vnnnd habenn mit den Römern freundschaft gemacht. Demnach seyndt sye mit yhren schiffen gefaren inn eyn schos des Meers / an den eussersten enden inn Gallia/vnnnd habenn daselbs vnder den Liguriern (als den aller fraydigsten vnder den Welschen) dye statt Massilien gebawen/vnnnd grosse sachen volpracht/inn dem sye sich vor den Welschen beschyrmten / vnnnd sy geschediget/dye sye vorhin angryffen hettten. Dye Phocenser wurden getrungen von vnfruchtbarkeyt wegen ihres lands/das sy das meer vil prauchen müstenn/mit vischen Kauffmanschaz/vnnnd mit dem meerraube/das zur selbenn zeyt eyne grosser rhüm was / damit eruereten sye sich / vnnnd kamen also inn dye aller eussersten ende des Oceanischen Meers gegen Gallia dem Welschland zu/da das wasser Rhodan inn das Meere laufft/ Daselbs sahen sye so eyne schöne wunnfsame gegne/darumb füren sye wydder heym / vnnnd zaygten das an. Damit bewegten sye yhren vil mit yhnem züfaren. Dye obersten dyser Heersart waren Furius vnnnd Peranus genant/vnnnd kamen also miteynander zum König Segoregiorum / der hyesse mit namen Senarus / vnnnd begereten mit yhm freundschaft zu machenn / vnnnd eyne Statt inn seynem Königreych zu bawenn. Also begabe sych vonn vngewerde / das der König auff den selbigen tage seyner tochter eyne man geben wolt / wellichenn sye dann nach des Landes gewonheyt / vnnnder allenn geladenen Gesten begerenn wurde. Da nun dye Griechen

dyse Gryechenn auch zū tische geladenn seinndt / vnnnd die Juncckfrawe / des Königs dochter inn den Sal (darinne die gest sassenn) geführt wordenn / vnnnd bescheydenn ist / das sye dem das wasser biertenn solt / den sye zū ey nem gemahel habenn wölt. Da lief sye alle heimischenn syzen / vnnnd fetz ret sich zū der Griechen herin Perano / dem bote sye das wasser. Also warder dyser Peranus auß einem gast zū des Königs dochterman / vnnnd erlanngt deshalb leichtlich vonn yhm die gegne / dahyn er die stat bawet. Auff dyse meynung warder die stat Massilien gebawen / bey dem port da der Rodan inn das meere laufft / inn eyner weythen schos des meeres / gleych als inn eym winckel. Aber die Ligurier vergontenn den Griechen yhr glück / da sye sahen / das die stat so größlich zunam / darumb haben sye die mit staten kriegenn bekümmert. Die habenn sich aber dermaß gegenn yhnen erwert / das sy inn ihr Landtschafft vil burger gesetzt. Von demselben habenn die Welschen noch eins südlichern lebens / gelernt / das sye yhre stett auch mit mauren umgabenn. Der zeyt siengenn sye auch an nach dem gefaz vnnnd inn gütter ordnung zū lebenn / auch weynreben vnnnd ölbeum zū pflanzenn / vnnnd habenn die leut ihnn der art so scheynlich zūgenommen / das man nicht allein vberschlag / das die Griechen inn Gallia kommen / sonder vermeintenn das Gallia / das Welschland / inn das Griechen land verwandelt were. Da aber der König Senanus gestorben ist / der yhnen den plaz eingeben hat / die stat darauff zebawen / daregirt sein sun an seyner stat. Zū dem selbigenn sagt seyner dyener eyner / das die stat Massilien den nechstenn nachpauenn zū großem schadenn reychenn wurde / darumb were noch das man die zerstört / ehe dann dye noch mächtiger wurde / vnnnd zaygt ihm darmit die exempel an / wie auff ein zeyt ein hüntin groß mit sunnen gieng / darumb begert sye vonn einem hirtten ihr umb ihr gelt plaz zū ginnen / da sye yhre sunnen machen möchte. Da sye das erlangt / hatt sye weytter gepetenn / das er sye ihr jungen hündlin an dem ende lief auffziehen vnnnd neeren. Da nun die sunnen hündt erwachsen / vnnnd yhr mütter beyßenndig gewest / sprach die hüntin / der plaz were yhr / vnnnd gehöret yhr vonn rechts wegen zū / dann sye were des inn besitz. Des gleichen würdenn sich die von Massilia auch halten / die yetz unnd innwoner vnnnd vnderthanen weren / die wurden künfftigs herren werdenn des lands. Mit dysem radt warder der König beswegt / das er vnderstünd die stat mit lysten zū gewynnen. Darumb als sye ein hochzeytlichen tag begiengen / da schickt er etlich trefflich vnd manlich leut in die stat / darzū lief er sunst vil volcks auß wägen mit hew bedeckt darein führen / vnnnd hielt er verporgenlich mit seinem heere hinder den nechstenn pergen / das er den seynenn inn der stat zū nacht zū hilffe kommen / vnnnd sein anschlag vollstreckenn möchte / dieweyl noch all menigklich mitt weyn beladen / vnnnd ihm bestenn schlaff were. Disen anschlag hatt aber ein fraw (die dem König verwant) gewist / vnnnd eröffnet. Vnnnd nemlich / so was sy einem Griechischen jüngling hold / vber den sye sich erparmt /

Das XLIII buch

das er mit sampt andern vmbbracht werden solt/darumb entdeckt sy im den anschlag/vnnd rieth im/das er sich zu angesetztter zeit nicht inn der statt finde lief. Der selbig jungling gieng vonn stund an zu der meisterschafft/vnnd hielt yhnen dis für. Wie nu das dermaß fürkommen/ist alles volck der Ligurier inn der statt angenommen vnnd gefangen/auch wurden die anderen auß dem hew vnnd pinzen ersfür gezogen. Da sye dise all erschlagen/haben sy dem König erst die recht fall zu gericht/also das mit dem künig auß vñ. tausent vmbbracht wurden. Darnach habenn sye allwegen auff jr fest tag yhr stattporten zu geschlossen/vnnd an all ort sondere hüt vnd wach gestelt/der gleichen wargenommen/was vonn frembden leütten inn der statt gewesen ist/vnnd haben nicht anders sorg gehebt/dann als ob sye von den feynden belegert weren/das haben sye im fryden für vnnd für gethann/vnnd zu keyner zeit vnderlassen. Demnach haben sy grosse krieg wider die Ligurier geführt vnnd die Gallier/das dann alles der statt nutz vnnd der Griechen manheit vnnd lob gemeret. Sye haben auch zum offtern malnder Carthaginenser heer vberwunden/vnnd mit ihn fryden gemacht/auch mit den Hispanischen friden gemacht/vnd haben gegen den Römern gar nach von anfang der stat treu vnnd glauben gehalten/vnnd seindt ihnen inn allen kriegem mit höchst fleiß bey gestanden. Dis hatt ihnen grossen nutz vnnd frommen geschafft/das sye dadurch vonn ihrer feinden deßter minder beschediget wurden. Inn dem nu die statt Massilien dergestalt/mit dem rüm vnnd lob irer volpracht gethaten/auch mit vberflüssiger reychtumb vnnd macht großlich zugenommen/da haben sich all jr nachpauern zusamen gefügt/die statt zu schlaffen vñ zu zerstören/vñ gar zu vertilcken/als einen gemeinen prand. Vñ den selbigen ward zu hauptman erwelt Caramandus d künig/dz er mit ein mechtige heer die stat belegern solt. In der selbigen nacht kam im ein gesicht für/Nemlich ein weisbild mit eym zornigē angficht(die sich sagt ein göttin sein)die erschreckt inen dermassen/das er mit den von Massilien ein fryden macht/auff solchs begeret er sich inn die statt zu lassenn ihren Götteren zu opfferen. Da er nun inn das schloß der Göttin Minerne kam/vnd ob der porten die pylidnus gesehen/hat er von stund an gesagt/dis ist die pylidnus/die mich in diser nacht erschreckt/hert im auch befolhen/von der belegerung abzuweichen/darumb lobt er die Massilier/das die Götter für sy sorg vnnd hüt hetten/Er gabt der Göttin ein Guldine ketten/vnd macht ein ewigen friden mit inen. Da die Massilier dermaß zu friden/vnnd jr bottschaftten von Delphos wider heim kommen seind/die sy mit iren gaben dahin geschickt/da haben sye gehört/wie die Welschen die statt Rom gewoñen vñ verprañt/darumb sy ein groß leyde vñ mit leiden mit in getragen/vnnd versamleten darauff vnder inen selbs alles Gold vnnd Silber/was die gannz statt vnnd all burger vermochten zu erfüllung der summen/so die Römer den Galliern gebenn müßenn/sich vonn yhnen zu lösen. Umb dyser freundschaft willenn/hat sye der Römisch radt ganz frey erkannt/darzu ein ehren syz inn ihrem spylhaus verordnet/

verordnet/vnd vber das alles ein gleyche freuntschafft mit inen beschlossen.

Inn dem letstenn büch zayget Trogus Pompeius an/das sein vordern

von den Volsais yhren vrsprung gehept/Item das sein großvatter Tro-

gus Pompeius / inn dem Sertoryanischenn krieg/vonn Tu. Pom-

peio zu burger gemacht/Item das seins vatters brüder inn

dem Mithridatischenn kriege/vnnder dem selbigenn

Pompeio ein Hauptman gewesen sey/vber

ein hauffen raysiger pferde/vnnd das

sein vatter Caio Cesare gerey

set/vnnd vnnder dem

selben sein Ritter

schaft geübt

hab/

auch ein verfeher sein müssen/die Les

gionen zu speisen/auch des Key-

sers Secret vnnd dau-

men ring zu be-

waren.

V ij

Das lüch



Das XLIII vnd letzte Buch Justini.

Von dem land Hispanien/vnnd seyner gelegenheit/vnd Rünigen.



D Jeweil nu das land Hispanien dye
eussersten ende inn Europa beschleüßet/so soll das auch ey-
n end des büchs sein. Die eltern haben dis land zum ersten vō
wasser Iberus her Iberia genennet/darnach ist das vonn
Hyspalo Hispania geheysen. Es ligt zwyschen Affrica
vnnd Gallia/an dem Oceanischen meer/darmit vnnd auch dem Pirenische
byrg wirt dz beschlossen/vñ gleich wie das kleiner ist dann Welschland/oder
Affrica/also ist es auch fruchtbarer/dann die andern land alle baide. Wan
es ist nicht so eines harten rauhen erdtrichs/als Affrica/darzu seindt nicht so
scharpff vnnd stätte wynd darinn/als inn Gallia/sonder ist eines mittelme-
sigen gütten temperierten wetters/von sensstern warmen wynden vnnd re-
gen. Alle frucht seindt darinn wachspar/also das sy nit allein den Landt-
fessen gnügig/sonder auch dem Italien lande/vnnd der Stat Rom/all not-
turfftig ding vberflüssig zu bringt/daraus hatt man grossen vberflus vonn
koren/weyn/honig/vnnd öl/darinn fyndet man nicht allein einerlay/sonder
von schnellen lauffenden pferden gantz herden. Es ist auch nicht alleyn
das obertheyl des erdtrichs vnnd boden/darinn von seiner gütte wegen zu
loben/wann es seyndt darinn inn den rauhen gepyrge vonn Metal grosse
reichtumb.

reychthumb. Item darinn wechset vyl flachs/Sparten/vnnd ist sunst keyn erdtrich/darinn man mehr Mynie fyndet. Darinn seyndt auch vil schöner wasser/die lauffen still daher ohn allenn schadenn/damit wirt der bodem erfeuchtet/vnnd seyndt auch vischreych/Dern etlich flözen gold. Da so stoß das Gallier Welschland an eyner seyten an das Pirenisch gepyrge/Das vberig theyl inn Hispanien wirt sunst zu ringg vmb mit dem meere vmbzogen. Ander form ist das landt garnach viereckecht/anders dann das es vom meer her/zum Pirenischen gepyrge zu/ettwas eyngezogner vnnd enger ist. Wann die lenge des Pyrenischen bergs/zeucht sich auff sechs hundert tausent schryt. Der woltemperiert lufft vnnd hymel ist allenthalben inn Hispanien gleich. Darinn seyndt keyn pfüzenn noch möser/darvon stinckende nebel entstan möchten/Zu dem kompt ihnen auch zesteur die starckenn meer wind/die entziehen alle winnd auß dem lande/vnnd machenn ein gesunde wonnung darinn. Die menschlichen leib seyndt geschickt hunnger vnnd arbeit/darzu das gemüth den tod zeleydenn/Vnnd füren alle ein hartes kindischs leben. Sye begern mehr zu kriegenn/dann rüwig vnnd müßig zesein. Wo sye kein aufwendigenn feyndt habenn/so süchenn sye ihm lande einenn/Sye sterben ehe an der marter/dann das sye ein häling sagten. Desgleychen bewyß ein knecht seinem herin inn dem Carthaginenser krieg als der seinenn herren gerochen/hatt er an der marter gelachet/vnnd also mit frewden der peyniger arbeit vberwunden. Dis volck ist inn allen sachen schnell vnnd behend. Sye seyndt eins fraydigenn vnruwigen gemüthes. Ihr pferd/harnisch vnd geweere habenn sye lieber dann ihr eigenn plüt. Sye prauchenn sich kainer wirtschafft noch gastung/dann an hochzeitlichen tagenn. Nach dem andern krieg widder die vonn Carthago/haben sye erst vonn den Römern gelernt/in warmen wassern zu baden. Inn langer zeit habenn sye kein mechtigern fürstenn noch Hauptman gehept/dann den fürsten Viriatum/der die Römer wol zehen jarlang mit vilfaltigem sig gemüdet hatt. Also eins fraydigen hartenn gemüths seind sye/das es den wilden thieren gleicher ist dann den menschen. Den jetzgenanten Viriatum hatt das Hispanisch volck zu keinem herin erwelt/aber die weil er so ein theurer geschickter man was/da volgtenn sie ihm nach. Er hatt auch so grosse tugent vnnd manheit an ihm/das er der Römischen burgermeister heer/stettigs vberwunden/vnd hat inn den dingen allen sein harnisch vnnd kleid/auch sein speiß nicht verändert/sonder ist für vnnd für inn dem kleid piben/darinn er zum ersten ansieng zestreitten/also das ein jeder schlechter kriegsman köstlicher gieng/dann der öbrist Hauptman. Item inn der gegne inn Hispanien/die Lusitania heist/sagen vil historien schreiber/das die pferd vnnd stüthen vom wind empfaben ihre jungen. Dise fabel hatt man nemlich darauff genommen/das die roß vnnd stüthen der emnden so fruchtbar seyndt/vnnd sagen die Griechen gemeinlich/das die pferde inn Gallitien vnnd Lusitanien/so einnes schnellenn lauffes seyndt/das man nichtt vnbequemlich sag/das sye vonn dem winde empfangen werden. Die Galleci sagen/das sie ihren vrsprung von den Griechen her haben.

Das XLIII vnd letzte buch


Wann nach dem Troianer krieg/als Teücer der brüder Niacis/der im kriege vmbkam/on seinen Brüder heym kommen/ist er vonn yhrem vatter Telamon aufgeschlagen/Darumb für er inn Cypren/vnnd barwerdasselbs ein stat die nennet er nach seinem vatterland Salamina. Demnach als er hoirt wye sein vatter gestorben/ist er von Eurifaces (als er wyderumb heym gefaren) der seins brüder Niacis gewesen abgetrißen/vnnd an das Hispanisch portt gestossen/an dem end da yezund die newe Carthago stat. Darnach in Gallen geruckt/dasselbs plyben/vnd dem volck den namen geben. Dise gegne hat vil ärg vnnd pley/defgleichen von Miny/das auch dem nechsten wasser den namen geben hat. Von gold ist das land so reych/das man zum offtern maln mit dem pflüg etlich gold klozen/vnnd schellen erfür pringt. Vnder dysen volck ligt der heylig berg/den man mit keynem eyfen anrühren darff. Aber so sich das erdtrich auffschrundet (wye dan der enden zum offer mal geschicht) so wirt das golde da von entdeckt/vnnd laßt sich on all arbeit fynden/als eyn gabe von Gott beschert. Dye frawen die versehen das hauf vnnd den feld bar/vnnd geben sich die mann alleyn auff den raub vnnd kriegshandel. Sy haben auch ein sondre art von eyfen darinn/doch ist das wasser vil scherpffer dann das eyfen/Wann mit dem selben wirt das eyfen geherttet vnd berayt/Vnnd machen nemlich kein spießeysen noch gewer/das sy nicht inn dem wasser Bilbelis erherren vnd stäheln. Item inn den wälden Carthesium da rinn man sagt/das Titanas wydder dye Götter krieget habe/da wonen dye Curetes/ Der selbigen König Gargoris hatt zum ersten erfunden/wye man den Honig samlen soll. Da dem selben König seyn eygne tochter eyn sun gepare/begeret er das kind vmbzepingenn/wann er schampt sich der begangnen miset hat/sedoch so hat das glück diß kinde inn all weg behütet/vnd kam zu letzt auß aller not zum Königreych. Zumersten hieß er das kind inn eyn eynöde vnnd wyltnus legen. Vnnd als er vber etlich tag das todt kindle wyder süchenn lief/da funden sye wylde thyer bey dem kindlein das seügen. Demnach lief er das kindlein inn eyn engen weg werffen/dadurch das vyhe geen müß/das doch eyn grym mordstucke was/das er Begeren solt/das seyn kind vnd kinds kind von dem vch zertretten werden solt/so er ihn sunst wol eynes schlechten tods getödt haben möcht. An dem ende ist das kinde auch vnbeschädiget plyben/vnnd darauff den hunden fürgeworffen/denen mann etlich tag nicht essen geben. Darnach den schweynen. Wie sy aber das kind vngeschädiget gelassen/haben sye auch das mit yhren dütten geseüget. Zu letzt hatt er das kind auff das meer werffen lassen/da ist das kinde mit offener Gots hilff behüt worden/das es zwyschen den wällen/gleich wye inn eym schiff lin dahin für/vnnd ward an einer grossen wildnus an eym seyhen port leichtlich aufgestossen/vnlang kam ein Hynd eins Hirzen/vnnd erpot dem kindle sein eüter zu saugen. Mit dem aber das kind in beywohnung seiner nererin bliben/vnd dem thier vmb seiner narung willen angehangen/ist das wunderparlich schnell worden zu lauffen/wann es wüchs auff vnnder der wilden heerd der hirzen/das es nicht mynder schnell was berg vnd thal zulauffen

zelauffenn dann die hirschen selbs. Je zů letzt warde der knabe mit anderem wildpret inn wiltsaylen gefangen / vnnnd dem Kůnig zů eyner gaben geschenckt. Der erkant nun nach aller gestalt vnnnd form / das er seyner dochter vnnnd sein kinde gewesen. Darumb vnnnd als er sich des verwundert / wie er doch so grossen vnfall entrynnen mögenn / hat er gedacht / diß also Gotts will sein / vnnnd ihne darumb nach ihm zů eynem Kůnig vordnet / vnnnd yhn Habidis genennt. So bald er angefangenn zů regieren / da hatt er sich darinn so grofmehrighlich erzaygt vnnnd bewysenn / das man spůrenn müß / das ihn Gott nicht vmb sunst auß dyen seynenn tods nöten geholffen het. Er macht dem groben volck ordenlich gesetz / vnnnd leret sye zum erstenn die ochffenn inn das joch vnnnd pflüg spannen / vnnnd das erdtrych mitt dem pflüg bauwen / vnnnd darein zůseen / vnnnd lert sye die zammenn frucht zů messen. Man möchte wol diß Kůnigs sachen für ein fabel dicht vnnnd merlin halten / wo nicht die stifter der statt Rom vonn eyner wůßsin / Cyrus der Persier Kůnig vonn einem hundert / erneret werenn. Vonn dysem Kůnig ist seyn vnderthanen gepotenn kein dienstlich wercke zethůnd / vnnnd hatt sy damit inn sybenn stette aufgetheylet. Nach dem tod des Kůnigs Habidis / ist das Kůnigreych vyl hundert jar inn seyner erbenn vnnnd nachkommenden handt piben. Sodann in dem andern theyl inn Hispanien / darinn die Inseln seindt / dasselbig hatt der Kůnig Gerion inngehalten / Darinn ist so feyst vnnnd gůte weyd / das man das vch mit gewalt darvon treyben müß / sy zersprāngenn sunst. Daher seind die ochffen des Kůnigs Gerions (die zů den selbennzeytten alleyn für reychtumb vnnnd ein schatz geschetzt wurden) die seind so schön gewesenn / das Hercules bewegt ward auß Asien dahin zů ziehen / vnnnd die hinweg zůfaren. Man sagt auch / das der selbig Kůnig Gerion / nicht ein dryfache natur an ihm gehept / wie dann die fabeln vonn im angezeygt haben / Aber der brůder seint drey vnnnd so einhellig gewesenn / das sye all drey mit einhelligem willenn regierten. Auch habenn sye den Hercules nicht gekriegeret / dann das sye verloren gehept / mit krieg wydder gewynnen wůltenn / Demnach seint die vonn Carthago die erstenn gewest / die inn Hispanien regiert. Wann als die Gaditaner dem Hercules (wie ihnen im traum fürkam) sein bildtnus von der statt Tyrus her inn Hispanien prachten (daher dann die von Carthago auch yhren vrsprung genommen) vnnnd also jr statt an dem ende bauwten / da verdroß die nechstenn vólcker inn Hispanien / das der Gaditaner statt so vast zůname / darumb griffen sye die mit krieg an / Die selbenn rűßten die vonn Carthago ihr lanndsleut vmb hilffe an / die sye ihnen zůschickten / vnnnd beschirmtenn die nicht allein / sonnder prachten den größeren theyl des lannds inn ihren gewalt. Darnach schickten sye yhren Hauptman vnnnd Burgermeister Hamilcar / mitt einnem mächtigen heere widerumb darein / das lannd volß vnnnder ihren gewalt zepringen / der volprachte grosse sachen darinn. Vnnnd als er sich zů letzt vngewarfamlich hielte / da warde er vonn yhnenn erschlagen. Also warde sein

Das XLIII vnd letzte büch Justini.

de sein tochterman Asdrubal an sein statt dahin geschickt / der ward von
eynes Hispaniers knecht (dem er seynenn herrn vmbpracht vonn vnschulde
wegen) auch vmbpracht. Denen folget nach der Hauptman Hannibal / der
sun Amilcars / der thet mer dann die vorigen beyde / vnnnd bezwang Hy-
spanien gar. Demnach für er inn Italien / vnd krieget die Römer
wol Sechzehen Jar lang. Dazwischenn habenn dye Römer
die Scypiones inn Hispanien geschickt / die habenn dye vonn
Cartago auß Hispanien vertriben / vnnnd demnach
mit den Hispanischen schwere krieg gefüret / vñ
haben doch sollichs mit ganz zwingen mü-
gen / vnz das der Keyser Augustus /
nach eroberung der ganzē welt
mit einer grossen macht zu
inen kam / der gab inē
erst rechte gesetze /
vnd ordnet sye
zu einer pro-
uincen.





134905
KK
JAXXZ-W

